



10 82

A V. 19

Nos animorum nostrorum  
Medicō multum egere  
video. S. Franc. Xaver.  
l. 2. ep. 4.

Handwritten text, likely bleed-through from the reverse side of the page. The text is mirrored and includes the following lines:  
1. *... ..*  
2. *... ..*  
3. *... ..*  
4. *... ..*  
5. *... ..*

CA  
M

M

DR

...

...

...

...

Co



CAROLI SCRIBANI

E SOCIETATE IESV

MEDICVS

RELIGIOSVS

DE ANIMORVM MORBIS

ET CVRATIONIBVS.



MONASTERI VVESTPHALIAE,

Apud Michaëlem Dalium.

ANNO M. D. C. XX.

Cum Sac. Cas. Maiestatis Privilegio.

*Congr. Eremitar. Amatoulen*

*Ex Libris Monach. Reg.  
ad Amatoulen*

IN PRÆNOBILIS  
BRABECKIORVM  
FAMILIÆ INSIGNIA.



I.

Nobilium ostentant si præsca Insignia mores,  
Quaę latent animis condita pacta notant:  
Quis Brabeckiadum manifestior arguet index  
Pectora, quàm præsens arguit ista stylus?  
SPES & AMOR, calię FIDES innixa columnis,  
Debentur Supero terna trophæa Patri:  
Sed tribus hac Vncis tria soluit nomina BRABECK,  
Et trahitur curuo dente, trahitę Deum.

II.

Terram homo corpus habet, sed mentem calitis aura,  
Terram illud, calum hac, pro statione petit.  
Quã graphicè in BRABECK utrūę abluditur Vncis,  
Dum petit una solum, pars petit una polum.

ADMODVM REVD<sup>o</sup>, PRÆNOBILI,  
ET AMPLISSIMO DOMINO,

D. ENGELBERTO

à BRABECK,

CATHEDRALIVM ECCLESIA RV M

MONASTERIENSIS ET SPIRENSIS

CANONICO,

VETERIS D. PA VLI

PRÆPOSITO,

SERENISS. PRINCIPI

FERDINANDO

MARCHIEPISCOPO ET ELECTORI

COLONIENSI,

EPISCOPO MONASTERIENSI,

VTRIVSQVE BAVARIÆ DVCI, &c.

à CONSILIIS,

DOMINO ET PATRONO SVO COLENDISS.

Q Vi se ad magna natos autumant  
Admodum Reu<sup>de</sup> & Prænobi-



lis Domine, magna auent, ambiunt,  
rapiuntque interdum antequam  
concedantur, dumque ruptis legum  
repagulis, ferro dictatore, & insolef-  
centis victoriæ arbitrio cuncta ex-  
pediunt, nimis inimica Rebus publ.  
consilia præcipitant, victis pauen-  
da, victori verò etiam poenitenda.  
Multa hæcenus tali catastrophæ in-  
ter colluctantes populos fatali quo-  
dam æstu quassantur & gliscunt im-  
peria, & pertæsa tranquillitatis re-  
gna mutuis funeribus & cladibus  
tremiscunt, omnem medelam dedi-  
gnata, nisi ensibus fatigatis, nisi san-  
guine ruinâque sepultris qui exitium  
aluerunt. Et tamen bella bellis, en-  
ses ensibus, phalanges phalangibus  
medicina sunt; cumque docta ratio  
succubuerit, sæpe vis & fortitudo  
militaris detumescentes animos ro-  
bore, ingenio, stratagematis & belli-  
ca virtute quasi medica quadam ar-

te

Bien A V. 19

te triumphat. Et ne qua virtuti laus  
desit, hæc ipsissima est Nobilium  
gloria, quæ etiamnum per tot sæcu-  
lorum traduces ad seram posterita-  
tem manat ac pertinet, heroicarum  
mentium & fortiter ac præclarè fa-  
ctorum testis. Cum regnis simili  
quodam fato religiosorum familiæ  
quandoque fatiscunt: quæ initio  
quidem omni opinione maiores, de  
extrita vitiorum rubigine, de edo-  
mitis affectibus illustre trophæum  
statuebant, suo illo gubernandi mo-  
do vel ipsis regnis potiora: Verùm  
vbi Affectus postliminio rerum po-  
tiri occeperint, & triumphatæ ha-  
ctenus Cupidines ad negatas habe-  
nas, quasi per cuniculos, lentè subre-  
pserint, erubescit inter distortos  
mores pietas, & euigoratus procliui  
mollitæatque ignavia animus, dif-  
ficiliaque quæ pulchra exosus, sen-  
sim lentescit. Tantusque ipsam me-

dicinarum tabernam morbus fune-  
stat, ne dicam incestat, vt vix nedum  
medicam manum ferat, vel vno lau-  
dabilis, si contra praesides melioris  
notae calcaneum leuare erubescat.  
Huic inimico malo, de tenuiculis  
& leuiculis quibusque initijs protu-  
beranti, & in atrox Catholicae Rei-  
publice vlcus maturescenti, saluber-  
rimis consiliis occurrit hoc libro R.  
P. Carolus Scribani, vir de palae-  
stra Catholica iuxta ac literaria pro-  
lixè & optimè meritis: cui cum ad  
desideratum suum finem hosce  
meos opitulares typos authorarem,  
debito obsequendi studio Tuam  
Reuerendam admodum & Praenob.  
Dominationem huic libro Patro-  
num iure ac merito destinaui. Vide-  
bam enim sedere Te ad gubernacula  
Reipub. quam pro tua singulari pru-  
dentia consiliis quotidianaque sol-  
licitudine curadam suscepisti; mul-  
tis



ne-  
um  
au-  
ris  
at.  
lis  
tu-  
ei-  
er-  
R.  
æ-  
ro-  
ad  
ce  
m,  
am  
ob.  
ro-  
de-  
ula  
ru-  
ol-  
ul-  
tis

tis patriæ incommodis medicam  
manum feliciter admouere : bona-  
rum artium messem , quæ animo-  
rum medelæ sunt, tua insigni libera-  
litate patriæ oppignorasse : pendere  
ab ore tuo Reuerendos & Prænobi-  
les Collegas Tuos, nihilque Tibi ad  
Nestoris prudentiam , nisi triplica-  
tam ætatem deesse. Ne igitur ab offi-  
cio, debitaque obsequendi volunta-  
te exerrarem , libellum hunc Medi-  
cum, nobiliori medico, & consul-  
tissimæ prudentiæ orsum, Tibi tan-  
quam alteri Nestori nostræ Reipub.  
humiliter offero ac dedico. Non vt  
clarissimo tuo Nomini & nobilissi-  
mæ familiæ Brabeckianæ hac modi-  
ca face lucem adferre, sed vt sub tui  
Magnifici patrocinijs tutelâ, plus exi-  
stimationis Medico huic Religioso  
in vulgus accederet, & Tuo grauissi-  
mi Viri testimonio multi cederent,  
multique Te inhortante cupidius

voluerent, qui vitam moresque  
suos in exempla cæterorum trahi  
meminissent. DEVS Reueren-  
dam admodum & Prænobilem Do-  
minationem Tuam diu sospitem  
velit. Monasterij è Typographia  
26. Martij, ipso D. Ludgeri Proto-E-  
piscopi Monasteriensis festo, Anno  
1620,

*Admodum Reuerenda & Prænobilis  
Dominationis Tue*

*humillimus cliens*

Michaël Dalius Typog.

A D.

ADMODVM REVERENDO  
DOMINO  
AC PATRI  
ANTONIO  
DE VINGHE,  
ABBATI LÆTIENSI  
ORDINIS S. BENEDICTI.



Popondi. non fallo fidem. &  
non Christianum tantum, sed  
& Religiosum Medicum mit-  
to, animorum morbos, dama-  
na, remedia narrantem. Ride-  
bit aliquis ab hesterna schola, nupera arte-  
ria Medicum tironem. at mihi satis est, votis  
Tuis Tuorumque respondisse. Et nescio, an  
non maior, promptæ parentiæ, quam pru-  
dentis imperij laus sit. etiam inscitiam osten-  
tasse decus, si imperaueris. & non clarior  
gloria, infantiam quam eloquentiam pro-  
didisse ad imperia? in illa, è solo obsequendi  
studio, sperari laus potest, contemptus ab  
infantia: in hac facilis obedientia est, quæ  
laudem imperat, nec magnum est, in amico

imperio ceruices submisisse gloriæ, magnū  
est contemptui submisisse. hoc volui, illud  
non potui. laudem an merear, iudicij erit tui.  
Hoc dicam: parui, & imprudentiam prodi-  
di. De morbis scripsi, non inexpertus mor-  
borum, remediorum ignarus. addidi tamen  
remedia: non quæ ægros alienos animos ex-  
pleant, aut medeantur malis; sed quæ agræ  
scriptoris huius mēti commoda arbitrabar.  
Et sanè in morborum varia implicatione a-  
liquid mihi largiendum, cū morborum  
genus omne pectore hoc circumferam. dē-  
liū his obsessus, quā audax de genu pu-  
gnantis Magni Macedonis, in Sudracarum  
oppido, clypeus, totam hostilium telorum  
siluam circumferens. vt non iniuriā fides ha-  
beri possit morborum experientissimo, &  
ex se magistro, remedia ab alijs, ac magno in-  
primis Claudio Aquaiua veriū quam à me  
didici: vt cui crudi adhuc stent morbi. cer-  
tiora à Tua Tuorumque manu expectabo,  
ē Blossianis, non Galeni aphorismis. quod si  
feceris, & margines libelli huius, expertissi-  
ma manu tua medicamentis oppleueris; nā  
ego fortunatus, qui pellendis his animæ  
meæ morbis, testata medicabula repererim,  
cer-



certam valetudinem promittentia. Bea me  
hoc munere, & in omnem posteritatem ha-  
bebis Tuum, nouo hoc Tibi munere ater-  
num pigneratum. Vno hoc volumine tres  
libros clausi. primus Superiorum morbos;  
secundus inferiorum, tertius vtrique com-  
munes amplectitur. Nemo indignetur. me-  
os, non alienos, enarraui morbos, famæ hu-  
ius dominus, famam prodegi. & quis veter  
morbos suos omnium in circo oculis spe-  
ctandos, emendandos, præbere? non erui-  
besco ad aliorum aures, qui non erubui ad  
oculos magni Dei. nec pudet aperire, quod  
non puduit perpetrare. noxia enim vere-  
cundia est, quæ malum in interitum celat. felix  
confessio quæ in medelam mala prodit. hoc  
feci. & toto hoc volumine mentem legen-  
dam tradidi. nihil excuso. nec si velim, pos-  
sem. habeo nimis oculatum testem & iudi-  
cem pectoris huius, morborum, vulnerum,  
quibus saucia mens hæc Samaritanum ex-  
spectat, vinumque & oleum, è paterna ma-  
nu, matris vberibus; vt & vini acrimonia fa-  
niem tergat, & oleum fundentia vbera de-  
mulceant vt nouus homo, post vulnera,  
morbos, mortem rediuiuus; valentia mem-  
bra,

bra, sanguinis, coloris, & succi boni plena,  
diuinæ gloriæ, proximorumque salutis sacræ.  
precibus hoc Tuis Tuorumque spero. nec  
difficile erit, è diuite Blosiana nube, in e-  
marcidos hos animæ meæ campos fecun-  
dum imbrem depluere, & è locuplete illius  
apotheca nobilissima medicamenta, valetu-  
dini in integrum restituendę depromere. Ita  
facite magni Patris magna soboles, dignis-  
simi omnes tanti Parentis educatione; & ca-  
lidis vestris ad Deum orationibus animæ  
huius morbos pellite, valetudinem reddite,  
ita æternum vos tueatur magnus Deus: spi-  
ritumque noui Eliæ vestri Blosij, in nouos  
vos Elisæos, dupla felici fœneratione dif-  
fundat.

AMIC O

# AMICO LECTORI.



Orbos enarro. non quales annorum  
 experientia doctus in alijs obserua-  
 ui, sed quales viri varijs retro secu-  
 lis eruditione ac pietate non postre-  
 mi multis sparsim voluminibus,  
 pro re nata vulgarunt, qualesq; in vario Religioso-  
 rum aliorumq; hominum genere succrescere posse  
 arbitrabantur. quæ omnia in vnum hunc librum,  
 tanquam in vnum fasciculum conieci, quod prom-  
 ptius ad manum cum essent mala, essent & reme-  
 dia: neque tam mala cognoscerentur quæ sunt, quæ  
 quæ temporum procurso, & Religionibus ad deue-  
 xam caniciem, tanquam ad capulare quoddam se-  
 nium properantibus, suboriri possent. In futurorum  
 ergo magis anteambulam præcautionem, quàm in  
 presentium subsidium hæc scripsi. Sed neque in om-  
 nes cadere hæc mala possunt, neque eadem omnibus  
 medicamenta admouenda. quedam hic etiam in-  
 ter curationes præscripta, quæ cū nō vltimarum Re-  
 ligionum institutionibus pugnant; qualia sunt lo-  
 corum ac Superiorum mutationes. multa deinde  
 quæ in solidam ignorata, vt sepositi designatiq; cer-  
 ti per annum dies solis spiritualibus animorum ex-  
 ercitationibus donandi, recollectiones, annua voto-  
 rum



rum renouationes, binagq; per diem conscientiarum  
disquisitiones, particulares etiam vitiorum virtu-  
tumue diurne discusiones, aliagq; generis huius non  
pauca. Enarrare tamen ista volui, vt quibus hæc nō  
ignota, prodesse possent in medelam; quæ imitari e-  
tiam possent, quibus in hanc diem ignorata. Nemo  
verò morborum numerum miretur. quantos Hip-  
pocrates, Galenus, aliq; medicorum, corporum mor-  
bos tradiderunt? quanti q; super hæc exurgunt in-  
dies, veteribus, omnibus aded retro sæculis, ne no-  
mine quidem cogniti? Non minores animorū sunt.  
audeo. plures etiam, quo latior in animo quam in  
corpore campus, ac patentior area est. Iam vt nemo  
merito reprehendit medicos, morborum in vario  
sexu genera remediagq; pertractantes, laudat poti-  
us, cum in morborum nos cognitionem, fugam, me-  
dicationem manu quasi ducant: nec quisquam in-  
dignatur scribentibus, tanquam morborum suo-  
rum denuntiatoribus; amat magis, vt periculorum  
monitores. Sic neminem iure offendi posse arbitror,  
si animorum mala non tam quæ sunt, quam quæ  
subnasci possunt, remediagq; enarrauerim. nullorum  
hic vulnera. propalare animus fuit: sed in fugam &  
tutelam, quæ succrescere tanquam in fecundissimo  
zizaniarum solo, possent mala, designari, & anti-  
dota venenis addidi. vt indignari nemo possit, cona-

tum



tum potius laudare; & docto prudentiq; suo cala-  
mo, rudem hunc meum & imperitum, polire & e-  
rudire. quod totis animis voueo, repositurus in be-  
neficium, quidquid à quocunque amico calamo  
subministratum fuerit. summa etiam plerumque  
capita veriùs tetigi, ac malorum superficiē quan-  
dam rasi, res per capillum veriùs trahens, quàm to-  
to corpore pertractans. accedent doctæ manus, quæ  
publico bono, gaudio meo, fusiùs hæc certiusq; pro-  
spectanda dabunt. addentq; e felici ingenio, fortu-  
nataq; experientia sua plura in cognitionem &  
medelam. quo magis venerabor colamq; aterna be-  
neficium memoria, centupla in calis à Deo redhi-  
bitioe remetiendum.

SYL

LIBRI SECVNDI

# SYLLABVS CAPITVM

## LIBRI PRIMI.

CAP. I.	I	Ignoratio in Superiore muneris sui. fol. r.	
	II.	Ignoratio domesticarum rerum ac personarum.	7.
	III.	Ignoratio morborum subditorum suorū.	14.
	IV.	Ignoratio spiritualiter medendi.	21.
	V.	Neglectus in curandis suorum morbis.	29.
	VI.	Impatientia in inferiorum curatione.	36.
	VII.	Acerbior correctio.	41.
	VIII.	Paternæ gubernationis neglectus.	51.
	IX.	Exigua cura interni spiritus.	60.
	X.	Remissio in gubernando.	66.
	XI.	Facilitas & indulgentia nimia.	75.
	XII.	Dissimulatio in suorum malis.	85.
	XIII.	Studium placendi sibi subditis.	92.
	XIV.	Nimia in suorum aliquem fiducia.	99.
	XV.	Priuatæ necessitudines & amicitia.	107.
	XVI.	Defectus boni exempli.	114.
	XVII.	Executionis defectus.	121.
	XVIII.	Disciplina neglectus.	126.
	XIX.	Neglectus valetudinis suorum.	137.
	XX.	Nimia in hospites parsimonia.	145.
	XXI.	Inutilium personarum admissio & retentio.	154.
	XXII.	Negligens institutio nouitiorum.	160.

## LIBRI SECVNDI.

I.	Auersio à Superioribus.	176.
II.	Neglectus obseruantia erga Superiores.	183.

† Cu-

# SYLLABVS CAPITVM.

- † Curiosior inuestigatio imperfectionum Superiorum. 736
- III. Simulata & tecta conscientia explicatio & redditio. 189
- IV. Curiositas in indagandis, quæ gubernationem tangunt. 203.
- V. Obedientia neglectus. 202.
- VI. Obedientia è solo metu profecta. 210.
- VII. Excusationes. 217.
- VIII. Intercessiones. 223.
- IX. Laborum fuga, otij amor. 228.
- X. Studiorum neglectus. 236.

# LIBRI TERTII.

- I. Orationis neglectus. 143.
- II. Ariditas & in oratione distractio. 260.
- III. Neglectus lectionis spiritualium librorum. 271.
- IV. Examinis diurni neglectus, aut perfunctoria conscientia discussio. 278.
- V. Tepiditas in ijs quæ spiritum tangunt. 290.
- VI. Mortificationis neglectus. 313.
- VII. Regularum etiam minimarum neglectus. 320.
- VIII. Silentij transgressio. 331.
- IX. Aberratio ab instituto in rebus pijs. 341.
- X. Auersio aut vniuersim ab instituto, aut ab aliquibus instituti proprijs. 348.
- XI. Aemulationes etiam in rebus pijs, & instituti proprijs. 354.
- XII. Amor sui. 360.
- XIII. Dictorum factorumq; suorum commendatio. 360.

# SYLLABVS CAPITVM.

tio, reliquorum damnatio,	375.
xiv. Ambitio, speciosorum munium prosecutio, viliorum fuga & contemptus.	383.
xv. Delectus munium & locorum.	392.
xvi. Nimia in vnam alteramue nationem propensio.	400.
xvii. Nimie cum vno alteroue familiaritates.	410.
xviii. Familiaritas & gratia quesita externorum, Principumque virorum.	417.
xix. Affectus in parentes, in sanguine iunctos,	429.
xx. Commendationes ad Ecclesiasticas aut seculares dignitates & munia.	436.
xxi. Paupertatis neglectus,	443.
xxii. Singularia in cibo, potu, vestitu, reliquisque corporis commodis,	453.
xxiii. Neglectus munditiei & modestie religiosae.	459.
xxiv. Saeculares mores, risus, ioci, minusue religiosae recreationes.	467.
xxv. Conuiuiorum frequentia.	476.
xxvi. Munerum acceptatio & largitio.	489.
xxvii. Adulatio.	497.
xxviii. Politica agendi ratio.	505.
xxix. Aulici mores.	520.
xxx. Clancularia agendi ratio.	527.
xxxi. Simulae amicitiae, occulta odia.	534.
xxxii. Secretorum violatio.	540.
xxxiii. Infidus animus, alieni explorator & delator.	547.
xxxiv. Ingratus animus beneficiorum immemor.	557.
xxxv. Ni-	



# SYLLABVS CAPITVM.

xxxv.	Nimia ad externa diffusio.	565.
xxxvi.	Castitatis neglectus.	575.
xxxvii.	Nimia fiducia sui in rebus agendis, feminarumque consuetudine.	583.
xxxviii.	Feminarum familiaritas quocunque prætecto, confessionum, instructionum spiritualium, boni temporalis, & gritudinum.	592.
xxxix.	Frequentes & proluxæ feminarum confessiones.	606.
xl.	Feminarum visitationes.	614.
xli.	Sociorum fuga & vitatio.	621.
xlii.	Indeliberata agendorum resolutio & executio.	632.
xliii.	Diffidentia.	644.
xliv.	Dissensiones.	651.
xlv.	Detractiones.	664.
xlvi.	Delationes è suspicionibus natae.	673.
xlvii.	Credulitas nimia in delationibus.	683.
xlviii.	Nimix commendationes & depressiones,	689.
xlxi.	Apprehensiones & suspensiones,	696.
l.	Pusillanimitas.	709.
li.	Impatientia in aduersis.	727.


F I N I S.

CEN-

## C E N S V R A.

**H**ic liber, medicus animæ, affectionumq<sup>ue</sup> cura-  
tor, ab Admodum R. P. Carolo Scribani So-  
cietatis IESV per Flandro-belgicam Præposito  
Prouinciali conscriptus, virtutes inferens, vitia ex-  
tirpans, dignissimus est, qui typis excudatur, vt Re-  
ligiosus quisque eum præ manibus, & ob oculos sem-  
per habeat Quod censui 9. Nouembris, anno 1617.

Egbertus Spitholdius S. T. L. Ca-  
nonicus & Plebanus Antuer-  
piensis.



## P R I V I L E G I V M C A E S A R E V M.

**E**Go Ioannes Copperus Societatis Iesv  
ad Rhenum Præpositus Prouincialis,  
iuxta Sacre Cæs. Maiest. Priuilegium Socie-  
tati nostræ concessum, Michaëli Dalio Ty-  
pographo Monasteriensi facultatem con-  
cedo recudendi Medicum Religiosum R. P. Ca-  
roli Scribani nostræ Societatis Presbyteri.  
Fuldæ 21. Februarij, Anno 1620.

Ioannes Copperus.

LIBER PRIMVS.  
SVPERIORVM  
MORBI

ET  
CVRATIONES.

CAPVT I.

*Ignoratio in Superiore muneris sui.*



INC ingens illud malum, cum  
Superior non tam constitutio-  
num, regularum, ordinatio-  
numque instituti sui, quam iu-  
dicio suo gubernationem mo-  
deratur: vt non tam vocationis suæ, quam  
nouæ congregationis & Religionis institu-  
tio meritò videatur, è Superioris placitis na-  
ta. Variæ ex his principijs consuetudines  
nascuntur, liberior in non paucis, in alijs ri-  
gidior disciplina; in magnis sæpe grauibusq;

a

&

& à quibus Religionis nomen bonum pendet, laxior plerumque; in minimis noueque ferè excogitatis strictior feueriorque; vt iam à primæuo spiritu & vocatione vix aliud præter inane nomen reliquum fit: cum quacunque in speciem pia bonaque amplectimur tanquam instituti propria. Grauis error eoque magis, quò sub pietatis prætextu teneriores animas, simplicioresque aliorum ab instituto pellit.

Sanè vt non omnium morbis eadem medicamenta, nec omnium valetudini eadem victus potusque ratio; ita nec omnium vocationi eadem vitæ genera, aut pietatis exercitia muniaque conueniunt. Sanctæ sunt variarum Religionum exercitationes, sed non omnes omnibus Spiritu sancto dictatore præscriptæ aut imperatæ sunt. Sua cuique Religioni sunt munia, sui termini, quos egredi non sit consultum.

Et certè labetur sæpè Superior, qui instituti sui, munerisque sibi impositi ignarus, suo iudicio propositas difficultates decernet, & in grauissima se Religionemque discrimina conijciat, incertusque sæpe rerum,



dubius hærebit, sollicitumque anxiumque pectus trahet; nec se explicabit sine insigni iactura nominis etiam sui, salutisque aliorum; mirabiturque se eò deductum, ut per præcipitia salus ipsi speranda sit, cum consueto se itinere exclusum viderit, seroque, & non profutura pœnitentia errorem suum ingemiscet, consequeturque ut aut imperiti, aut fatui, aut temerarij, aut improbi nomen obtineat, audietque non raro hostis Religionis, qui eam placitis è cerebro suo fabricatis, in alienam à veteri semitam conetur impellere.

Et sanè cum nihil stolidius sit, quàm ignoratæ artis scientiam profiteri, ut si quis curationum ignarus medicum se venditet; ita omnium stolidissimum est, Religionem, quàm ignores, præ te ferre. Neque enim in vno errore stabit hoc malum: error enim vnus errorem trahet, donec ad inextricabilem errorum labyrinthum deducatur, è quo se extricare nulla arte aut prudentia queat. Hinc est illud Gregorij: In Past. part. i. capit. primo. *Nulla ars doceri præsumitur, nisi intenta meditatione prius discatur. ab imperitis ergo*

*pastoribus magisterium pastorale suscipitur in magna temeritate, quoniam ars artium est regimen animarum.*

Plurimum deinde illi de sapientiæ opinionione decedet. atque hinc auctoritas illi apud suos minor, minorque veneratio erit: nec raro erubescet, cum rogatus hallucinabitur, aut ab inferioribus errorem suum discet, non sine insigni ignorantiae suæ rubore.

Et quid vniuersim sperari ab eo boni possit, qui ignarus impositi sibi muneris est? quomodo illud, nomenque suum tuebitur, alijs imperabit, dubitantibus consulat, labantes eriget, ægris medebitur, afflicto solabitur, prospiciet tempori, præcauebit damna, irruentibus se malis opponet, aut propulsabit noxia, cum ferè ab hoc nocitura potius metuenda, quam profutura speranda sint? & si quid feliciter euenerit, fortuitis magis casibus, quam certæ scientiæ tribuendum sit?

Iam quid expectare prudenter ab eo possumus? nihilo plus quam ab imperito nauclero secundum cursum, ab ignaro auriga

te-

felicem ac inoffensum progressum, ab imperito medico valetudinem bonam, ab indocto architecto, penicillo, calamo, doctum, elegans, eruditum opus.

Et certè quicumque muneris sui scientia destituitur, etiam prudentia agendarum rerum regula destitui necessum est: qua qui caret, quantis necessariò se difficultatibus induat nemo non videt. vnde fit, vt nihil certo consilio ac ratione; omniaque dubio euentu peragantur. perimentia proinde sæpè pro salutaribus, noxia pro profuturis, venena pro medicamentis propinantur. & cum contraria ferè contrarijs curentur, amica hîc amicis præbentur mala, tâquam si in fomentum, non in malorum depulsionem remedia porrigantur. Neque enim potest muneris sui ignarus, personarum, temporum, locorum, rerum, in omni prudenti gubernatione necessariorum rationem habere: sed de errore in errorem necesse est illum labi. Quo fit vt infortunatissimum ferè exitum sortiatur, cum tam fatuis mereque fortuitis consilijs agatur.

*Remedia.*

**E**X instituti accurata cognitione perenda. hæc verò ex frequenti constitutionum, regularum, tam communium, quàm singulorum officialium, ordinationum, instructionum, historiæque instituti lectione paranda.

Iuuabit plurimùm conferentiarum frequens de rebus instituti proprijs iteratio: de quæ ijs maximè, quæ aut nocitura in primis, aut profutura videbuntur: de praxi etiam & executione rerum ad Religionis integritatem potissimùm necessariorum.

Proderit etiam frequenter cum ijs agere, qui aut longa rerum experientia, aut assidua lectione instituti vt peritissimi, ita amantissimi sunt, illorumque sibi vitam imitandam proponere qui in omni virtutum genere, instituti que ac primæui spiritus amore, omni ætate floruerunt.

Magis etiam si in dies singulos, aut sanè alternos, seponat horam vnā, aut sanè mediam: qua & singulorum subditorum sibi  
of-



officia, conditiones, mores, propensiones, virtutes, vicia, animique morbos & curationes, & impositi sibi muneris partes omnes, serio secum tacitus perscrutetur: quid nimirum res, quid concreditæ sibi personæ depossant. quibus tueri augeri quæ res domestica; quibus foueri prouocari quæ primæuus Religionis spiritus; quibus pro instituti ratione promoueri proximorum salus possit. quorum omnium sedula ac non perfunctoria cogitatio, magnum Superiori lumen præbebit, ac in commissi sibi muneris cognitionem inducet.

## CAPVT II.

*Ignoratio domesticarum rerum, ac personarum.*

**H**Inc ingentes agendarum rerum imprudentiæ nascuntur, & graues in gubernatione errores, quos nullo remedio corrigas, damnæque non in vnā alteramue personam, sed in corpus vniuersum decurrentia; cum aut committuntur munia,

quibus non possunt, aut res deliguntur no-  
xiæ.

Neque quisquam prudenter præcisse po-  
test, aut præcauere nocitura, aut profutura  
deligere, cui non domestica omnia perso-  
næq; perspectæ fuerint: errores enim ex hac  
ignoratione necessum sequi grauissimos,  
cum prioribus dissentanea sæpe imperentur,  
aut sanè minùs commoda, aut mutuo pu-  
gnantia.

Ille securè procedit, nec facilè pœniten-  
da committit, quem nihil domesticarum re-  
rum fugit, & non magno negotio deuitat  
mala, & prouidet nocituris, ac præoccupat  
etiã antequam veniant, quem nullæ do-  
mesticæ res latent; aut certè remedia illi prò-  
pta & ad manum sunt, qui & suorum in hâc  
aut illam partem propensas voluntates, vi-  
res, eruditionem, ingenia, mores, domesti-  
cæque res omnes perspectas habet. Neque  
enim ille de facili committet aut non com-  
mittenda, aut quibus non tutò potuit: scit  
res personis, personas rebus metiri. contrà  
qui hæc ignorauerit, in ingentia sæpe disci-  
mina suos conijciet, nomenque bonum

corporis totius: vt qui ad indignationes, æ-  
mulationes, potum, arrogantiam, carnem  
propenso ea imponet, quæ quasi apprehen-  
sa manu trahunt ad illa, ad quæ natura non  
modò ducebat, sed reluctantes etiam po-  
tenti trahebat impulsu, quasi si quis præcipi-  
tio proximum, & tantum non prolaben-  
tem protrudat. Bene de hac re Prosper. de vi-  
ta contemp. lib. 2. cap. 2. *Præpositi speculatores  
sunt, quia speculantur actus hominum, & qualiter  
quisque viuat diligenter explorant: quos bonos pro-  
bauerint, honorando confirmant; quos deprehende-  
rint vitiosos, arguentes.* & Chrysostomus de sa-  
cerdotio: *Multa pastori opus est diligentia: sexcen-  
tis etiam, vt ita dicam, oculis, vt recte vndique hu-  
mani animi habitum circumspicere possit.*

Certè vel minima etiam ignorasse graui-  
um in gubernatione errorum causa est, ille  
prudenter præesse potest, quem nullæ do-  
mesticæ res latent. magnæ illæ aut paruæ  
sint, plurimum ad prudentem gubernatio-  
nem conferunt: cùm minimæ etiam aliæ at-  
que aliæ intercurrentes circumstantiæ, alia  
atque alia consilia deposcant; maximæque  
sæpè res, & à quibus plurimorum salus feli-



césque infelicesque exitus, à minimorum cognitione pendeant. Nihil ergo illum fugiat cui commissa aliorum gubernatio, si sapienter præesse velit. nec aliorum tantum industriæ verbisque, solisque auribus suis fidat, oculos admoueat certissimos rerum testes, ac propè falli nescios. vnde fiet vt domesticos omnes serios sedulosque conductorum sibi officiorum administratores consequatur, cum scient sua omnia perspecta Superiori esse, nec falli illius aut circumueniri diligentiam posse. Quæ res incredibile est quàm leui negotio omnes in officio contineat. cum ita natura comparatum sit, vt nisi filialem aliquem metum amoris in gubernando adiuueris, non magna de felici prudentique gubernatione sperare possis. amari in imperio magnum est. Sed ferè indulgentia amorem comitatur. iūge filialem timorem, & prudentis imperij leges expleueris. ac licet sua sit amoris veneratio, nisi altera à timore veneratio accedat, non postrema obsequendi promptitudo labascet, plurimumque de imperij felicitate decedet.

Personarum etiam ignoratio in immania præ-



præcipitia Superiorem adiget. quid enim turò ignoto committeret? aut quam rem prudenter illi credet, cuius vitam, mores, animorum propensiones ignorat? non ad singula propè imperia trepidabit suorum ignarus, deque incerto dubioq; perperuò euentu sollicitus? cui deinde fidet, cum ignoto fidere stolidum sit, & ipse suorum ignoratione laboret? solus exequi omnia non potest; ignotis sua Religionisque sapienter credere non potest, externis domestica committere non expedit: quò se vertet inter hæc constitutus Superior? nisi vt anxiam semper mentem trahat, aut fortuitis omnia euentibus committat. in vtroque miser. nam aut semper timere, aut omnia fortuitis permittere miserrimum & infelicissimum vitæ genus est, quod infortunato plurimum exitu claudatur.

*Remedia.*

**V**igilans Superiorum cura, & in omnem partem intétio, vt omnino nihil illum fugiat. Consequetur hoc magna & intenta

suorum obseruatione , diligenti examine redditionis conscientia; aliorum etiam, maximè qui iudicio & solertia valent, auditione, sententiarumque inuestigatione. iudiciorum enim variorum disquisitio in magnam inducet Superiorem suorum cognitionem.

Conandum deinde, vt ea ferè per se Superior peragat, quæ magnam adferre notitiam solent; qualia sunt

Litterarum omnium, siue illæ mittantur, siue ad suos dentur, accurata lectio.

Omnium qui ad portam euocant, cognitio, ne externorum quisquam, quantum frequentia, & loci ratio permittit, Superiore inscio, quenquam conueniat.

Ne ad vllijs externi ædes, non conscio antè Superiore, quisquam accedat.

Ne extra consueta tempora ad templum euocentur inconsulto Superiore.

Credi non potest quàm ingenti rerum harum cognitio Superiori, in omnem benè gubernandæ familiæ rationem excubanti, præsidio sit. Non magna quis hæc arbitrabitur; sed ea tamen sunt, à quibus omnis prudens

dens gubernatio dependet, quibusque neglectis, propè impossibile est, prudentem gubernatione posse subsistere, quibusque stantibus, facilis omnis gubernatio est.

Idem inuenies in omni repub. regno, militia; quorum salus in rerum personarumque accurata cognitione vniuersa vertitur. quæ res semper coëgit summos Reges, & prudentia, & rerum gestarum gloria claros, ad largissimas etiam pecuniarum profusiones in hostium consilijs dignoscendis. At verò non minùs necessariam esse domesticorum subditorumque cognitionem, quàm exteriorum consiliorum, nemo non videt; cum ab horum ignoratione, aut perspecta scientia, plus etiam rei publ. bonum, quàm ab hostili dependeat. Vt enim semper periculosa domestica mala, quàm externa sunt; domesticum ferrum & venena, quàm hostilia: ita cognitio illorum magis etiam necessaria est, minoreque damno inimica, quàm domestica consilia ignorantur.

Curabit deinde Superior, vt omnium sibi subditorum officialium, muniumque singulorum, accuratam cognitionem habeat.

Obeat ipse sæpè domum, ac infimorum etiam non rarò collustret operas, locaque muneribus illorum accommodata: temporarias etiam domus suæ rationes penitus perspectas habeat, vt nihil illum earum fugiat, datique acceptique rationes omnes ipse dispiciat ac memoriæ imprimat, vt & iudicium de ijs ferre, & prospicere tempori possit.

Nemo facilè credat, quantum intentus sic in omnem partem Superioris oculus & domesticos in officio contineat, & damna præcaueat, & profuturis prospiciat, ac Superiorem quasi iuris sui faciat, ac extra quandam suorum tutelam ponat.

### C A P V T I I I.

*Ignoratio morborum subditorum suorum.*

**E**X qua prouenit, vt aut malis adhibere remedia non possint, aut non adhibeant idonea, aut etiam contraria, plurimòsque in variorum munium impositione,



vitro, ignarique periculis obijciant vocatio-  
nis & animarum. nam quæ remedia in mor-  
borum ignoratione sperari possint, nisi for-  
tuita, ægros plurimum perimentia? profutu-  
ra nimirum, aut interemptura, prout fortui-  
tò casus tulerit.

Proficiscitur hæc in Superiore ignoratio  
è suorum neglectu, & ignaua quadam com-  
missorū sibi cura, ex ingenti animi tepore, ac  
languore spiritus, è pusillanimitate & animi  
deiectione, & è quodam muneris sui frigo-  
re; dum res nec seriò tractat, nec zelo in eas  
fertur, & superficie quadam contentus, non  
descendit ad interiora; quasi satis sit præ-  
fuisse.

Nascitur non rarò eadem ex non ritè  
reddita conscientiae ratione. fit hoc, cum  
minùs confidenter inferiores Superioribus  
sefe aperiunt, vel quia duriores illos nacti  
sunt, vel quia minùs secretos, vel quia labo-  
rū fugientes, & à quibus auxilia desperent.

Neque vltima ignorationis huius causā  
è varia Superiorum occupatione nascitur;  
vt cum adeo grauib, tamque varijs disti-  
nentur, vt totos illos alia negotia occupent.

qui

quibus obruti, nec respirandi tempus habēt, nec eis ratio suorum cognitioni incumbendi suppetit; cum nimirum vel ordinarijs concionibus vacant, vel toti scriptionibus inherēt, vel externorum salutē, consilijsque dandis obruuntur, vel in ualerudine deniq; perpetua detinentur: quæ nisi in viros perpetuò sibi præsentēs, quiq; oculos inter medias negotiorum aliarumq; occupationum moles, in domesticos sibiq; concreditos, intentos semper teneant, inciderint; periculum omnino est, ne densissima suorum ignoratione laborent.

Et quam curationem morbis suorum adhibebunt tales, quibus ipsa ægritudo, ægritudinumque causæ in solidum ignoratæ sunt? pericula, damnaque, & valida morborum incrementa veriùs metuenda sunt, quàm noxiorum à talibus mitigationes aut depulsiones sperandæ. Neque enim quicquam ignoratione morbi grauius, magisq; meritò metuendum in curatione accidere potest, neque quod præsentius mortem acceleret.

*Remedia.*

**V**T in medico inualetudinem cognouisse propè curasse; ita ignorasse, agrū propè peremisse est. Prima proinde omnis periti medici cura est, morbum, causas, incrementa, statum intellexisse: è quibus medicationis spem non magno negotio concipiat, periculaque depellat. neque sanè longè petenda remedia: quæ ferè cuique experto ad manum sunt. Mali cognitio difficillima est. Hanc qui consecutus fuerit, facilem sibi ad reliqua viam sternet. Idem vsu venire solet in animorum morbis, cognouisse propè curasse est, imò sola non rarò explicatione fugantur morbi, vt verè Cassian. Coll. 2. ca. 10. *Illico vt patefacta fuerit cogitatio maligna, marcescit.* Nec difficile est Superiori viro humanarum rerū experto, cognita depellere, aut anteuertere quæ nouit mala: vt tota ferè curationis spes metusque à morbi cognitione aut ignoratione pendeat.

Hanc cognitionem partim seria longa-  
que obseruatione suorum, partim aliorum  
de-



denuntiationibus, partim ægri confessione discet Superior: nam & ipse intentum in omnem partem oculum habebit, mores, verba, socios, consuetudinem, propensionésq; obseruabit, maximè recreationum tempore, videbitque in quæ se profundat, quorum familiaritate ac narrationibus delectetur. pronioréne in cibum, potum, continétiam, mulierum consuetudinem, sæculi an religiosos mores, in fabulas aut serias piasue sermocinationes. Ferè enim in illis in latentia pectoribus vitia se ac virtutes produnt. index animi oratio est.

E socijs deinde maturioribus facilè reliquorum mores intelliget. neque enim in adeò mutuè innexo contubernio, latere diu bona malæque possunt: cùm omnium plerumque oculis auribúsque intima quæque obijciantur. ad quæ si accedat ægri ipsius sincera, tanquam patri ac medico resectio, nulla difficultate, cuiusque etiam grauissimo occurri malo potest.

Prima proinde Superioris cura erit, suos paternis monitis factisque, ad malorum tempestatumque quibus premuntur ac



iactantur nudas explicationes excitare: vt & aperire audeant, & patris verique ac condolentis medici manum experiantur. Semel enim amicam dexteram, maternaque in Superiore vbera experti, faciles pronique ad omnem egritudinis confessionem decurrent. quod vbi Superior consecutus fuerit, ludus illi gubernatio erit: ingens enim ex hac mutua fiducię ostentatione amor nascitur. cum vix fieri possit, vt qui paternum in se Superioris animum senserit, non prono profusque in ipsum pectore feratur. neque quidquam promptius est, quam ad illius medici opem confugere, à cuius benigna doctaque manu remedia accepimus. Patrem proinde se & medicum exhibeat Superior, & ultro fatentem, malaque sua ingenti fiducia explicantem inferiorem experietur; & facilem ad curationem viam reperiet: cum & obsequentem ægrum suum habebit, & mali vim magnitudinemque intelliget. Paterna proinde in omnes adhibenda sollicitudo, quam etiam subditi persentiscant, quò facilius morborum quibus iactantur genera, in Superioris, tanquam patris,

ac

ac benignissimæ matris ac medici, sinum deponant.

Maior autem in Superioribus paternorum affectuum ostentatio, si in eos fuerit, qui fidentiùs se suaque omnia, ægritudinumque genera aperuerint, occasionem causamque sinceræ refectionis reliquis præbebit.

Examinanda etiam seriò constitutio inferiorum, quales antè fuerint, quales in præsentiarum sint, quos morbos aliquando passi, quæ medicamenta adhibita, quo successu.

Secreti demum infracta observatio, omnium eorum, quæ filiali à subditis affectu, apud Superiorem tanquam verum animarum parentem reposita sunt, plurimum hîc valebit. Dici non potest, quantam hæc res confidentiam excitet, prouocetque inferiores, ad vniuersos, quibus iactantur, morbos, cum quadam etiam animi voluptate retengendos.

#### C A P V T IV.

*Ignoratio spiritualiter medendi.*

Ex

**E**X qua quàm ingentia & meritò timenda mala proficiſcantur, nemo paullo prudentior non videat. Nam quamuis magna pars ſperatæ valetudinis à morborum cognitione pendeat; curationis tamē igno- ratio, medicamentorumque inſcitia, inter prima ægrum perimentia adnumeranda ſunt. qua qui tenetur, nō rarò nocitura propinabit, exaſperabit malum, irritabit, non tollet noxios humores, interitumque accelerabit.

Atque hinc mœrores naſcuntur, & graues in ægro melancholiæ, cū ſentit malis quibus opprimitur, non remedia, ſed malignitatem prouocantia adhiberi. quare imperitiam medici ſui damnat, malaque ex illa nata: inclementesque illius manu, & medēdi ignaras deteſtatur. nam licet forſ ab animo clementis medici & patris proficiſcantur, ſi ab imperito & mederi neſcio veniant, à tyranni potiùs & iudicis quàm patris provenire arbitrabitur. vnde ſaſtidia naſcuntur, & nauſcētis animæ infelix tepor, gemitus & lacrymæ, & dura imo ducta ſuſpiria, oblo- cutionumque paſſim ac querimoniarum

in-



ingentes acerui, medicum suum accusantes, nectam inscitiam in illo, quàm hostilem animum damnantes.

Quid? quòd crescant in agro mala, cum ex vno plurimùm errore enascantur alij, morbiq; è morbo, tanquam è fœcunda fontis vnus vena varij torrentes, profiliant: vt consultius sit ægritudinem vniuersam ignauo aut hostili etiã animo neglectam iacuisse, quàm ignaram medendi manum admouisse: minusq; peccet qui exuto omni patris affectu, seueri vbique iudicis dexteram, ferrumq; & ignem adhibet, quàm qui medicationis imperitus fœrta, & in incertum casura, aut obfutura admouet. Contingit enim non infrequẽter vt imperitia medici, leuissimus morbus & paruo medicabilis, ad malorum extrema ægrum deducat: & qui sibi, naturæq; benignitati relictus, sola nonnunquam mora curari poterat, inscitia medici in vltimam desperationẽ protrudatur. tãtum in omnẽ partem peritia imperitiaq; valent; vt mors vitaq; in prudentis imprudentisq; medici manu posita sit. Quanti viuerent si in doctum medendi



incidissent? quanti in Religione omni æuo  
stetissent, si medendi peritum Superiore na-  
ti fuissent? ceciderunt, non tam mali ma-  
gnitudine, quam indocta illius manu. Quãti  
in ipsa miseram sibi que alijsque vitam tra-  
hant, nec mentis tantum, sed & corporis vi-  
ribus prostrati iacent, in gloria morte inglo-  
riam vitam signantes, sola imprudenti Su-  
perioris medicatione, omni spe melioris va-  
lerudinis deiecti? ita in corpus etiam animo  
medendi imperitia transit. cum illius ferè  
mala in corporum se agritudines profun-  
dant, & hæ ex illis, tanquam è matris utero  
nascantur. Hinc non rarò videmus in omnè  
vitam, lentam plurimos animam, in corpo-  
re mille morbis oppresso, trahentes: quos  
vna Superioris medendi peritia leui attactu,  
sub morborum initium, curare poterat. ac-  
cessit imperita manus, & efferauit malum, &  
euertit quidquid erat spei valerudinis bonæ,  
& ad nulla ætate aut arte medicanda ægrum  
suum deduxit. Nam licet peritior postmo-  
dum accedat manus, eò tamen non infre-  
quenter malum deductum est, vnde ad me-  
liora reuocari nulla prudētia aut dexteritate

pos-

possit. principes nimirum partes insedit malum, & potissima quæque depastus est morbus, ut à nulla quantumvis docta manu sperari prudenter remedia possint.

*Remedia.*

**E** Serio diligentique meditationum studio, piorumque librorum frequentata lectione, vsuque rerum experientiaque peritia paranda. Optimus ferè ille est, qui ex se magister plurima tulit, de genu non semel pugnavit, hostemque post liuores, vulnera, sanguinem, toto tulit corpore, ab arena & sanguine animos mutuatus: qui que exemplo suo didicit non eadem omnibus pugnatum & victoriae genera præscribenda esse: alia enim atque alia pro varia hominum conditione documenta tradenda sunt. faciet hoc peritissime, qui ex se didicit curationum genera ex morborum diuersitate pensanda, sed & pro ratione constitutionum, ac temporum etiam discrimine aliarumque circumstantiarum, medicamentorum genera adhibenda. Neque enim eadem omni tempore,

re, & loco, omniq̃ue ætati, & constitutionibus, aut omnibus singulisq̃ue omnia conueniunt. Iam varia morborum qualitas varia etiam curationum genera postulat; cū ē varijs circumstantijs medendi ratio p̃deat, illæ autem innumeræ prop̃e sint. Necesse proinde Superiorem virum esse prudentem, prouidum, singula circumspectantem, disquirentem ægritudinum causas, morbum ipsum, ægri constitutionem, quæ etiam in eo sperari, quæ timeri possint. Prudenter in hanc sententiam post Nazianzenum Gregorius in proleg. Past. par. 3. *Non vna eademq̃ exhortatio cunctis congruit, quia non cunctos par morum qualitas astringit. Sæp̃e namque aliis officiunt, quæ aliis prosunt: quia & plerumque herbe quæ hæc animalia enutriunt, alia occidunt; & lenis sibilus equos mitigat, catulos instigat; & medicamentum quod hunc morbum imminuit, alteri vires iungit; & panis qui vitam fortium roborat, paruulorum necat.* Vt meritò inclamet in Past. par. i. cap. i. *Ars est artium regimen pastorale. quis autem cogit ationum vulnera occultiora esse nesciat vulneribus viscerum? & tamen sæp̃e qui nunquam spiritualia præcepta cognouerunt, cordis*



*se medicos profiteri non metuunt: dum qui pigmentorum vim nesciunt, videri medici carnis erubescunt.*

Quid? quòd & ipse, in quo versatur, locus, domesticiq̃ue, & contubernales aliquid adferant momenti iustæq̃ue considerationis, vt omnia omnino Superioribus in remedium applicationibus accuratè expendenda, nihilq̃ue indiscussum relinquendum sit: & sæpe à tenuissimis rebus remedia petenda sunt. à locorum enim, sociorum, Superioris, muneris mutatione, alijsq̃ue longè his inferioribus, magna aliquando sperari possunt. plurimùm verò interest, temporis rationem habere, constitutionisq̃ue ægrientis animi; ne turbata, nec satis composita mente, aut etiamnum exasperata, curatio admoueat. Componet illius priùs animũ Superior, furoresq̃ue primos, efferatasq̃ue procurssiones vt ignarus præteriet: at vbi depulsis Aquilonib. resederint animo fluctus, quibus iactabatur, manum admouebit paternã, licet iudicis postea opus foret; in qua tamen nunquam patris personam exuet: vt dum æger patitur iudicem, sentiat patrem; plus-



plusque adeò semper medicamenta habeant patris, quàm iudicis, etiam cùm iudicis nomen induendum erit.

Proderit etiam in primis magnos viros audisse, aut legisse, qui suo, aut aliorum exemplo edocti, varia vt morborum, ita curationum genera norunt. Habemus hîc momentem Chrysoft. hom. 5. ad pop. Ant. *Contraria contrarijs curare medicorum filij iubent. ex crapula ergo nata est febris? inedia morbum corrigunt. ex tristitia quis infirmus est? lætitiâ huic aptam medicinam esse ducunt. Sic & in animæ ægritudinibus fieri oportet. Iram torpor excitauit? industria hanc repellamus. Habemus Gregorium homil. 32. in Euang. Cælestis medicus singulis quibusque vitiis obuiantia adhibet medicamenta. Nam sicut arte medicina, calida frigidis, frigida calidis curantur: ita Deus noster contraria opposuit medicamenta peccatis, vt lubricis continentiam; tenacibus largitatem; iracundis mansuetudinem; elatis præciperet humilitatem.*

Frequens deinde ac diligens per diem consideratio plurimum momenti adferet, qua dum commissum sibi gregem seriò Superior voluit, variaque in singulis morborum

genera, varias etiam medelarum excogitat formas, nullis aut industrijs aut laboribus parcit, quò ægrienti subueniat, morbum leuet, monitis, precibus, lacrymis; durioribus etiam, si morbi genus duriora postulat: ad quæ tamen nonnisi mitioribus tentatis, & necessitate coactus descendat, memor se esse patrem.

Animos insuper ad curationem necessum adferre magnos, qui nec magnitudine, nec morborum difficultate terreâtur: vt ingenti in Deum spe fretus, nusquam de ægroto desperet Superior. frustra enim medicinam cogitat, qui illam à desperatione inchoauit. Audere, victoriæ initium est.

In spiritalis denique medicamenti præscriptione conandum, vt quâ suauitate ac benignitate, quâ varijs in affectum amoremque prouocantibus æger medico concilietur, amareque incipiat, fidemque dictis adhibere. Sic fiet, vt morbi magnitudinem indicanti fidem adhibeat, & medicamenta, licet acerbiora, lubens admittat; maximè cùm sibi persuaferit, ab amore hæc nata.

## CAPVT V.

*Neglectus in curandis suorum morbis.*

**N**Ascitur hic ex ignauo quodam Superiorum tepore, dum aut promouendi instituti, aut propagandæ Dei gloriæ, aut salutis ac protectionis subditorum zelo carent.

Ex emendationis quadam desperatione, dum aut robori suo diffidunt, aut de suorum virtute desperant, aut difficultatibus territi, manum curationibus admouere formidât: qua benignitatis specie nihil crudelius inueniri potest. augentur enim & recrudescunt per interualla morbi, & extremis periculis proximus est qui patitur. bene Sapiens Pro. 19. *Erudi filium tuum, ne desperes.* & alibi Prou. 29. *Correctio tribuit sapientiam.*

Quod remedia in omnibus molliora, & extremam tantum cutem tangentia admoueant, nusquam verò ad malorum radices manum mittant, contenti palliata quadam medicatione, imitantes eos qui exteriori sti-



bio & purpuriffa intus latentem fœditatem contegunt, quique cādido linteo, nulla alia medicatione obuoluunt vlcera, non cogitantes eruptura illa aliquando maiori dāno, aut vicina quæque ac intima demum corporis pestilenti sanie sua in similem malignitatem pellectura.

Hinc fit primò, vt inferiores dum non perſentiſcunt mala, quibus in dies magis magiſq; immerguntur, labantur in deterius, & antè lapſum, quàm periculum aut præcipitium ſentiant, ſera poſt ruinam medicatione.

Secundò, vt perſuadeant etiam ſibi inferiores, bene ſecum agi, & regia ſe incedere via, cū videāt nulla Superiorum accedere monita, cōmuni illa perſuaſione ducti, quæ pleriq; arbitrātur ea à Superioribus probari, quæ non improbātur; nec morbos iam eſſe, quibus nulla medicamenta admota, ſed ſigna aut veſtigia valetudinis bonæ.

Et non iam patres, ſed hoſtes tales eſſe, nemo non videat, qui cogitauerit ex hoc Superiorum neglectu, quæ priùs leui medicationis attractu curari poterāt, ita increſcere mala,



la, vt ferro & ignibus postmodum opus sit; & qui initio sui sine dolore, ac quali inter somni delicias curari morbi poterant, mora ipsa exasperatos, omnem paternam manum magnitudine sua vincentes, non nisi iudicis vstione & sectione medicari posse. Hinc illi inter dura hæc medicamenta, eiulatus & lacrymæ, Superiorum suorum neglectum, barbaramque in nimia clementia indulgentiam acculantes. Sanè tales plurimis exitio fuere, & desertæ auctores vocationis; neque enim ad extrema hæc malorum venissent, si vigili cura morborum principijs seriò Superiores inuigilassent, & in semine suo, aut tenero adhuc frutice, paternis zizania manibus ab agro Dominico auertissent: at vbi incuria excrescere illa in validas arbores passi sunt, non nisi à securibus & flamma remedia speranda sunt.

Atque hinc magnorum sepè ingeniorum, non sine ingenti Religionis damno, excidia nata sunt: quæ quo maiora sunt, eo ferè validius admittunt noxia, imbibuntque altius & potentiùs; credas in fœcundum solum semina iacta fœneraria redhibitione. quib. si

manum admoueris, dum adhuc herbescunt zizania, semenque bonum pro maligno infereris; nullo negotio & illa viceris, & centupla foeneratione Domini aream horreaque beabis.

Et mihi ferè hi Superiores similes videntur ijs qui oceani tempestates, dum adhuc minantur; & eminus fluctus denuntiant, contemnunt, nec antè de portu fugaque cogitant quàm vbi irata intumuisse maria, iraque fremitusque suos vomentia senserint; cum hinc tanquam sideribus collisuri iaculantur & excutiant, ibi immensi hiatu vado tanquam sepulcro recondituri præcipitant ratem; scopulis nimirum illisi, de salute & fuga meditantur, tabulam circumspicientes, dum frustra iam portum littoræque neglecta sperant. antè oportuit, neglexerunt: rationem reddituri Domino commissi sibi gregis, animasque pro animabus suorum posituri, seuerissima aliquando Iudicis sententia ferendi. ita monet Prosper. de vita contem. li. i. c. 20. *Superior sanctè viuere debet propter exemplum: certus quòd ei nihil sua iustitia suffragetur, de cuius manu anima pereuntis exigitur. & quid ei proderit, non*  
*pu-*

*puniri suo, qui puniendus est alieno peccato?*

*Remedia.*

**A** Seria Superioris in omnem partem intenti vigilantia petenda sunt; nulli parcendo, quàm monendo, quàm blandè suauiterque vulneris morborumque loca pertractando, leniendo, fouendo: grauiora & aciora, si quia necessitas exigat, medicamenta adhibendo; nusquam malis indormiendo, aut tenuitatem vulneris negligendo: certus à minimis iniurijs ad summa deueniri, & à tenuissimi vnguis frictu ad mortem prope-rari. Bern. in sermone de S. Ioan. Baptista. *Nemo vitia palpet, peccata dissimulet nemo. nemo dicat, Nunquid custos fratris mei ego sum? est enim consentire, silere cum arguere possis: & scimus quia similis poena facientes maneat & consentientes.* Be-ne Prosper. lib. 3. de vita contemp. c. 23. *Sed peccantem video, & non solum non arguo, sed etiam ei peccanti consentio, participem me eius damnationis efficio: & in omnibus peccantibus pecco, quando eos quos scio peccasse vel peccare, quadam crudelis animi malignitate non increpo.* In Superiore maxi-mè hoc locum habet, qui non solius cari-tatis, sed iustitiæ legibus ad suorum monitionē



& correctionem tenetur. quo grauiorem etiam vindicem Domini manū vereri, meritò debet. Hinc illud Augustini de Ciuit. lib. 1. c. 9. *Qua in re non vtig<sup>3</sup> parem, sed longè grauiorem habent caussam, quibus per Prophetam dicitur: Ille quidem in peccato suo morietur, sanguinem autem eius de manu speculatoris requiram.* Ad hoc enim speculatores, hac est populorum prepositi, constituti sunt in Ecclesiis, vt non parcant obiurgādo peccata.

Illud interim in curationibus caueat, ne à potentioribus illas ordiatur, cū à lenioribus remediatio inchoāda sit. quòd si quando, vt in obduratis morbis euenire solet, ad grauiora remedia decurrendum fuerit, meminerit illud Augustini ad Bonifac. *Molestus est medicus furenti phrenetico, & pater indisciplinato filio; ille ligando, iste cadendo, sed ambo diligendo.* Si autem istos negligant, & perire permittant: ista potiùs falsa mansuetudo crudelis est. & Gregorij in registro. *Qui non corrigit ressecanda, committit: & facientis culpam habet qui quod potest corrigere, negligit emendare.* Sanè si patrem in omni suorum correptione Superior se ostenderit, non grauare de manu patris etiam questionem perferet filius, certus à paterna manu ignes ab amore nasci ad quos non nisi in



extremis, & post mitissima tentata decurret. ubi viderit mali magnitudinē minora vincere, descēdet inuitus ad maiora: descendet tamen. cū melius sit per hæc filium viuere quā sine his perire.

Pari deinde cum subdito conatu radicibus extirpandis manum admoueat, paternè tamen semper, nec nisi in extremis malis iudicis personam induat. certè, Prof. sup. c. 23. si nō ex iactantia, sed ex misericordia, & cum quadam pietate compatiētis animi castigamus, & illi nos sentiant non minùs peccatis suis moueri, quā nostris; aut in bonum statum reformati, nobiscum Deo gratias agent; aut si adhuc eos in peccato tenet peccandi dulcedo, & salutem suam nobis cura esse cernentes, malum reddere pro bono voluerint, malle debemus eorum inimicitias, qui noluerint emēdari, contrahere, quā Dei offensam, dum peccantes palpamus, incurrere.

Frequētes deinde suas ad Deum preces iaculetur, lacrymas pœnitētijs misceat; orationes etiā suorum, tacito tamē nomine, maxime in morbis grauioribus, indicat; maioreq; semper cura & conatu internis animorum, quā corporum inualetudinibus incumbat.

## CAPVT VI.

*Impatientia in Inferiorum curatione.*

**Q**Væ res ad extrema morbum impellit, illiditq; afflictam hanc ratem, tentationum fluctibus quassatam, in breuia & scopulos, aut inextricabile periclitanti profundum.

Et sanè non est prudentis medici, desperare de ægritudine, nec destituere ægrotum, etiam cum extremo spiritu luctantem; cum non ignoret salutem etiam, tantum non ab ultimo spiritu non rarò redditam. Et nautæ quoties inter cæli marisque minas, naufragio etiam iam facto, collisa naui, totóque oceano fluctuante, tabulâ salutem repererunt? Quominùs decet Superiorem laboribus succumbere: etiam de genu pro filio pugnabit, si pater est; corpusque vitamque pro filij salute obijciet. nam sudorem lacrymasque spargere, vulgare est: sanguinem proinde lubens profundet, si qua necessitas occupauerit, quando nimirum in illum locum de-

deductam rem viderit, vt aut per eundem filio, aut sanguis parenti fundendus sit: cō- que magis, quo periclitantis de salute filij sollicitudo omni meritò patri vitâ carior esse debet. ab hac enim temporaria, & non multò pòst peritura, à filij spiritali vita, aut morte, æterna pendent.

Quòd si oculos Superior ad se reflexerit, morbosque, quibus aliquando iactatus, aut iactari etiamnum posset, vota que sua, quibus illis leuari calidè exoptauit, maximè malis sæuiantibus, & extrema minitantibus, medicamenta que ad quæ non frigidè respexit, facildè poterit, ex èplo suo doctus, ingenti non tantùm commiseratione, omni indignatione seposita, sed & prompto alacri que animo benignam facilem que curationi manum ad mouere: memor votorum suorum, regula que illa communi ductus, qua monemur ea & sollicitudine, & amoris ac benignitatis ostentatione, curam ægrigentium habere, qua similibus malis presiti, nostri ab aliis haberi volumus.

Iuuabit etiam illa cogitatio, quòd nihil stolidius omnium iudicio reperiat, quàm



cum medicus paterque aegroto indignatur filio, & pro medicamento asperiora propinat verba. Quis enim non arbitretur, non patrium hoc, sed barbarum esse pectus, quod in mediis febrium ardoribus, malisque precordia exedentibus, pro consolatione & medela, exardescit in agrum filium? quasi non expleat feritatem illius morbi saevitia, nec satis indignationi suae litatum sit, nisi morbi asperitatem asperioribus etiam verbis augeat. Idem accidit Superioribus, qui interna febris iactato filio minas & indignancia verba pro medicamento propinant: quod enim haec spectant, nisi ut crescat morbus, & precipitio proximum filium ultro impellat pater, qui eripere poterat?

Et Superiorum haec in suorum morbis indignatio, nihil est aliud, quam ingens mali exasperatio: nam ferè ad extrema ex hac profiliunt; & quod levi attractu, mollibusque frictionibus curari malum poterat, ignibus & securibus tentatur.

Accedit, impatientiam animum conturbare, prospectumque salutarium medicamentorum auferre; obuia proinde, ac  
for-



fortuito oblata arripiuntur, nocitura plurimum magis quàm profutura; consequiturque non rarò medendi salutisque quædam desperatio, & ex hac totius curationis neglectus. Hinc est illud Sapientis Prou. 33. *Impatiens operabitur stultitiam.* Et Pro. 14. *Qui patiens est multa gubernatur prudentia; qui autem impatiens est, exaltat stultitiam suam.* Et Prou. 15. *Vir iracundus prouocat rixas, qui autem patiens est, mitigat suscitatas.*

Sequuntur inde graues in inferioribus animorum à Superioribus alienationes, indignationes, oblocutiones, detractiones, animus ad imperata inuoluntarius, ad spiritalia nauseabundus, torporque spiritus totius, mœrores denique ac melancholiæ graues, ad certum interitum ducentes.

Ingens denique diffidentia nascitur, & cùm de parentis affectu desperent, iudicisque aduersentur, ante immoriantur malis, quàm vt ea indignabundo iudici, imprudenti medico, inclementi patri aperiant: Bonau. de 6. alis c. 5. *neq; enim audent ei necessitatē suam aperire, nisi in vltima desperatione, cùm omnē manum medicā malum superat,*  
cūm

cum nihil iam superest, præter mortem certam miserrimamque.

Audiant verò duriores hi Superiores in suorum malis, grauitèr querentem Dominum: Ezec. 34. *Quod infirmum fuit non consolidastis, quod ægrotum nõ sanastis, quod confractum est non alligastis, quod abiectum est non reduxistis, quod perierat non quaesistis: sed cum austeritate imperabatis eis, & cum potentia. Audiant monentem: Num. 11. Porta illos in sinu tuo, sicut portare solet nutrix infantulum. Audiant etiam D. Bernardum Ser. 23. sup. Cant. Ut quid grauat<sup>r</sup> is iugum vestrũ super ceruices discipulorum, quorum vos potius iugum portare debetis? ponite onera, producite vbera, pectora lacte pinguescant. Et Bona. de 6. alis, c. 5. cum sit proprium officium pastoris, docere virtutes: si vitiosos negligit, quos docebit? si medicus fugit ægrotos, quos curabit? si fortis tiro declinat impetentes se, quomodo assequetur triumphum gloria? si negotiator negligit merces in quibus magna lucretur, quomodo poterit ditari?*

#### Remedia.

**G**Loriæ consideratio, quam è filij ereptione Superior apud Deum hominesque

neſque ſperare poteſt ac debet.

Obligationis, qua inferiori, tanquam filio parens, obſtringitur, cuius cura illi à Domino dem<sup>a</sup>ndata, cuiuſque animam à Superiore ſeuere Deus exigit.

Vtilitatis, laborantis filij, & corporis vniuerſi ex illius curatione, ſperata.

Gratitudinis conſideratio, perpetuaque periculis erepti grata memoria & recordatio.

Quòd ſi ad ſe oculos Superior reflexerit, ad morbos, delictaque ſua; per facile ei erit, indignationem ponere, impatientiam exuere, clementiam & longanimitatem induere. ſi enim iuſta alioqui dignaque in illum indignatione uſus fuiſſet Deus, quoties grauior aliqua offenſio interceſſit, in quib. non iam ignibus arderet? Vtatur proinde in delictis morbiſque ſuorū ea moderatione, patientia, benignitate, quam à parente & iudice Deo ſuo expectat: memor elegantis in hac re ſententiæ Auguſtini, hom. 4. inter 50. *Bonitas facit amabilem diſciplinam, & diſciplina efficit inculpabilem bonitatem. bonitas ſine diſciplina delictorum mater eſt: & diſciplina ſine*



sine bonitate tristis quædam amaritudo viuendi. Scientiam autem sibi postulat Dauid, vt nouerit sapienter distinguere qui sint termini bonitatis, & quam debeat habere disciplina mensuram: ne forte aut nimia remissionis vitio bonitas inconsulta fœdetur, aut disciplina durior ipsâ sui austeritate crudelescat. Memor etiam illius Sapientis Pro. 19. Vir iracundus prouocat rixas, & qui ad indignandum facilis est, erit ad peccandum procliuor. Quare modestè, Bona. de 6. alis, cap. 5. mature & benignè ad singula respondeat, & impetum feruoris reprimat, ne in voce aut vultu, seu moribus impatientiam ostendat. tunc enim magis proficit per patientiam, & tandem deuincit, quos impetuosè agendo prouocaret. teste Sapiente. (Pro. 15. Responsio mollis frangit iram, sermo durus suscitaturorem.) vix enim commotio commotione sedatur. Impatientia enim Prelati & Superioris confundit quæ promouere poterat bona.

## CAPVT VII.

*Acerbior correctio.*

Diui



**D** Iui Gregorij Magni moral. libr. 20.  
ca. 3. verba sunt: *Qui præst, ea se circa sub-*  
*ditos mensura moderetur: quatenus & arridensti-*  
*meri debeat, & iratus amari; vt eum nec nimia læ-*  
*ritia vilem reddat, nec immoderata seueritas odio-*  
*sum. sepe enim subiectos frangimus, dum plus iusto*  
*vigorem iustitie tenemus: qui profectò vigor iam*  
*iustitie non erit, si se sub iusto moderamine non*  
*custodit. vt benè Iuo Epi. 82. Immoderatus ri-*  
*gor disciplina quos corripit non corrigit, sed in la-*  
*queum diaboli precipitanter impellit. qui si fre-*  
*quentetur, obdurefcit subditorum animus,*  
*callumque seuerioribus factis monitisque*  
*obducit: in consuetudinem deinde ac tan-*  
*quam in naturam acrimonia vertitur, totus-*  
*que homo denso quasi sopore aut nebula*  
*inuoluitur, vt nec profutura quidē videat.*

Speratus deinde fructus omnis perit, dū  
subditi sibi persuadent, ex indignatione  
quadam animi, perturbatione, alienatione,  
aut ad nato quopiam aut accersito odio mo-  
nita nasci potiùs, quàm ex commiserantis,  
aut patris, aut benigni medici affectu, aut e-  
mendationis aut perfectionis studio.

Exurgit deinde melioris spei, aut rei,

aut

aut amoris loco, exacerbatio, & à Superioribus vehementior alienatio, querimoniis, oblocutionibus, ac non rarò etiam detractionibus permista.

Vilefcit denique Superior apud suos; plurimùmque illi de nominis æstimatione decedit, non apud suos tantùm sed & apud alios. neque enim imperiosior sæuiorque illa ratio domesticis limitibus continetur; decurrit per regna, nec rarò ad externos. quæ res non leuiter propagationi diuinæ gloriæ, religionis, ac proximorum salutis impedimento est. Semel enim concepta de Superiore opinio vbi inualuit, excindi vix potest; vt iam non nisi cum muneris abdicatione deponi possit.

Et quid à tali Superiore sperari potest, omnium ab illo suorum animis alienatis? Sanè coacta imperia diu stare non possunt. minùs etiam incrementa sumere. illa ætatem sentiunt, diuitæque crescunt augmento, quæ amore ac beneuolentia continentur.

Et in coactis, seruorum ac mancipiorum more, imperantis oculo deseruient; mens  
im-

imperia auersabitur : ac si clàm esse res possunt, negliguntur. sin sæuiora imperia cogant, cum fastidio peraguntur, & tanquam de superficie imperata raduntur, nec vltra extremam præceptorum cutem itur.

Accedit, pudore posito, effrons iam animus, cuius teneram frontem acrior correctio indurauit, & depudere docuit, verecūdia omni exuta; nec vltra, publicè an palàm increpes, colorem mutabit; stabit interritus, saxo quàm homini similior; & ferè seipsum in duritiem animat; credes cataphractum, & armis vndique cinctum : ita aduersus acriora imperia firmavit pectus. incudem arbitreris, malleis densè subactam, & repercutientem verbera, adeoque & verberare duriores, quasi ab illo robur mutetur.

Et grauis in Superiore error est, ab vstulantibus medicationem inchoare. à mitioribus curatio instituenda est, nec ad illa veniendum, nisi vis mali molliora respuat : actum etiam cautè & prudenter ad ignes aut nouaculam eundum : vt sentiat ager, non voluntate medici, sed mali necessitate ad il-



la trahi. conandumque quantum fieri potest, ut ipse æger non illibenter acriora patiatur; non quod hæc amet, sed quod salutem, quam videt sine his non posse parari, desideret. quod ubi Superior tanquam medicus persuaferit, non magno negotio ultro incurret in duriora, ferrumque & ignes si non amabit, feret tamen salutis consequendæ.

Verum magna opus dexteritate & efficacia, potensque persuasione; ac nisi patris senserit manum, non domini, aut sæuiantis iudicis, nequidquam sudabitur. quod si verum patrem senserit, inducet filij affectum, nec quidquam illi iam atrox, quod à veri patris sibi venire persuaferit dextra; ac plus etiam ab amica huius manu amabit verbera, quam acriora à iudice verba, aut ab amarulento vultu indignantia monita, imò quam ab indignabundo ore ementita oscula.

Vnde in omni correctione primò se amare, patrem esse, nec aliud quam filij salutem velle, inuitum deinde ad duriora venire ostendat; excitetque in subdito filialem affectum, & confidentiæ magnæ fortes  
im-



imprimat aculeos: operam suam spondeat, commifereatur laboranti: quòd si lacrymas ille profuderit; misceat, si potest, suas: ac quasi consilium petens, roget, quod ægro in tanto malo remedium occurrat: addat deinde aliquid de suo: ac si maiora ille proponat, moderetur & mitiget, & non magno labore rem omnem ad felicem exitum deducet. Bene in hanc sententiam Augustinus in c. 6. epist. ad Galat. Nunquam alieni peccatū obiurgandi suscipiendum est negotium, nisi cū internis interrogationibus examinantes nostram cōscientiam, liquidò nobis coram Deo responderimus, dilectione nos facere. quidquid enim lacerato animo dixeris, punientis est impetus, non charitas corrigentis. Dilige & dic quod voles. nullo modo maledictum erit, quod specie maledicti sonuerit, si meminere senserisq; te in gladio verbi Dei liberatorem hominis esse velle ab obsidione vitiorum. & alibi: de serm. Dom. in monte. Pie cauteq; vigilandū est, vt cū aliquē reprehendere vel obiurgare nos necessitas cōegerit. primū cogitemus, vtum tale sit vitium, quod nunquā habuimus, vel quo iā caremus. si nunquā habuimus, cogitemus & nos esse homines, & habere potuisse: si verò habuimus, & non hab

habemus, tangat memoriam communis fragilitas, ut illam reprehensionem aut obiurgationem, non odium sed misericordia precedat: si autem cogitantes nosmetipsos inuenerimus in eo esse vitio, in quo est ille, quem reprehendere parabamus; non reprehendamus, neque obiurgemus, sed tamen congemiscamus, & non illum ad obtemperandum nobis, sed ad pariter cauendum inuitemus.

Remedia.

**M**Onemur à Magno Gregorio: Moral. lib. 13. cap. 12. Sunt nonnulli ita districti, ut omnem etiam mansuetudinem benignitatis amittant: & sunt nonnulli ita mansueti, ut perdant districti iura regiminis. vnde cunctis rectoribus vtraque summopere sunt tenenda, ut nec in disciplina vigore benignitatem mansuetudinis, nec rursus in mansuetudine districtiōnem deferant disciplina: quatenus nec à compassione pietatis obdurescant, cum contumaces corrigunt; nec disciplina vigorem molliant, cum infirmorum animos consolantur. regat ergo disciplina vigor mansuetudinem, & mansuetudo ornet vigorem, & sic alterum commendetur ex altero, ut nec vigor sit rigidus, nec mansuetudo dissoluta. Et alibi: Pastor. par. 2. c. 6.

Ne-

Neceſſe eſt vt quiſquis ſanandis vulneribus præeſt, in vino (Samaritani exemplo) morſum doloris adhibeat, in oleo mollitiem pietatis: quatenus per vinum mundentur putrida, per oleum foueantur ſananda. Miſcenda ergo eſt lenitas cum ſeueritate, faciendum quoddam temperamentum ex vtroque, vt neque multa aſperitate exulcerentur ſubditi, neque nimia benignitate ſoluantur. ſit itaque amor, ſed non emolliens: ſit rigor, ſed non exaſperans: ſit zelus, ſed non immoderate ſeuiens: ſit pietas, ſed non plus quàm expediat parcens: vt dum ſe in arce regiminis iuſtitia clementiaq; permisceant, is qui præeſt corda ſubditorum & terrendo demulceat, & tamen terroris reuerentiam demulcēdo conſtringat. & antè: Curandum vt rectorem ſubditis & matrem pietas, & patrem exhibeat diſciplina: atque inter hæc ſollicita circumſpectione providendum, ne aut diſtrictio rigida, aut pietas ſit remiſſa.

Proderit in hac re frequentata hæc cogitatio; Memento regere, vt regi voles; nec quidquam in alio experire, quod in pari delicto in te nolles. Sepone perſonam iudicis, indue patris; amari malis, quàm timeri; neque quidquam metu peragas, quod amore poſſis, memor verborum Proſperi ſent. 163.



In domo iusti etiam qui imperant, eis seruiunt, quibus videntur imperare. quia non dominandi cupiditate imperant, sed officio consulendi: nec principandi superbia, sed prouidendi beneficentia. Benè Isidorus lib. 5. de sum. bono. Qui delinquentem superbo vel odioso animo corrigit, non emendat sed percutit. quidquid enim proteruus vel indignans animus protulerit, obiurgantis furor est, non dilectio corrigentis.

Iuuabit diligens personarum & morborum consideratio, prudentium medicorum more; neque enim omnium conditio morbusque eadem medicamenta admittit. & grauissimus error illorum est, qui in omni populo, persona, etate, morbo, tempore, eadem medicamenta adhibenda censent. lenia enim quidam maximo admittunt fructu, dura noxio ferè euentu hauriunt; potèntioribus alij exstimulandi sunt, mollia contemnunt, adeoque exasperatur his suauibus malum & irritatur, frustraneo ac nocituro etiam euentu.

/// Magna proinde cautione, ac prouida in  
 // his circumspectione opus est: minus tamen  
 // vniversim delictū est in mitioribus, quā in  
acrio-



acrioribus peccare: & faciliior in illis venia,  
 & promptior emendatio est. quòd si quem  
 viderit conatum superandis malis adhibe-  
 re, manum illi porrigat qualem lapso sibi  
 aut labenti porrigi vellet, memor Sapientis  
 Ecccli. 8. *Ne spernas hominem auertentem se à  
 peccato: neque improperes ei. memento quoniam o-  
 mnes in correptione sumus.* & Apostoli ad Galat.  
 1. *Si præoccupatus fuerit homo in aliquo delicto,  
 vos qui spirituales estis, huiusmodi instruite in spi-  
 ritu lenitatis, considerans teipsum, ne & tu tente-  
 ris.* talem nimirum, teste Bonauentura de 6.  
 alis, c. 7. *satisfactionem imponite, per quam agno-  
 scat pondus reatus sui; ita tamen clementer, sicut ti-  
 bimet velles alium cõpati, si tali peccato delinqueres.*

## CAPVT VIII.

*Paterna gubernationis neglectus.*

**I**llam nisi Superior quâ verbis & exter-  
 na benivolentiæ ostentatione, quâ rebus  
 potissimum ipsis ex sincero, non simulato  
 paterno affectu natis, ostenderit, ita vt infe-  
 rior reipsa patrium in se Superioris animum  
 perferentiscat, sibi que penitus persuadeat,

tali in se Superiorem affectu duci; frustra filialem erga se suditorum amorem affectumque sperabit. vt certissima in inferioribus affectum regula è Superiorum affectu petenda sit: qui si per omnia patrius sit; filialem etiam in subditis expectet. si sæcularem, politicum & despoticum dominatum sapiat; similem in subdito affectum speret; famulitiamque potiùs obsequentiam, quàm filialem; mandatorumque executionem à timore magis, quàm ab amore natam. nam cum in Superiore non sentiat inferior patris animum, sed domini, fit vt seruilem, non filialem affectum reponat.

Atque hinc quanta nascantur incommoda & difficultates, nemo paulo prudentior non videat. Suboriuntur enim vtrinq; diffidentia, & dum solo exteriùs placendi studio subditus ad imperata rapitur, superficie potiùs tenus mandata exequitur: ac si celari facta sua posse putat, aliorum potiùs, & ad ea, quæ à Superioris voluntate alienissima sunt, ducitur.

Sequuntur deinde vtrobiq; pro re nata suspiciones variæ, animorum alienationes,

nes, murmuraciones, tecta vtrunque confilia, ac simulationibus omnia plena. Quòd si pergat Superior in hoc neglectu, neglectum in inferioribus excitabit obseruantia ac venerationis in se debita. neq; enim hæc sperari potest, filiali amore à paternæ gubernationis neglectu extincto. Exurgunt deinde solertissimæ in inferioribus, minimorum ac abditissimorum in Superiore defectuum inuestigationes; carpendi nimirum ac reprehendendi in eo quem auersantur studio, prouocati. ita quæ beneuolentia, patriusque amor ac profusio, natusque ex his affectus tegere solet mala, indignatio auersioque è paterno neglectu, ac gubernandi duritie nata, palàm aperit, & omnium oculis obijcit, adeoque & in virtutibus ipsis improbanda numerat. ita subdola & ingeniosa omnis alienatio est, in laudibus damnanda reperit. decurriturque tandem in apertum obloquutionum ac detractionum campum: nec vsquam, nec vlli altissimè etiam defossæ rei parcitur; ac nec apud exteros quidem ac Religionis hostes. milleque excogitantur & inueniuntur modi, iugum à paterno imperio



alienum excutiendi. bonis artibus non licet, decurritur ad malas: cum satis sit dominum excussisse. nam cum sentiant se filiorum loco non haberi, non agnoscunt Superiorem patrem. & cum dominum nolint; nomenque hoc omne auersentur, ut qui in paternam se vltro nea traditione tutelam, non in hominis imperia coniecerint; fit ut nullum molitionum finem faciant, donec se alienis in Superiore à paterna gubernatione legibus exemerint.

Denique frustra apertam conscientiae refectionem sperabit Superior talis. ignorabit suorum morbos, labeturque grauiter in spiritualium medicamentorum applicatione, in personarum designatione, in munium distributione, ac in vniuersa commissi sibi gregis cura. nam cum interioris hominis ac conscientiae nuda quaedam sinceraque in subdito explicatio filialem confidentiam praesupponat, haec verò paternum in Superiore affectum; fit ut, si hoc Superior careat, nullis persuasionibus induci inferior possit, ut se tanquam patri filius aperiat, cuius patrium in se affectum non experitur. & cum semper ve-

rea-



reatur iudicem, aut dominum, non facile se æger vt patri, aut medico explicabit: teget potius omnia, & se animamque in perimentia discrimina conijciat, quàm vt in Superiore, iudici ac domino, vulnera & quibus iactantur pericula aperiat.

Nascitur verò hic paternę gubernationis neglectus, aut ex ambitiosa dominandi libidine; aut è mentis quodam fastu, dictorum factorumque suorum angusta æstimatione, aliorum contemptu & neglectu; aut ab innata quadã asperitate, morositate, fastidio, ac nauseantis animi tædio, dum nil alienum placet, displicent omnia, eoque magis quo magis domestica; aut ab animo humanarum miseriarum immemore, menteque commoueri nescia, & malorum in se ignara, aut cæco amore sui rerumque suarum abrepta, vt omnino optandum sit inferiori, Superiorem consequi probatum per omnia, qui & mala tulerit, & sub aduersantibus ingemuerit, de genu pugnauerit, mixtumque puluere sanguinem fuderit, remediaque ex se didicerit, factus ex seipso medicus, dux & magister; quo compati, mederi, anteuertere

mala, occurrere venientibus, aut illata pel-  
lere sciat: quique è malis periculisque suis re-  
liquos metiatur: qui nihil putet esse negli-  
gendum, nulli securè indormiendum, nul-  
lumque quocunque etiam ex cespite insur-  
gentem hostem contemnendum, certus à  
minimis ingentia damna dari, regnorumq;  
etiam validissimorum interitum à minimo-  
rum contemptu & neglectu nata; maiora-  
que adeò à minimis illata damna, quo ferè  
magis neglecta: cum pulso timore mala cres-  
cunt, ac nimium securos sui inopinatos op-  
primunt.

*Remedia.*

**F**Requens in Superiore cogitatio, paterni  
in omnes affectus Dei. vt ad illius formã  
& imitationem paternam in sibi commis-  
sos gubernationem instituat; maximè cum  
cogitauerit, præesse se illis, quos cælestis Pa-  
ter in filios sibi adoptauit, coheredes vnige-  
niti Filij sui, quæ dignatio meritò vnum-  
quemque Superiorem in paternum affectũ  
excitabit, omni despotico deposito, ac quasi  
in exilium acto.

Suo

Suo deinde se Superior pede metiatur, videatque quales in se Superiorum suorum affectus optet, patrios an despoticos: excitetque in se tales, quales aliorum in se desiderabit. Certissima hæc bonæ ac religiosæ gubernationis regula est, qua fortiter sibi serioque proposita, non facilè Superior à recto aberrabit.

Amarivelit, non timeri; cogitetque; imperata ab amore nata, ab amore peracta, diuturniora, sinceriora, tutiora, pacatiora, & laude etiam digniora esse.

Perpendat secum frequenter, quanto filialis amor serui timori præponderet: illum verò sperari non posse, nisi ipse priùs paternum in suos affectum induat.

Iuuerit etiam in primis, si vltronea & non rogata beneficia, ac sollicitudinem in suorum necessitatibus impendat, idque infirmitatis potissimum tempore, siue ab animo illa, siue à corpore profecta fuerit. paternè compatiendo, remedia malis præscribendo, vltro compellando, excitando, ac in spem meliorum prouocando, opem suam operamque pollicendo, medicum in corporum mor-



bis consulendo, in omnem demum fiduciam, spemque paterni in se affectus inferiorē excitando. doleat cum dolente, commisceatur patienti, ac in omnem se formam vertat, vt suorum saluti consulat; cogitetque se non tantum patrem, sed & pro rerum exigentia matrem; vt etiam vbera norit præbere sitientibus, mellaque vinaque ijs, qui amaro ac tristi sunt corde: nec quicquam omnino intentatum relinquat, quod patrius, adeoque & matris suggerere in carissimorum filiorum ægritudine affectus solet. multa patrum matrumque exemplo perferat, quamdiu infirmitas ægrum filium tenet; nec faciliè ad grauiiores admonitiones accedat, quamdiu malum sæuit, febrisque siue illa animi siue corporis languentem filium possidet. pulso malo, tum demum seria, sed paterna tamen, si necessum, monitione agat: ita vt sentiat subditus, à paterno, non ab indignabundo & despotico affectu monita nasci.

Bon. de 6. alis, cap. 4. *Quòd si admonitiones paterna, & benigna instructiones frustra fuerint adhibite, imitandi erunt periti medici, qui non ex odio,*



odio, sed amore ferrum & ignes, aliaq; remedia in-  
suauia agrotis adhibent.

Imitetur denique in suorum malis Apo-  
stolum Bonau. supra, cap. 4. pro Corinthiis sem-  
per gratias agentem, pro Ephesiis genua flectentem,  
pro Philippensibus omnibus semper in cunctis ora-  
tionibus cum gaudio deprecantem, pro Colossensi-  
bus non cessantem postulare & orare, Thessalonicen-  
sium memoriam facientem in orationibus sine in-  
termissione, atque cum eodem Paulo dicat: Gal. 2.  
Filioli mei quos iterum parturio, donec formetur in  
vobis Christus. sic enim fiet, vt in quam volet  
partem ac virtutem suos ducat: maximè si  
præcat ipse exemplo, ac dux facti fuerit. ne-  
que durum erit filio patrem sequi, & gene-  
roso, nec degenerare calcatu, æmulæque qua-  
dam laude, antea mbula illius vestigia pre-  
mere, vt vel solo etiã rubore secuturus sit fi-  
lius si patrem agnouerit, paternumque in se  
pectus ac sollicitudinem expertus fuerit. ne-  
que enim credi potest quantum in omnem  
partem intentus patris animus, ac de filij  
profectu ac salute sollicitus, possit, quantum  
ad ardua quæque audenda calcar addat, &  
incitamentum præbeat.

## CAPVT IX.

*Exigua cura interni spiritus.*

**H**Inc paulatim succrescunt zizania, & dum cultura negligitur, siluescit ager, spinisq; ac sentibus repletur; facundusq; antè gratusq; Domino, sterilefcit; & quæ uas solebat, labruscas vinea profert.

Nascuntur deinde pro spiritualibus secularia, & quæ priùs super niuem dealbata erat anima, nunc densa nocte tegitur: inuoluiturq; terra ac inimica spiritualibus nube, quæ fulgoris sui radios longè antè lateq; multorum bono variè spargebat. sermo illi priùs, dum super grege suo excubabat Superior, cælestis, diuinarumq; rerum grauidum pectus diuina profundeabat; nunc illius neglectu, nil nisi nocitura, & sæculum suum sonantia promit.

Tepescit inde Religiosus, & pro ardoribus, nausea quædam succedit spiritualium rerum, nec vltra suauem sibi optatumq; cibum amplectitur anima; magis etiam fastidit ac spernit, & toxica illi videntur, mortæque

que acerbiora, quibus antè ingenti plenus gaudio lætus palcebatur.

Et vt nulla ferè re alia quàm culturæ neglectu perit ager, ita nulla re alia magis quàm interni cultus neglectu Religiosus. Cùm enim natura proni ad zizania simus, vt nihil præter tribulos, solis ignibus natos, relicta sibi natura proferat; fit, vt nisi assidua cultura, diligensque in omnem partem studium accesserit, frustra horreo Dominico reponendam messem speres. Quin adeò, nisi perpetuetur labor, hic putando, ibi vellendo, alibi radicitus excaudicando, ferròque etiam & ignibus non rarò sæuiendo; suffocabitur quidquid melioris seminis superieceris, miraberisque indolebisque serò, nihil messi, aut horreo seponendum relictum esse.

Deterius etiam est, quando non tantum negligitur interni spiritus cura, sed contrarijs etiam nocituris distinctur; aut sæculariũ occupationum anxia sollicitudine tantum non insepelitur animus, vt erigere ad superna, aut inflectere ad interna se nõ possit, mole aut tempore sæpe ipso exclusus, vt in desuetudinem planè interni cultus veniat.



fici enim fit, vt etiam dum volet, omni conatu ad spiritus culturam se attollere nequeat, negotijs tanquam molaribus aut rupibus oppressus: quæ ubi totum insederunt hominem, vertuntur quasi in naturam, & domestica fiunt, nec expellendi potestas reliqua: imò cum vna ferè ex alia occupatio ac negotiatio nascatur, ac velut in denso nemore arbores mutuo implicentur, aut tanquam hederæ parieti, sic animis innodetur, nulla aut arte aut industria repellas.

Deterius etiam, cum ex assuetudine sæcularium rerum, delectatio quædam subnascitur, quæ ipsa magnitudine ac multitudine sua si crescat, frustra cælestia cogitabis. oblectatione enim rerum humanarum animus captus, non meretur æterna, nec ceruices ad futura circumfert, nec ad illum perennem celorum solem perpetua negotiorum nube nebulaque cinctus, oculos deflectit: inhaeret nimirum terræ, assuetus illi; omnemque cogitationem suam, & quid quid habet virium, profundit in sæculum, vt nullum supersit interno spiritui robur, quod omne pōdere suo & oppresserunt & euigorarūt res aliæ:

ne;



neque duobus in solidum se dare mēns humana, nisi singulari Dei munere, potest.

Iam ea externarum internarumque rerum pugna est, vt perquam difficile mutuo socientur, ac ferè altera alteram pellat, nec in vno stabulare soleant pectore. Quòd si quis contendat posse: ingens sanè illud necessum est esse & robore, & vastitate sua nobile. quod perrarò in hac vita concessum est homini, & è millibus vix vni aut alteri. Tam enim ex aduerso pugnantibus, & quæ ferè totum hominem deposcunt, incumbere, arduum omnino est, & quod humanas propè vires excedit. quantum enim plus vni concesseris, tantum alteri ademeris, crescunt secularia? decrescunt spiritualia, auctibusque illorum hæc minuuntur: mēnsque tota ab illis obsessa, vix cælestibus locum dare potest. non possumus nimirum simul mammonæ seruire & Deo. alter destituendus est. partiri obsequia dominorum disparitas non permittit. nec inimica signa aduersantia in vna sacramenta concedunt. vni qui se sacrauit, alterius hostilitatem professus est. Dabit proinde se Religiosus Deo, diuinisq; se totū man-

mancipabit, cuius rei potissima cura à Superioris vigili studio dependet: à quo commissi sibi gregis rationem deposcet Deus, animasque sanguinemque suorum, salutemque interitumque illi in primis ascribet, ut à cuius seria ac in omnem partem intenta excubatione, aut neglectu, tota ferè subditorum salus pendeat.

*Remedia.*

**S**eria in Superioribus inuigilatio in Spiritalem profectum suorum, diligensque observatio singulorum, quem quisque ex orationibus fructum, quem ex mortificationis studio referat; quam seriò singuli his incumbant; quo ardore ac zelo in proximorum salutem ferantur; quem in virtutibus progressum faciant.

Accurata conscientiae & non perfunctoria redditio, ut se totum aperiat inferior, quò nihil internarum rerum Superiorem lateat. in latentia pericula, meritò metuenda damna cognoscat, quò temperare moderarique externarum rerum curam possit, sciaturque quibus illæ tutò, ac minori spiritus detrimento

mento committi possint. quam ille cognitionem nulla è re certiùs, quàm ex inferioris sincera refectione cognoscer.

Moderatio domesticarum recreationum, maximè in ijs quę sæcularitatem sapiunt, aut minùs religiosam consuetudinem ac modestiam.

Remotio ac resectio sæcularium negotiorum, quę spiritum atterere solent, languorémque torporémque inducere. seponat proinde, quátum licet, externa, quisquis interna amat. si ab obedientia ad illa agatur, quantum potest temporis animo suffuretur & Deo. non potest horas integras? potest medias. negantur mediæ? defrustrare ex his modica potest. Neque vllę tam densæ ac implexæ occupationes sunt, quę frequentibus ad Deum aspirationibus iter claudant. etiam in medio foro, inter rostra & forenses actiones euolare ad cælum mens potest. libera nimirum suspiria sunt: nec vllis cõpedibus, aut agendarum rerum molibus impediuntur: nulla hæc tyrannis aut exercitus intercludere possunt. quibus si assueuerit animus & familiares sibi aspirationes fecerit, etiam  
in -



inter sæculi huius asperrima, coniuncta mēs  
 viuet Deo. Quòd si neglexerit salutaribus  
 hisce mentem pascere, mirabitur non multo  
 pòst exangue pectus, emedullatum cor, vi-  
 talibus suis destitutum: feròque ingemiscet,  
 & retrò respiciet, aut ad meliora manum  
 protendet, ingenti vndique mole oppressus.

## CAP. V. T. X.

*Remissio in gubernando.*

**N**Eque enim satis est, mala vitare: nam  
 & seruus sciens voluntatem domini  
 sui & non faciens, plagis vapulabit multis:  
 & ferè ab eiusmodi Superioris remissione o-  
 mnia mala nascūtur. vniuersa enim religiosa  
 disciplina labascit: qua cadente, tanquam  
 reserato vitiorum aditu, omnia simul subin-  
 trant mala. nam cum natura proni in liber-  
 tatem ferè trahamur; si desit obseruator, cē-  
 sor, monitor, sponte innoctura toto impe-  
 tu volumur, & iam licere arbitramur, quod  
 Superiorum indulgentia permittitur.

Quid? quòd non repressa vitia virtutis  
 nomen fortiantur, abeuntque tandem illa  
 in

in naturam, cū familiaria ac domestica facta fuerint. seroque Superior medicinam cogitat, cū vniuersum hominē domūque ægritudo occupauit; quod in Superiorum ignaua clementia fieri consuevit. Quare si aut naturæ quadam facilitate, aut noxijs illis opinionibus Superior ductus, quibus quidam arbitrantur omnia omnibus concedenda, nulli petita neganda, nunquā peccari posse clementiā, nulla remissionis delicta esse, sola beneuolentia subditos in officio continendos; metum omnem, increpationes, monita grauiora seueriaque abesse à religiosa domo debere; solius benignissimæ matris, ac de sinu & vbere lactantis ac ludentis personam induendam, numquam maturioris patris, minùs etiam iudicis; minas proinde pœnasque ab hac domo ablegandas; quare ad quod quis vltro non properet ac propendeat, numquam cōpellendum, sed neque generosioribus in quacumque ægritudine medicamentis vtendum, consultiusque esse ægrū inter dulcia & mellea perire, quàm per ignem & ferrū conualescere; si his inquam Superior tanquam certis

gubernationis regulis inhæserit, vniuersam religiosam domum euertet, peccabitque in ipso bonæ gubernationis limine. neque quidquam ad reuellenda omnia religiosa firmamenta potentius reperiri potest; quodque certiùs cum omnium religiosarum familiarum institutione pugnet. sperare enim singulos suopte ingenio virtutum semitam decursuros, nec ad dextram aut sinistram declinatuos, nullisque incitamentis tanquam calcaribus impellendos, nullis cohortationibus grauioribus metumque incutientibus, ab omni omnino rectæ gubernationis regula aberrasse est. quò enim in omni Religione regulæ, constitutiones, monita, & aligatæ transgressoribus poenæ, si singula singulis permittenda, si nullius vultus contristandus, nemo mœrore afficiendus, nihil negandum roganti? imò quò Superior, & obedientia tota? neque enim aut Superioribus opus est, si cuiuscumque propensionibus obsequendum est; aut obedientiæ locus est, si omnium desideria Superiores expleat, permittantque singulis, quod cuiusque voluntas, aut pronus in quamcunque rem animus



mus suaferit: quin magis Superiores inferioribus obtemperant, & illorum in his veriùs, quàm horum obedientia est.

Accedit, quòd hæc Superiorum remissio, affinis interminatoriæ nausentis Domini sententiæ sit, *quia tepidus es, incipiam te euomere ex ore meo*, vt fastidire illum videamus languorem hunc, & tanquam nausentis à tempore fœdissimi vomitus protrimendum: eo magis, quo nocentior hæc Superiorum quàm inferiorum remissio sit; cùm illorum eat in exemplum, obambulet regna, ac in posteritatem etiam virus suum iaculetur. quo fit, vt quidquid delictorum ex hac remissione ortum fuerit, in Superioris caput redundet. Hinc est illud Gregorij Past. p. 3. c. 23. Admonendi sunt, *ne dum nimis humanam pacem desiderant, prauos hominum mores nequaquam redarguant; & consentiendo peruersis, ab auctoris sui se pace disiungant: ne dum humana foris iurgia metuunt, interni fœderis discussione feriantur.*

Nolo tamen in Superiore nimium rigorem, nolo perpetuam seueritatem, vultum contractum, imperia sæculum redolentia: amorem volo & ex amore imperia nata: hîc

patris, ibi matris, alibi medici, sed & iudicis, si qua necessitas occurrerit, personam indui. quin imò minùs noxia perpetua patris dextra, quàm matris vbera sunt, minoribusque periculis obnoxia rigidior quàm mollior semper manus; vt non tam certa præcipitia sint à serij semper obseruatoris fronte, quæque nusquam parcere didicit, quàm à molli materno sinu; neque toties in pœnitenda, ac nullo pòst ingenio aut arte emendanda cadet, qui nullâ maturitatem, grauitatem, seueritatem clementiâ, quàm qui nullâ clementiam seueritate temperat.

Et Dei exemplo discimus etiam in amicissimis, mollia seuerioribus miscere, neque semper mella propinanda; & asperioribus nonnunquam monitis Domini exemplo in Petro, etiam carissimos coërcendos. nunquam crescet in virum, qui de materno semper collo pendet & vberibus. per aspera & dura ad magna contendimus. nunquam ad sui vitiorumque prauorumque affectuum cognitionem ac victoriam deueniet, quem remissus Superioris animus mollib. semper fouet, metuitque redarguere, aut maturiori-

bus

bus monitis ab illicitis nociturisque reuocare. Sanè quem diligit Dominus, castigat, vt amoris indicium castigatio sit; & non castigasse, non amasse sit. Nunquam verò ne verborum quidem maturiore castigatione opus esse, à cælo, non à sæculo, sperandum est, quinimo vñtatissimū in omni Religione est, optimos etiam viros, ob leuia & diurna delicta quædam, grauius fortiùsque supràque delicti magnitudinem moneri, nō tam delinquētium quàm aliorum causa, vt dum patientiam in nō promeritis intuentur, discant in meritis animum componere, & ad modestiæ normam dirigere.

Iam quid sperari potest à familia, cui Superioris remissio in omnem libertatem habenas laxauit, in qua cuique voluntas sua pro regula, affectus pro Superiore est? quid non timeri? exulat paulatim hinc omnis virtus, succedunt vitia, ad quæ natura quasi oborto collo rapimur. sed & in ipsū Superiorem insurgitur. sequitur remissionem venerationis neglectus ac cōtempus, è quibus obloquutiones nascuntur ac detractiones. Nec priuatis hæc parietib. continentur, viciniam

com-



complent, vrbesque totas peruagantur, plurimumque apud externos de sanctimonie ac probitatis æstimatione detrahitur: à quibus initijs sperata animarum salus corrui, quam veneratio & auctoritas, & conceptæ probitatis opinio ferè tutatur & prouehit.

Petrus Chryso. in epist. *Hæc est illa remissio per quam vnus edificat parietem, & alius linit, per quam laudatur peccator in desideriis animæ suæ: imò per hanc canes muti non valentes larrare per consensus vniformitatem, faciem & similitudinem peccatorum assumunt, sicut scriptum est, Vsquequò iudicatis iniquitatem, & facies peccatorum sumitis?*

*Remedia.*

**F**Requens recordatio commissi sibi à Domino gregis, seueraque exactionis concreditæ sibi villicationis.

Incommodorum, quæ ex hac remissione nascuntur, apud animum suum commemoratio, vt illorum magnitudine territus magis seriam excitatamque gubernandi rationem induat. De Heli D. Leo Epist. 75. *Meruit eorum delicta tolerando, diuinæ iustitiæ vnà*

*cum*

*cum filiis sententiam experiri, propterea quod seg-  
ni indulgentia dissimulauit plectere peccatores.*

Fortis tenaxque instituti obseruatio, fre-  
quensque in se prouocatio amoris vocatio-  
nis suæ: sic enim fiet, vt cum seipsum tan-  
quam discusso somno excitauerit, aut tan-  
quam depulso frigore in amorem instituti  
sui inflammauerit; nihil omittat illorum,  
quæ ad Religionem sartam rectam seruan-  
dam necessaria sunt, in omnem bene agen-  
dæ rei occasionem intentus. Neque diffici-  
le est, ad quæ amamus potèter ferri, & gene-  
roso ausu difficilia quæque transuolare, nul-  
la magnitudine terreri, nullius vultum per-  
timescere, nec ferrum nec ignem perhorres-  
cere, quando proposito sibi fini necessaria  
sunt, ducuntq; ad rem amatam, nec alia via  
ad illam. Excitet verò se Domini verbis: 2.  
Para. 15. *Confortamini, & non dissoluantur ma-  
nus vestra: erit enim merces operi vestro.* Bonay de  
6. alis, cap. 5. *Iste manus Prelati sunt instantia in  
agendo, & patientia in sufferendo, quod grauat. quæ  
si non dissoluantur per desidiam, seu intolerantiam,  
merces aterna ei cumulat ur.*

Diligens regularum omniumque con-

d

sti-

stitutionum obseruatio. faciet hoc omnis vocationis suæ amator, cui vigor & instituti valetudo bona cordi est, qui lacertos illius, robora, coloremque sanguinemque totiusque corporis habitudinem bonam amat. cumque illa in animi remissione stare non possit, excutiet torporem hunc, vigiliq; cura in exactam illarum obseruationem incumbet, nullis etiam acribus medicamentis parcendo, quando tuenda valetudini necessaria sunt.

Proderit etiam, si tacitus secum sæpè cogitauerit, in omnibus omnino rebus humanis, nisi assidua cura indefessumque studium intercesserit, labascere quidquid magnum. videmus hoc in hortorum, nemorum, vinearum, agrorum cultu. quoties in illis noxia euellenda, putanda. quoties ferro opus & durior manu? quoties à radicibus sæuendum? nec summa tantum arborum secanda, quin & euertenda sursum deorsum omnia, visceraq; rimanda, si quod fors nociturum abditum latet fibris, si quæ sterilitas defixa inhaeret terris. sed & ab ignibus fecunditas petitur, & sterile solum flamma fecundatur.



vsque adeò saviſſe prodeſt. Idem in animorum hortis vſu venire diſcet, quiſquis euēta rerum maiorumque exempla ſerius inueſtigator luſtrauerit.

Neque interim deſperabit aut concidet animo Superior, ſi non omnia è voto ipſius ſucceſſerint. Neque enim *mirum, ſi non omnes conatus animarum rectoris non proficiant in omnibus, cum nec Dei operatio proficiat in omnibus ad ſalutem ipſorum.* Omnia enim quæ ſeminantur non conualeſcunt, & qui theſauros effodiunt, libenter multam terram eruderant, vt modicum auri vel argenti reperiant. Animare verò debet rectorem ad laboris tolerantiam, quòd non minus meretur in illis qui deſicient, quàm in hiſ qui maximè proficiunt. Plus laborat doctor in indocili, quàm in docili diſcipulo, & ideo apud iuſtum aſtimatorem laboris, plus meretur. In terra ſterili & ſaxoſa agricola plus laborat, & ſi fructus paucior, ſed fructus maior. Et quæ difficilius elaborantur, ſape carius venduntur.

## CAPVT XI.

*Facilitas, & indulgentia nimia.*

**D**V M à recto bonoque, & instituti regula se patiuntur Superiores abduci, idque aut innata quadam morum lenitate, aut difficultatibus victi, aut molestiarum fuga, aut monitorum fastidio; aut quòd blandi facileque haberi velint, aut deniq; omnibus placendi studio: quas res omne Religionis robur exedere, nemo non videt.

Neque enim deerunt vnquam optimarum legum transgressores, qui si viderint Superiorum conniuentiâ impunè omnia peragi, ad deteriora paulatim descendunt, ad ea nimirum quæ ferro & ignibus indigeant. quod vbi accidit, merita cadit in Superiores querimonia, qui cum nullo negotio principiis obstare possent, maluerunt quauis etiam permittere, ne quem suorum leui offensionis metu terrent, aut à se auerterent; quos postmodum eo patiuntur grauiores aduersarios, quo acrioribus in inueteratis malis eruendis, remediis opus est.

Et sanè non est hic amor, odium veriùs est, & hostile, non patrium pectus; cum quæ non magno negotio posset in filiorum morbis pellere, crudeli indulgentia ferrum iubet

ber expectare: dum dilata curatione computrescit membrum, & sola iam sectione & ignibus mederi malo potest. Sanè qui amat, qui pater est, inijs medetur, peccantem filium corripit, non parcit. parcere odisse est, corripere amasse est. Hinc illud in exemplū omnibus Superioribus: Prou. 3. *Quem diligit Dominus, corripit, & quasi pater in filio cōplacet sibi.* Apud Apostolum Heb. 12. *Quem enim diligit Dominus, castigat. flagellat autem omnem filium quem recipit. In disciplina perseuerate. tanquam filiis offert se vobis Deus: quis enim filius quē non corripit pater? quōd si extra disciplinam estis, cuius participes facti sunt omnes, ergo adulteri, & non filij estis. omnis autem disciplina in presenti quidem videtur non esse gaudiū, sed mœroris: postea autem fructum pacatissimum exercitatis per eam reddet iustitia. Propter quod remissas manus & soluta genua erigite, & gressus rectos facite pedibus vestris, vt non claudicans quis erret, magis autem sanetur.* Quæ si negligant Superiores, nec se veros patres, nec inferiores filiorum loco habent, nec imitatores Dei sunt, qui de se ipso Apoc. 3. *Ego quos amo, arguo & castigo; vt apud Dominum arguisse & castigasse, amas-*



non amasse, adeoque odisse sit. Hinc est illud Bon. de 6. alis. cap. 7. *Qui parcat virga, odit filium, hoc est, qui sub specie pietatis peccantem non corrigit animam eius, ad interitum mittit.*

Neque quidquam in Religione malorum est, quod ex hac Superiorum indulgentia non nascatur, & magnis ubique auctibus ingentia incrementa non sumat. omnia enim vitia sub hac arbore tanquam matre succrescunt, pullulantque ab hoc semel sparso iactoque ignavo semine. Nam cum natura ferè prona ad vitia simus, si desit qui huic animarum horto seriam sollicitamque manum admoueat, veteris hominis reliquationes eruderet, surgentia euellat zizania, putationi incumbat, fecundioribus melioribusque syluestria inoculet, noxiorumque fruticum, aridorumque radices ipsas excaudicet; syluescet, & in miricas exurget.

Iam cum indulgentem vndequaque Superiorem viderit inferior, quid nisi malo malum adnectat? probare fors arbitrabitur, cum non improbet. in Superiore enim non improbasse, probasse videri potest; ut qui damna cum possit non fugit, amasse videatur, qui

qui nocitura non detestatur, laudasse censetur. omnia proinde quæ eueniunt aut subnascuntur mala, vni Superiorum indulgentiæ meritò adscribi possunt.

Familiaire verò in primis est, ex hac indulgentia ranquam è semine ac radice, pululascere mutuas æmulationes, animorum alienationes, murmurationes & obloquia, sæculares mores, detractiones, laborum fugam, regularum omnium neglectum, spiritus teporem, ac mentis quoddam frigus ac gelu; orationis omniumque propè spiritualium rerum nauseam, ac quendam quasi cælestium & spiritualium vomitum. nam sperare vt cùm quemque sibi reliqueris, singuli in solidarum virtutum studium incumbant, fatuæ cuiusdam fiduciæ est; maximè in iunioribus, quibus non exigua etiamnum vitiatorum inhærent vestigia, aut necdum in integrum domitis ijs ac conscriptis; aut è tenera adhuc cicatrice, nouum è non vehemèti frictione, imò nō rarò è neglectu solo, vulnus timeri potest: adeoq; cinerib. adhuc tectus ignis, veriùs quàm extinctus est, qui indulgentia hac, & Superioris conniuentia ac

incuria, perfacilè in nouas exurgere potest flammæ; vt proinde perpetua opus Superioris vigilantia sit, & in omnem partem circumspèctione, ne vel noua exurgant, vel erumpant vetera.

Intentam proinde ad singula mentem, oculosque teneat, etiam ad infima fratrum munia. dici enim non potest, quantos hæc vigilantia curaque animos addat, quàm validè omnes in officio contineat, dum obseruari se, siue in remunerationem & laudem, siue in serias monitiones sentiunt; dumque ibi veri patrisfamilias in filios intuentur affectum, alibi medici anxiam de suorum valetudine sollicitudinem; modò pastorem commissio sibi gregi inuigilantem, modò Superiorem in subductionem rationum subditorum suorum incubantem; in omnibus denique serium inuestigatorem & obseruatorem, quemque nihil domesticarum rerû fugiat. semel enim cõcepta hæc opinio omnes in sedulâ commissarum sibi rerum executionẽ prouocat, dũ in oculis, se suaque Superioris, perpetuo versari arbitrantur.

Et ferè qualis ipse est, tales inferiores expe-



perietur. negligens ipse & incurius est? socordes & ignauos expectet inferiores. vigilans & serius? excitatos promptosque consequetur. tantum in vtramque partem exemplum parentis, ducis, medici, Superioris valet, vt ab huius ferè moribus, de reliquis iudiciũ ferre queas, & bona sperare, aut timere mala possis. diligens ipse, & vigilans, ac in omnem partem intentus? similes expectietur inferiores. Quid si inter hæc deliquerit aliquis, & culpa pœnam mereatur, memor sit Sapientis Prou. 19. *Pestilente flagellato, stultus sapientior erit: si autem corripueris sapientem, intelliget disciplinam.* & alibi. Eccli. 10. *Vir prudens & disciplinatus non murmurabit correptus.* Si murmurauerit, habemus eundem interminantem: Prou. 29. *Virum qui corripientem dura ceruice contemnit, repentinus ei superueniet interitus, & illum sanitas non sequetur.* & prudenter alibi monet Eccli. 7. *Melius est à sapiente corripì, quàm stultorum adulatione decipi.* Hinc illud Psalmistæ votum: Psalm. 140. *Corripiet me iustus in misericordia, & increpabit me: oleum peccatoris non impinguet caput meum.*

Quod si errantes & ab instituto defle-

Attentes neglexerit Superior punire, audiat  
 Bonauenturam de sexuali c. 3. Si non corrigit  
 delinquentes, si permittit sub se vitia crescere, &  
 consuetudines malas oriri, & iam exortas roborari  
 & dilatari, si videt Ecclesiasticas obseruationes di-  
 labi, & transgressiones multiplicari, & pro posse non  
 obuiauerit tam presentibus malis, quàm imminen-  
 tibus; triplicem Deo reddet rationem. Primò, pro  
 sua negligentia, quando non fecit ad quod officio  
 tenebatur. nam ait: Sap. 6. Cum essetis ministri re-  
 gni illius, non rectè iudicastis, nec custodistis legem  
 iustitie, neque secundum voluntatem Dei ambula-  
 stis. Horrendè & citò apparebit vobis, quoniam iu-  
 dicium durissimum his, qui præsunt, fiet. Secundò,  
 quòd omnia peccata subditorum, quæ poterat &  
 debuerat correxisse & praeuise, imputantur ei.  
 vnde dicit Ezechiel cap. 33. Si non fueris locutus, vt  
 custodiat se impius à via sua, ipse impius in iniqui-  
 tate sua morietur: sanguinem autem eius de manu  
 tua requiram. Tertiò, pro abusione honoris & pote-  
 statis sibi collatæ, quam ad propriam gloriam &  
 commodum retorsit, & non ad quod data ei. Tolle  
 ab eo talentum, (ait Christus) & inutilem ser-  
 uum eijcite in tenebras exteriores; ibi erit fletus &  
 stridor dentium. Ostendat ergo bonus zelator, quæ-  
 rum

tum diligat Deum, in eo quodd beneplacitum eius in  
se & in aliis promoueat: nec ab hoc zelo mollescat  
per desidiam, nec labore lassetur, nec consiliis flecta-  
tur, nec astutiis circumueniatur, nec amicitia, nec  
bladimentis deliniatur, nec minis terreatur, nec per  
diuturnam prauæ consuetudinis præscriptionem de-  
speret, quin suum officium exequatur.

### Remedia.

**F**Requens malorum, quæ ex hac indul-  
gentia nascuntur, consideratio, bono-  
rumq; quæ ex accurata regularum omniũ-  
que ordinationum obseruatione promanāt,  
vt à quibus Religionis valetudo bona, flos,  
vires, roburque pendeat.

Pœnitentiarum in religione receptarum  
vſus, quas vti neque acerbiores, ita neque in-  
dulgentiores eſſe conuenit: quodd ſi quando  
morbi vis ac malignitas acriores adhibere  
cogat; ſentiat tamen infirmus, à paterno hæc  
affectu, & valetudinis ſtudio, non ex animi  
exacerbatione, aut ſolius iudicis tribunali  
proſiciſci, verbis ad omnem ſuauitatem ac  
manſuetudinem compositis, quæ amorem,  
& emendationis deſiderium, non vindictā,



aut minùs ordinatum affectum loquantur. bene Sap. Eccli. 19. *Corripe amicum, ne forte non intellexerit & dicat, Non feci; aut si fecerit, ne iterum addat facere.* quo magis inferiorem, qui Superiori filij loco est?

Exempla hîc proponi possunt ab omni Reipub. militiæ, priuatæ etiam familiæ, filiorumque institutione; cum pleraque ex illis nimia Superiorum lenitate, & ignaua quadam facilitate perierint; & quæ aut opibus aut robore prima, ad humilem ferè arenam, hostiliaque genua deducta fuerint. & grauis sanè in indulgentiorem in peccata filiorum suorum Heli, sententia Domini est: 1. Re. 3. *Eò quòd nouerat indignè agere filios suos, & non corripuerit eos, idcirco iurauì domui Heli, quòd non expietur iniquitas domus eius victimis & muneribus vsque in æternum.* & secuta prædictione miseranda indulgentis patris mors. 1. Reg. 4. *Cecidit de sella retrorsum iuxta ostium, & fractis ceruicibus mortuus est.* in quem locum est illud Gregorij Past. par. 2. cap. 6. *Quia falsa pietate superatus ferire Heli delinquentes filios n̄ luit, apud districtum iudicem semetipsum cum filiis crudeli dānatione percussit.* vt meritò Superiorio-

iores omnes terrere hoc exemplū debeat.

## CAPVT XII.

*Disimulatio in suorum malis.*

**D**Vm verentur Superiores, ne mœrore afficiant suos, ne offendant, ne à se alienent, ne querimoniæ subnascantur, ne pacata turbent. Hinc conniuentiæ, religiōsæ disciplinæ relaxationes, omniumque perdetentim neglectus, dum à paruis initijs ad maxima properamus: familiare in humanis malum. de his autem Superioribus dici illud Prophetæ ex persona increpantis Dei potest Isai. 56. *Speculatores eius cæci omnes, nesciunt vniuersi, canes muti non valentes latrare. & illud Ezech. 33. Quod si speculator viderit gladium venientem, & non insonuerit buccina, & populus se non custodierit, veneritque gladius, & tulerit de ijs animam; ille quidem in iniquitate sua captus est, sanguinem autem eius de manu speculatoris requiram.* Speculatores Superiores sunt, qui si munere suo functi fuerint, periculorum monuerint, nec inferiores obaudierint, meminert illud Domini Proa. 1. *Despexistis omne consilium meum, & increpationes meas negle-*

xistis. Ego quoque in interitu vestro ridebo, & sub-  
sannabo, cum vobis id, quod timebatis aduenerit.  
cum irruerit repentina calamitas, & interitus quasi  
tempestas ingruerit: quando venerit super vos tri-  
bulatio & angustia. tunc inuocabitis me, & non  
exaudiam: manè consurgent, & non inuenient me,  
eò quòd exosam habuerint disciplinam, & timorem  
Domini non susceperint, nec acquieuerint consilio  
meo, & detraxerint vniuersa correptioni meæ. Sa-  
nè qui Superioris correptionem contem-  
pserit, Dei contempsisse iudicandus est, cum  
vices Dei Superior obeat. quo maior etiam  
cura Superiori incumbit, cui vices suas  
commisit Deus, seueram ab eo exacturus  
rationem commissi sibi gregis: cuius non  
tam affectum ac propensionem, quàm ne-  
cessitatem ac vtilitatem intueri Superior  
debet, Dei quæ ac patris personam in-  
duere.

Non est autem veri patris nocitura filiis  
permittere ne doleant. prudentes illæ lacry-  
mæ sunt, quæ excutiuntur noxiorum amo-  
tione: ingemiscat filius, dummodo perimē-  
tia amoueat, benè est; ne seriùs postea inge-  
miscat pater, & non profuturas profundat  
filius



sub-  
erit.  
uasi  
tri-  
non  
me,  
rem  
filio  
Sa-  
m-  
im  
am  
as  
us  
on  
e-  
or  
n-  
is  
y-  
o-  
ē-  
e-  
t  
s

filius lacrymas, parentis dissimulatione na-  
ras. Non est amor, venena permittere, & no-  
citurum ferrum: odium est, amoris palla re-  
ctum. neque medicus ille laudandus, qui ne  
offendat, ne mœrore afficiat ægrum, mor-  
bum simulat, remedia negligit. Indignetur  
æger, exurgatque in iras acerbioribus medi-  
camentis prouocatus, non ideo aut despe-  
randus morbus, aut destituenda curatio est.  
laudabit ubi conualuerit, & duras medici  
sui manus premio afficiet, exosculabiturque  
ubi pulso morbo, malisq; quibus opprime-  
batur, bona sua senserit. Prudenter Sap. Pro.  
28. *Qui corripit hominem, gratiam postea inueniet  
apud eum, magis quam ille, qui per linguæ blandi-  
menta decipit.* Sin inclementi commiseratio-  
ne motus medicamina in seram curationē  
distulerit Superior, damnabit meritò æger  
inhumanam hanc benignitatē, nec tam mā-  
suetudinem, quàm crudelitatem inclamabit.  
Idem fiet in animorum morbis; totam accu-  
sationem, indignationemq; suam vertet in  
noxium hunc dissimulatorem: qui cum me-  
deri posset malo, maluerit crescere, cumque  
ad mouere manū debuisset, leuibus etiam tum  
ini-

anup

initijs, ac quasi in superficie ludente ægritudine, distulerit curationem, donec in præcordijs sæuaret malum. Hinc illa Sap. monita: Pr. 29. *Erudi filium tuum, & refrigerabit te, & dabis delicias anime tue.* & Eccli. 30. *Qui diligit filium suum, assiduat illi flagella, vt lateatur in nouissimo suo, & non palpet proximorum ostia. qui docet filium suum, laudabitur in illo, & in medio domesticorum in illo gloriabitur. qui docet filium suum, in zelum mittit inimicam, & in medio amicorum gloriabitur in eo.* filij autem Superiorum inferiores sunt, & verissimorum patrum verissimi filij.

Quòd si alius accesserit Superior, priore munere defuncto, qui suorum inuigilauerit malis, quiq; serius vbique periculorum monitor manum admouerit, qui damna properantia, ac ceruicibus imminetia, ac iamiamq; ruitura præcauere voluerit; miratur monitorem suum, tantorumq; periculorum denunciatores, qui morbum in eam diem nullum senserit, ægritudinem prorsus ignorauerit (vt fieri consuevit vbi in naturam abierunt morbi) & exurgit non raro in indignationes, nec credit denuncianti; quin

quin aut ab alieno in se animo monita hæc  
promanare, aut ex inanibus nimiumq; cre-  
dulis Superioris sui suspicionibus, aut è mo-  
litionibus aliò tendentibus arbitratur; se-  
quunturque non leues animorum aliena-  
tiones, murmuraciones etiam, & obloquia,  
& fiunt tales acerrimi Superiorum observa-  
tores & censores, si quid fortè in illis depre-  
henderint, quo suspensiones hæc suas alant,  
dicta factaque illorum in sinistram ferè &  
deteriorem partem interpretantes, vt causæ  
suæ æquitatem tueantur.

Si pro ratione muneris sui pergat Super-  
rior; aut erumpunt in pœnitenda, & ad odia  
gravesque detractiones, & ad malorum de-  
nique vltima descendunt: aut si in morbi,  
quo detinentur, periculorumque cognitio-  
nem venerint, vniuersa indignatio prolabi-  
tur in priorem Superiorem, malorum dissi-  
mulatorem: illum accusant & damnant, cu-  
ius immiti silentio, & ignaua dissimulatione  
mala creuerunt. Et sæpè ad tantum præcipi-  
tium mala venerunt, vt pedem in tutum re-  
trahendi nulla spes affulgeat, omneque me-  
dicamenti genus, malum aspernetur. Hinc  
in-



inter monita & curationem, gemitus & dura trahuntur suspiria, mœrorique indignatio miscetur, & grauior etiam melancholia, quam non nisi cum vita æger deponet, dum de victoria sui, mali magnitudine victus, desperat, & inclamat cum Propheta: Jerem. 15. *Plaga mea desperabilis renuit curari.*

Quod si initiis, & in herba adhuc ludentibus malis, tenero adhuc caule, manum prior admonisset Superior, nullo hic opus esset ferro, & sanè gaudebit quisquis sapit inferior, morborum suorum principiis à Superiore occurrì, paternamque manum ad moueri. Scit enim verum illud esse Sapientis Prou. 15. *Auris quæ audit increpationes vitæ, in medio sapientum commorabitur. qui abiicit disciplinam, despicit animam suam: qui autem acquiescit increpationibus, possessor est cordis.* & illud Prou. 12. *Qui diligit disciplinam, diligit scientiam: qui autem odit increpationes, inspiens est.* Denique Prou. 13. *egestas & ignominia ei qui deserit disciplinam: qui autem acquiescit arguenti, glorificabitur.* Quare lætabundo animo corripientem excipiet patrem, vt vbi inualuit malum, & ignibus iam opus est & ferro,

antè aut animam aut vocationem poner,  
quàm duri iudicis admittet manum.

*Remedia.*

**A** Vigili Superiorum cura petenda, vt  
nec minima quidem negligat, certus  
ex his magna etiam oriri: modico fermento  
totam non rarò massam amarescere; modico  
felle mella vinaque corrumpi nobilissima;  
modico veneno ingentia damna dari; vinaque  
non rarò scintilla oppidorum flammæ nasci.  
Ille agri sui prudens cultor est, qui zizania in  
semine, tanquam in matre & utero, priusquàm  
nascantur, lucemquæ aspiciant, aut in aliorum  
oculos incurrant, perimit.

Cogitet deinde Superior, mala, quæ in  
ortu leui medicari manu poterant, vbi adoleuerint,  
& robori iam suo innixa steterint, non nisi  
valentissima dextera, potentissimisquæ medicamentis;  
& in ceruicem sæpe Superioris ruituris curari posse.  
poterant initio componi nō magna querimonia:  
neglexit; excreuerunt in arbores, vt ferro iam opus  
sit, & ignibus illis excidendis. Quid? quod  
nō vnius, vbi inualuerint mala, sæpe interitu  
medicamenta adhibeantur: nam vbi  
fer-

serpendo plures secum traxerunt, agrumq;  
non rarò vniuersum veneraria sua lue infe-  
cerunt; non leuia meritò timeri possunt,  
cùm in vnum insurgant omnes, doleantque  
sibi eripi, quæ longa iam consuetudine pro-  
pè in naturam ac regulam abierunt.

Si cogitauerit deinde damna ex infelici  
hac dissimulatione nascentia, periculaque  
vniuerso corpori imminentia, seueramque  
extentamque in vindictam Dei in dissimu-  
latores manum, præmiaque cælo serijs in o-  
mnem partem excubatoribus reposita; faci-  
lè se ad vigilem curam sollicitudinemque  
prouocabit.

Nemo denique ad noxias hæc dissimu-  
lationes descendet, qui soli Deo innititur.  
hic enim extra spem metumq; positus, nulli-  
us gratiæ, beneuolentiæ, indignationi quid-  
quam tribuit, Deo inhærens, à quo solo vt  
verè metuenda, ita & speranda veniunt.

### C A P V T XIII.

*Studium placendi sibi subditis.*

Dum



**D**V M aut subditorum metuunt oblo-  
cutiones, aut terrentur scriptionibus:  
aut nolunt offendere quos commodos sibi  
arbitrantur, quosque dictorum, factorumque  
suorum laudatores experiuntur.

Accedit metus temporalium rerum, dum  
verentur ne in earum aut tractationibus,  
aut consecutionibus minùs vtilem fidamque  
suorum operam & industriam sentiant, aut  
illis etiam vniuersim destituantur.

Hinc pro malorum magnitudine non  
admouentur remedia; aut extrema tantum  
delictorum leuiter tanguntur, nec ad inte-  
riora curatio accedit, vel, quod deterius, ex-  
cusationes prætexuntur, minuendisque ac-  
leniendis, ac propugnandis denique malis  
rationes & quæruntur & reperiuntur.

E quibus prouenit, vt inferiores aut non  
sentiant mala periculæque, quibus iactan-  
tur; aut immania, quibus insistent, præcipi-  
tia, ruinæ proxima: aut vitia etiam virtutes  
arbitrentur, cum videant illa non damnari,  
imò & probari interdum ab ijs quorum pru-  
dentia commissi sunt.

Accedit, remedia seriùs plerumque ad-  
mo-

moueri, cum mala medicam omnem magnitudine sua aut respuunt, aut superant; cum leuissimis medicamentis in primis ortus sui initijs morbus omnis pelli vincique potuerit.

Denique complacendi hoc studio vniuersa paulatim religiosa disciplina dissoluitur, dum Superiores inferioribus occasionem præbent quidlibet experiendi, quidlibet audendi; deueniturque pedetentim ad summa transgressionum fastigia, ad totius vocationis institutique neglectum ac contemptum; dum singuli propè, vitæ sibi genus formant, quale pronus cuiusque in libertatem animus suasit.

Clauduntur hæc mala Superiorum contemptu. ferè enim in humanis, indiuiduo quodam nexu, placendi studium contemptus sequitur: neque enim aut in Superiore auctoritas, aut in inferioribus veneratio diu stare potest, dum complacendi suis studium, ad multa venerationi ex professo inimica Superiorem abiecerit. nam licet filialis quidam in inferioribus, tanquam in parentes amor, plurimum ad venerationem valeat; nisi

firmitatem sua parenti constet auctoritas, neglectus quidam sequitur, ac ingens paulatim etiam de patre existimationis diminutio: ut in omni benè constituta familia conandum sit, ut amor filialis quidam timor permixtus sit, qui & paritatem tollat, & amico filialiq; metu auctoritatem conciliet. ita in amore hominis ad Deum salutaris omnino metus intercurrit, ut dum amamus patrem, vereamur in offenso iudicem ac dominum. In Superiore etiam dum personam amamus parentis, timeamus Superioris: nam nisi hic timor amorem comitetur obedientia, diu consistere non poterit. Si enim omni Superioris persona deposita, solius se benignissimi patris, ac quasi matris vestiatur qui præest, veneratio non leue naufragium patietur; imò nec verus ille pater dicendus est, qui filiorum gratiam venatur, totumque se in illam profundit: amicus enim verius, aut inferior etiam illorum, quorum gratiam aucupatur, dici potest. nam in eo quo alterius benevolentiam studiosius sibi comparare studet, Superiorem illum agnoscit, ut à quo affectus ac benevolentie alterius beneficium speret; in



in quo parando ad non pauca auctoritatem diminuentia dimittere se cogitur, è quibus paulatim venerationis loco ingens contemptus nascitur; quem vt non facilè inferior exuet, ita nec Superior auctoritatem consequetur. semel enim hac proculcata, aut nunquam, aut perquam rarissimè exurget. Conatum fors Superior adhibebit; at semel contemptus imbibitus, aliùs plerumque insidet animo, quàm vt pelli possit, maximè cum totum hominem occupauerit. Inde Superioris iam imperia nulla, & ex imperatis ea exequimur quæ probamus, vt obedientiæ mensura, voluntas ac iudicium nostrum sit.

Existimatio deinde tota deperit, & quidquid erat opinionis bonæ; sequuntur iudicia aliena & aduersantia, censuræ graues: nec domesticis se parietibus malum hoc tenet, perambulat sæculares, & in corpus vniuersum abit.

Et ferè iusto Dei iudicio illos in primis patiuntur aduersarios, quorum parandæ beneuolentiæ impensius studuerunt Superiores.

*Remedia.*

**C**erta bene gubernandi norma Constitutiones & Regulæ sunt: quarum si serius obseruator & custos Superior fuerit, & ex illarum spiritu præesse studuerit, nec ad dexteram aut sinistram in huius aut illius gratiam deflexerit; nullo negotio & patris affectum, & Superioris auctoritatem tuebitur, pulchra, tuta ac necessaria etiã mixtura. Nam vt à gubernandi prudenti regula decedit qui tantùm parens est, ita ab illa degenerat qui tantùm Superior est, vtrumque peritus regendi artifex coniunget; nec nimiam seueritatem induet, nec ad nimiam se benignitatem abijciat: nec Superiori necessaria auctoritate, nec patria mansuetudine se spoliabit. vtramque occupabit; vt sua in inferioribus amoris stet veneratio, suus venerationi amor: pari vtrinq; pondere; plus tamen si habuerit patris, non dampnem: integra in omnibus Superioris auctoritate & veneratione, vt nihil de hac patris demat amor.

Studium deinde vni placendi Deo: in quo si Superior certam spem ponat, illum-

e

que

que in omnibus actionibus intueatur, ad  
eumque studia, cogitata, factaque dirigat,  
non magno negotio quidquid optari in Re-  
ligione potest, consequetur; nec humanos  
favores laudisque aucupabitur, cælestibus  
pascendus. bene hîc Gregor. monet in Past.  
p. 2. c. 8. *Rektor solerter inuigilet, ne hunc cupido  
placendi hominibus pulset, ne, cum studiosè interio-  
ra penetrat, cum providè exteriora subministrat, se  
magis à subditis diligi quàm veritatem querat: &  
non magno negotio etiam temporalium  
difficultates superabit. Neque enim fieri po-  
test, ut monitorum, consiliorum, mandato-  
rumque suorum serium vigilemque obser-  
uatorem destituat Dominus. quin magis  
crescet etiam Dei benignitas, crescente Re-  
gularum observatione; ut quasi pari passu &  
harum custodia & illius accrescat munifi-  
centia: maximè ubi Superiorem nullo hu-  
mano respectu, sed solo placendi sibi studio,  
ferri & impelli viderit Deus: cui si studeat  
placere Superior, à quo solo præmia speran-  
da sunt æterna; facile præmiorum magnitu-  
dine & æternitate illectus, reliqua contem-  
net, nec tam sollicitè perituram gratiam  
suo.*



suorum venabitur. Audiat Apostolum I. Thes. 2. *Non quasi hominibus placentes, sed Deo, qui probat corda vestra. & ex se factus nobis magister, Gal. 1. An quero hominibus placere? si adhuc hominibus placerem, Christi seruus nō essem.*

Proderit verò non parum si sibi persuaaserit fore, iusto Dei iudicio, vt eos experiatur aduersarios, quorum disciplinæ relaxatione beneuolentiam captauit. Et docuit non semel experientia, docetque in dies, eos aciores hostes passos Superiores, quibus plus indulserunt, vt indulgentiam neglectus, contemptus, detractiones & odia sequantur; dum maiora semper appetit semel gustata libertas, indignaturque ad negata: vt aut omnia concedenda sint, aut violanda amicitia. & vt concesserint omnia, nusquam consistet, gradumque sistet hæc licentia: insurget in ipsum Superiorem, nec finem statuet, donec illum munere deiectum viderit. Vltima hæc ferè merces placendi est.

## CAPVT XIV.

*Nimia in suorum aliquem fiducia.*

**Q**UÆ res cùm aliorum æmulationem & inuidiam vtrique comparat, tum magis obnoxia periculis est; ne aut talis animos sibi sumat maiores, aut partem ad se trahat gubernationis, subditorumque à Superiore animos deducat, ac in se transferat; obedientię vim infringat, eaque in gerendarum rerum actionibus committat, quæ & dedecori Superiori & damno sint; bonoque Religionis nomini non parum derogent. Et ferè videmus tales non postremam ad se gubernationis partem trahere. ita nimirum nimia fiduciâ confurgunt animi, vt omnia sibi concessa arbitrentur, quibus nimio quodam fiduciæ nexu colligati Superiores sunt.

Non probo diffidentiam in altero extremorum sitam: mediocritas laudata: vt neq; in omnibus morosa quadam prudentia, nimiaque complacentia tui diffidas; neque prodiga fiducia omnia credas. temperetur fiducia metu, vt nec omnia subtrahas, nec omnia largiaris. Consultumque in primis est, Superiore in omni etiam probatissimo, viroque aliàs maximo, oculos in omnem partem intentos habere. plus tamen vni, quam

quàm alteri confidat, in tanta hominum varietate necessum est. Nam & testata vnus virtus, prudentia, circumspectio, plus fiducia iure quodam suo deposcit. Neque prudens omnes eodem metietur pede, circumspectabit singula, mores omnium, vitam, probitatem, & pro cuiusque talèto ea committat, quæ tutò cōmitti posse arbitrabitur.

Ac licet plurima sæpe spectatæ alicuius virtutis ac prudentiæ viro committi posse ratio suadeat, ita tamē res instituat, vt nihil agendarum rerum Superiorem lateat, vt & rationem reddere petētibus possit, & extra sollicitudinem versetur, neque se nimîa in suorum aliquem fiduciâ, ignarum in discrimen ac pericula coniectū serò queratur, viamq; inter præcipitia, cū euadendi spes nulla superest, circumspectet. & sanè rarò quisquam eo conatu res alienas, quo suas tractat, aut deliberationē aut laborem magnitudini parem admouet, cū ex euentu ferè res omnes metiamur, quarum fortunatus infortunatusq; exitus cū maximè in Superiorem cadat, magis plerumq; illi de propinquo res cordi est, tanquam laudis & vi-



tuperationis materies & scopus.

Et nescio quid aliquando interueniat humani, cum laudem omnem videamus accrescere Superiori, laborem omnem esse nostrum, commendationem illius, quæ res negligentiam interdum auget, socordiam nutrit, & mistis aliquando æmulationis aculeis exasperat animum, & ad pœnitenda deducit, ita studio nonnunquam sperata alteri gloria decerpitur, neque exequimur quod licuit, verentes nimirum, ne quantum laudis accedit alteri, tantum decedat nobis: quæ res etiam ex professo in non laudanda non vnum in aliena re impulit, non tam odio alterius, quàm studio amoris laudisque sui.

Accedit quòd tales ægrè postmodum reuocari ad consuetam Religionis normam reliquorum more possint. Quòd si pergat Superior vrgeri, quæ concessionibus coaluerat amicitia, dissoluitur, vertiturque in odia amor, & in criminationem Superioris: crescunt deinde suspiciones, & pro fiducia diffidentia nascuntur, mutue demum accusationes & contemptus, præteritarumque actio-

actionum depressiones, & quæcunque etiam antè cum laude gesta, in dubiam vocantur fidem. Ex fauo nimirum fella & venena suguntur.

Sed neque bene consulitur illi, quem hac fiducia Superior firmavit: nam & domesticorum reliquis suspectus hic esse incipit, ut etiam consuetudinem illius fugiant, familiaritati se subtrahant, minùs fidenter agant, consilia respuant, dicta factaque illius in alium longè ab auctore sensum trahant, planèque ingenti apud omnes diffidentia laboret, actionesq; propè illius omnes etiam probe in sinistram rapiantur partem. Ita omnium talis & benevolentia excidit, & inuidiam in se prouocat, in quem nimia Superiorem rapi confidentia senserint: tanquam omnium petendus sit telis, qui vnus Superioris clypeo protegitur. Familiare malum etiam inter vnus patris sobolem. cum enim profusiore in vnum senserint animo parentem ferri, mutua reliqui conspiratione in vnum feruntur; oppugnatùrque ab omnibus, quem nimia patris supra reliquos benevolentiae fiducia tegit: maximè

cum parentis ille in se affectu elatior, omnia sibi licere arbitratur, & in fratres, vnius veteri & paritatis oblitus, impotentius insurgit, reliquisque negata fidenter sibi assumit, nec iam fratris sed patris in fratres personam assumit. Vix enim humanum est in nimium secundis animum moderari. assurgimus surgente fortuna, & iisdem passibus extollimur, & dispares felicitate, matris licet vberem & sinu pares, caput efferimus, & ad imperia est fortuitis conuolamus, paritatis immemores; priorisque fortunae obliti, est sola externa felicitate prerogatiuam metimur, inde iam indignationes, & in vnum caput, tanquam inimicum, hostiles molitiones; nec insidiarum machinationumque; finis est, donec penitus euertant, quem Superioris indulgentia efferri supra reliquos viderint. Quod dum fit, ingentia partium consurgunt studia, & magna ubique area mutuarum detractionum aperitur, illeque fortunatus censetur, qui socium quaqua demum via gradu turbauerit.

*Remedia.*

Ex



**E**X paritate in omnes sumenda sunt. fiet hoc, si par in omnes Superioris feratur amor: si singulos non ob priuata commoda, aut ingeniorum prærogatiuas, sed quòd vnus patris Dei, vnus matris Religionis filij sint, amore prosequatur.

Non nouit hæc discrimina Dei amor, nisi ex virtute nata; ac ne tunc quidem palàm aperienda: tacitus apud se potiùs veneretur hos Superior, committatque ita negotia, vt ipse tamen intentum in omnia oculum teneat.

Neque vni tantùm speciosissima credat, sed aliorum etiam non rarò virtutem experiatur, quando sine damno potest.

Neque cum vno plurimùm sermonem misceat, sed pro re nata varios etiam libens admittat, & vltro etiam prouocet, animetque si quid rectum ab illis factum; ac sicubi erratum, paternè moneat, errorem ostendat; ita tamen vt modum præscribat, quo corrigi ille possit.

Nec ideo vniuersim à negotiis tales excludat, sed vbi illa commiserit, præmoneat, modumque præscribat. quòd si iam ex præscripto

feliciter egerint, laudet illos, & ad maiora hortetur.

Quòd si quem innata prudentia probitasque maioribus dignum suaserit, ut merito plus illi credi possit & debeat: neque enim omnium par industria, sapientia, solertia, fides, rerumque experientia est; is omnistudio deuitet ne qua parte supra reliquos se efferat, ne quid muneris Superioris ad se trahat, ne aliorum se familiaritati subtrahat, ne potiores dignioresque partes assumat. sed contrà rara in omnes beneuolentia ac humanitate feratur, inferiora, quæque plus laboris molestiarumque quam splendoris habeant, ultro sibi deposcat, & oblata cum magna hilaritudine arripiat, illustriora lubens alijs deferat, concedique gaudeat: bene de omnibus, & si potest splendidè; de se suisque non nisi modestissimè loquatur, aut vniuersim fileat. errores si qui, ut in humanis solent, occurrant aliorum, aut in totum diluat, aut quantum potest minuat eleuetque, omnibus benignus, ut minimis etiam prout occasio tulerit assuescat, quam etiam studiosè nonnunquam inquirat, ne quis me-

merito contemptum aut neglectum se ab illo queri aut suspicari possit. Sic fiet ut omnium omnino benevolentia iudicioque, reluctanti etiam potiora omnia deferantur, felicesque se reliqui arbitrentur, si in rebus suis consilio illius uti possint. tantum in humanis humanitati iuncta modestia valet.

## CAPUT XV.

*Privata necessitudines & amicitia.*

**N**ON sunt hæc signa veri amoris. contingit enim his quod simiæ, quam cum mater fortius stringit, perimit: ita quos arctiori sibi familiaritatis vinculo Superior innectit, perdit. nam cum in his prouocet nimiam fiduciam sui, audaciam, fastum, aliorum contemptum; aliorum etiam in hos offensiones concitat, diffidentias, non inanes sinistras suspiciones, murmurationum ac detractionum non vulgares causas. ut non immerito talis dicere Superiori possit, *Elevans assisti me*, ad invidentiæ nimirum brevia, ad æmulationum scopulos, ad liuoris yada.



Contingit etiam nonnunquam, ut his moribus dicere liceat præpostero planè naturæ ordine res ire. neque enim non rarò non tam Superior domui, quàm talis Superiori & domui imperat, cum plures sæpe ad hunc quàm ad Superiorem decurrant. Difficilis nimirum ad Superiorem aditus, facilis ad hunc est; nec quidquam tam magnum quod per hunc non consequantur. negasse enim postulata, amico negasse est: quem cum nolit Superior offendere, aut mœrentem dimittere, omnia concedenda sunt, aut sanè amicitia renuntiandum est.

Nascuntur deinde dissimulationes defectuum in iis, quibus familiaritùs adstringimur; cum eos vel amor tegat, aut offensionù merus dissimulet, aut priuatæ necessitudines libertatem adimant, aut arctiores mutui nexus monita respuant, nec iam admittant personam patris, multoque minùs iudicis.

Crescit dein ex hac familiaritate in inferioribus audacia, quæ ferè familiarem conjunctionem comitatur. contemptus denique, quem à familiaritate tanquam sobolem à parente, videmus nasci; ut indi-  
uiduo

uiduo ferè hæc nexu coniungantur, magna necessitudo, & ad intima quæque admissio, & minor æstimatio. Neque enim fieri potest, quin multa in illa familiaritate improbanda, aut sanè non probanda deprehendamus, quæ prius ignorata admirationem & venerationem prouocabant. quæ duæ res dici non potest quàm validè in omni gubernatione Superiore auxilio sint, cùm sæpe opinionibus gubernatio contineatur: quod & in laude & contemptu plurimùm valet.

Quare cùm non probem nimiam in Superiore retractionem, ac solitudinem; tum nimis prodigam ac profusam familiaritatē probare non possum. Nolo in Superiore aliorum fugam; neque ad intima tamen omnia perfacile quemquam admittendū suaserim: non quòd aliquid committi velim, quod alienum oculum vereatur, sed quod non faciat ad venerationem, opinionisquæ magnæ antè collectæ augmentum, vniuersa referare & expandere.

Scio non vereri illum homines qui illaudanda committit teste & iudice Deo; nec rubescere debere ad alienum prospectum,

cui frons colorque stetit in oculis omnia videntis Domini. At ille non tam euentu, quàm animo res metitur; nos ex ingenio nostro, nudisque non rarò opinionibus innixi, iudicium plerumque de toto homine ferimus: & aliquid aliquando liberius aut vidisse, aut audisse, plurimùm de concepta existimatione minuit. lapsus est verbo, improuidum aliquid excidit, minùs maturum, minùs ferium? vniuersim de omnibus iudicamus, remissit aliquid Superior de consueta maturitate, vt non rarò in intima illa familiaritate assolet? præiudicia nascuntur.

Iam cùm ad omnem benè gubernandi rationem plurimùm opinio momenti conferat, hanc verò nimia necessitudo, & ad abditissima quæque admissio diminuat; nemo paulo prudentior ad illa suos admittet, nisi ea in omnibus, etiam secretissimis vtatur circumspectione, vt nec hostiles in ijs oculos vereatur. Quod cùm rarissimum in homine sit, neque quisquam facilè ad eum prouidentiae gradum conscendat; non facilè etiam aditus ad omnia aperiendus est. Magnus ille, cuius omnia patère possunt omnibus,



bus, & qui nec incubili, aut strato, in mensa, animique corporisque exteriori laxamento, inimicum testem ac iudicem vereatur. Nisi ergo omnia, etiam inter priuatos parietes, priuata colloquia ea sint, quæ quis meritò admireretur, imitetur, lauder, non suauero ad omnia, ostia referari.

Quòd si quando tamen faciendum necessitas ac ratio poscat; videat Superior, quem admittat, quem intimorum omnium suorum testem, ac quasi iudicem statuatur. Rarissimi enim sunt, etiam in circumspectissimo Superiore, quibus tutò hæc sine venerationis diminutione credi possint, qui non faciles ad offensionem sint, qui sciant res temporibus metiri, qui homines cogitent, non Angelos, qui parua vitia magnis virtutibus norint integere, qui nullo sæculo cogitent fuisse quemquam, cui non aliquid, maximè inter domesticos parietes, ignoscendum fuerit: qui circumuolitantes errores, tanquam pulueres Aquilone sparsos, magnarum virtutum factorumq; scopis norint detergere, qui que volaticos hos diurnorum vitiorum cineres, illustrium ac generosarum operationum serie, tanquam

valido vento diffilare didicerint. Tales ubi nactus fuerit Superior, fors poterit ad intima quæque admittere.

*Remedia.*

**F**Requens in Superiore consideratio muneris sui; omnium se esse, non vnus, aut paucorum parentem; omnes pari solitudine, non vnum alterumue curæ ipsius commissos; omnes pari iustitiæ & charitatis lege concreditos; omnesq; pari sanguinis & adoptionis iure, Dei ac Religionis magnæ ac fecundæ matris, filios esse.

Cogitet deinde Superior, vnus omnes corporis mēbra esse. quare pari omnia cultu & obsequio obseruanda. quid? quod Apostolo teste vilioribus maiorem honorem circumdemus. & fatuum omnino est vnus membri cultui totum se tradere, reliquis destitutis. quid enim nisi non modò reliquorum, sed & huius corporisq; totius interitus expectandus est?

Frequentata consideratio diuinæ gloriæ, quæ sepositis priuatis affectibus, ad omniū perfectionem & amorem pari iure deducit.

Pe-

Periculorum, quæ ex his familiaritatibus nasci consueuerunt, considerationes; ac illius in primis, multa ferè in his necessitudinibus amico committi, quorum pœnitudo grauis auctori est. Factus enim quodammodo Superior illi seruus est, cui animi sui secreta committit, cùm illum variis iam nominibus obstrictum teneat; maximè cùm iustus ille insurgat metus, ne, si quam alienationis causam præbeat, prodat amicè cōcredita. Atque hinc iam dissimulationes illæ nascuntur, quæ inferiori omnis licentiæ ianuam aperiunt, vt periculum sit, ne contingat in hac familiaritate Superiorum, quod Ezechix regias opes ostendenti: vt, cùm animi sui reconditos thesauros alteri reserauerit, bella exspectet, & reconditarum in eam diem opum expilationem.

Vetus illud dictum tacitus sæpe secum voluat Superior, & ab ipsa prudentia dictatum: *Secretum meum mihi*. Neque enim infelicius quidquã eo est, qui celare concilia sua non potest, qui quæ animi sui morbos in alterius effundit sinum. Non est talis regi-  
mini natus, cùm primum summumq; prudentis



dentis bonæque gubernationis fundamentum sit, nosse filere. quod non poterit, qui se suæque in familiarioris sibi pectus effundit. quod in omni propè familiaritate usu venire solet. Iam cum hic familiaris alium fors sibi familiarem habeat, quem nihil celare confuevit, fit ut intima quæque Superioris prodantur, quæ res ingentium secum incommodorum seriem trahit.

## CAPVT XVI.

*Defectus boni exempli.*

**F**Erè enim omnium oculi in Superiore versantur, & dux ille suis ut ad virtutem, ita ad vitia est; pronique maximè iuniores sunt in Superioris imitationem; manentque hæc viua morum illorum exemplaria in omnem etiam ætatem impressa mēti; & transeunt in posteritatem, tanquam morum regulam: ut religiosè ille viuere videatur, vocationem expleſſe, qui Superiorem moribus refert, dictaque factaque illius exprimit, eo etiam magis, quo propiùs ad illum accesserit. Præclare Nazianzenus Apolog. 2.

Ne-

men- Neque enim vel indelebilem tincturam pannus, vel  
qui se foetidum aut suauem odorem re. admotæ ita facile  
undit. contrahunt, vel exitialis quidam vapor tam facile  
venire in aërem diffunditur, ac per aërem animantia oc-  
cupat (quod quidem pestis est & appellatur) quàm  
rs sibi subditi Antistitis improbitate, celerrimè impleri so-  
con- lent, & quidem multò facilius quàm virtute.

pro- Quo grauior reddenda ratio Superioribus  
com- erit, cum non ignorent, dicta factaque suã  
in exemplum & imitationem posita; nec  
quicquam in sequelam efficacius esse Supe-  
riorum moribus, qui tanquam benè & reli-  
giosè viuendi prima quædam principia ac  
pronunciata habentur.

riore Maiora deinde scandala è Superiorum  
tem, erroribus metuenda; quorum quo illustrior  
iores erroribus metuenda; quorum quo illustrior  
tque locus ac dignitas, eo periculosiores defectus  
in o sunt, & vniuerso corpori nocentiores. vnde  
ranf etiam illud metuendum, Potentes potenter  
n re tormenta patientur. Hinc Gregorius Homil.  
vo- 17. in Euang. Nullum, puto, ab aliis maius prau-  
ori- dicitum tolerat Deus, quàm à Superioribus, quando  
xpri eos, quos ad aliorum correctionem posuit, dare de se  
lum exempla prauitatis cernit: quando illi peccant, qui  
g. 2. compescere peccata debuerunt.

Ne- Et

Et ad gloriam plurimum facit, exemplo ad virtutem præluxisse. Sanè à moribus fere Superiorum vniuersa domestica disciplina, reliquorumque mores pendent. verba rebus inania plus etiam non raro offensionis, quàm documenti secum ferunt; res ipsæ viduatæ licet verbis, & inornatæ, nihil detrahunt natiuæ venustati: imò non semel plus roboris ac pulchritudinis, res nudæ, omniq; adscititio ornatu spoliatæ, quàm nobili aliqua dictionis purpura vestitæ ostentarunt. facere, viri, & religiosi est: & plurimum rebus potentes, verborum inopes; verbis diuites, rerum inopes sunt. & è millibus vix vnum alterumue, cui omnia concessa, reperies. In locuplete namque verborum copia, rei parum esse solet, cum inopia verbis iuuari velit: in opulenta rerum copia, verborum minus est. neque enim alienis splendere aut fulciri vult domesticis diues. imò murmuratum non leuem causam præbent fortia verba emedullata rebus, cum non respondent monitis facta; & illudere etiam incipimus & obloqui passim. exasperare nempe animos solent mortua verba, rebus, id est vi-



ta sua, destituta, & prouocare in æstimationis suæ derogationem.

Sanè vt nihil ad inuitandum potentius Superioris exemplo est, ita nihil ad omnem illi auctoritatem venerationemque tollendam validius, quàm cum verba factis aduersantur. Et frustra talis mali medelam sperabit, aut suorum morbis medicinam adferet. respuet hanc manum æger animus, nec altè imbibet, quod à superficie, & à solis Superioris sui labris narum videt. Quare si sperare valetudinem suorum debet, si aut collabentem erigere disciplinam, aut ne collabascatur, si inrepercentem accendere pietatis ardorem, aut illius nutrire flammam, si immania alterius sexus præcipitia vitare, si mutuam animorum coniunctionem maiorumque imperia stare, reliquaque quæ ad Religionis tuitionem, damnaque vitanda necessaria sunt; manum Superior admoueat, exercituumque imitetur ductores magnos, qui non tantum lingua, quàm manu prompti & exemplo, ad ardua quæque audenda suos inhortati, fortiter facere, quàm benè dicere maluerunt. Faciendo nimirum, non

di-

dicendo res magnæ geruntur: nec quisquam  
facile paulo generosior miles præeuntem  
destituet ducem. pulcrum namque per il-  
lius vestigia triumphum mereri; per illius su-  
dores hostem ferire; per illius sanguinem,  
hostilem bibere: idemque à Christo disci-  
mus, qui non antè docuit, quàm opere ex-  
pleuit: *cæpit* nimirum, Scriptura teste, *facere*  
& *docere*, vt exempla præcesserint, monita se-  
cuta sint: quæ tunc demum potentissima  
sunt, cum opere tanquam clypeo & vallo  
armantur. nec quidquam iam inferiori du-  
rum ac difficile: præeat modò Superior, nec  
tam verbo, quàm re ipsa ducem se præstet, vt  
non tam monitor, quàm ductor sit: primus  
enim si ille ad ardua manum porrexerit, se-  
quentur reliqui vel sola verecundia impel-  
lente.

Hæc demum vna & vera omnis bonæ  
gubernationis via est; neque res vlla validior  
certiorque est quæ bonis iuxta improbisque  
plus animorum addat, & ad virtutem inci-  
tamenti: qua etiam vna deficiente, nihil soli-  
di sperari potest, nihil quod ætatem ferat,  
quod laudē mereatur, quod probatis maio-

rum

rum moribus respondeat; dum singuli suo spiritu feruntur, & tot iam Religiones, quot capita enascuntur. In diuersa namque studia & partes scindi necessum est eos subditos, qui aut ductore carent, aut solis monitis præeuntem Superiorem viderint, verbis nimirum multa pollicentem, inhortantem, sed verbis solis, rebus animaque, ut ita dicam, sua viduat. Cassiod. lib. 11. *Neque enim potest auctoritatem habere sermo, qui non iuuatur exemplo; Var. cap. 8. dum iniquum sit bona præcipere, & talia non egisse. Ephrem de vita spir. cap. 37. Nihilq; æquè animum ducit ad salutem, iunioresq; ad laborandum incendit, atque si doctorem reipsa & exemplo ad virtutem cohortatorem inuenerint.*

*Remedia.*

**F**Requens meditatio reddendæ rationis Deo, maximè cum vitia Superiorum eant in exemplum suis posterisque.

Feruida incentiua amoris vocationis suæ. Sic fiet ut instituti sui amantes, totos se in virtutum studium profundant, maximeque illarum, quæ Religionis suæ propria sunt.

Frequens cogitatio muneris sibi impositi, quare ad illud à Domino delectus fue-

*rit;*



rit: quid ipsi ratione illius incumbat: quàm forti exemplo cogatur imperio Dei præire militiae huius dux constitutus: qua in Superiores suos obseruantia, quo humilitatis, paupertatis, castimoniae studio, quo quantoque ad labores animo, qua ad imperata promptitudine, quàm benigno blandoque in delatores suos animo, in eosque quos alieniores à se deprehenderit, maximè si paria à suis exigat, & sperare audeat.

Seria cogitatio grauissimorum incommodorum damnorumque quæ defectu boni exempli Superioris, nasci solent, non parum iuuabit: maximè si bis per diem Superior, examinum conscientiae tempore, secū tacitus consideret, num in aliquo deliquerit, quod aliis ad deteriora incitamento esse possit: num quid omiserit, quo dux suis auctorque ad virtutem esse debebat & poterat.

Proderit non parum, si domestico suo confessorio liberam monendi facultatem concesserit, quandocumque minù religioso exemplo præeuntem viderit, aut audiuerit; gratamque sibi illam monitionem fuisse hilar-

lari.

lari lætoque vultu ostenderit.

Iuuabit etiam plurimum, si vltro neam sibi certamque in omni deteriore exemplo poenam irrogauerit, vt hac quasi monitrice ad saniora melioraque flectatur.

## CAPVT XVII.

*Executionis defectus.*

**F**Rustra namque ordinationes, regulæ, constitutiones, instructionesque con-  
duntur, nisi frequens Superiorum accedat inculcatio, ac strenua ordinarum rerum executio. Neque quisquam prauas consuetudines, & quæ altè radices egerunt, leui & intermittente manu excaudicabit. assidua cura, non cessantibus laboribus eruuntur nocitura; & facile itur ad ingenium, nisi vigilans accedat sollicitudo, quæ non patiatur vetera succrescere: cum ferè proni rapiamur ad ea quibus olim assueuimus. & procliuior semper lapsus ad deteriora, ad recta difficilior exscensus est.

Accedit inferiorum in his omnibus neglectus.

ctus, cùm videant Superiores in bene prudenterque conditarum rerum executionibus teperescere: nasciturque adeò in illis fastidium quoddam optimarum licet & utilissimarum ordinationum, cùm sentiunt Superiores tam ignaua manu in illas incumbere, satisque habere, semel denuntiassent: nam & illi satis tunc habent, semel audisse. Nec sanè maior à subditis in peragendo, quàm à Superioribus in exequendo diligentia meritò exigì posse videtur.

Quæ res vbi accidunt, vniuersam benè constitutè Religionis disciplinam paulatim marcescere necessum est: succeditque hoc Superiorum neglectu, densa tandem optimarum rerum obliuio, peregrinarumque rerum in patrio, tanquam in peregrino solo studium; vt nusquam iam minùs, quàm in re nostra domi sumus, alteriùsq; potius, quàm nostræ Religionis ciues videri possimus.

Nascitur verò hæc in Superiore incuria, vel ex innata quadam naturæ ignauia, vel è pusilli pectoris angustijs; cùm aut difficultatibus occumbunt, aut plus æquo subditos reuerentur, aut executionem desperant,  
sive



siue rei magnitudine victi, siue suorum virtuti siue viribus suis diffidentes. Nam & molestias, quæ se offerunt, diffugiunt, labores sudoresque auersantur, commodorum suorum studiosi, & difficultatibus succumbentes, nunquam ad ardua protendunt manum, & dum placere student omnibus, nulli fastidium aut molestiam creare volunt.

Quod si suorum obstricti beneficiis Superiores sunt, duram seruiunt seruitutem, & animus ad imperata exequenda deest: quibus si quid commiserint, quod euulgari metuunt aut erubescant; tanquam inter vincula & compedes constituti iacent, facti mancipium suorum.

Iam si non modò Superior ad hæc non adijciat mentem, sed tædio victus, vel, quod deterius, alienior ipse ab imperatis flaccescat, nihil est quod in aliis speret. ipse si præcedat, & prior calcet viam; non deerunt qui sequentur, vel solo rubore impellente. Nec quidquam tam potens, quod non Superiore ductore ultro lubentes exequantur inferiores, & inclament. Etiam illo du-

ce, medijs inter arenas, fluctus, scopulos, serpentes, ferrum & ignem benè nobis est, & habemus benè; vt qui eandem cum Superiore non inuiti fortunam subeant, gaudētes illi inter aduersa pariari. Breuis proinde ad felicissimam executionem quantumuis maximarum rerum semita est, Superiorem præire, & exemplo suo executionem virgere, nec antè ad monita descendere, quàm opere, quod imperat, expleuerit.

*Remedia.*

**A**ssidua Superiorum in subordinatos sibi Officiales vigilantia, monita, peractarum rerum inuestigatio, seriatim in res omnes excubatio: vt nimirum domum ipsam non infrequenter obeat Superior, singulorum munia lustret, curiosusque nonnunquam perscrutetur quid in vnoquoque genere à singulis peragatur; qua fide, industria, religione, studio, exemplo, diligentia.

Frequentes cum primis domus suæ Patribus de ordinationum executione cōsultationes, conferentiarumque spiritualium sedula

sedula institutio, in qua per occasionem sæpius in exequendarum rerum monita excurrat, neglectæ rei causas disquirat, aperiat, remedia præscribat.

In Officialibus omnibus diligens impositorum munium administratio, maximeq; illius qui Superioris loco domui præest, illiusque vicariam administrationem sortitus est: quem in omni hoc genere quàm instructissimum necesse est esse.

Consequetur hoc, si frequenti lectione ac praxi ordinationes omnes familiares sibi reddat: neque impunitos transgressores permittat, nunc monendo, nunc claude etiam præmioq; diligentibus proposito, pœnis etiam; maxime cùm malum grauius est, quàm vt mollioribus flecti possit: tunc enim ad duriora descendat; ita tamen vt aspera succedant dulcibus, minasque ac pœnam amoris præcedant linimenta, & quidquid ab huius locuplete officina depromi potest, egrienti porrigatur: quæ si respuat malum, ad acriora veniendum erit. nec finis medicamentis statuendus, donec depulso malo victrix stet diligentia.



Multum, vt in aliis omnibus, in hac re valebit seniorum exemplum, maximeque eorum qui varia in Religione munia obierunt. Sequentur enim iuniores, vel sola verecundiâ, ac tanquam filij patres imitabuntur. Ad laborandum proinde omni conatu Superiori est, vt seniores ad exempla iunioribus statuenda prouocet.

Conandum deinde ne nimis multis subditi obruantur, ac tanquam molibus inspeliantur potius quàm iuuentur. facilis enim aut desperatio, aut fastidium, aut neglectus è multitudine est. frequensque præscriptarum rarum mutatio, magno executioni impedimento esse solet. indignationem enim illa nauseamq; prouocat, venerationemque minuit, cum inconstantia opinionem ingerat.

## C A P V T XVIII.

### *Disciplina neglectus.*

**E**ST verò (Cyprian lib. de discip. & hab. virg.) *disciplina custos spei, retinaculum fidei,*

dei, dux itineris salutaris, fomes ac nutrimentum  
bona indolis, magistra virtutis. & Hugone Vi-  
ctorino teste, lib. 2. Inst. Nou. c. 10. desiderio-  
rum carcer, frenum lasciuia, iugum elationis, vin-  
culum iracundia; quæ domat intemperantiam, le-  
uitatem ligat, & omnes inordinatos metus mentis  
atque illicitos appetitus suffocat. cuius negligencia  
à Superiorum indulgentia, & innato  
quodam animi tepore, à noxia clementia, à  
placendi omnibus studio; à languore quo-  
dam animi, & à Religionis amore dege-  
nere; à politico denique spiritu, exigua-  
que aut nulla salutis suæ & suorum cura  
nascitur; aut sanè à nimis Superioris in ex-  
terna diffusionibus. quo fit ut cum totum il-  
lud secularia occupauerint, ac vltro nequa-  
dā addictione vniuersū obsederint, dome-  
sticæ suorum discipline intendere non possit;  
plurimaq; elabantur, fugiantq; memoriam  
illius tanta externorum negotiorum mole  
circumseptam & oppressā. Exurgit hinc las-  
civitas quædam mentis, & dum quidquid ro-  
boris habet, exerit in externa; destituitur in  
domesticis, viribus, comederunt nimi-  
rum alieni robur eius. raroque vni homini

ad tam diuersa, ac inter se pugnantia, quæque singula totum hominem requirunt, vires suppetunt, vt animi non desint.

Iam vbi semel laxatis habenis Religionis rigor intepuit, prono cursu, & præcipiti verius prolapsu in supinum omnium propè neglectum ruimus; cum vnus alium trahat, nec solitaria in vno stet ignauia, sed prono semper cursu in deterius labatur, donec ad extrema deuenerit, grauium corporum more, quibus sterisse iacuisse est.

Sequitur verò ignauiam quidam disciplinae contemptus. Inde iudicia profiliunt critica, quædam in primis, inde vniuersim omnia damnantia, & aliud iam vitæ genus cogitamus, amamus, laudamus etiam palam, & vigilantioris Superioris, veri que bonique tenacioris studia contemnimus & ridemus, quod si palam non audemus, clam eleuamus, & detractum imus nomini, & damnandi causas seduli disquirimus: vt si semel è quocunque capite malè audire cœperit, in omnibus displiciat; & pro diligente ac instituti amante, imprudens, immitis, ferus, ac crudelis demum audiat.

Suc-



Succedit inde spiritualium rerum nau-  
sea, animique ad salutaria languentis fasti-  
dium. displicent quæ placuere ante, vertun-  
turque optata prius mella in absynthium, &  
fel merum. in te pescit virtutis studium: &  
qui ante etiam de genu pugnabat, mixtós-  
que quasi sanguine dentes latus in spirita-  
li lucta deuomebat, mille ante animas posi-  
turus, quàm leui se crimine obstringeret;  
nunc vel solo eminens terrore, tenuiq; pro-  
uocamento, ac vltro etiam nullo hoste im-  
pellente, sciens volensque inter grauissima  
scelera, tanquam inter sociam amicamque  
sibi arenam voluitur. bibit nimirum iam ille  
gaudens iniquitatem, qui omni morte, om-  
nibusque antè tormentis grauiùs leuissima  
quæque detestabatur, & ad solius delicti, te-  
nuisque transgressionis nomen perhorres-  
cebat.

Profiliunt deinde in inferioribus ex hoc  
Religiøsæ disciplinæ neglectu mala propè  
vniuersa. orationis antè omnia tepor, ac  
quoddâ spiritualis progressus frigus geluq;  
diuertimur inde ad externa, ad sæculares  
confabulationes, iocos, risus, ac cibi potus-

que delectum, ad commodorum studium, laborum fugam, otij amplexum; ad priuatas deinde amicitias, partiumq; studia. totusq; exinde homo in omni propè tam domestico, quàm externo congressu, sæculum magis, quàm Religionem sapit & loquitur.

Nec mirum. nam cum in vnoquoq; Ordine, regularum constitutionumq; tenaci disciplina tanquam habenis Religio stringatur, ac tanquam salutis vinculo arctetur; fit vt qui illa laxauerit, pronam natura sua in libertatem humanam mentem, tanquam iniecta manu in præcipitiũ propellat. maximeque hoc locum habet in iunioribus, qui necdum in solidum confirmato animo, tenera etiamnum ceruice, pristinaeque licentiae ac commodorum memores, laxatas vniuersim excutiunt habenas, ac in veterem se vendicant noxiam libertatem perituri, nisi prudentior Superioris manus fræna strinxerit, loræque animæ æternum profutura arctauerit. Indoleat licet ac ingemiscat iuuentus arctiùs iam habita; gaudebit postmodum, & has Superioris sui manus seueriores, vbi ad se & ad primogenium Religionis

gionis ac disciplinæ ardorem studiumque redierit, deosculabitur; & clementes mitesque appellabit, fatebiturque agnoscetque patris fuisse, quas iudicis arbitrabatur.

*Remedia.*

**A** Superioris manu vigilique cura petenda sunt: qui si se secularibus proximorum negotiis, quoad populi locique conditio patietur, expediuerit, totumque se tuendæ firmandæque disciplinæ dederit, perfacile illam stabiliet. neque magni moliminis erit non accersere, non ad se trahere, non sponte se externorum occupationibus induere; à multis etiam oblatis, ac incurrentibus se subducere, quando sine merita proximorum offensione, ac diuinæ gloriæ nominisque diminutione, æstimationisque Religionis, salutisque aliorum detractione fieri potest. Prima proinde cura sibi commissorum sit, quibus arctissimis iustitiæ legibus obstrictus est. reliquum verò quod à suorum illi cura temporis superest, externorum salutis impendat; memor semper primam curam debere esse suorum tanquam patri, tan-



quam pastori, seu erámque ipsi aliquando illorum reddendam rationem Deo.

In omnem deinde Superior partem intendat; perspecta domestica habeat, moresque propensionésque animorum singulorú; illísque antè omnia incumbat, quæ Religionis iugulum petunt: qualia esse possunt, feminarum frequentata familiaritas; sociorum fuga; aulici, politici, sæculumque sapientes mores colloquiæque; detractionis vitium; externos ad Ecclesiasticas, seu sacculares dignitates commendandi studium; mutux domesticorum, aut gentium dissensiones; aberratio ab vniuerso vocationis spiritu; obedientix actotius orationis neglectus; & huius generis non pauca.

Minora tamen his non negligat, sed serios in omnem partem oculos animúmque intendat. Frequentibus dein consultationibus insistat: è quibus aliorum etiám ore domesticas res discat.

Quæ si ea fide, & pastoralis ac paternæ qua obstringitur cura seridè, & non cursim præstiterit; non erit difficile Religionis disciplinam intra imperatas regularum leges

con-

continere.

Curandum etiam, ut in transgressores poenitentiarum usus vigeat, in quibus nec nimis morosum frequentemque esse convenit, ne à frequentia contemptus nascatur, & consuetudo in naturam transeat, consuecatque cui imperantur pudorem exuere: nec nimis remissum, ne conniuentia accendatur malum. mediam viam ingredi tutissimum, ut nec clementia, nec severitate nimia peccemus. minora minoribus, grauiora grauioribus puniantur.

Détque operam Superior, ut intelligant delinquentes, meritò talia iniungi, cauendumque seriò, ne qua in his personarum acceptio eluceat, ne quod in vno indulgemus, puniamus in alio: grauis enim ex hac personarum acceptione oblocutionum occasio exoritur, dissensionumque materies datur.

Videat deinde Superior lapsuum causas, fortuitæ sint, an præcogitatæ; à fragilitate quadam animi, an à permixta improbitate proveniant; rariùs aliquis, an frequentius in idem incidat; præcesserint aliquando mo-

nitiones, an secùs; auctor alijs fuerit, an alios secutus; è pronitate quadam naturæ, minus-  
que prouida circumspèctione, an è contem-  
ptu natæ. quæ singula pœnarum grauitatem  
augent aut mitigant. ignoscat non rarò, mo-  
nuisse contentus. nec facilè ob priuata deli-  
cta aut vni tantùm alteriue nota publicè  
puniat, ne subditorum exacerbetur ani-  
mus.

Magna etiam pars melioris disciplinæ à  
Præfecto spiritus dependet; qui si cum Su-  
perioribus magnis animis conspiret, non  
magno negotio, quidquid hîc languoris est  
ac neglectus, erigetur in melius, in ardorem,  
& obseruantia quendam zelum.

Inuestigandæ demum seriò causssæ sunt  
eneruatæ disciplinæ, & è quibus ferè dome-  
stica in Religione disciplina detrimentum  
capere soleat. quales ferè sunt.

I. Inutilium multarum personarum  
admissio, qui vel ob valetudinis tenuitatem,  
vel ob iudicij debilitatem, vel ingenij duri-  
tiem, vel ad seditiones odiaque concitanda  
pronitatem, vel ob prauorum affectuum in-  
solentiam, vel pessimorum habituum inue-



teratam consuetudinem, vix subeundæ disciplinæ idonei sunt. à quorum omnium admissione remotissimum Superiorem esse conuenit.

2. Laxior Nouitiorum institutio, quos nulla postmodum arte ad disciplinæ rigorem adducas, & antè frangas quàm flectas. quare seriò illis nouitiatus tempore inuigilandum, ac seueriùs etiam nonnihil, minusque molliter ac blandè habendi, facilis est nouitiatu expleto seuerioris disciplinæ remissio: difficillima concessæ libertatis restrictio.

3. Pietatis ac orationis neglectus. è quo Religionis zelus exstinguitur, ac in regularum ac cōstitutionum omnium neglectum itur. vis disciplinam florere, da operam vt orationi omnes sedulò incumbant. nemo illam neglexit, qui huic seriò incubuit: nemo illi incubuit, qui hanc neglexit. tantusque ferè quisque disciplinæ quantus orationis pietatisque obseruator fuit.

4. Frequentes domo excursions, ac prolixiora cum sæcularibus colloquia, aut eorūdem cum meliorum horarum dispendio,

dio, frequentatæ visitationes. ferè enim aliquid licentiores consuetudinis domum referimus, imbibimusque mores disciplinæ contrarios. cumque defuescat animus rigoribus, assuescit commodis; & iam amat otia, labor displicet, grauis solitudo est, fabulis delectatur; & qui antè vnus Dei, nunc secularium ambit amatque familiaritatem. præscindenda hæc erunt si consultum religiosæ disciplinæ volumus.

5. Hospitum frequentia. qui ferè curiosiora ac liberiora colloquia, occupationum varietatem, & remissionis aliquid à regula secum trahunt. quorum ferè exempla, noxio laxamento, eunt in imitationem. neque tamen ideo hospitalitas negligenda; moderanda tamen & intra religiosæ disciplinæ circum continenda, vt dum caritati indulgemus, disciplinam non proiciamus.

6. Superiorum in remissionem ac laxitatem pronitas. horum enim exemplum regula quædam inferioribus est, & cùm plerique naturæ quadam pronitate præcuntem sequantur; religiosiores etiam paulatim imitantur, ne aut seuerioris vitæ gene-

re displiceant, aut improbare illorum mores videantur, aut indignationem incurrant. cui malo solius Superioris mutatione occurrì posse videtur.

7. Superiorum in regularum transgressores conniuentia, quod siue vniuersim fiat, siue in paucis, tota pedetètìm domestica disciplina corruit; nec iam vltra Religiosorum, sed sæcularium contubernium videas. quod malum vix corrigas quàm vna Superioris mutatione.

8. Nimius seueriorum statutorum rigor, abit enim tandem seueritas hæc in animorum à capite suo dissensionem. cum enim durioribus se premi inferiores sentiunt, excutunt tandem iugum vniuersum rigoris impatientes, seueritate in indignatione versa, rigore in odium: è quibus tandem, effractis habenis, toto prono cursu, pudore exuto, in apertum omnis licentiæ campum decurrunt. moderatio disciplinæ magistra est, rigorque benignitate temperandus, si perpetuum volumus.

## CAPVT XIX.

*Neglectus valetudinis suorum.*

Ne



**N**E aut superfluis tepescat spiritus, abeatque in carnem & sanguinem; aut parcimonia, & necessariorum rerum defectu ad alia se inferior consilia conuertat, alienisque à Religione vijs incedat, & necessaria paret. in quam necessitatem, si quando Superiorum aut neglectu, aut duritie, aut parcimonia se coniectum inferior videt; paulatim ad omnem licetiam dilabitur, friget obedientia, iacet vniuersim paupertatis amor, nascitur alienatio, & clancularia ac secreta succedunt consilia, & ad externos mala hæc decurrunt, non sine Superioris, corporisque totius nota, totaque domestica collabascit disciplina.

Vix enim credi possit, quantum necessariorum rerum carētia & defrustratio, in subditorum animis languorem prouocet; vt desipiant iam spiritualia omnia; & pro alacritate ac feruore, noxia succedit tepiditas: frequentes inde querimonie, mutueque inter se murmuraciones, ac vniuersim ab omnibus imperatis alienationes. Ea enim est fragilitas humanæ conditionis, vt ad necessariorum rerum carentiam flectamus animum,

ab-  
aut  
efe-  
; a-  
cef-  
do  
aut  
det;  
fri-  
atis  
a ac  
nos  
ris,  
tica  
ssa-  
ub-  
vt  
la-  
tas:  
que  
o-  
est  
cef-  
ni-  
m,  
mum, maximè quando hanc non ex euen-  
tu, aut temporum conditione, sed à Supe-  
rioris duritia ac voluntate nasci videmus:  
non enim in tali Superiore patris affectum,  
sed durioris domini imperia inferior intue-  
tur. Vnde fit, vt omnem etiam ipse filialem  
affectum & obseruantiam exuat; nec iam  
volens amica & patria, sed coactus despoti-  
ca sequatur imperia, contentus quocunque  
modo illa peregisse. Cùm è contra vnâ ne-  
cessariarum rerum prospicientiâ, tanquam  
falce, omnes murmurationum occasiones  
secentur, addaturque animus ad quæcun-  
que imperata, etiam duriora, lubenti animo  
peragenda. Nam cùm inferior se suaque  
cordi esse videat Superiori, neque vllâ ne-  
cessariarum rerum curâ pulsetur; totum se  
ad imperata exequenda conuertit, conatur-  
que tam propensæ in se Superioris voluntati  
respondere: neq; quidquam iam illi durum  
aut asperum videtur, quod à tanta in se Su-  
prioris sollicitudine natum intuetur, quo-  
que generosior quisque, maiorique inge-  
nio est, hoc se magis etiam ad imperata  
exequenda profundit, cùm paria ac ma-  
iora

iora etiam Superioris munificentiae repone-  
re conetur, nolens vinci à Superiore in a-  
mica hac amorum lucta; vt antè vitam po-  
nat, quàm tam benignae in se patris sollici-  
tudini & amori non respondeat.

Omniū tamen maximè in inferiorum  
aegritudinibus, à quacunque causa natis, Su-  
periorum affectus se prodit; & quo quisque  
in suos animo sit, aegritudo, siue illa corpo-  
ris, siue animi, ostendit. ac vix vlla in huma-  
nis potentior vis est, aliorum in se affectus  
ac voluntates prouocandi, quàm cum in-  
firmitate quacunq; detenti, propensos pa-  
ternosque in se, ac prodigos etiam, aliorum  
(vt ita dicam) animos senserint. Hoc enim  
illud tempus est, quo necessitate ac indigen-  
tia crescente, maioribus auxiliis opus est.  
nam integra valetudine, virum saepe in mul-  
tis satis, quibus domestico se robore, etiam  
contra aduersantia & incurrentia tueantur:  
at vbi grauior aliquis ingruerit morbus, siue  
ille animum, siue corpus depascitur; ad a-  
liena ferè subsidia respicimus, domesticis  
destituti. quae vbi nacta fuerimus, incredi-  
bile est, quanto in illa affectu rapiamur:  
quo-



quoque morbi vis maior est, eo & ardentius ad remedia aspiramus, & tenaciori postmodum, gratiori; memoria accepta beneficia recolimus. Quid? quod sola paterni huius affectus recordatio ad ardua quæque ob-eunda ingentibus inferiores animis exci-tet.

Neque vni illi ægro animi, sed omnibus crescunt, pares nimirum Superioris affectus in paribus sibi malis promittentes. tantum-que hæc res valet, vt hac vna beneuolentiæ, ac paterni in suorum egritudinibus affectus ostentatione, multa aliàs in Superiore non probanda leniantur, ac tanquam molliori hac spongia deleantur. neque enim difficulter inferiores mores Superioris sui, alio-qui grauiore, perferunt, cum illum sense-rint magno vereque paterno in suorum æ-gritudinibus animo rapi, nec quidquam in illis intentatum relinquere, quod suorum in-ualetudini consulat.

At vbi se neglectos viderint, nullamque, aut perexiguam ingruentibus malis Supe-riorum in se sollicitudinem ac beneuo-lentiam senserint, non tepescit tantum, sed om-

omnis euanesceat amor, tollitur ad ardua alacritas, succedit maximarum quarumcunque rerum fuga & aspernatio: & dum exiguam in morbis, Superiorum curam intuentur, solliciti perpetuò de valetudine, eam propè solam curant. ardua proinde quæque tanquam valetudini noxia subterfugiunt, nec ad ea se adduci patiuntur, vt veriti Superiorum in se immitiores, aut minùs benignos ac sollicitos animos, si qua in valetudine in talium susceptione opprimerentur. perpetuus enim eos morborum metus tenet, cum Superioris minùs paternam ac sollicitam curam senserint. accedunt oblocutiones, de tractiones.

Nec intra domesticos parietes querimoniae se tenent: magnis passibus ad externos decurrunt, à quibus solatia poscimus, domesticis destituti. præbetur etiam occasio tacite quædam valetudini tuendæ commoda inscijs Superioribus emendicandi & arripiendi; conamurque hanc paupertatis violationem valetudinis prætextu excusare; paulatimque animus ab instituti & vocationis suæ affectu auocatur, perpetuæque solli-

citudine & anxietate detentus, ad maxima quæque frigescit ac tepescit; succeditque tanquam nausantis ad noxia stomachi horror quidam, & præclarissimorum quorumcunque munium fuga; unde perpetuus languor mentem occupat, nec sperari iam quidquam magnum aut illustre potest.

*Remedia.*

**N**Ullum potentius, quàm si se Superior patrem, non dominum; inferiores filios, non seruos cogitet: neque enim difficile erit patri, filiorum necessitatibus inuigilare. magis etiam si se matrem cogitet, quæ ferè indulgentior, maximè in suorum ægritudinibus, esse consuevit, non laboribus, non sanguini parcens, valetudinemque suam pro filiorum salute & incolumitate prodigens.

Iuuabit etiam illa cogitatio, si se bonorum familiæ suæ dispensatorem, non dominum cogitauerit, ut proinde illa in suos è voluntate diuinæ benignitatis dispertiat; singulosque in illa, tanquam summi parentis



filios, hereditarium quoddam diuinæ adoptionis ius habere. Iam si, quā munificentia benignitateque illa largitur Deus, eadem in suos profundat; perfacile omnium necessitatibus occurrer, explebitque quidquid merito à Religioso opum contemptore sperari potest.

Proderit vehementer, si certò sibi persuaserit, ab hac paterna in suos cura, sollicitudine ac prospicientia reliqua ferè dependere; disciplinæ nimirum Religiosæ exactam obseruantiam, magnarum arduarūque rerum lubentem susceptionem, inferiorum in se amorem, promptos facilesque ad omnia animos, murmurationum extirpationem, & quidquid paci mutuae, ac domesticæ quieti, & animorum coniunctioni aduersatur.

Exemplo magnorum in Religione virorum curam in se ægrientium suscipientium, si se Superior excitauerit, præmissque cælo repositis; non facile certissimas hasce obstringendi sibi suorum in perpetuū animos occasiones elabi patietur: maximè si cogitauerit, vna hac paterni in suorum infirmitatibus

tibus affectus ostentatione, durissima etiam imperia mollescere, ipsasque adeo sectiones & vitiones à paterna sollicitudine profectas suaues videri, nec quidquam subdito asperum censerì, quod à patris affectu & manu proficisci videt. abiicitque iam sui valetudinisque curam inferior, cum viderit illam Superiori, tanquam parenti serio commendatam, omnesque cogitationes suas ad voluntatis Superioris explorationem conuertit, certus de propensa in se illius sollicitudine & affectu.

## CAP V T XX.

*Nimia in hospites parcimonia.*

**M**ODICA plerique hanc rem arbitrabuntur, quidam etiam à virtute, & paupertatis amore natam. at nunquam nusquam virtus caritati aduersatur. Et sane leue iudicari non debet. quod si non tollit ac frangit; minuit tamen, & liuore suo denegustat caritatem. Et vt in omnes, ita in hospites potissimum, & peregrè venientes, liberales in primis maximos quosque viros,

& Religionum parentes reperies. Sciebant hac beneuolentiæ ostentatione inutuis caritatis pectoribus, tanquam submisso igne flammam immitti & foueri. Sciebant quidquid foris in casto religioso amore aut temporum iniuriâ, aut obtreçantium improbitate elanguisset, sola religiosæ munificentiae seria ostentatione, ac quadam effusione reparari. Quare & prouiores eos semper in omnem liberalitatem fuisse videmus, ut nec domesticæ suppellectili parcendum putarent. ac ingentibus etiam prodigiis confirmatam à Deo religiosam hanc munificentiam legimus.

Et solo illius exemplo, qui augusta plenaque dona sua mortalibus largitur manu, impelli meritò debemus in paria, quantum humana generositas æmulari diuinam potest, & insequi præeuntem Deum. Habemus hîc monentem Apostolum Hæbr. 13. *Caritas fraternitatis maneat in vobis: & hospitalitatem nolite obliuisci.* & alibi Ro. 12. *Necessitatibus sanctorum communicantes, hospitalitatem sectantes.*

Et verò angusti parcimonia omnis animi est, ac de diuina prouidentia diffidentis.

niti-



nritur enim auarus omnis viribus indu-  
 striæ, solertiæ, diligentia suæ: liberalior ani-  
 mus, Deo. quoque generosior cuique mens  
 est, hoc etiam in liberalitatem promior est.  
 cùm contrà: Eccl. 10. *auaro nihil sit scelestius,  
 nihil iniquius quàm amare pecuniam: hic enim &  
 animam suam venalem habet.*

Nascuntur verò ex parca tenuique hos-  
 pitum exceptione obloquia varia, mœro-  
 res, suspiciones, iudicia caritati inimica, of-  
 fensiones, fastidia; paulatimque caritas om-  
 nis, quâ vnâ inuictę Religionis stabant, dis-  
 pergitur. & quod à maioribus inuentum  
 traditumque erat, in rugatæ, aut à tempo-  
 rum lapsu, absentiaque æruginatæ quasi ca-  
 ritatis augmentum nitoremque; hoc sicca  
 hac arentēque hospitum acceptione dede-  
 coratur. Ita quæ in languentis caritatis me-  
 delam hospitalitas erat, in eiusdem perni-  
 ciem parcimoniâ suâ insurgit.

Spargitur deinde hæc fama per regna. te-  
 racitatēque narratæ terror omnium ani-  
 mos percutit; vt iam plerique fugiant has  
 domos, & auersentur Superiores: & si ad il-  
 los destinētur, mille excusationes pretextāt.

quod si aliud maiorum imperia cogant, difficiles tales experientur qui præsunt, laborum impatientes, otij sectatores, immorigeros. quid? quòd totę plurimum tales domus perpetuis murmurationibus tanquam fluctibus agantur. iacet prostrata caritas, pax exulat: nec quies iam vlla; sed continuę animorum luctę, aliaque non leuia mala domesticos tenent. Dictum à Sapiente Prou. 15. *Conturbat domum suam qui sectatur auaritiam.*

Neque interim nimia sequenda profusio est, & quę plus habet sæcularis vanitatis, quàm Religiosę modestiæ. media insisteret via quisquis benè religioseque præesse velit, vt paupertatis, ita & caritatis memor; ne effusior in liberalitate, ne in parcimonia cōtractior, modestia eluceat Religiosa, absint sordes: nihil hñc reperiatur quod sæculum, & illius redoleat mores; deliciæ & apparatus, & quidquid de splendore promittere & profundere mundus solet, exulēt à Religiosa domo. sed & nimia parcimonia, frigidior mēsa, cōtractior manus, morosior deiectioneque vultus, frōs corrugatio, & quidquid

inamœnitatem, minusque gratam beneuolamque; mentem ostendat, à Religiosa familia exigantur. vt & pergratos se Superioribus domesticisque sentiant peregrè venientes, & non desit quo propensam Religiosam munificentiam suam commonstret profundatque Superior, ac non tantum nihil desit, sed & aliquid supersit aduentanti.

Mirum dictu, quantum benigna hæc Superiorum liberalitas ad animorum coniunctionem faciat. accenduntur his in mutuū amorem animi, pelliturque frigus omne à quocunque capite natum; mutuisque his amorum flammis mutuae incalescunt mentes, & ad ardua parantur; vt ingens & acti laboris, & futuri leuamentum sit hæc Superiorum in omnes munificentia. Inde mutua profiliunt gaudia, congratulationes, commendationes, spontaneæ in omnem etiam supra ætatem ac vires laborum oblationes, susceptiones. neque quidquam nunc arduum animo tot flammis tanquam fornacibus succenso.

Plena dehinc regna sunt hac laude; & iuuat inter eos viuere quos munificos ex-



petri sumus; ac si quid aliunde, vt fit, mœroris contractum, benignitate, tanquam potenti spongia, detergitur, ac tanquam valido vento nocitura nubes depellitur. adeoque & mori delectat sub munifica Superioris manu, & quidquid in Religione graue & arduum, mollescit hoc temperamento. Dura videntur, acerba, amara, & pondere moleque sua prementia, tristia, ac mœroribus etiam plena, quæ refugiat animis & ad quorum memoriam perhorrescat? accedat liberalior Superioris vultus, & dextera; & omnis illa acerbitas dolorque in dulcorem gaudiumque vertitur; vt inclamare iam lubeat, Ecce quàm bonum, & quàm iucundum habitare fratres in vnum! à tam exigua re tanta bona; vt à negata re tantula, tanta mala.

*Remedia.*

**A** Superiore pendent. qui si cogitauerit, domesticarum se rerum non dominum, sed dispensatorem; non erit illi difficile ex ijs, quæ liberali manu profundit Deus, liberali etiam dexterâ in discipulos, adopti-

nos-

uósque Dei filios erogare.

Cogitet deinde secutura mala, quæ priuatim ad se, publicè ad omnes eunt. qualia sunt, minùs carum subditis esse, malè apud externos audire. parum nimirum, sordidum, miserum, morosum, difficilem, aliaque huius generis, quæ non in vna hærent domo, sed perambulant regna, adhærentque æternum homini, vt nec cum morte finiantur: viuitque munere defunctus inglorius apud omnes. Cùm è contra liberalior in suos exterósque animus, siue munere iam deposito, siue dum etiamnum illo fungitur, carus iuxtà externis domesticisque viuat, in omnium ore, laude, votis, beneuolentia, gratæque etiam iucundæque post mortem memoria. peccat? facilis in omnium mentibus commiserationi mista venia est. deliquit ille prior? gaudium potius quàm dolor de lapsu est. vt fatuum planè sit, ob tantillam rem, contractiorem scilicet in hospites manum animumque, tantis se nomenque apud omnes suum periculis exponere, malorumque suprà recensitorum quàm publicè, quàm priuatim causam dare; nullo, aut per-

exiguo domui, cui præst, emolumento, spiritali damno maximo.

Cogitet deinde quid defunctus officio ex omni hac parcimonia, anxiaq; sollicitudine expectare debeat, præter multorum alienationes, nullius beneuolentiam, obloquia innumera, contemptum plurimorum: qui si anforem laudésque contemptui & odijs præferat; amorum causas munificentiâ secleretur, odiorum parcimoniâ tollat.

Proderit etiam si Superior secum illud statuatur, ea in reliquos esse munificentia, qua reliquos in se esse vellet. & monemur ab Euangelio Luc. 6. *Date, & dabitur vobis: mensuram bonam, & confertam, & coagitatam, & superfluentem, dabūt in sinum vestrum. eadem quippe mēsurā, quā mēsi fueritis, remetietur vobis.*

Exemplis denique seipsum excitet Superior magnorum in Religione virorum, quibus in summa animi magnitudine par liberalitas stetit, parq; secuta est. pulchra hac in re D. Hieronymi sententia est ad Rustic. *Nō leui vſitatoq; sermone hospites inuitemus: sed toto mentis ardore teneamus, quasi offerentes se cum lucro nostro atque compendio.* Semper ludicrum



crum ex Religiosa hospitalitate expectet Superior. Exempla in omni Religione maxima sunt, magnis diuinis sponſionibus firmata. & monet Apoſtolus Petrus: 1. Pet. 4. *Ante omnia mutuam in vobismetipſis caritatem continuam habentes, quia caritas operit multitudinem peccatorum: hoſpitaſ inuicē ſine murmuratione; imò cum gaudio. hinc eſt illud Sapientis Eccli. 35. In omni dato hilarem fac vul-tum tuum. & illud D. Pauli 2. Cor. 9. Hilarem datorem diligit Deus. præmittit remunerationis expectationem; quid nimirum ſperare debeamus: Qui parce ſeminat, parce & metet: & qui ſeminat in benedictionibus, de benedictionibus & metet. ſubdit. Qui autem adminiſtrat ſemen ſeminanti: & panem ad manducandum præſtabit, & multiplicabit ſemen veſtrum, & augebit incrementa frugum iuſtitie veſtræ, vt in omnibus locupletari, abundetis.*

Adde, neminem propè inferiorum reperi-ri, qui non volens lubenſque liberali ſubſiſt & obſecundetur; neminem, qui parco & ſordido. in illo vel omnia laudant, vel improbanda excuſant: in hoc, etiam laudanda damnant. hi fructus vtriuſque, & tanquam

fontis sui scaturigines flumináque in possessoris sui laudem vel vituperationem nata.

Quòd si neque aliorum exemplis, neque rationum pondere, non commodorum damnorumque varietate & multitudine, non Superiorum monitis, subditorumque aliorum querimoniis alios Superior mores induerit, consultius fuerit vnum à munere remouere, quàm tot tamq; grauib; malis domum onerare.

## C A P V T XXI.

### *Inutilium personarum admissio, aut retentio.*

**Q**Uàm graua ex his damna Religionibus data sint, ignorare nemo potest; cùm aut parentum, amicorum, benefactorum, magnorúmque virorum rogatu, aut spe bonorum in Religionem minùs idonei admittuntur, aut in ea retinentur. Quid enim non meritò vereri debeamus ab hac inutilium turba, nisi totius Religionis temporem quendam ac frigus, ac demum interitum vniuersum? Nam cùm per hos consueti

suota Religioni munia rite & cum laude ac fructu obiri non possunt, sit vt aut vniuersim negligantur, aut cum dedecore peragantur: aut sanè plurimi idonei supra hanc inutilium turbam admittendi sunt, quorū opera tutò, ac cum fructu vti possimus: atque ita replentur Religiones personarum numero, vtilium partim, partim inutilium, quorum exemplis priores illi ad otiosam, & ad non dignam Religione vitam descendunt.

Sed nec quidquam ab hoc hominum genere expectandum, quàm vt, postquam impleti, dilatati & incrassati fuerint, abeant in murmurationes otio amicas, in obloquia, in aliorum criminationes, in instituti neglectum; inde etiam in cōtemptum, in mandatarum rerū refragatores; in cibū, potum, somnum, carnē, & his similia, & in magnum denique vniuersę Religionis dedecus & infamiam latè spargendam; cū externorū quisque ex his metiatur reliquos. vt non tam profit proborum non contemnendus numerus, quàm paucorum imprudēs & ab instituto degenerans conuersatio.



Accedit quòd hi ferè vniuersam domesticam pacem turbent, semper inquieti, nulla in re stabiles, otio diffuentes, ad vana & secularia propensi; & cùm nihil in eis sit quod Religiosum redoleat, tũ prima quæque munia venantur, dignissima quæque deberi sibi arbitrâtur, reliquorum dicta factaq; criminantur; & ferè in optimos quosque & probatissimos hi insurgunt, ementitisque quaqua possunt calumniis onerant, detrahuntque primis quibusque. cùm enim videant, se virtute non posse cum his contendere, ad maledicta descēdunt, clām primum, inde publicè; vt per magnorum depressiones, gradum sibi ad summa quæque sternant.

Iam illud ferè obseruatum, tales plerũque in eos insurgere, quorum noxia facilitate in Religionem admissi sunt. nam nisi omnia concedantur, insurgunt in benefactorem; inde in contemptum, & oblocutiones graues in primum illum suum nimis beneficium parentem: nec grande illud olim concessum beneficium agnoscunt, nisi quæcunq; voluntas sua ferit extorserint; & cùm  
se

se admissione aut retentione æquatos vident optimis, etiam virtutum præmio parari volunt, virtutis omnis expertes.

Laborant hoc malo non infimi Superiorum, innata quadam lenitudine ac clementia, zelo etiam non rarò animarum : qui si considerarent, crudelem illam meritò clementiam censerì debere, quæ vt paucorum nō proborum salutì consulat, optimos quā plurimos animarum periculis exponit; longeque illos à clementiā abesse, qui, vt noxio membro parcant, corpus vniuersum morti obiciunt; non tam facilè ad illa descenderent. Prudens verò secabit membrum, vt corpus tueatur; euellet nocitura, & ignibus damnabit, vt bono semini consulat. Ille verus pater est, qui seposito imprudenti paterno affectu, vt morigeris probisq̃ue liberis prospiciat, malè improbèq̃; indolis filium à domo fratrumque consuetudine ablegat. Idem in pecoribus vsu venire videmus: amouet scabie laborantes prouidus pastor, ne vnius contagione grex reliquus pereat.

Et sanè non tam clementia, quàm immanis sæuitia est, admittere aut detinere Reli-

gioni noxium, aut minùs idoneum; cùm res hæc in vniuersi corporis vergat interitum, plùsque vnius sæpe improbitas nocumenti Religioni damniq; dare consueuerit, quã plurimorum probitas emolumentum adferre. ita nocitura sæcundiùs serpunt, & nullo impellente fertilissimos agros occupant: proba, culturâ indigent; nec facillè radices agunt, aut se ad vicina extendunt, ni indefessus labor accesserit.

*Remedia.*

**S**eria in admittendis disquisitione, magis etiam seria post admissionem probatio.

Facilis è tirocinio dimissio, in iis, qui exigua promittunt, quorum talenta tenuia spem non magnam faciunt magnarum rerum.

Prudens delectus Magistri Nouitiorum, qui iudicio, prudētia, & in ingeniorum disquisitione solertia valeat: qui instituti non tantum amans, sed & serius & accuratus vocationis cognitor, quò concreditos sibi ad eam regulam formet, maximèque ad mortificationis studium: aut enim sequetur docto-



ctorem, & naturæ prauitatem, sui victores, superabunt; aut lassi & victi, aliud vitæ genus deligent; aut sat magnam occasionem dabunt ad sæculum ablegandi.

Iuuerit etiam plurimum, vt neminem quis Superiori à quo admissio pendet commendet, nisi antè probè cognitum, & cuius ingenium variè probauerit, vtque non tam numero, quàm aptitudine delectetur.

Nemo nuda amicorum, benefactorum, magnorumq; virorum commédatione admittendus. in quo recti tenacissimum, constantemque per omnia decet esse Superiorem: ne aut beneuolentia, aut consanguinitate, aut potentium auctoritate à vero deflectat. cogitet plus se Religioni, cui præest, quàm sanguini & potentiæ debere. prima proinde semper cura indolis & ingenij sit, postrema omnino opum, nobilitatis, sanguinis, amicorum: quæ ornamenta si nuda sint, omni ingenio viduata, reliquisque animorum prædijis destituta, numquam Religioni ascribendos censeo.

Non facilè denique admittendi, de quibus merita dubitatio moueri posset; imò nō  
ad-

admittendi quamdiu iustæ dubitationis  
metus subest.

Plures in omni admissione in consilium  
vocandi, quo certius aliquid statuatur, néue  
vnius potius Superioris affectu, quam plu-  
rium sententia res peragatur.

## C A P V T XXII.

*Negligens institutio nouitiorum.*

// **A** Qua ferè vniuersa Religionis habitu-  
// do bona nascitur. cum plurimum re-  
liqua omnis ætas ab illorum recta prauaque  
institutione pendeat. ab hac enim in om-  
nem profutura nocituraque ætatem docu-  
menta petuntur: fundamenta namque hîc  
mittuntur totius ædificij spiritualis. quibus  
perperam iactis, quid nisi reliquorum ruina  
timenda est?

Et sanè prudenti hîc opus architecto:  
qui magna solertia soli naturam serius dili-  
gènsq; scrutator examinet. neque enim om-  
nis fert omnia tellus, nec paria fundamen-  
ta omne solum desiderat. malignum hîc &  
superstruendis cessurum molibus; altè  
pro-

proinde fodiendum, donec ad ignaram ligonum virginem adhuc terram deuenieris. qua si destituaris, densè impactis sudibus superanda firmandaque malignitas est. Nihil est quod non ars laborque vincat: etiam in medijs fluctibus & mari æternaturæ exurgunt moles; tantum industria, labor, prudentia possunt. alibi fodientium votis terra respondet, nullis cessura ponderibus: aliquando nec fossionibus opus, arbitreris è viua rupe aut solido saxo compactam.

Imitabitur deinde noster institutor agrorum cultores. non omne statim semen credet omnibus. soli conditionem solers inuestigator perscrutabitur. Hic nescio qua naturæ benignitate ne proscissa quidè gleba, sparsa leui manu semina in diuitem messem surgunt; ibi vomere & ligonibus altè proscindenda, sudoribusque madidanda est; alibi satis est supremam superficiem leui manu retexisse; non vno loco nullus labor, industria nulla satis est, stercorendus ager, calce etiam ac intersparso cinere iuuandus: vt horum æstu frigus ac innatum quoddam gelu colliquescat. etiam ignibus vincenda  
sterili-



sterilitas, & non nisi flammis fœcunditas  
ſperanda eſt. adeò non ſolum ferrum fertili-  
tati ſufficit.

Hic aliquando ſilua ſtetit? ſecanda eſt.  
nec ſatis eſt. maior in radicibus luſta eſt; e-  
ruellendæ ſunt. nec hoc ſatis eſt, altè plerum-  
que iacent, & ſparſa hinc inde ſemina no-  
uam ſiluam minantur. ignes ad mouendi  
ſunt. Ibi vepribus, vrticis plena ſunt omnia,  
& neſcio qua natura prauitate, etiam bona  
ſemina in lolium degenerant. aſſidua hîc &  
indefeſſa opus ſolertia & cura eſt, ſæpe ver-  
rendum ſolum, ac in ipſo quaſi ſemine eli-  
denda prauitas. ſanè vt primum ſe oſtende-  
rit, eruenda eſt. & multorum tamen ſæpe hic  
annorum labor eſt. nuſquam proinde in-  
dormiendum, donec labori malignitas ceſ-  
ſerit, & neglecta primorum annorum ſemi-  
na, inſatigata colentis induſtria excuſſerit.  
Alibi perpetua quaſi rudera & ſaxa, vt pro-  
ſeminata ſtudio credas, fœcunditati impe-  
dimenta iniiciunt. eruenda ſunt. nec deſi-  
ſtendum donec frequentibus altè foſſioni-  
bus perpurgaueris ſolum, vt, ſi non omnis  
tollatur, rarior iam lapis ſit, à cuius denſitate  
nul-

nulla sementis boni suffocatio metuenda sit. Nec rarò nimio humore peccat solum. frustra inessem speres natante semine. hinc inde proinde per varios aquæ ductus aliò flectenda aqua est. Nimia etiam interdum ariditate peccat ager: vt frustra conatum adhibeas in tam arenti solo, æstibusque quibusdam suis siue à natura congenitis, siue aduentitijs, emedullato. frequentes proinde hîc densæque fœcundæque cælo nubes pluuiæque votiuæ calidæque precibus exorandæ; aut prudenti solertia, è vicinia, aut remotiore etiam loco torrentes euocandi, flumina deducenda. paria in leuiori ac arenoso solo adhibenda: validis stercorationibus ac aquæ ductibus leuitas corrigenda erit.

Eadem in ingeniorum cultura euenire consueuerunt. Hîc saxosa inuenies ingenia, dura, & quæ culturam aspernentur, quæ fortiter resistent monitis, quæ non facile cedant, quæ validè adhærescant semel conceptis, quæ vsu & iudicij sui consuetudine callum obduxerunt ad aliena consilia. bene sperare possumus quamdiu non

coaluerunt hæc saxa, & abierunt in rupem. quamquam & hanc non tam ferro quam mollioribus euincas. ita ingētia saxa ab elementorū molliſſimo exeduntur. frequentibus proinde paternisq̃ue monitis vincenda ac emollienda hæc pectora sunt, maximeq̃ue amoris diuini incentiuſis, quibus ferè saxæ hæ mentes tanquam ignibus cera, sole niues colliqueſcunt.

Ibi arentes animas & tanquam omni meliore ſucco emedullatas reperias, à ſæculi æſtu ambuſtas; quas virtutū ſucco, frequentique cæleſti rore orationibus euocato prudens rigator humectabit, potiſſimè verò frequentibus per diem iaculatoriis orationibus. qui vbi virtutum paulatim delicias deguſtauerint, proni auidiq̃ue in eas ferentur: omniſq̃ue noxius calor à cæleſti pluuiâ orationum robore elicitâ extinctus, marceſcentem animam fœcundo ſucco beabit.

Alibi ſilueſcentem vitiorum varietate ac multitudine mentem naſtus, non tota ſtatim nemora exſcindes, ſed carptim ſingula excaudicabis. quòd ſi molli manu vincere  
foli



foli improbitatem non possis, ad ferrum & ignes descendes: ita tamen vt ferrum & ignes vltro deposcat qui paritur; gaudeatque non ignibus & ferro, sed sperata ex his valetudine & fœcunditate successura.

Quod si torrentibus fluminibusq; innatauerit alius, totumque apertis faucibus elementum biberit, aut sæculi absorptus fluctibus agrè lassum caput extulerit; auxiliarem supponet dexteram, vndisq; ereptum pericula docebit, terrebit, vt, dum discrimina ipse sua senserit, exhorrescat fatuos suos conatus, improuidos ausus, stultos prolapsus, morte mortemque secuturis æternitatibus in metum & fugam, & meliorum cogitationem propositis.

Si quem temerario ausu per rupium montiumque vertices decurrentem, perque saxorum decliua audaci conatu reptantem consecutus fuerit; ingentia ostendet præcipitia, prolabentium numerum, primorumque quorumcumque sanguine nobilitata saxa, infames mortibus rupes, vt mirari primò discat imprudentes speratæ per abrupta hæc gloriæ ausus, tot exemplis ne quidquam

quam antè edoctus.

Primò proinde instructor naturæ cuiusque, ingeniorum iudiciorumque conditio- nem perscrutabitur, dispicietq; singula peritorum medicorum more. cognouisse, propè vicisse est. vt longè maxima difficultas in morborum ac constitutionis cognitione sit. medicamenta ad manum sunt, plurimus ferè error in ignoratione mali est. accedat cognitio, & spes summa elucet valetudinis bonæ. ita etiam præuisa damna fugam concedunt, inopinata ignaros obruunt. vt autem ingens ingeniorum morborumque animi discrimen est, ita & medicamentorum esse debet, Hieronymo monente Lib. i. adu. Pelag. *Ex corporalibus, cōsideranda spiritualia sunt. alius velox est pedibus, sed non fortis manu. ille tardus in cessu, sed stabilis in proelio est. hic pul- cram habet faciem, sed rauca vocis est: alius tetram, sed dulci modulamine canit. illum ingeniosum, sed obliuiosum: hunc memorem, sed tardi videmus ingenij.* addit Gregorius Hom. i o. in Ezechielem, *Hoc omnipotens Deus agit in cordibus hominum, quod facit in regionibus terrarum. Poterat namque vnicuique regioni fructus omnes tribue-*

resed si vnaqualibet alterius regionis fructibus non indigeret, communionem cum altera non habuisset. Audeo dicere, maius longè ingeniorum quàm terrarum ac corporum discrimen esse, vt maiore, in his industria ac prudentia opus sit, quo & sperati fructus & pericula maiora sunt.

Discat proinde morum magister ingenium cuiusque, qua in re varia dexteritate opus erit. quædam ab ipso nouitio inuoluntadinem suâque omnia tanquam medico prodente intelliget, quædam à socijs cognoscet, quædam è recreationibus hauriet, alia longa obseruatione ac experientia discet, versando sibi commissum in omnem partem, laudibus, obiurgationibus, pœnitentijs, præmijs : variarumque propensionum adiungat socios. hîc restringat, ibi quædam concedat, aliàs arctè reprimat, nonnunquam remittat habenas. committat etiam interdum aliquid prudentiæ ipsius, omnia interdum neget, ac, cum propensione aliquando illius laxauerit habenas, tû cōtraria omnia propensione imponat. seuerè etiâ interdû habeat, molliùs deinde, iungatque



que aliqua sibi familiaritate, iterumque ab ea secludat. saepe paternè agat, ac medici hinc inde personam induat, plerumque suavioris, rigidioris interdum, vt in omnem omnino partem tironem suum vertat. assuescat duris, vt horum consuetudine delectetur asperioribus, & gaudeat difficilioribus cum familiaria illa sibi fecerit; induatque veteranos animos, quibus à vulneribus & sanguine generosum incalescit pectus. detque operam, vt non tam ipse asperiora imponat, quam à nouitio vltro deposcantur. quæ mitiget tamen, & ab vltroneis hisce aliquid demat, & leniora ac minora petitis concedat.

Vbi yerò ingeniorum hunc agrum variè exercitum cognouerit; impedimenta antè omnia remoueat, saxa temere ac improuidè iactata, aut nata, intersparsa zizania, prauarum cōsuetudinum noxias radices, & quidquid aut ingentum aut prauis seminis superiectum est.

Purgata dein variè à noxiis area, solidas virtutes seminet, quas assidua cura à nocitufis tueatur. Orationis ante omnia studium

dium primas partes occupet. assuescat illi nouitius, maximè meditationi, in qua ea primò pertractet quæ timorem incutiunt, validoque iniecto metu à peccatis terrent, morte, aternaturisque pœnis, iudiciique horrore proposito; transeat deinde ad virtutum prouocatiua, Christi Sanctorumque vitam, documenta, consilia; ad amorum denique incentiua, cælorum præmia, gaudia, nunquam perituram gloriam. Frequentibus deinde per diem aspirationibus mentem pascat, & contra aduersa firmet; binis etiam per diem serijs conscientiaë discussionibus, in quibus nihil intactum relinquat, nihil inemendatum.

Plus tamen mortificationi studeat, plusque operæ & temporis huic concedat, ut à qua maius momentum pendeat. certiùs enim hac firmantur animi, solidiùs roborantur, & contra aduersa parantur: cum intima animi cultura ab hac pendeat, cuius auxilio rudera & prauorum habituum radices & fibræ, & naturæ malignitas, & superiacta zizania euelluntur, ac tanquam scopis eueruntur, totaque interior area serendis hau-

riendiſque virtutibus aptatur; vt nullo iam labore optima quæque ſemina tutò certoq; mittantur, centuplaque ſœneratione dominum ſuum beent. Et ſanè ſine hac fruſtra quocunq; conatu virtutem inſeueris. quæcunq; enim nobiliſſima licet ſemina ſcrupulo ruderoloq; ſolo, zizaniique improborumq; affectuum pleno immiſeris; nequidquam ſperes, neque enim aut radices agent, aut exurgent in culmum, aut emergent in fruticem; ſed in ſemine ſuo occident, aut in herba ſuffocabuntur: vt nec ſola cæleſtis pluuia, nec pinguior ſtercoratio, nec vigilâs cura ſufficiat. Eruderanda primo prudenti validaque manu noxia ſunt, & proſcindenda quaua parte, durisq; ligonibus, ſecuribus, vomere ſecanda terra, ac quaſi refringenda eſt, melioriſque ſemini paranda. quibus peractis ad diuinorum amorum ignes accedat inſtructor; nec magno molimine ingentes excreſcent flammæ. purus enim hic iam ignis eſt, pulſo prauorum habituum æſtu, ſolutaque glacie ac gelu, tepore languoreq; fugato. Hinc eſt illud Magni Gregorij Paſtor. p. 3. c. 35. *Jeremia miſſo ad prædicationem*



tionem dicitur, Ecce constitui te hodie super gentes & super regna, ut euellas & destruas, & disperdas & dissipes, & aedifices & plantes. quia nisi prius peruersa destrueret, aedificare vtiliter recta non posset: quia nisi ab auditorum cordibus spinas vani amoris euelleret, nimirum frustra in eis sanctæ prædicationis verba plantaret.

Moribus etiam sub initium formandis inuigilet instructor. exuant prauos, sæculares, vanos; induant modestos, maturos, religiosos. oculi in primis domandi, ac tantquam iniecto freno cohibendi, ne in omnem partem excurrant, ne nocitura hauriant, statione sua contineantur, ac quodam quasi aggere claudantur, verecunda quadam deiectione, rara eleuatione, aut curiosa circumspectione: manus contineantur, non indecore protrudantur, nec infrequenti motu versentur: non iactentur brachia, aut longius protrudantur: incessus sit constans & moderatus, qui nec lentitate ignauiam designet, nec citatiore progressu incompositam mentem testetur, nec in variam partem libratus fastum denotet: totaque corporis compositio erecta, capite modicè subsidente:

nihil denique, quod sæculum sapiat, quod aulæ mores, quod iactantiam & fastum, quodûe nimiam aut amœnitatem, aut trucem seueritatem vultu præferat, ad verecundam honestatem, & in comitate ac benignitate maturitatem omnia componantur, omni leuitate, vanitate, effusaque lætitia sæculum redolente eliminata.

In verbis seria maturitas, præcogitata dictio, ad moderatam tarditatem quam ad celeritatem pronior; vt nihil pœnitendum elabatur, nec lingua mentem, mens linguam præueniat, exulet profusior risus, verbaque risum prouocantia, dicteria, sarcasmi, acerbior prolocutio, vanarum rerum narrationes, & quidquid sæculum suum loquitur.

Assuescant pijs colloquijs, omnemque fermocinationem diuinis condire rebus. læta tristibus, tristitia lætis miscere, mœrentes solari, prodigè effusos moderari morte proposita, dubio euentu, incerta futurorum consecutione. honores opesque sæculi huius cum alterius vitæ, principum magnorumque studia beneuolentiamque cum Dei Sanctorumque cælo ascriptorum, peritura cum

æter-

æternis, momentanea cum peregrinaturis,  
terrena cum cælestibus componere. Extolli-  
tur aliquis prosperis? opponat aduersa. de-  
primitur aduersis? erigat spe meliorum. pau-  
pertate opprimitur? cælorum ostendet opes.  
proscinditur calumnijs? melius esse doceat  
innocentem quàm nocentem pati. habeat-  
que ad manum vtriusque fortunæ exempla,  
quibus aut erigat aut deprimat, & intra  
modestiae terminos hospitem suum con-  
tineat.

*Remedia.*

**A** Vigili Superioris cura petenda sunt.  
qui si certò sibi seriæ institutionis no-  
uitiorum momenta proposuerit, sibi que  
persuaserit ab hac vna totius Religionis spẽ //  
omnium maximam, vitamque ac interitum //  
pendere; pulsa ignauia ad sedulam se insti-  
tutionem accinget.

Quòd si pergat in socordia, molestiarum  
ac laborum pertasus, alteri muneri admo-  
uendus erit, in quo minore Religionis de-  
trimento versetur.

Inuigilandum deinde vt qui præest, non



nuda pietate ac religionis zelo, sed prudentia in primis instructus sit : cùm plus sæpe momenti à prudenti quàm à sola pia directione pendeat. Prudens sanè director, qui singulorum naturam altitudine quadam mentis, seriaque solerti que indagatione penitus introspexerit ; non facile à recto bonoque aberrabit, aut commissos sibi in errorem ducet, aut ad præcipitia adiget, aut ad extrema & pœnitenda impellet. scit consilia, monita, remedia naturæ singulorum accommodare, molliaque asperis pro cuiusque ingenio temperare. at pius prudentia destitutus, qui feruere quodam animi eadem omnes via ducit, eodemque omnium morbis medicamento medetur, & peccabit grauius, & pro medicamentis non raro venena porriget, in multorum interitum abitura. quæ enim vni in vitam, alteri in mortem sunt, & è non malis pro varia valetudinis  
// conditione toxica bibuntur. neque vllus error grauior est quàm in spiritali institutione  
// directioneque iisdem omnes in omni re  
// disciplinis instituere, iisdem mederi modis, cùm pugnantes naturæ morbi que pugnan-

tia remedia deposcant. Euenit enim in ingeniorum tractatione quod in corporum curationibus; in quibus prima præscribendorum cogitatio à constitutionum varietate petenda est. in qua qui peccat, mille se erroribus inuoluit, & pro profuturis interimentis propinabit. Pius sit instructor, orationis antè studio excultus, magis etiam mortificationis; vt dux ipse suis ad omnem virtutem sit, plusque exemplo quàm verbo instruat; habeant in eo, ac in omni actione verboque ipsius nouitij quod tutò imitentur; à prudentia verò, siue illa naturali, siue celo concessa, quàm instructissimus sit. adeò vt si votis hîc agendum sit; minus in institutione à solida magnaque prudentia cum moderata pietate, quàm à magna pietate prudentia destituta periculi videatur.

## LIBER SECVNDVS.

## INFERIORVM

## MORBI

## ET

## CVRATIONES.

## CAPVT I.

*Auersio à Superioribus.*

X quacunque causa nata, difficultatibus & periculis plena est: neq; enim in sola Superioris persona stat hæc auersio, sed abit ad omnia ab ipso imperata; vt etiamsi hæc sanissima sint, instituto conformia, animarum salutis propria, bona etiam, adeoq; amore illius cui imperantur profecta, omnia tamē ex alijs inijs proleta arbitretur. Hinc in parendo ingens difficultas.



M ficultas fequitur, cùm omnia imperantis fufpecta funt, totâque interioris hominis pax turbatur & euertitur. nam fiue Superior taceat, crefcit cum auerfione inquietudo; fiue loquatur, & falutaria præfcribat, pro toxico illis falutis monita funt. vt ex omnibus non modò imperatis, fed ne ex dictis factisque Superiorum quidquam placeat, displiceant omnia. funt qualia à religiofiffimo & prudentiffimo fperari ac defiderari poffint; fatua illi erunt, & periculis plena: funt amiciffima mente, munificentiffimâque dexterâ erogata; ab h. vili pectore, & auara manu venient. Prudens Superior confilium dedit, prouidè imperauit? fatuus, aut politicus eft. Beneuolè excepit? aulicos mores induit. Largiffimè omnia fpopôdit? infidias ftruxit, & aliud verbis, aliud animo fouit? Planè loquitur? latent doli. Parcus in verbis eft? fraudes, & inimicâ mentē tegit. Suadet profutura? commodis fuis ftudet. Nihil deniq; tam fanctum certumque, quod non profanum, periculifque plenum illi fit.

Neque manet hæc auerfio in vno, prodit fe foras, ac vbicunque deprehenderit aliquem

quem ex quacunque causa turbatiorem, aut Superiori offensum, illi se morbumque suum aperit, qui hoc malo tenetur, mutuâque hac confidentia mala crescunt; ut inde societate iam roborata, in apertas prorumpant murmurationes, oblocutiones, detractiones, ac quidquid ferè in Religione malorum excogitari potest.

Quid? quod etiam ad externos serpat hoc malum: neque enim contineri vnius animo commotio & tempestas hæc iactatioque potest, non magis quam flamma cineribus: erumpet proinde vel minima data occasione, maximè si externus ille pro contracta inter eos familiaritate, cœperit aliquid in Superiore improbare; tunc enim periculû est, ne tanquã hac nouacula dissectû apostema, venena simul omnia profundat, non Superioris tantum, sed & corporis totius damno.

Demum crescente hoc malo, ad instituti vniuersi damnationem prolabitur hæc alienatio, agrumque suum ad extrema propellit, dum nihil iam probat, damnat omnia, auersaturque quæcunque documenta, tanquam ab hostili manu propinata: nusquam  
parris,

patris, nusquam medici manum agnoscens, sed inimicam ubique dexteram. etiam inter amica fercula & propinationes, inter patria monita benignissimo pectore deprompta venena reperiet, & fella pro melle leget, colocynthidas pro saccharo, pro vita mortem. tantum valet alienior animus.

Iam cum displiceat Superior, monitaque studiaque ipsius, qualia demum illa fuerint, licet ab intimo Religionis deprompta; incipiunt etiam Religionis propria displicere. & semel à Superiore alienior animus, auertitur etiam ab iis quæ instituti sunt, maximeq; ab illis, ad quæ Superiorem propensorem videmus. quòd si ad omnia instituti pari conatu feratur Superior, ab omnibus auertimur, displicet nimirum res cum persona displiceat, & quæ proba antè erant, improba videntur, cum ab hostili dextera nihil arbitremur amicum profuturumque porrigi posse.

Atque hinc spiritualis quædam exurgit nausea, & incoerentis animi fastidium, ut nihil iam placeat quo foueri mens consueuerat,



aut lassa reparari, aut fessa erigi, aut agra sanari.

Oratio verò tota prostrata iacet, credas effectis nervis omni robore viduatam, ita occupatus ac possessus alienatione hac animus, nihil præter auersiones ruminat, ut nec spatium sibi concedat cælestia cogitandi. tanquam si palatum amaritudine circumfessum, suavia ac salutaria omnia respicientem cogites.

Sed & animus ad generosa quæque deest: amatque sub tali Superiore ingloriam magis vitam & ignauam trahere, quàm ad victura dexteram protendere. quæ tandem res ad extrema inferiorem deducit, variòsq; etiam corporum morbos adducit. nec finem facit, donec aut in apertum erumpat odium, & hostiles machinationes, & desperatae mentis molitiones, aut vitam sibi aliis que grauem tristi languore finiat, infeliciq; demum morte claudat.

#### *Remedia.*

**C**onandum Superiori quibuscunque potest modis, maximè verò per Præfectum

etum spiritus, Confessarium, aliósque ei caros, vt æger hoc malum suum fidenter, clare, & sine ambagibus retegat: in refectione enim hac, potissima sanitatis pars constituta est.

Beneficijs etiam vincendus æger, & ad hanc sui detectionem blandè ducendus erit: quasdam etiam in illo leuiiores imperfectiones dissimulando: negotia quædam, quæ tunc illi credi possint, vltro committendo: si quid rectè factum, laudando: si quid minùs benè, errorem tamen excusando, intentionem collaudando, suauiter monendo, & ad maiora excitando.

In qua re magna Superioris opus est prudentia; vt si blandè inferiorem adducere non possit ad sinceram mali sui refectionem, simulet se auersionem hanc scire, multisque fiduciæ signis, ac quibusdam etiam concessionibus ab instituto non alienis, suauibus appellationibus, colloquiisque quæ animi in illum propensionem fiduciâque ostendant, eum sibi deuinciendo; propositis etiam interdum quibusdam tanquam consilij causa, ac iudicium illius explorandi,

probando etiam illud, si quo modo fieri possit.

Quòd si his similibúsq; animum illius sibi conciliauerit; dissimulare in vniuersum Superior poterit, quò fidentiùs ille se suaque, pullis diffidentiae nebulis, Superiori credat: si verò æger se aperuerit, beneuolentia Superioris victus, benignè illum Superior audiat, soletur, ostendat vanum metum fuisse, non fundatas suspiciones, & ne à se cogitatis quidem rebus natas; aut sanè rationem dictorum factorumque suorum amicè illi reddat, sæpe ad se, suaque aperienda inuitet, vt consuetudine hac, fiducia nascatur & amor.

Magna denique dexteritate animum ægroti in omnem partem versando, paulatim illi omnem auersionis causam euellat, dicta factaque illius in Superiorem minuendo, multa humanæ fragilitati tribuendo, multa huius generis in omni hominum genere euenisse.

Quòd si his remediis vinci æger non possit, seriò de loci mutatione cogitandum erit: sæpe enim naturalis quædam è constitutio-

tut  
pri  
din

R  
cun  
ctur  
tio,  
tota  
mar  
ac p  
cile  
sibil  
max  
prof  
exig  
Su  
mur  
rata;  
plice  
rissu  
lomi



tionum diuersitate nata auersio est, quam priusquam euincas, vniuersam antè valetudinem frangas & perdas.

## CAPVT II.

*Neglectus obseruantia erga Superiores.*

**R**Em quis arbitretur non magnam; magna hæc tamen incommoda secum trahit : sequitur enim hunc neglectum, venerationis & auctoritatis diminutio, ac contemptus denique. quod vbi fit, tota collabascit obedientia, quæ his firmamenti, tanquam validissimis vinculis ac propugnaculis continetur. neque difficile est illi obsequi, quem veneraris; impossibile propè illi obsequi, quem contemnis, maximè ea obsequentiâ, quam ab animo profectam omnis bene constituta Religio exigit.

Succedunt hinc in omni propè imperio murmuraciones, cùm non placeant imperata; quæ placere perrarè possunt, cùm displicet qui imperat. nam etiamsi prudentissima illa sint, si non placet imperans,

nec imperata placebunt: contrà, si placeat ille, etiam imprudenter imperata, si non probentur, locum tamen excusationi & propugnationi inuenient. tantum in vtramque partem refert affectus in auctorem. Amas? etiam verbera placebunt, aut tanquam de manu optimi & clementissimi patris venisse iudicabis. Auersaris? etiam munera detestaberis, arbitraberisque ab inimica dextra venire, & molliora benignioraque verba factaque, dolos fraudesque tegere opinaberis. Mollia, verè amantis, dura licet, verba sunt, quin & mollia verbera; dura alienioris animi, mollia licet, verba sunt, muneraque verbera non dona sunt; vt nihil iam exspectare debeas, præter spiritalem quandam nauseam, ac repentis animi spiritalem quandam vomitum. omnia enim cum Superiore displicere incipiunt; minórque iam veneratio rebus instituti proprijs, minor maiorum decretis. nam ad neglectum ac contemptum fatis est à tali Superiore profecta: sancta licet probaque sint, ac veteris germaniq; instituti, ac primarij spiritus, non sapiunt tamen, imò displicent à tali manu propinata. ita semel

mel concepta opinio dulcia omnia ac salutaria, in amara ac noxia vertit: mella nimirum in fel merum, medicamenta in venenum. vnde supinus tandem neglectus omnium spiritualium exercitationum rerumque Religioni propriarum nascitur, ac perpetuus tandem animi languor, non nisi cum Religionis ipsius odio aut morte finiendus. tantum in humanis potest ex neglecta veneratione contemptus, ut ad malorum ultima Religiosum deducat, nec antè finem faciat, quàm illum tota Religione protrudat, iuratumque hostem ex filio & amico statuatur.

Aliquid proinde sit in Superiore quod venereris, virtus, benignitas, paterna cura, comitas, ingenij magnitudo, iudicij profunditas, eloquentia, agendarum rerum dexteritas, morum maturitas, rara continentia, pietas, probitas, eruditio non vulgaris, prudentia magna; aliquid denique quod venerationem prouocet, è qua ferè amorem nasci videbis.

Fateor etiam his omnibus destituito, venerationi tamen locum esse posse, vel hoc solo



solo nomine, quòd Superior Christi vices gerat, cui in Superiore obtemperamus: verùm difficile est, vbi omnibus Superior quæ naturâ suâ venerationem prouocant destituitur, solo intuitu vicarij illi à Deo concessi muneris venerationem prouocare. ferè enim homines etiam ad diuina, humanis quibusdam ducimur trahimurq; subsidijs; quibus si destituamur, ægrè ad nuda diuina, propter ipsa rapimur: vestiri enim illa optamus, & humanis quibusdā illecebris cingi.

Et sanè vt nihil facilius est quàm in venerationem, ac venerationi implexum amorem rapere, si amore ac veneratione digna, manu quasi tangimus; ita inter difficilia non vltimum est in venerationem ac amorem propellere, cùm omnia externa venerationis ac amoris prouocamenta desunt.

Illud verò in alieniore animo solemne est sequi, vt vnus pectore venerationis diminutio non claudatur; spargitur per plures, & totas obit familias, fitque vt derogata semel veneratione: obedientia tota labascet: obmurmurationibus colloquia nacent: & quæ priùs amoris ac filialis parentiæ, nūc

fer-

seruilis obsequentiæ sunt, à sola coactione nata. atque hinc omnium intepescunt animi, imperataque nauseabundi exequentur. quare nec fructum illum sperare prudenter possumus, quem à laboribus sudoribusque amoris ardoribus excitis expectare solemus. Quid? quod etiam ad externos eat hæc fama, & venerationis illa retractio causaque totas impleant vrbes, non sine non emendanda nominis diminutione, quæ res in vniuersum corpus redundat.

*Remedia.*

**P**Lurimum hîc valet Dei, in omni Superiore, cuius hîc vicem gerit, præmiorumque cælo repositorum seria frequensque consideratio: non magnum esse variis naturæ cælestibusque donis exulto morem gerere, cum ipsa donorum excellentia etiâ hostes in admirationem rapiat, aut à Religione alienos in amorem trahat. neque in his magna meriti ratio esse potest: ingens illa præmij meriti que materies est, cum in Superiore nulla humana momenta pòderamus, sed Christum solum, cuius ille vices gerit,

gerit, intuemur: illum vt Dei in terris vicarium, vt cælo nobis datum amplectimur. quæ vna ratio omnibus potentior, maior, certiorque apud verè Religiosum esse debet; & à qua sola plus venerationis amorisque, quàm à reliquis omnino omnibus animo concipere, factisque præ se ferre meritò oporteat.

Quæ in Superiore laudanda, sæpius ob oculos ponere; neque enim quisquam est, in quo non aliqua reperias, quæ laudem mereantur, siue è naturæ donis, siue studio comparatis, siue singulari prærogatiua à Deo concessa.

Quidquam non commendandum in Superiore occurrit, fortiter repellendum, excusandum; intentionis bonitas, humanae fragilitas cogitanda, errorum vitiorumque priorum magnitudo grauitasque leuibus illius opponenda. quod eò facilius faciet inferior, quò errores, defecta, & quidquid in se non vna reprehensione dignum, tacitus secum euoluerit. Videat in quantis sibi ab alijs indulgeri velit, maximè à Deo, cuius oculis nuda sunt omnia. quàm multa  
dam-



damnanda secum trahat, & non vni veniæ subijcienda, quo magis minora in Superiore dissimulationis & indulgentiæ scopis verat. ac quando cunque occurrunt quæ meritam damnationem exigunt, & venerationis diminutionem, obijciat illustriora quæque ipsius, quæ iure quodam suo admirationem ac venerationem deprecant. quod per facile erit verè Religioso, & simplici melioreque oculo singula intuenti.

## CAP V T III.

*Simulata & tecta conscientia explicatio & redditio.*

**M** Alum eo nocentius, quòd à filiali in Superiorem tanquam patrem ac medicum refectione, omnis bona certa que, ac secura gubernatio pendeat. Vnde fit, vt huius defectu neque curentur nocitura vulnera, & mortem sæpe allatura; neque vitentur damna corpori vniverso inferenda; neque prudens, ac sine insigni aliqua elade diu consistere gubernatio possit. Committuntur

munia, quibus credenda non erant, conijcitque non rarò suos in salutis discrimina Superior, morborum ac propensionum suorum ignarus.

Et sanè vt nihil difficilius est, etiam peritissimo medico, longaque rerum ac ætatis experientia docto, quàm ignoratos ægrientium morbos aggredi, & ad quorum retentionem, siue noxia verecundia, siue simulandi studio, siue pertinaci silendi obfirmatione, obmutescit æger, premitque secum mala; ita nihil facilius quàm cognitas perspectasque infirmitates, earumque causas depellere. vt morbi certa cognitio, medico certa propè curatio sit: at ignarus morborum fluctuabit, & pro salutaribus perimentia sæpe medicamenta propinabit. calentibus opus est: porriget frigida. humectantibus æger indigebit? siccaria præbebit. Idem eueniet in animarum medico. didicit morbos: remedia ad manum sunt, siue noxiarum subtractione, siue profututorum propinatione.

Et cum in omni animorum morbo plurima veterum in vtramque partem existent

do-

documenta, & exempla; non erit Superiori morborum cōscio difficile ea præscribere, quæ salutaria cum primis futura sunt. vt sciuisse suorum morbos, propè curasse sit; cū contrā ex illorum ignoratione, nulla non mala nasci procliue sit.

Sanè prudentem omnem gubernationē // ex hac suorum cognitione pendere, nemo // non videt; cū reliqua omnis gubernatio ex ignoratione nata, fortuita sit, & mille lapsibus exposita; vt in qua nihil certò, nihil tutò, nihil solidi statui possit. fortunæ nimirum cōmittenda sunt omnia. Nam licet ex externo suorum conuietū, colloquiis, domesticā consuetudine, familiarium etiam indagatiōe, multa solers prudensq; Superior colligat; plurima tamen ignorabit. cū pauci morbos suos prodant, tegāt pleriq; & ferè grauissimi altè habitant, ac in imo latēt, visceribus implexi; leuiiores prorumpunt foras. mortem allatura intimis præcordiis clauduntur, nec nisi cū interitu reteguntur.

^ Causa ferè mali huius in Superiore residet. qui si paternum in omnes affectum explicabit, expandetque matris viscera



vberaque; nullo negotio filialem in se subditorum affectum prouocabit. crescit enim cum amore fiducia, neque facile se generosus animus in hac mutua amorum prouocatione vinci patietur. Quare si Superior genuinos, veraque patris sinus expanderit, in omnem fiduciæ refectionem, inferiorem incitabit; maximè vbi illum non tantum patrem & medicum, sed fidissimum commissorum sibi custodem senserit, creditaque sibi arctissimam aeternum custodiam seruantem, plurimum enim in inferioribus valet concepta hæc de Superioribus concreditorum infracta firmitas, & secretorum tenacitas. Proderit etiam vel inter prima, si à fidenti inferiorum conscientia animique refectione, propensos in se Superiorum animos senserint, ac peculiare tenerosque patrios in se illorum affectus experti fuerint, ac plus etiã quàm antè beneuolentiæ ac fiduciæ. dici enim non potest, quantum his crescat amor, fidesque morborum animi, nudaque sinceræque, omni fūco & simulatione seposita, refectio.

Altera mali causa, ab arrogantia metu-  
que

que ab hac nato proficiscitur. cum veremur, ne si quæ animum premunt vulnera aperuerimus, sinistram Superiores opinionem induant, decedatque non parum de veteri in nos affectu, aut de concepta virtutis opinione, minusque iam aut solita committant, aut à maioribus dignioribusque auocent.

Ab innata etiam quadam animi in omnes, aut certos Superiores diffidentia, aut pusillanimitate, noxius hic timor, qui candorem hunc sistit, nascitur. Et sanè nisi factum hunc exuerit inferior, metum illum nunquam deponet. Nihil hîc periculi foret, si humilitatis amor obsedisset pectus. gauderet enim talis cōtemptu, & caussas vltro depressionis inueniret & suggereret. aut sanè si firma in Deum fiducia occupasset animum, qui nunquam permittit fidentem sibi in fraudem duci; non magno hîc opus esset molimine: cum enim inferior Superiori, Dei vices gerenti, morbos aperiat; fieri non potest vt permittat hunc Deus dolis circumueniri. quod si tamen permiserit fraudi hunc alicui candorem esse, certò sibi qui damnum passus est persuadeat, locupletio-

re longè mercede hanc in Deum fiduciam remunerandam.

Quòd si pergat inferior Superiorem animorum medicum morbos suos celare, nihil propiùs, imò necessũ omnino est, vt politicum quendam spiritum plenis faucibus hauriat, consilia resque suas vario artificio tegat; probitatem, pietatemq; simulat; valetudinem bonam verbis vultuq; mentiatur, cùm extrema sæpe, mortemque vulnera intentent. audiat Sapiensem Prou. 12. *Vultus tui recta in oculis eius: qui autem sapiens est, audit consilia.* & illud Eccli. 32. *Fili sine consilio nihil facias, & post factum non pœnitebit.* quanto magis audiet consilia Superioris inferior, parētis filius, infirmus medici, idq; in re salutis?

*Remedia.*

**A** Superiore ferè petenda, vt paterna beneuolentiæ ostentatione, affectum in se fiduciamque suorum excitet, beneficijs etiam prouocet, adeoq; ad ea munia promotione, à quibus periculum inferiori non creetur.

Proderit etiam faciles benignasque in

omn-



omni ad se recurſu aures præbere, vltro etiam non rarò compellare, fiduciamque oſtentare, aditumque in omnem retegendi ſe libertatem ſternere, nullòque vel minimo ſigno aut diffidentiam præ ſe ferre, aut è conceditis ſibi timorem.

Inculcanda rei huius vtilitas neceſſitaſque, ſiue in exhortationibus publicis, ſiue in priuatis colloquiis, maximeque in domeſticis conferentiis, vel à Præfecto ſpiritus, aliisque inſtituti peritis & amantibus. aperienda incommoda damnaque è noxio ſilentio nata, exemplisque illorum confirmanda, qui ab imprudenti verecundia, vel à timore & inani diffidentia, vel celandi ſua ſtudio, ad perpetuam animi inquietudinem, ac tandem ad vocationis ſuæ deſertionem deueniunt, in carnem ſimiliaque vitia prolapſi.

Exemplis deinde magnorum viſorum, qui grauiffimis aliquando in omni vitiorum genere tentationibus pulſati, poſt plurima fruſtra tentata remedia, in vna mali ſui reſtectione ſalutem reperiunt. Nec veriti non pauci ſunt, publicatis etiam libris,

palàm quibus iactati fuerant, demonum infidias aperire, quidam etiam lapsus suos, aut lapsui pericula proxima.

Excitandi deinde, & ad animi sui morbos periculaque aperienda prouocandi erunt, exemplis morborum corporis, quorum verecunda, & oculis etiam nostris pudibunda, grauitate mali victi, medicis adeoque & hostibus retegimus: quo magis idem faciendum Superiori ac patri in animi morbis, corporis morbis longè perniciosioribus, ut à quibus beata infelixque pendeat æternitas, nulla postmodum arte reparanda. Seruò in hanc rem Gregorius in Past. p. 2. ca. 1. *Quisquis intrare æternitatis ianuam nititur, tentationes suas menti Pastoris indicet. & in Vitis Patrum: Ne abscondas cogitationes tuas: ita enim confusus immundus spiritus discedet à te. Nihil enim ita confundit demones, eorumque virtutem alidit, quàm si quis secreta cogitationum reuelet Patribus sanctis.*

#### C A P V T IV.

*Curiositas in indagandis, quæ gubernationem tangunt.*

Quæ

**Q**UÆ quo magis internam cuiusque pacem turbat, eo Religioso magis vitanda & fugienda est: neque enim potest in illius animo solida pax tranquillitasque consistere, in quo agendarum imperandarumque rerum perpetuæ natant sollicitudines.

Neque in vno inquietudo hæc permanet, abit in plures, cum quæ solerti indagatione cognita sunt, aperiuntur alijs; causamque sæpe præbent magnarum turbationum: cum ea ipsa quæ decreta aliquando, coguntur, remelius propiusque perspecta, aut quibusdam inexpectatis novis que intercurrentibus, quæ aliud suadent, Superiores mutare. quod ubi evenit, aut inconstantiam in Superiore redarguunt, aut imprudentiam, aut denique, si ipsos res tangebant, prioraque consilia magis placebant, turbationum mare magnum nasci videbis.

Profiliunt inde suspiciones in varios, mærores, murmuraciones & obloquia, quorum omnium causa primus ille curiosior indagator & explorator est. nascunturque ex his principijs temeraria in primis iudicia; & frequenter culpam in illum conijcimus,



qui extra omnem noxam est: vnde ingentes profluunt animorum alienationes, partiūque noxia Religioni studia; variæ deinde parum religiosæ molitiones, & innocentissimorum sæpe euersiones; decurriturque demum ad interna, ac ad externa non raro patrocinia & intercessiones.

Plurimum deinde curiosior illa disquisitione adimit de obedientiæ integritate, cum magnam partem debitæ resignationis & indifferentiæ tollat. Etenim animus ad omnia Superiorum imperia paratus, nullam causam habet curiosioris indagationis, promptus in omnem imperij partem: neque illi cura mordet imperandarum rerum, qui in omnem Superioris, tanquam in Dei voluntatem excubat, & in quo nullus delectus muneris, aut agendarum rerum est: sed infima iuxta ac maxima à diuina manu per Superiores expectat; magisque etiam fertur in abiecta, tanquam in tutiora, & raro lapsui aut præcipitiis vicina, quia minus splendida, & per plana ducunt, in quibus rarior ut æmulatio, ita infrequentior casus est.

Monemur in hac materia à Sapiente Ecclesi. 3.

cli. 3. *Altiora te ne quaeris, & fortiora te ne scrutatus fueris. Sed quæ præcepit tibi Deus, illa cogita semper, & in pluribus operibus eius ne fueris curiosus. Non est enim tibi necessarium, ea quæ abscondita sunt, videre oculis tuis. In superuacuis rebus noli scrutari multipliciter, & in pluribus operibus eius non eris curiosus. multos supplantauit suspicio illorum, & in vanitate derinuit sensus illorū. Præcipit Deus per Superiores. quorum præceptis vt diuinis insistendum esse monet Apostolus. & ferè ingentem animo inquietudinem omnis curiosior indagatio adducit, magnarū vbiq̃ue turbarum ac iactationum causa. ita in perpetua quadam tempestate fluctibusq̃ue curiositas omnis nauigat, omnibus litoribus exclusa, ignara portus, stationum nescia; inanibus plerumque vanisque suspicionibus iactata, dum irrequieta mente Superiorum consilia scrutantur, dubiosque & fortuitos euentus, solerti subdolâque prospiciētia anteuertere conantur, semper anxij ne quid fors alienum à propensione Superiores de se statuant, multum de diuinæ prouidentiae fiducia detrahentes, quā præprouida sagaciq̃ue industria sua præuerrere*

conantur. quo fit vt relinquat illos Deus in manu consiliorum suorum, destituatque cælestibus subsidijs; quibus affluunt quotquot vni Dei voluntati innixi, totam sui curam Superioribus relinquunt, certi fortunatius successura quęcunq; à prudenti & prouida diuina manu profluunt, quam quę à fatuo delectu nostro euentuum ignaro.

Huc accedit, in altissima pace viuere, quotquot se suęque diuinę prouidentię committunt, ac cæca quadam manu accipiunt, quidquid à prouida illius dextera porrigitur. Eueniant vt placitum bonitatis ipsius fuerit, res imperatę; habent ad manum illud solatij, Obsecuti sumus Deo. non eueniunt optata aut sperata felicitate? satis esse homini debet, paruissē in Superiore Deo. & fortē in salutem erit infelicior euentus, fuisset in damnationem aut lapsum fortunatus successus. Quid altiora nobis scrutamur mortales? certum, non posse falli Deum, nec fallere sperantes in se posse.

Qui verò curiosiore indagatione Superiorum, ac in illis de se suisque aut alijs etiam, diuina disquirunt consilia, in perpetua  
qua-



quadam sollicitudine vitam trahunt. quòd si Superiores ad sua vota deduxerint, æterna ferè pœnitudine conatus suos luunt; cùm plurimùm extorta hæc imperia infelici exitu claudantur, & præcisa tunc spes omnis mutationis videatur, cùm erubescimus ad prioribus contrarias preces, qui auctores nobis malorum fuimus, & mutatae in Superiore sententiæ.

*Remedia.*

**O**bedientiæ per meditationes, librorumque de hac virtute tractantium lectiones, excitatus amor.

Studium tranquillitatis internæ, quam nullo negotio consequuntur, quicunque extra omnem sollicitudinem Superiorum tanquam Dei imperia læti hilaresque expectant & excipiunt.

Commemoratio eorum, quibus plerumque minùs feliciter nimia hæc cura cessit; contraque aliorum, quibus fortunatissimo ferè exitu paratus ille animus ad omnia Superiorum mandata exequenda succedit.

Proderit etiam cogitare, quem curiosior hæc indagatio finem sibi propositum habeat. si solam cognitionem: quo mihi illa? aut quid adferet internæ pacis? si vt habear primus euulgator, inuidentiam etiam vereri debeo, & secretorum euulgator Superiorum, & indignationem timere. Si vt aliò Superiorum consilia flectam in iis quæ me tægant; parum tutâ ingredior viâ: accedentibusque molestiis, quales promptum est hîc nasci, nullus querimoniis relictus est locus, cum Superiorem à suis ad mea consilia deduxerim. inde mœrores sequuntur non raro; cum contra pacatissimi sint, qui toti à Superiorum voluntate pendent, parique affectu quæcunque demum imperata cadant, amplectuntur; quibus si non omnia ex voto prospera eueniant, habent quo se solentur, Superiorum, non sua se voluntate ré aggressos; & tutò Superiori difficultates proponere, remediâque deposcere possunt.

## CAPVT V.

*Obedientiæ neglectus.*

Qui

**Q**VI ferè ex eo prouenire solet, quòd in Superiore non cognoscamus imperantem Deum: quem si in illo intueremur, non facilè ab imperatis deflecteremus, iudiciàque nostra illius præponeremus. Nam quis paulò religiosior sua diuinis consiliis, quæ in Superiore elucent, præferre audeat? aut quis ea temeritate, barbaròque fastu est, qui diuina postponat suis? Omnis proinde neglectæ obedientiæ ratio in Superioris ignorance consistit, cùm vicariam in illo Dei potestatem inferiores non agnoscunt, nec imperantem in eo Dominum considerant, sed humanis rationibus metiuntur omnia; nec aliud in Superiore, quàm aut inditam naturâ, aut longa experientia partam prudentiam intuentur: ita fit, vt sæculi more obtemperent, rationibus nimirum, aut metu, aut sola externa auctoritate ducti. qui obsequendi modus longissimè à diuino abest, ac prudentiæ potiùs, & seruili timori, quàm diuinæ voluntati in Superioribus imperanti innititur; quam si in Superiore consideraremus, non difficile foret obtemperare,



maximè cùm in obsequendo rarus intercurrere error possit: non quòd non aberret à recto veròque Superior, sed quòd error ille perrarò in Superiorem cadat: nec minora interim apud Deum obedientiæ præmia reposita sunt, si quis imprudèter, quàm si prudenter imperanti obtemperet; ac merces etiam maior illi debetur, cùm minùs prudenter ac providè imperanti, solius Dei nomine, in illis quæ nullam peccati labem continent, obtemperet.

Damna verò adeò grauià & obuia sunt quæ ex obedientiæ neglectu nascuntur, vt in omnium oculos nullo negotio incurrant: neque enim vlla non Religionis modò, in obedientia potissimùm fundatæ, sed nec reipubl. aut priuatæ etiam domus sine huius virtutis accurata obseruatione prudēs consistere gubernatio potest, nullum imperium stare, nullus exercitus ab hoste victoriam sperare, nulla securitas in rebus humanis, pax nulla, quæ ferè obedientiâ tanquam vinculo ligatur.

Ingentem deinde rerum omnium perturbationem huius defectu necessum est  
se-

sequi, cùm membra capiti, inferiores Superioribus aut imperât, aut non obsequuntur: quæ res interitum corpori de propinquo minatur. nam quid sperari potest, quid non timeri, cùm inuertitur hic ordo rerum, quo inferiores Superioribus parêre æquum est? cùm aut Superiorum ignauâ incuriâ inferioribus omnia permittuntur, vt pro voluntate quisque sua vitam moresq̃ue instituat, munia deligat, res administret, in quæcunque se domestica ac externa profundat; aut cùm innato quodam negandi timore, aut mœrore afficiendi metu, aut rogandi importunitate, succumbunt; aut temporalium denique commodorum causa; aut sanè ob inferiorum duritiem, & arrogatam auctoritatem, è Superiorum tepore natam, liberas suis habenas permittunt; quid expectari magni bonique potest, dum singuli vnius licet corporis membra, contrarijs in diuersa motibus feruntur, si non vltimarum, desperationum miseranda consilia?

Commoda verò adeò manifesta sunt, vt non egeant explicatione: mutuò enim hac virtute debito amore constringimur,

dum singuli commisso sibi muneri incumbentes partes suas tuentur, ne in aliena sibi non concredita inuoluantur. Augustini de hac virtute verba sunt: de Ciuitate libr. 14. *Virtus obedientia in rationali creatura, mater quodammodo omnium est custosq; virtutum.*

Sequitur hanc virtutem sine sollicitudine vita tranquilla, & curarum expers, cum Superiori se totum resque suas inferior credit, illius nutui parer, totumque se illius voluntati committit. Felicem imperata res euentum consequitur? præmia cum Superiore laudesque partitur, & maior etiam gloriæ pars ad inferiorem transit. Infelicem sortitur effectum? si obsecutus est imperari, securus, & extra culpam & reprehensionem est: prudentia, timor, dubius & anxius de euentu animus, seriæ deliberationes, mœror & pœnitudo, Superioris sunt: pœnitudo, dolor, metus nullus, fortuitarum rerum sollicitudo, interni que fluctus nulli; sed pax alta, profunda que quies, ingensque animi tranquillitas, inferioris sunt. Nullæ in hoc, ut in Superiore, noctes insomnes, nulla anxia futurorum cogitatio, nullæ sollicitudi-  
nes



nes cor exedentes, nulla præcipitatio, nulla gloria aut nominis defraudatio metuenda: cum satis inferiori in omnem laudem sit quemcunque res euentum sortita fuerit, paruisse; nec minorem laudem quocunque demum euentu, felici an infelici, mereatur, neque gloriam commendationemque referat interiorem. cum omnis obsequentis honos in sola parentia, non in successuum felicitate consistat, & fortunati infortunatiquæ euentus solius Superioris delectui ac imperio ascribi debeant. Semper proinde laudem decusque quocunque euentu obediens reportabit, etiam apud iniquos rerum aestimatores; solam verò laudem Superior est fortunato euentu consequetur. ut tutissima obsequentis conditio, certissimaque gloria; dubia ac incerta per omnia imperantis sit. tanto hæc discrimine dissident, tantoque imperiis potior parentia est.

*Remedia.*

**F**Requens lectio, & commemoratio meditationisq; eorum, quæ ad hanc virtutem per-

pertinent. commodorum etiam incommodorumque, quæ ex huius virtutis prosecutione aut neglectu nasci proclive est, sæpè repetita memoria. quanta animi tranquillitate, quanta securitate ac certitudine, molestiis expertem vitam ducât, qui se totos obedientie sacrarunt: quanta contrà mentis turbatione, anxietate, inconstantia, dubioque ferè exitu iactentur, quotquot ab illa degenerarunt, aut deflexerunt. Bene Sap. Pro. 21. *Vir obediens loquetur victoriam.* omnium nobilissimam retulit Christus: Ph. 2. qui humiliavit semetipsum factus obediens vsque ad mortem, mortem autem crucis. Sequitur victoria, & è victoria triumphus. Propter quod & Deus exaltavit illum, & donavit illi nomen, quod est super omne nomen: vt in nomine IESV omne genu flectatur, celestium, terrestrium & infernorum, & omnis lingua confiteatur, quia Dominus IESVS Christus in gloria est Dei Patris.

Frequentare narrationes in familiari colloquio, de infelici plurimum exitu illorum, qui Superiorum imperio neglecto, suo se arbitrato voluntateque rexerunt: quantaque sanctimonie ac miraculorum etiam præro-

gatiuâ virtutis illius cultores, omni ætate eluxerint.

In omni Superiorum imperio Deum cogitare imperantem, allicientem, præmiantem. Monet Apostolus Heb. 13. *Obedite præpositis vestris, & subiaccete eis. ipsi enim peruigilant quasi rationem pro animabus vestris reddituri, ut cum gaudio hoc faciant, & non gementes.* Ephe. 6. *Non ad oculum seruientes quasi hominibus placentes, sed ut serui Christi, facientes voluntatem Dei ex animo, cum bona voluntate seruientes sicut Deo & non hominibus.* addit Petrus 1. Pet. 2. *Non tantum bonis & modestis, sed etiam dyscolis.* Ac licet de seruis illa verba; multo certius in Superioribus locum habent, quibus non humana mercede, sed tanquam Deo peculiari obedientiæ voto nos astringimus. Hieronymi verba sunt: *Præpositum timeas ut dominum, diligas ut patrem. Credas tibi salutare quidquid ille iusserit. nec de maioris sententia iudices, cuius officij est obedire, & implere quæ iussa sunt.*

Sanctorum deinde exemplo, ac in primis Christi Domini, ad ardua quæcunque imperia sese animare, spe maximè futuro-  
rum:



rum : sæcularium etiam exemplo, qui in Principum obsequiis, militari disciplina, ac in omni republica, in grauiſſimis rebus maiorum imperiis parère coguntur.

In omni re Superiori proponenda, duo præmittere, orationem & resignationem.

A facilioribus inchoandum, aliquando etiam in non noxiis aliqua concedenda: ad ardua dein descendendum, mora tamen aliqua interiecta.

Per familiares etiam aliquando monendo, maximè aliorum exemplis, qui maiores ætate, eruditione, gratia, paratos promptoque se exhibent, omnem felicitatem in vna obedientia ponentes.

## C A P V T V I.

*Obedientia è solo metu profecta.*

**S**eruilis omnino ingenii obedientia, quæ non ultra metum progreditur: si clam futura putat, imperata negliget; si pœnarum effugium sperat, etiam contemnet. nihil proinde magnū ab hoc sperari potest; quale  
ferè

ferè ab animo bene composito, & affectu, aut in rem ipsam, aut in imperantem proficisci consuevit: amor namque ardènsque desiderium potentissima incitamenta ad magna sunt, quibus tanquam validis arietibus, quęcunque aduersantia propugnacula non magno negotio propulsantur ac deuerruntur. audet enim, qui amat, & leuia arbitrat quęcunq; amore suo minora sunt: qui metuit, etiam viribus suis inferiora perhorrescit. omnia enim metitur metu, vt ille prior amore: qui cū rebus maior sit, non mirum ad ardua, vt ad leuia, prosilire: cūque metus in aliis rebus etiam leuioribus maior sit, nihil mirandum si ad illa non extendat manum. desperatio enim quādam felicioris euentus, fortunatiorisque consecutionis metu impellente mentem possedit: hinc angusti illi exurgunt animi, tremorūque ac timor, & diffidentia timoris comes. quare frustra ab hoc pectore, viro ac celo dignas, victūrique ac in posteritatem abituri nominis cogitationes expectabis.

Idem in obedientia è solo humano metu  
nata

nata reperiēs; aut enim vniuersum quod operatur opus, negligit, aut sine anima aut mente præcepta exequitur, aut languet ac quasi congelidata friget, plurimumque de sperato calore amittit. succedit pallor ac quædam operum ægritudo, nec valetudinem sperare possumus nisi seruilem hunc metum, potenti quodam amoris medicamine tanquam purgantibus minuat ac pellat.

Alienationes exinde animorum exurgere necessum est, quæ in odia paulatim excrescunt, in murmurationes, detractiones, aliaque his affinia vitia. nam vbi solus metus inferiores continet, displicentia nascitur imperantis, cum imperata displiceant, è qua procliuè est recensita vitia, aliaque his similia tanquam laxatis habenis decurrere: quem enim solus continet metus, is si hunc excutere potest, fertur in imperantem, nec parcat, vbicunque vulneribus locum reperit, perpetuaque in statione est. hinc aperto si quando datur marte; inde, vt plurimum fieri consuevit, ex insidijs imperantem petit, omnem euertendi illum occasionem captans.

Quid?



Quid? quòd animus è metu obsequen-  
tis in perpetua quadam amaritudine verse-  
tur, semper inuoluntarius, suspicionibus &  
æmulationibus plenus, nusquam nisi in ob-  
locutionibus apertus & candidus, semper  
tectus & simulatus, & consiliorum suorum  
occultator, mœroribus verò tantaque me-  
lancholia tam validè oppressus, vt ferè non-  
nisi cum morte, aut loci Superiorisue muta-  
tione dolorem ponat.

Neque latere externos hæc res potest,  
qui aut ab imperatarum rerum tarda & te-  
penti executione, aut à verbo per impru-  
dentiam elapso, mali huius magnitudinem  
perfacilè cognoscunt: quod dum fit, nihil  
promptius esse potest, quàm vt vel in inui-  
diam vocetur Superior, vt in imperando  
durior & imprudentior, vel inferior suspi-  
cionem apud alios incurrat alienioris à Su-  
periore animi.

Politici deinde ex hoc metu exurgunt  
in inferiore spiritus, plenàque simulationi-  
bus sunt omnia. obsequentiam parendi-  
que studium factis exprimit, mente aliud  
voluit: vt rebus cogitata non respondeant.

atque hinc consilia exurgunt varijs artibus recta, dolisq̃ue fraudibusque plena, & cū mentem Superiori obsequentem, & imperiorum amantem opera præ se ferant, animus odio natat, & sub exteriori obedientiæ spongia, tanquam sub amplexu Ioab ferrum latet, aut sub osculo Iudæ vincula & catenæ.

Et ignauissimorum hæc ferè signa animorum sunt, qui cū de virtute desperent, ex insidiis hostem petunt, solis fraudibus fortes, reliqua socordes. Generosus animus aperta ingreditur via, antè in mortē ruiturus, quàm femineis his armis vsurus. certè nō nisi seruilis ingenij & ignauissimi cuiusdā pectoris est, solo metu ad obsequendum impelli, testatissimumque signum nihil in tali religiosi affectus latere. imò manifesta signa hæc sunt spuria vocationis diuinæ. quæ si germana legitimæque esset, ab amore nasceretur, omni seruili metu depulso.

Neque hic animus cælo dignus est, qui solis minis, grauioribus acrioribꝫque mōnitis, verberibꝫq; in officio contineri potest. cælo filij inscribuntur, & hæreditario quo-

quodam iure possessionem illius adeunt; excluduntur quibus præter seruale ingenium, nihil amoris ingenitum est, nihil filialis parentiæ & venerationis. amare debet quisquis amoris præmia sperat. nulla verò cælo quàm amori dantur; quo solo præmia metiri & erogare solet Deus.

*Remedia.*

**M**agna parte à Superiore petenda sunt, qui si paternum in suos affectum induat, rebusque non nudis verbis illum ostendat, non magno negotio suorum in se affectum trahet. Neque difficile erit amare imperata, cum qui imperat, amatur, ubi paternum Superiorum pectus senserint; maximè cum monita & imperata à paterno candore nata viderint.

Seria frequensque cogitatio imperantis in Superiore Dei, plurimum in hac re potest. qui enim vicariam in illo Domini potestatem intuetur, non tepidè ad imperata exequenda descendet; maximè si Sanctorum virorum exemplis, in omni Superioris imperio, cælo imperia nata cogitauerit.

quis



quis enim non alacer obtemperet imperanti Deo? In omni ergo imperio si Dei imperia considerauerimus, quis non pulso frigore ac languore latus aduolabit ad præceptorum executionem, certus iam de illius voluntate?

Iuuabit etiam si generosum inferior animum induat, illumque ad magna obfirmet, indignumque viro ac Religioso esse cogitet metu compelli, vt pudeat illum seruilis ingenij, & indignetur ad mancipij nomē, maioremque se statuatur, quàm vt vincatur à metu: quin adeò fortium pugnatorum exemplo, antea in media arena generosam euomat animam, quàm timori locum tribuat.

Quòd si quis imperata amet, tanquam vberem materiam cælo coronandam, tanquam fecundam messem horreo Domini inferendam, discatque non imperantem intueri, variis fors affectibus obnoxium, sed promissa obsequentibus præmia; non erit difficile, metu seposito, æternorum amore alacri mente ad imperata decurrere, certus de remuneratione, certus de præmio, amabitque imperia à quocunque ore dictata, felici-

felici æternitate commensuranda.

## CAPVT VII.

*Excusationes.*

**N**on postremum in Religione malorū,  
cū imperata à Superioribus, quasi  
obiecto clipeo, excutimus. palā & in os  
resistere verecundia prohibet, via excogita-  
tur qua sine rubore liceat. valetudinem ac-  
cusamus, virium tenuitatem, morbum eti-  
am languoremq; mentimur. verbo, posse  
negamus, nimirum quia nolumus non pos-  
sumus: vt nolle non posse sit: eneruandæ o-  
bedientiæ certissima regula. arbitreris tan-  
quam nouacula aut securi iugulum illius  
præscindi: ita duobus verbis, Non possum,  
robur illius omne subruitur. Neque potest  
gravius quidquam Superioribus euenire,  
cū nolentes cogere durum sit, & plus ha-  
beat coactio omnis domini ac iudicis quā  
patris; & indulgere negantibus inconsul-  
tum sit, sit vt incerti dubiique hæreant Su-  
periores. Si pergunt imperare, seueros cogi-  
tes; si assentiuntur repugnantibus, molles-  
cunt animi, & nulla iam imperia sunt, nisi

k

qua

quæ vltro suscipiuntur: vt vniuersa obedientia non ab imperantis virtute aut prudentia, sed à parentis nuda voluntate ac propensione pendeat. decurritur enim ad tritum illud, Dicite nobis placentia, & audiemus & obsecundabimur: vt ante imperia voluntas deposcenda inferioris sit.

Infelici sanè ferè exitu excusationes hæ terminantur. cùm aut in nimis indulgentem, aut fortem nimium Superiorem inciderint. nam & primus indulgentia perdit, & secundus robore non tam flectit, quàm frangit. mediam verò inuenire viam difficilimum. nec quisquam facilè talibus ingenijs satisfaciet. nam vt voluntatibus istorum subseruire graue, ita nolentes cogere durum est. Sanè disciplinam paullatim omnem diffuere necessum est, cùm paucorum exemplo reliqui ferè in paria trahantur. Si enim ad imperata excutienda minùs grata satis est, Non possum; quis non duobus verbis molestiam omnem deterget, & auertet à se quidquid minùs naturæ, aut propensioni cuiusque amicum est?

Infortunata omnino Superioris conditio,



tio, cū tales nactus fuerit, quibus nec imperare nec indulgere tutū. & vix in his prudentiæ locus est. neque enim tales ratione, Dei futurorumque timore, aut vocationis amore, sed solis propensionibus suis aguntur. placent imperia? amplectuntur. displicent? excutiunt. Nec in vna re hæc res finitur. assuescūt paullatim his excusationibus, adeoq; excrescit hæc licentia, vt quidquid non placet, negent se posse, solis placituri obtemperaturi. vnde fit vt si in facilem mollemque Superiorem inciderint, ad indignissima quæque Religione dilabantur, suisque singuli motibus ac propensionibus agantur, nec tam ipsi Superiori, quàm hic illis obtemperet, euerfa omni prudentis gubernationis regula. si in fortem & qui imperare pergat deuenerint, ad mœrores labantur & melancholias, & de deferenda vocatione cogitationes.

Nec in vno malum hoc clauditur, ita ad plures, & obit paullatim domum, cū paria sibi singuli concedi velint, contendantq; iisdem quibus alij prærogatiuis donari. quæ si negauerit Superior, & personarum

hæc discrimina admiserit, tota familia emulationibus & oblocutionibus repletur, nec quies aut pax vlla, sed tanquam fluctibus ac tempestatibus iactatur, non ante domus totius interitum positura morus: quos etiam in externos nonnemo effundet, solatia ab his, & morbo suo remedia captaturus.

Prouenire hoc malum assolet, vel ex suspina quadam ignauia, vel à libertatis amore, vel à Religionis tedio, vel ab alienatione à Superiore, vel à pusillanimitate mētis, vel ab amore proprio, vel à iudicij sui tenacitate, vel denique ab innato quodam fastu, & opinione sui. è quibus illæ proficiscuntur, non deprecatoriæ tantum, sed excusatoriæ & negatoriæ voces, præualida hac armatura armatæ, Non possum. hîc nimirum imperatis inferiores vires sunt, ibi alienior animus munus exhorrescit, alibi oneri succumbit, valetudini noxia res aut cælum, socij displicent. vellem; sed negat corporis animiq; robur, impedimenta quædam siue illa mentis, siue illa virium non permittunt impositę rei susceptionem. adducitur etiam conscientia, & mentis quædam abdita vniuersum narra-  
ta,

ta, periculaque non expresso periculorum nomine. denique vno omnia verbo clauduntur, Non possum. quid agat Superior? perget imperare? ad manum est, Non possum, nihil nimirum potest nisi quod animo collibuerit. ad hoc & vires & animus sufficit, ad imperata desunt. ad optata robur superest, ad imperata exulat. quò se vertat Superior? vrgebit nolentem & negantem posse? sæuus & crudelis habebitur, qui maiora viribus imponat. indulgebit? collabascet omnis paulatim disciplina, corruentque imperia, & in his Religio vniuersa, vt magna in talibus opus sit dexteritate ac prudentia, ne aut vniuersa corruat disciplina, aut mœoribus succumbant & opprimantur inferiores, aut otio diffluât, & in noxium dilabantur teporem, Dominico ore deuomendi, ac paulatim spiritalia fastidiant nauseabundis in omnibus similes: nec antè finem faciant, quàm desperata vbique re, in ignauissima socordia contabescant, diffluentque in amicam otio carnem, & quia spiritu inceperunt, in fœdas corporis voluptates infortunatissimo exitu dilabantur.



*Remedia.*

**A**B exercitiorum spiritualium frequentiore repetitione petenda, vt his accendatur ad ardua animus, Christiꝑ; Sanctorumque exemplo discat gaudere duris, delectari asperis, generosiꝑ inter hæc animam positurus, quàm inter mollia victurus.

Aliorum deinde, siue eruditione, gratia, eloquentia, viribus inferiorum, exemplo animandi & ad magna impellendi sunt. honore etiam gloriaque, ac dedecore nonnunquam excitandi.

Iuuabit interdum loci, sociorum, Superiorumque mutatio. virum enim si tales nati fuerint fortem, constantem, prudentem, quiꝑ exemplo præeat, socios etiam serios, & ad labores promptos, sola non raro verecundia ignauiam deponent, quam sub tepentibus socijs, mollibusque Superioribus nutriebant.

Quòd si emendatio non successerit, non inutile fuerit tales ad postrema officiorum reijcere, nullo loco habere, nulla familiaritate coniungere, vt pudore tandem vincente manum maioribus ad mouere incipiant.

for-

Fortius certiusque hoc etiam fiet, si iuniores alacres & ad ardua prompti illis præferantur, si præmijs donentur, laude afficiantur, ac ad illustriora munia obeunda admouebantur.

## CAP V T VIII.

*Intercessionēs.*

**V**Eræ ac genuinæ obedientiæ impedimentum, dum imperata aliorum intercessionibus infringuntur, & aliorum vertuntur importunis intercedentium precibus: vnde periculum creari Religioni potest, ne in omni imperio voluntas primum inferiorum, propensioque inuestiganda sit; nec quisquam alia suscipiat, quam ad quæ propensam voluntatem reperit, vfusus in non placentibus aliorum intercessionibus, quorum operâ imperata euertat: maximè cum apud Superiorem facilem, prouumque in suorum voluntates res agitur.

Hinc etiam sequitur, cum subterfugiunt imposita onera, qui Superioribus in primis idonei videbantur, vt imparatiores,

minusque idonei; non sine graui totius corporis detrimento, rebus admoueantur.

Tollitur deinde omnis rectè gubernandi ratio, libertasque, Superioribus sollicitis in omni imperio de voluntate suorum, ut non tam Superiores, quàm inferiores præesse videantur, ut quorum voluntati magis quàm superiorum fiat satis.

Exurgunt verò ex his intercessionibus ingenia mala. cum paulatim iuuenes, patronos sibi apud Superiores parant, & præprovida sollicitudine tanquam in cautelam, antè sibi mœcenates conciliant, habituri auxiliares & propugnatores quacunque necessitate occurrente. atque hinc partium videas suboriri studia, dum varij variorum beneuolentiam captant, eorum nimirum, quos apud Superiores plus posse arbitrantur.

E quibus initis quasi dissensionum iactis fundamentis, mutua paulatim animorum coniunctio scinditur, dum huic potiùs, quàm illi adhærescimus, & hos tanquam in clientelam datos, magis quàm alios tuemur. quid enim reliquum, nisi ut ratione  
di-



diuersorum patronorum ac clientum eamus in factiones, dum hunc laudamus, damnamus alium: illum supra merita extollimus, alium infra dignationem deprimimus?

Hinc etiam aulici paulatim irrepunt mores, mutuæ observationes, ac ne paulatim patrocinationis studiū intepefcat, frequentes, cum insigni temporis iactura, miscentur confabulationes: inter quas fieri non potest quin sæcularia intercurrent colloquia plurima; mutuæ aliorum detractiones, ac in primis patronorum, ac clientum aliorum; subdolæ etiam, curiosæque in iis quæ gubernationem tangunt, indagations; & iam tanquam in diuersorum patronorum clientes conspirationes subnascuntur; consuetudo cum aliis rarior, cum illis frequentior.

Nec vera tamen inter patronos hos ac clientes, solidæue amicitia est: mentita enim omnis beneuolentia est, quæ, quamdiu apud Superiores aliquid poterit patronus, tamdiu adhærescet; ille si gratia aut munere exciderit, cadit omnis ille simulatus amor,

& alium circumspicit mœcenatem, plusque iam in priore damnat, quàm antè laudabat. Neque hoc mirum, si cogitemus, non hominem clientes hosce, sed fortunam illius fuisse veneratos.

Minor etiam inter vnus partis clientes amor est, quos sola patroni veneratio continebat, cum intus potentibus æmulationum ac inuidentiæ fluctibus concuterentur, si aut vnus carior aut frequentior, aut munere aliquo, aut verborum consultationumque prærogatiua prælatus, innumerisque alijs ex causis, quas solers sibi inuidentiæ fingit.

Decurritur tandem etiam usu, & quadam consuetudine intercessionum harum ad externorum intercessionem, magnorum nonnunquam virorum, Principum etiam, & benefactorum, vt hac quasi armata manu extorqueant à Superioribus imperata. Quare nihil euenire benè constituta Religioni deterius potest, magisque noxium: cum enim neque negare Superiores audent, neque concedere sæpe tutum sit, herent anxij, & victi magnorum precibus, quæ illis pro imperio sunt, succumbunt, permittuntque

que & illis, & Religioni nocitura. nam cum neque mores delicta que interdum suorum aperire religiosa caritas permittat, neque negare petentibus audeant, damna nascuntur, nulla postmodum prudentia reparanda.

*Remedia.*

**M** Inus recedat Superior à sententia semel maturè concepta, intercessoribus intercurrentibus, quàm si ipsi quas proferunt difficultates, vltro proponant.

Serio intercessores moneat, & ab intercessionibus deterreat, doceatque quàm noxiæ illæ omni bonæ gubernationi sint.

Intercessores hos, patronosque, si pergant importuniùs suorum causam agere, serio non semel monitos à se remoueat Superior, alijsque functionibus distineat; vt hoc exemplo à patrocinijs hisce terreantur reliqui.

Inuigilet deinde Superior, vt valida manu clientelas patrociniæque rescindat; occurrat iniurijs, nec permittat noxia hæc molimina succrescere, seculares hæc aulicæque noxias in primis Religioni consuetudines; terreatq. ab his, grauib. etiã propositis penis.



Munere etiam si quo splendidiore fungantur religiosi hi mœcenates, exuantur, quo desinant ex officij magnitudine audaciam sibi ad patrocinandum sumere, reliquique à simili conatu terreantur.

Si externos patronos Superiores aut iusto metu veriti fuerint, aut factis etiam senserint, ad ea loca patrociniarum prouocatores transferant, in quibus omnis cuiuscunque patrociniij spes præscindatur. vt dum destitutos se patronis videtint, vni potiùs vir tuti quàm aliorum gratiæ, beneuolentiæ, ac potentiæ incumbant.

## C A P V T IX.

### *Laborum fuga. Otij amor.*

**M**Alorum vitiorumq; adeò omnium seminarium. ex hoc namq; omnium generum profiliunt mala, in Religionis interitum nata, omnemque succum, seminaq; fecundissimi antea illius agri emedullantia ac perimentia. & quid sperari à Religioso potest otij amatore, quæ non timeri mala? nam vt omnino nihil agat remotissimū  
ab

ab ingenio humano est, quod occupationibus gaudet, nec in ignauo consensescere perpetuò potest otio. refugit res instituti, ac vocationi suæ proprias? conuertit se ad alienas; & cum domi desint quibus delectetur, transit ad Religionem noxia, seque suosque non raro in aperta conijcit discrimina. Si negata, aut non concessa illi sæcularium rerum negotiatio, deflectit ad animi mala; paulatimque tam altè ignauissimi teporis huius venena bibit, vt ne excutere quidem hæc dum volet possit. tantum inueterata vitiorum consuetudo potest, vt versà iam improbitas in naturam videatur, quam cum sola vita deponat.

Profiliunt ex hoc otio murmuraciones, dictorum factorumque aliorum obrectationes. nam cum paria alijs aut nolimus, aut vitio nostro non possumus, fit vt damnemus in ijs, quæ nos aut magnitudinis terrore, aut otij amore fugimus: & cum desperemus assequi in alto posita, pigeatque ad ardua dexteram porrigere laboribus territos, dolemus reliquos generoso difficilium calcaru, quasi per sudores & sanguinem ad excelsa

decurrere. nasciturq; hinc optimarum quarumcunq; rerum inuidentia: à quibus dum ob coniunctam ferè indiuiduo quodam nexu difficultatem, manum remouemus, alienæ virtutis inuidentia stimulamur & depascimur; conamurque reliquos aut propositis, ac in immensum auctis difficultatibus terrere, aut speratorum ex iis fructuum extenuatione auertere. quòd si non assequamur, ambitioni, aut inani placendi Superioribus aliisque studio conatus hosce ascribimus.

Inualetudinis deinde metu ab arduis quibusque reliquos auocamus. ac si quæ tota Religione exempla sint eorum, quos in medio magnarum rerum conatu valetudo aliquando destituit; ingenti illa amplificatione in terrorem adducimus, deteriora etiam ob oculos ponentes. quæ res non parum momenti ad terrorem habet. Voluntario interim silentio teguntur innumeri, quorum maximis conatibus valetudo respondit. tacentur deinde quos in otio aut immatura & inexpectata mors præoccupauit, aut perpetua quædam inualetudo tenuit.



nuit. tacentur denique quorum inualetudo otio creuit, decreuit laboribus, quiq̃ue non antea otio natam ægritudinem deposuerunt, quàm se laboribus darent, quorumq̃ue quasi per gradus laboribus valetudo creuit, vt tantum valetudinis accederet bonæ, quantum laboris.

Et sanè plurimum damni ex amico hoc quorundam otio reliquis accedere negare non possumus. Valent enim hæc maximè in iunioribus in exemplum, ac sub prætextu valetudinis tuendæ, otij crescit amor: quod semel degustatum, minùs generosa pectora perfacilè in solidum, quietis quadam dulcedine ad se rapit, detinetq̃ue illicibus his prærogatiuis, molestiarum & laborum carentia.

Ad hos interim otij amatores prono quodam lapsu vitia decurrunt. & ferè omnes tales in somnum pronos, in cibum ac potum æstuosos, in corporis denique commoda omnia procliues videas, ac tandem in carnè labentes. Laboribus sanè caro frangitur, sudoribus tanquam fluminum superfusu flamma illius restinguitur, otio roboratur,

ac

ac tanquam olei superiectu accenditur: & vt non facilè insurgit laboribus tanquam cæstibus domita, ac quasi pedibus conculcata caro; ita non facilè prostrata iacet, otio fota, delicijs commodisq; exstimulata. Docemur hoc omnium Sanctorum monitis, & quotidiana propè in omni Religione experientia, vt ad lapsum non alia pronior via sit. & ferè bona pars illorum, qui semel ad Religionis aratrum porrecta manu, retrò respererunt, ad Ægyptias ollas, ad honores & cōmoda; ab otio, & laborum fuga viam sibi ad præcipitia prostrauerunt: vt verè dixerit Sapiens Pro. 15. *Via pigrorum quasi sepes spinarum: via iustorum absque offendiculo.* & alibi Pro. 19. *Pigredo immittit soporem, & anima dissoluta esuriet.* Gregor. Past. p. 3. c. 16. nam mens quia se ad superiora non stringendo non dirigit, neglectam se inferiùs per desideria expandit, Et dum studiorum sublimium vigore non constringitur, cupiditatis infima fame sauciatur: vt quo se per disciplinam ligare dissimulat, eo se esuriens per voluptatum desideria spargat. cui rectè per Salomonem dicitur, Pr. 20. *Propter frigus piger arare noluit, mendicabit ergo estate, & non dabitur ei: qui enim nunc ex bo-*

*nis operibus non exudat, cum sol iudicij feruentior apparuerit, quia frustra regni aditum postulat, nihil accipiens astate mendicabit.*

*Remedia.*

**A** Superiorum in strenuos operarios beneuolentia sumenda sunt. vt quos magno religiosoque conatu in proximorum salutem incumbentes vident, nullis laboribus, nec propriae valetudini parcentes, eos & singulari affectu prosequantur, & currentes sistant, & iniecta paterna manu, beneuolè reprimant, deque necessarijs omnibus vltronea ac munifica dextera, etiam reluctantibus prouideant.

In alios verò, quos in medio magnorum laborum cursu fractos reperiunt, vniuersum paternum affectum profundant, nihil deesse patiantur, & quantum Religio patitur, peculiaribus fauoribus prosequantur, vlto misceant colloquia, consilij etiam dandis adhibeant, nec quicquam illis eorum quæ ad honestam recreationem, decentemque ac religiosam animi laxationem faciunt, deesse patiantur, vltróque etiam ingerant, &  
ad



ad illa cogant.

Exemplo deinde suo, magnorum Imperatorum more, reliquos Superior excitet. Incredibile quantum hoc in subditorum animis valeat, vt vel solo pudore etiam illi excitentur qui ad otium proniores sunt.

Exemplis denique, maximè in Religione, aut in Ecclesia Dei illustrium, qui affecta etiam valetudine, magna ingenti ausu conatuque aggressi, ad felicem exitum deduxerunt. Iam si vita laborantes destituat. quid in omnem æternitatem gloriosius, quàm fortium militum more, in mediis sudoribus, laboribus, sanguineque vitam ponere? nec ingloria aut ignaua morte vilem animam emittere; factaque priùs fortia indecora morte signare?

Proderit etiam vt, si quos otio & ignauia se dare viderint, nulla eos sibi familiaritate iungant, nullis familiaribus colloquiis dignentur; sed tanquam ignauos, & Religionis quosdam quasi fucos ac vomitus auersentur. vt vel dedecore, ac prudenti quadam paterni affectus repulsa contemptuque ad meliora impellantur.

Vtile

Vtile etiam fuerit tales in humilibus quibusque officiis continere, & ab omnibus dignioribus remouere; ad extremas etiam quasdam habitationes, minusue nobiles reuocare; aliorum etiam monitis, ac in primis Praefecti spiritus ad labores prouocare, praemiis ac non raro minis etiam propositis; ut quos non potest amor, non magnorum exempla, impellat timor & verecundia è contemptu nata.

Neque res vlla potentiùs daemonum incursibus resistit, impetum frangit, quàm perpetua seriarum rerum occupatio. Hinc illud Bernardi ad Fratres de monte: *Varijs autem officijs occupatus, nullis vacabis cogitationibus, & dum ab alio transis ad aliud, opusq; succedit operi, illud solum mente tenebis, quod agere compelleris.* & Hieron. ad Rustic. *Facito semper aliquid operis, ut te semper diabolus inueniat occupatum: Eccli. 33. multam enim malitiã docuit otiositas.* Vitabit sanè quisquis salutem suam studet, quisquis illi ex animo consultum volet. neq; enim potest mens humana, tamquam in ignauo quodã sopore tota cõquiescere. semper aliquid agat necessum est: igni persimilis, qui erumpit  
in

in flammās, in scintillas, in fumum: & antè ferrum disrumpet & chalybem, quàm arctetur angustijs. facit idem mens nostra, antè diffringet hæc vincula quibus illigatur, quàm vt in pigro hoc carcere ignaua delitescat. bona desunt? versabit mala. hæc ne illam teneant, melioribus distineatur. nec magno admodum hîc molimine opus est. assuescat bonis; abibunt in naturam. fecundus nimirum animorum ager. semen-tem immitte bonam. respondebunt fructus.

## CAPVT X.

*Studiorum neglectus.*

**Q**Vem inter prima Religionis mala si quis numerauerit, non multum aberrabit. nam quid à iuuentute speres, studiorum ardore seposito? vt nihil agat in illo ætatis flore & æstu, nequidquam speres; vt ad meliora conuertat mentem, frustra expectabis: nam qui semel excussit iugum, ad quod ab obedientia destinabatur, reliqua contemnet. & quid potest in ea ætate maius esse



esse, quàm solida fundamenta victuræ in omnem ætatem eruditionis, in salutem proximorum natæ, serio magnòque conatu & ausu iacere? aut quæ res plus apud proximos in venerationem, admirationem, laudem, fidem, sequelam valet, quàm profundæ vt virtutis, ita & conceptæ eruditionis opinio? quam non facilè ignauus quisquam & altioris eruditionis contemptor consequetur. prodet se illius aliquando infantia & inscitia, tantùmque ferè à salute illorum promouenda decedet, quantum ab eruditionis opinione.

Iam ad quæ se adolescens neglectis conuertet studijs? ad otium, laborum fugam, ad vitia denique omnia, quæ ex otio nasci consueuerunt. aliqua nimirum re necesse vt vacuam à studijs mentem occupet. desunt alia? conuolabit ad vitia, ac tanquam in præceptus actus, toto pronus corpore ad ea delabetur; trahetque exemplo suo terribilissimum quemque, inde robustiores etiam, & quibus plusculum virilis pectoris est: tandèmque iunctis quasi manibus viribùsque, ad profunda labentur vitiorum.

Et ferè virtutes comitantur studia, vt quem seriò totisq; animis videris illis incumbentem, pari propè generositate virtutibus insudantem reperias. idem enim propè ardor æstusq; qui in studiorum, in virtutum amorem rapier. longè sanè erit à vitiis, vt quibus assiduis studiis aditum præcluserit. seriis enim occupata mens non facillè illorum importunitati patebit. occupatio omnis moram postulat, poscitq; tempus: quod si negaueris, excluderis ab occupatione. ille negat, qui vniuersum animum iis detinet, & cuius totam mentem studiorum occupauit amor, sancta quadam æmulatione, proximorumq; sperata salute, tanquam stimulis actus. qui cùm omnem aditum præcluserit vitiis, virtuti aperuisse censendus est, quæ vltro vacuam vitiis mentem occupare solet. sanè paratior mens talis ad virtutum susceptionem est.

Iam studia ferè ipsa, ardorq; illorum, mentem ad magna & generosa prouocat, ad contemptum minimorum & vilissimorum quorumcunque excitat; ad detestationem impellit vitiorum, vt quæ indigna arbitrat

tur

tur viro ad maiora gradienti: & cū veretur maculam gloriæ, abstinere ab iis, quæ ad contaminandam illam nata sunt. cū verò virtutem nullo studiis impedimento & dedecori, adiumento verò & honori maximo esse senserit, tanquam in amicam, studiorumque suorum sociā prona voluntate rapitur.

Adde, longa nos edoctos experientia, parè propè fervore religiosos ferri in orationem, piâsq; exercitationes, quo rapiuntur in studia. Nā & studiorum neglectus ignaviâque transit in orationem; & sciētiarum ac eruditionis ardor in orationis studiū. nec difficile est æstuatē studiis animum pari in orationem æstu transferre: vt languentem in studiis, ignaviâque otii que amore subactum, in reliquis ferè languere ac ignauescere videas.

Ab hoc verò studiorum lāguore omnium propè spiritualium rerū nausēā proficisci, ac quoddā piarum rerū fastidiū reperies; inde etiā murmurationes, detractiones, invidentias, cibi potûsq; aviditatem, cōmodorūmq; corporis, ac complacēdi aliis studium. Nam cū deesse sibi ad maiora subsidia videant, & otij amantes, laboribûsq; territi, nolint ad



ardua conniti, ab aliis ambitioni suæ subsidia mendicant. Inde iam placendi conatus, adulationes, & politici spiritus ingentia semina, in validas arbores nascitura, ni potentibus sectionibus & vstionibus fortiter obuiam eatur.

*Remedia.*

**O**Mnia propè à Superiore pendent. nec difficile est, adolescentiores maximè, quasi substratis ignibus in studiorum ardorem impellere, si modò priùs hoc æstu inardescat Superior, remque non perfunctoriè, sed seriò tractet. Si frequenter suos quàm publicè, quàm priuatim animet. Si ardentes, laude & præmijs; ignauos, dedecore & pœnis prouocet. Si hos etiam amoueat à studijs; illos externa quadam paterni affectus beneuolentia accendat.

Magnum etiam momentum in hanc rem magistri adferunt. quos si studiorum laborumque amantes nacti fuerint, pari ardore sanctæ cuiusdam æmulationis studio ad illa rapiuntur, maximè si frequentes & seriæ commendationes illorum accesserint; si amica

quæ-

quædam cum studiorum amantibus familiaritas, & externa beneuolentiæ necessitudo; si frequens in conatu animatio; si ignouos non patiantur inultos; si in priuatis publicisque illos disputationibus ad ruborem etiam patiantur deprimi; si acrioribus stimulent verbis; si frequenti disputationum ac defensionum recurſu hos fatigent, vt quos non ſociorum exempla, non Superiorum monita, erubeſcentia extimulent, & pœnarum metus.

Plurimum etiam proderit ad animos excitandos, monita Præſecti ſpiritus, aliorumque domeſticorum Patrum, quibus languidiores familiari aliquo nexu conſtricti ſunt, ſociorumque prouocatio.

Inuigilandum etiam Superiori erit, in linguæ Latinæ uſum, ferè enim linguæ illius neglectum, ſtudiorum neglectus ſequitur. quem enim linguæ Latinæ & elegantia & promptitudo delectat, delectant etiam ſtudia, ſine quibus parari illa non poteſt. quem verò nulla capiunt ſtudia, nec elocutione gaudebit. Mutuo enim ferè contemptus ſe duorum horum, amorque ſequentur. neque

que facillè studiorum contèptor linguæ elegantiam amabit, aut sequetur; sequeretur, si amaret. rapimur enim ad amata. amaret, si studia amaret, quæ linguę calamiq; elegãtia exornãtur. Dandãque in hoc genere opera Superiori est, vt elegantiaẽ etiam in elocutione studeant sui. & turpe est ab externis in hoc genere Religiosos vinci. turpius etiam, non posse animi conceptus Romana lingua, tersa & fluente exprimere: sed herere ad singula virum alioqui non ineruditum, vt quis scientias profitetur, balbutiat ad illarũ explicationem. Neque erit difficile, si exemplo præeat Superior, laudẽque, præmiis ac pœnitentiis reliquos excitet, maximẽque iuniores, & humaniorum literarum magistros, ac cuiuscunque professionis studiosos. seriõque caueat, ne qua in recreationibus lingua, quàm Latina vtantur, vt assuetudine vsuque promptam sibi illam, paratamque faciant; ne barbarie sua & Religioni & sibiipsis dedecori, & aliis graues sint.



LIBER TERTIVS.

SVPERIORVM

A C

INFERIORVM

COMMVNES MORBI,

ET CVRATIONES.

CAPVT I.

*Orationis neglectus.*

RATIONE enim tanquam ro-  
re suo, aut cælesti imbre desti-  
tutus animus necesse arefcat,  
abeâtq; in vagum puluerem,  
omnivento sæcularis afflatus  
variè dispellendū. Et sane qui agro quan-  
tumvis natura sua fertili imbrem roremque  
fœcundantem subtraxerit, ille simul spera-  
tos fructus in semine tanquã falce demerit.  
Ac licet nonnunquã semen bonitate sua ex-

urgat, spemque in herba promittat; nisi nube rigetur, æstu sæuiente, omni meliore succo viduatur, vt in cineres tandem diues illa sponfionibus herba fatiscat, ornatu suo nudata, spoliata robore. Eadem in animo cogita. Sortitus aliquis mentem bonam est, & promittebat Dominicis horreis messē amplam; verū negatus cælo ros suus, & fecundans subtracta pluuiā, miseram reliquit sibi, omnesque illas locupletes sponfiones vertit in arenam. Cælestes illæ pluuiæ mentem vndique irrigantes, & quadam pinguedine sua fecundantes, gratiæ sunt cælo repositæ, quas ex opulenta nube sua depluere Dominus consuevit in animum orationi ac pietati deditum: nec ferè delabi gratiarum illum imbrem copioso fluxu permittit, nisi orationum precūque vi pellectus. Credas nubem illam diuinam non pluere, nisi antementium nostrarum vapor summa petierit, ac quasi in cælestibus orationū vi concreuerit, à cælesti sole magno in sublime tractus. atque hinc Proph. Regius Ps. 142. *Meditatus sum in omnibus operibus tuis, & in factis manuum tuarum meditabar. Expandi manus meas ad te: anima*

*nima mea sicut terra sine aqua tibi. & commo-  
dissimum huic orationum generi noctur-  
num ac matutinum tempus. hinc illud eius-  
dem: Ps. 62. Memor fui tui super stratum meum,  
in matutinis meditabor in te. & Psalm. 76. & 33.  
Meditatus sum nocte cum corde meo, & exercita-  
bar, & scopebam spiritum meum. & alibi: Psal.  
118. Peruenerunt oculi mei ad te diluculo, vt me-  
ditarer eloquia tua.*

Vt cibo potuque spoliatum corpus diu  
vitam tolerare non potest; ita & mens no-  
stra orationis cibo frustrata, quo vno nutri-  
ri, foueri, roborari solet, omni breui spiritali  
vita exuitur. nam vt corpori terrestri cibus  
suus terra est, ita animo caelesti à caelestibus  
sperari cibus debet. quo frustratus cōtabes-  
cat, ac quasi meliori succo emedullatus, ex-  
arescat: maximè dum vis illius concupiscen-  
tiarum vndique ignibus obsessa eneruatur,  
hostilibus illarum flammis excocta; euigo-  
raturq; robur omne, potenti harum incur-  
su prostritum, vt nisi à cælo nouæ accedant  
vires, noua suggerantur robora, diu salua  
consistere mens nostra nō possit: sperari ve-  
rò à cælo non debet, nisi valido orationum



nostrarum prouocamento excitatus Dominus cœlestibus suis donis roborauerit egentem, stipaueritque contra incurfantia inimica agmina potentibus dexteræ suæ armis, firmisque illam diuinæ gratiæ propugnaculis fulserit, ac in circuitum vallauerit contra nocte dieque procurfantes hostiles acies: vt quantum nimirum hinc inimiciarum ac oppugnationum, tanta inde gratiarum ac propugnationum materies subministretur. quod sine orationum assiduo cultu frustra speremus.

Et ipsa sanè oratio, validum in omnes hostiles procursus propugnaculum est: illa enim mēs nostra de propinquo iuncta Deo, sub protectione dexteræ illius, omnes hostiles ridet conatus, valentiore clypeo diuinæ manus tecta; perennique diuinæ potentiae associatione, non metuit minitantes ac procurfantes mundi ac inferorum acies. Vt dama in summo inaccessi montis vertice venatorum ridet conatus, & sæuientium infra canum illudit rabiem secura de loco: ita anima orationum quibusdam alis ad suprema euecta, & Deo suo inhærens, de vicini-

cinitate illius omnem hostilem sauitiam  
contemnit, secunda de protectione. Eleganter in hanc rem Chrysostomus libr. 2. de Oratione. *Quemadmodum ciuitas, quæ muris cincta non est, facile venit in potestatem hostium: propterea quod prorsus absit id quo fuerat hostium incursus arcendus: sic & animam non munitam precibus diabolus facile in suam redigit potestatem, nec multo negotio omni scelerum genere implet. Nam ad animam quidem precibus munitam, non audet propius accedere, metuens robur ac fortitudinem, quam illi deprecatio subministravit, magis vegetans animam quam cibus vegetat corpora.*

Quod anima corpori, hoc oratio est anime. illam qui sustulit, vita simul exuit; hæc qui subtraxerit, meliorem vitam spoliabit: & cum omnis animi vigor, vitaque à celestibus donis, diuinisq; inspirationibus pendeat, quibus necessum est carere mentem, quæ ex orationis neglectu talibus destituitur, sit ut mortuo similior sit, ut quæ cælesti vita, quæ una verè viuit, spoliata, in ignauo quodam sopore conspulta iaceat. Et sanè nisi continuo diuinorum influxu fulciatur, labascit & colliquefcit tota, mortemq; bibit.

tot modis diu noctúque ab inimica infero-  
rum manu propinatam, ignara generis sui,  
improvidaque futurorum, immemorque  
creatoris sui ac Dei: & iam hosti mancipata,  
& duro æternum seruitio obstricta. Hinc il-  
lud Chrysostomi li. i. de orand. Deum: *Quis-*  
*quis non orat Deum, nec diuino colloquio cupit as-*  
*sidue frui, is mortuus est & vita carens, expersq; sa-*  
*ne mentis. nam hoc ipsum euidentissimum signum*  
*est amentia, non intelligere magnitudinem huius*  
*honoris, nec amare deprecandi studium, nec hoc ha-*  
*bere persuasum, quod anima mors sit non prouolui*  
*ad Dei genua. quemadmodum enim corpus hoc no-*  
*strum, si non adsit anima, profecto mortuum est ac*  
*foetidum, sic anima nisi seipsam incitet ad orandum,*  
*mortua est ac misera, ac grauiter olens. Et dete-*  
*rior longè animæ mors est, quacunque cor-*  
*poris morte; cum destituta anima cælesti vi-*  
*ta sua, orationis neglectu, graui somno de-*  
*fossa iacet, vt nec diuinæ virtutis rorem in-*  
*fluxumque sentiat, nec mala sua persentif-*  
*cat, nec amissorum bonorum desiderio tã-*  
*gatur; tanquã vna obliuionis spongia, quid-*  
*quid fuerat antè bonorum, deletum videat-*  
*tur. quæ omnia ab orationis demisso studio*  
pau-



paulatim irrepunt, donec ad extrema demum hominem suum deducant, & ad miseranda Religionis præcipitia propellant.

Exempla nos docent illorum, qui desertæ Religionē, ab orationis ferè neglectu initia ruine duxerunt; neque quisquam ad crimina descendit, aut in iis inualuit, callumue obduxit, qui non antè in orationis studio intepuit; vt meritò oratio meditatioque tutelaria arma, validaque aduersus hostem propugnacula dici possint, quibus munitus animus, nullo hostili robore superari potest. stat inuictus aduersus carnem, mundū, diabolū, validis his spiritalibus armis protectus. Sed neque exarescere mens potest, perenni hoc orationum fonte rigata, cælestiumque indies gratuitis donis perluta. quòd si validè vndique oppressa ceciderit, promptiùs exurgit, periculaque vulneraque; orationis ardorib. excita agnoscit; neque diutiùs prostrata licet, inhærere luto huic potest; quæ potentibus hisce diurnis adminiculis, & tanquam auxiliaribus præualidis copiis fulcitur. |

Quod cor viuenti, hoc oratio est animæ.

illud sustuleris, vitam ademeris. orationem tolle, & tanquam clauo & castibus animam vitam excusseris, quam ab oratione habet. qua spoliata, tanquam in ignauo sopore prostrata ac consepulta iacet.

Quod condimenta mensis, hoc animæ oratio. insulsus sine illis cibis, & fastidio ac nausæ propior: idem euenit animæ oratione destituta, nausæ abūdos transiget annos, & in ignauo languore, ac displicentia etiam sui desidem vitam trahet.

Quod gemma annulo, hoc oratio animæ. annuli decor gemma, animæ gloria oratio: à qua splendorem lucemq; accipit, gratiam cælestium oculis, adeoque & Dei.

Quod flos horto, pomerio poma, botrus vineæ, nemori laurus, pascuo flumen, vallibus torrentes, fontes montibus; hoc animæ oratio. hinc mentis gratissimi flores quibus cælestis Sponsi vertex coronatur, hinc illa malogranata dilecti manib. decerpta, hinc botrus vineæ Engaddi quo inebriatur sponsus, hinc æterna laurus nullo fulmine ferienda, hinc felicia oculorum flumina, torrentesque singultibus ab alto ductis prouen-

ruentes, fontesque summo montium Domino salientes.

Quod lasso requies, mœrenti gaudium, inopi aurum, fatiscenti robur, nerui corpori, spiritus sanguisque vitæ; hoc animæ oratio est. alta securaque pace mentem firmat, ingenti lætitia perfundit, calorū opibus donat, vires suggerit, diuinūque quodam spiritu animat iacentem ac torpentem, ac nobiliore quodam cælestium donorum sanguine, pectoris mentisque venas implet.

Quod sol diei, luna noctibus, nauigantibus stellæ; hoc oratio est animæ. sol enim diem animæ pulsa criminum nocte statuit, cælestēque lumen præfert, diuinique amoris radiis calefacit, gratiarūque donorumque fecundo influxu inopem mentem, omnique ope destitutam locupletat: scelerum verò tenebris oppressis, densaque delictorum caligine circumseptis, errantibusque in tenebricoso peccatorum senticeto, noua luna felices aperit & ostendit, & à fallentium errore viarum reuocat. tentationum denique fluctibus oppressis, sauisque tentationibus iactatis, inter scopulos & breuia



oppugnantium nos vndique hostium, tuta littora, portumque gratissima stella designat, desperatisque rebus, & tantum non insurgentium vndique vndarum procellosis iactibus absorptis manum eminus porrigit, & ad tot votis, suspiriis, lacrymisque optata deducit.

Quod gluten, calx, clauī, funes iungendis firmandisque rebus, hoc oratio Deo & homini. qua vna tanquam glutine adnectimur, tanquam calce astringimur, tanquam clauo conterebramur, tanquam fune colligamur illi. Deme quibus illa in humanis iunguntur, & collabascant quæ associata mutuo fuerant. tolle orationem, qua vna coadunescit anima Deo, nec multo, dilabimur, & deneſtimur illi, quantumuis potenti prius orationum vinculis constricti. ita perpetuari oratio debet, si perpetuanda cum illo coniunctio est.

Quod secures præualidis secandis lignis, quod mallei ignesque ferro domando, hoc oratio duris veteribusque peccatorum nodis secandis, ac inueteratis, ac quasi chalybatīs criminum consuetudinibus contunden-

dendis ac emolliendis est.

Quod speculum faciei, hoc oratio animæ est. illud maculas deregat, oratio animæ nauos, vt nihil reconditæ deformitatis, aut internæ inuenustatis latere diu possit orationis speculo proposito. intima enim peruat, & nudam oculis proponit. siquid tortuosum, si quid degenerat aut aberrat à fine cui creatum, vniuersum nudat & aperit, & tanquam è latebris eruit, ac in apertam deducit lucem.

Quod musica homini, hoc oratio Deo. neque enim vllus illi concentus gratior oratione supplici mēte & corde prolata. nullus illi cantus suauior, inter suspiriosos ductus tanquam inter saxa & scopulos morientis animæ & cupientis dissolui, & esse cum sponso suo: nulla illi musica sonantior densis oculorum fluminibus imbricata, ac tanquam salientium ac supernè cadentium lacrymarum modulis variegata: hinc tardè ac quasi gemmatim profilientiū, vt ad grauitatem de composito credas fluere; ibi celeri motu ac quasi mutuo se fatigantium & opprimentium lapsu, vt in multitudine fe-

stinoque lapsu, arbitreris ludere; vbi que in  
venustatem, latumque caelestium oculis  
prospectum.

Quod cella vinaria sitienti, quod torcu-  
lar musto plenum, quod vinea odorato flo-  
re grauida, quod arboribus floribusque con-  
fusus hortus; hoc oratio est animæ, vt bibat  
& inebrietur spōsus. neque alijs clauibus a-  
moris cellæ aperiuntur, aut caelestia referan-  
tur vasa, aut torcularia redundant, aut vineę  
diuitem autumnum spondent, aut animo-  
rum horti gratos caelestibus fructus, cælō-  
que perennaturos flores spondent.

Quod hominibus cellę aromatum, hoc  
oratio est animæ. hinc illa currebat in odo-  
rem vnguentorum dilecti sui, non alijs  
quàm orationis passibus; & non alijs quàm  
orationum sponse suæ odoramentis excitus  
sponsus, columbam suam, speciosam suam  
amplectitur.

Quod gladius anceps bis acutus, bis ho-  
stem feriens, hoc oratio animæ. in quam-  
cumque enim se aduersarius partem verterit,  
signa intulerit, aciem direxerit, paratum  
orationi deditum reperiet. quodque instru-  
ctis



etissimus exercitus in inimicam aciem, hoc oratio est animæ nam hac vna cælorum angelorumque legiones, ipseque cælestium ductor legionum Deus, euocatur. neque instructior alia acies est, quàm mutuo sibi succedens oratio.

Quod nobilissima medicamenta morbis medendis, hoc oratio est animæ. neque potentior vlla medicatio, nullaque certior curatio quàm ab oratione venit. Docent hoc omnium ætatum exempla. nobile sanè mithridaticum, generosa theriaca oratio est. cui valentissima inferorum, mundi, carnisque venena comparata flaccescunt.

Quod corona regia nobilissimarum gemmarum multitudine variegata regio vertici, quod armillæ aureæ pretiosorum lapidum textura collucētes, quod ornatus regius argento, auro, purpura grauidus regio corpori, hoc oratio est animæ. Nullæ enim gemmæ cælo lucidiores oratione, qua verticem, collum, brachia dilecti sui sponsa, tanquam nobili amoris vinculo stringit, sibi que æternum adnectit. nullum argentum, aurum, purpura cælo gravior. hac vna decorat  
spon-

sponsum suum sponsa, purpuratq; nobilissimo auro gemmisque intertexto pallio, amoris sui tessera, latè interlucentibus votivis flammularum suarum desiderijs, tanquam primis cælorum stellis.

*Remedia.*

**F**Requentes Superiorum de damnis neglectæ orationis exhortationes & monita: de fructu etiam & varia utilitate frequentatæ orationis.

Exercitationum spiritualium annuus usus, & frequentior etiam, si qua necessitas postulaverit, aut maior quædam ignavia temporque hominem occupaverit, ut annuo vno exercitiorum igne non videatur posse accendi.

Præfectorum spiritualium in hanc rem incumbentium assidua sollicitudo, diligensque in vnoquoque inuestigatio, serieque monitiones.

Frequens lectio piorum librorum, eorumque maximè, qui de neglectæ orationis damnis, quique de fructu, emolumentis, & orationis necessitate scripserunt.

Inuabit in primis frequens seriâque cogitatio innumerabilium propè bonorum quæ ex vnica oratione diuite vena promanare solent.

Hac vna quidquid in humanis intercurrit aduersitatis, tanquã molli spongia deletur, aut tanquã flumine diluitur, aut tanquã valido vento inimicæ nubes metum incussurè pelluntur, omniaq; procurstantia mala vt leues aquilone iactatæ paleæ difflantur.

Hac tormentis superiores cultores suos facit, pœnarumque contemptores, ignibus, clauis, ferro, cruce maiores; neque sentit animus in neruo, sub ense & securibus qui per orationem coniunctus Deo est. credas in aliena carne carnifices sæuire, cum mens per orationem conditori suo iuncta est.

Hac facit contemptorem sæculi, cum hac vna discat homo, quantum inter cælestia & humana discriminis interiaceat, quantoque diuina terrenis potiora, quantumque æterna perituris antistent.

Hac intellectus illustratus nil nisi cælestia sapit, desipitque illi quidquid hîc magnum & nobile, quod illis comparatū non nisi



nisi calcantium protrimentum pedum est.

Hac voluntas cælesti amore inebriatur, vulneratur, nec quidquam iam felici vulnere saucia præter dilectum quærit cælo reclusum : illum turturis instar compare destituti, suspiriosis questibus amore languidis, lacrymisque suauè fluentibus, ardentibus votis deposcit.

Hæc vna ingentem animo voluptatem parit, cum mens cælestibus potata gaudiis mœrorem omnem detergit, illumque in gaudialem diem conuertit.

Hæc incorruptos nos seruat Deo, cum hac vna salis instar condiamur, & ab omni vitiorum putredine intacti seruemur. nescit mens purulescere hoc animorum sale confricata, intactamq; se sponso suo seruat.

Hac vna ductrice virtutes omnes parantur, vitia extirpantur. Docemur hoc ætatum omnium sæculorumque exemplis, cum eos legamus omnibus semper virtutibus cultissimos fuisse, qui speciali orationis prærogatiua flourerent.

Hæc nos iungit Deo, disiungit sæculo, discriminatq; ab huius amatoribus. sine qua  
sola

sola ab his veste diuidimur; paresque nos angelis facit. cum hac vna ad angelorum fastigia tollamur, & mente Deo quodam familiarioris coniunctionis nexu astringamur, & quantum diuina permittunt, mutue cuiusdam amicitiae vinculo colligemur.

Sanè nihil tam potens est quod oratione non consequamur. hac scelerum veniam consequimur, extensam in vindictam iudicis manum, animumque flectimus, æternis ignibus pœnisque abolitis. hac enim vna certa vt præmiorum, ita & pœnarum felix procreatrix est. sine qua nullæ cælestes gratiæ, auxilia nulla speranda sunt. petite & dabitur vobis. mentiri Veritas non potest, præmia perenti spondet; negatura torpenti.

Et certè vana sine hac omnis nostra religio est, & vmbra similis, cum quidquid solidæ religionis est, ab oratione tanquam capite, & diuite fonte defluat; inanisque omnis sine hac medulla, sine his neruis, sanguineque vis ac robur, & vmbra quàm corpori similior sit. nemo verò huius cultor aut cecidit grauius, aut diu in delicto prostratus iacuit, cum orationis quadam quasi manu erigere-

geretur in pedes, in spem vitæ melioris, peractæque pœnitudinem culpæ.

Qui verò hanc negligit, præcipitio proximus est, facilis ad lapsum, pronus in ruinam, cùm, quibus per orationem firmabatur præsidii ac fulcimentis, spoliatus sit.

Et nemo sanè carni reliquisque vitiis paruit, nisi hac nudatus. nemo hac munitus sanguinem hosti dedit; vulneraue mortem allatura retulit. quid? quòd adeò potens ab hac vna medicatio petatur, vt innumeri huius solius præsidio firmati in æterna castitate steterint. cùm perpauci hac destituti in sepulcrum castimoniam deduxerint.

Et verò quicumque Religionis desertor audiuit, antè orationem proiecit & calcavit: à cuius neglectu, per contemptum ad iurata Religionis signa deferenda, regia via descenditur.

## C A P V T II.

*Ariditas, & in oratione distractio.*

**Q**VA mens tanquam terra sibi relicta, nullo aut rore rigata, aut pluuià de cælo



lo pasta, arescit, abitque in cinerem, ventis non multo post insurgentibusque tempestatibus futura ludibrium: vel quacunque etiam decidua celesti nube fecundata fuerit, quibuscunque mortificationis rastris ac vomere proscissa; manet tamen in inertis sua sterilitate, nec nisi perpetua vigilique cura assurgit aliquando ex ignava & infecunda sua procubatione. Quod ut facilius dignoscatur, remediaque malo huic admoveantur, ariditatis ac distractionum harum causae examinandae sunt. quare videndum,

Num ex innata quadam naturae conditione, instabilitate ac leuitate, quae certis adhærescere nesciat, aut vni insistere, aut materiae defectu, discursus inopia, aut adnata ariditate malum oriatur. quod frequens multis malum est, eoque maioribus remediis eget, quò cum natura illis pugnandum est: frequensque hoc vitium non tantum in iis, qui omni studiorum adiumento carent; sed doctis etiam, quibus innata quaedam mentis inconstantia est, aut quibus impotens imaginationis vis dominatur, quaque violenter in alia rapiuntur, ut incogitantes ab omni oratione

ratione alienissimis immergantur. Crederes nauem validis irruentibus aquilonibus, nequidquam pugnante domino, ad inimica littora rapi. quo maior cura ac sollicitudo adhibenda, ac principiis omni studio occurrendum est, præscindendo omnes auocantium occasionum radices, nec vel tenuibus parcendo ne exurgant in maius malum, habitumque induat qui patitur; & è leuibus his initiis innascentur, non nisi violenta postmodum manu medicanda.

2 Num ex inordinato ad vitia affectu, siue à natura ingenito, siue vsu exercitationeque comparato: quæres impedimenta adfert plurima, nec patitur mentem cælesti rore rigari: faxescit enim, ac quasi rupescit anima vitiorum habitu roborata, omnisque è cælesti nube imber proruens è rupeo hoc monte faciliè dilabitur; aut fanè vt in profundam vitiorum arenaream congeriem decidens tam altè ariditate illius; exsuccoq; solo imbibitur, vt nulla propè tantarum caelestium aquarum vestigia supersint. Euertendum proinde omne hoc solum frequenti potenti que suspiriorū ductu, tanquam rastris, ex-

scin-

scindendæque animorum illę rupes violenta manu, serio conatu, frequenti lacrymarum fusu. nec desperandum aut intermittendus labor, donec cum radice excaudicemus malum. Maior omni malo animus sit, & vincemus. Nihil inuictum audenti; succedit sperata victoria, si validè insistamus operi. Terretur tiro clamoribus & minis, veterano etiam vulneribus creseit animus. Idem comandū nobis, ab ipsa difficultate animus sumendus. Vincit quisquis vincere audebit.

Num ex occupationum multitudine, quibus spiritale semen suffocatur, animusq; ad externa rapitur potenti illorum dominaturus possessus, ac quasi in seruitutem redactus, assiduoque illorum vsu adeò altè pertrictus, vt vix elui hic color possit, quacunque etiam cælesti pluuia inebrietur.

Num ex cælestis influxus subtractione ariditas hæc proueniat. Cause hinc inuestigandę negati aut subtracti influxus, diuinarumque gratiarum; nostra ne culpa subtractio hæc euenerit, impedimentane à nobis iniecta sint; repercussus cælestis influxus duritia cordis nostri, delapsus frigore ac tepore nostro



nostro, protritit nimia ad seclaria effusione, excussus contemptu, ac ingratitude nostra, repulsus peccatis nostris; proiectus, ac in fugam actus occultis vitiis nostris, superbia in primis, mente non casta, detrahendi facilitate, mutue charitatis dispersione, obedientie ac paupertatis neglectu, regularum ac constitutionum transgressionem, politici & seculares ac aulici spiritus prosecutione ac imitatione? An verò nulla causa nostra, sed vel innata quadam nature, tanquam puluerulenti soli, ariditate. An solius Dei nutu, idque aut in meritorum augmentum, aut exercendę virtutis ac roboris causa, aut in exemplum denique & instructionem aliorum.

Quibus omnibus seriò occurrendum, cum ferè ex hac ariditate spiritualium rerum nausea enascatur, omniumque virtutum fastidium; cum languorem suum mens considerat, tædioque ac diffidentia quadam speratę emendationis, in desperationem tandem melioris consecutionis labitur, indeque ad extrema malorum omnium prorumpit, ad vocationis sue languorem, ne-

gle-

glectum, contemptum, desertionem, ad vitia denique omnia. Neque quidquam tam graue aut immane est, quod his initiis, tanquam è copioso fonte, fertilique vena non profluat, ac in apertum vitiorum omnium campum profiliat. Vt meritò huic malo magnis remediis occurrendum sit, ne vniuersa animæ nostræ area cælesti imbre destituta, arescat tota, & in steriles soluatur arenas, aut in noxias degeneret miricas, in venenarios frutices, in cespites dominum fallentes, solaque fuliginosa fauilla diuites, spemque fœcundæ glebæ soli que mentientes.

Validè nos monet Cyprianus de Oration. Dom. *Quæ segnitia est, alienari & capi ineptis cogitationibus & profanis, cum Dominum deprecari? quasi sit aliud quod magis debeas cogitare, quàm quòd cum Deo loquaris. quomodo te audire à Deo postulas, cum te ipse non audias? vis esse Deum memorem tui cum rogas, quando ipse memor tui non sis? bene in segnitiei detestationem, in verecundiæ prouocationem. audiri venimus: & dū preces fundimus, animus aliis distinetur. Simulationis hæc species est, & illudentis non deprecantis Dominum. nemo*

m reus

reus iudicis aduolutus pedibus incertus de exitu, inter mensarum delicias animo lætus accumbit: nemo pauper eleemosynam supplicibus deposcens votis, opes suas ostentat: nemo eger medicas in dubia valetudine deposcens manus ludit & ridet. nos tot criminum rei, omnium egeni, extremis malorum morbis iactati, peccatorum vulneribus concisi quid expectamus? remedia poscimus, & tam ignauo frequenter pectore, ut orandi potius videamur venisse quam oraturi. hinc illa increpantis Domini verba sunt, Mat. 15. *Hypocrite, bene prophetauit de vobis Isaias, dicens, Populus hic labiis me honorat, cor autem eorum longè est à me.* Scio vix sperari in humanis posse, ut ab omnibus aliarum rerum cogitationibus liberi vacuique, soli Deo inhereamus, nec iactemur aut feramur sæculi moribus, conatum tamen adhibebit Religiosus, totumque se dispellendis illis impendet, dolebitque de importunis variarum rerum procuribus monitore Cassiano, Collat. 23. c. 7. *Quis tantum spiritus potuit unquam retinere feruorem, ut non interdum lubricis cogitationibus, in ipsa quoque orationis intentione*  
*trans-*



trāslatus repēte de caelestibus ad terrena corruerit? que licet omnia nōnullis, qui sunt crassioribus vitiis inuoluti, leuia, atque à peccato penē aliena videātur, sciētibus tamen perfectionis bonum, etiam minimarum rerum multitudo grauissima est. Sequatur proinde magno conatu Apostolum præeuntem 1. Cor. 14. Orabo spiritu, orabo & mente: psallam spiritu, psallam & mente.

## Remedia.

**P**Rimi generis iuuari poterunt, si frequentibus feruentibusque mentem animent pascantque iaculatoriis orationibus. memores Apostoli, Colof. 4. Orationi instate vigilantes in ea. & 1. Theff. 5. Sine intermissione orate. Frequenti etiam sed breui ferē, & interrupta piarum rerum lectione; ac si quando meditationi se dederint, propositæ meditationis primo puncto perlecto, seriō de eodem aliquid cogitent, similitudinibus, aliisque à se inuentis materiam extendentes, claudantque breui aliqua oratione, Transēant deinde pari modo ad secundum, tertium, quartum, donec inueniant in quo animus magis conquiescat, in eoque persistant.

Secundi generis; si laborauerint, ut af-

fectionum radices assidua cura, & particularis examinis studio euellant, sperare victoriam possunt, maximè si temporario & aduentitio malo tenentur: si adnato, & quod cum ipsa quasi natiuitate adoleuit; maiore diligentia & assiduitate opus erit, maiore etiam cautela & custodia sui; amico etiam aliquo monitore, maximeque spiritualium rerum Præfecto, qui ubi dignum aliquid monitione obseruauerit, non parcat.

3 Tertij generis nulla videntur re magis iuuari posse, quàm frequenti per annum spiritualium exercitiorum repetitione: frequentatæ enim per exercitia meditationes, faciliè animum memorem sui, etiam in mediis occupationum turbis statuent, nec patietur superuacue effundi. Audet in mediis occupationibus regijs. Propheta Psalm. 38. *Concaluit cor meum intra me, & in meditatione mea exardescit ignis.* & Psalm. 140. *Dirigatur oratio mea sicut incensum in conspectu tuo.* quid non poterit Religiosus si conatum adhibuerit? Iuuabit etiam ante occupationum aggressiones, animum cum Deo componere; illisque finitis, dicta factaque secum examinare.

minare. vnde illud Sapientis Eccli. 18. *Ante orationem prepara animam tuam, & noli esse quasi homo qui tentat Deum.*

Quarti generis, animi submissione (Eccli. 35. *oratio humiliantis se nubes penetrat*) tolerantia, perseuerantia, spe meliorum, diuinorum decretorum conformatione iuuari poterūt: maximè si sibi persuaferint, ariditatem hanc, subtractionemque diuini influxus euenire ad gratiæ & gloriæ augmentum, ad amoris & ardoris excitationem; dum negata in amorem sui prouocant, fortiusque accendunt, & alliciunt ad se animos, & tanquam calcaribus cogunt, parantque ad condolentiam in aliorum ariditatibus: ad erudiendam deinde mentem, in aliorum instructionem; ad submissionis augmentum, & spiritualis superbiæ victoriam; ad virium etiam nonnunquam conseruationem, ne ex spiritualium consolationum & illustrationum affluxu contabescant; ad patientiæ denique exercitationem, imbecillitatisque suæ cognitionem, cum vident, quam nihil possunt, cum solitariè sibi relinquuntur.



Nemo hîc dicat, Non possum. quanti omnium litterarum rudes inculti, omnibus educationis probæ præfidiis destituti, moribus indomiti & efferi, & barbara gēte nati, ad summum orationis apicem, venerunt? si non desit animus, reliqua aderunt. nulli enim tam natura nouerca fuit, quæ illum orationis præsidio nudauerit. facile est pro-  
 tendere cælo manus, mentem, verba. & si verum illud Sapientis est Eccli. 15. Apposuit tibi aquam & ignem: ad quod volueris porrige manum tuam. ante hominem vita & mors, bonum & malum: quod placuerit ei dabitur illi. quoniam multa sapientia Dei, & fortis in potentia, videns omnes sine intermissione. oculi Domini ad timentes eum, & ipse agnoscit omnem operam hominis. Nemi-  
 mini mandauit impie agere; & nemini dedit spatium peccandi. quanto promptius faciliusque mentem per orationem coniunget Deo, Creatori, Domino, Regi, Iudici, Medico, Redemptori, Patri, animæ suæ Sponso? nulli occludit ostia Deus & pater, cum ipse vltro prouocet Apoc. 3, Ecce sto ad ostium & pulso si quis audiuerit vocem meam, & aperuerit mihi ianuam, intrabo ad illum, & cœnabo cum illo,

*Et ipse mecum. & alibi Matt. 23. Quoties volui congregare filios tuos, quemadmodum gallina congregat pullos suos sub alas, & noluisti: non repelle, admitte rogantem. aderit; nec solitarius. non solet nuda venire munificentia, sed celestibus instructa gratuitis donis, quibus obsequentem, pasci & ornari desiderantem, cibant & beat animam. (Prou. 8.) *deliciae enim illius, esse cum filiis hominum.* nulla hoc in re elucet magis, quam in oratione: vt gaudere videas Deum, si potenti submissa que suorum oratione, prouocetur ad dona, ad familiares congressus, ad amicas mutuasque fermocinationes, vt exuisse illum arbitreris personam Dei, induisse hominis.*

## CAP V T III.

*Neglectus lectionis spiritualium librorum.*

**E** Quibus hauriuntur arma tutelaria aduersus hostes, quorum robore opprimimur, medicamina que in spiritualium morborum, priusquam animum obsederint, praecautioem; vbi obsederint, depulsionem: discimusque ex his non magno nego-

tio, quæ multorum sæpe annorum dubia nõ raro pugna, & periculis non tantùm proximi, sed & immerfi, & obruti etiam malis didicerunt viri magni: vt quasi vno oculi iactu & morborum & medicamentorum, pugnarum & victoriarum discamus genera. ita quod aliis sudoribus & sanguine stetit, nobis non magno labore patiemus. Idem hîc accidit, quod aurum per immensa terrarum marisque spatia, inter vitæ mortisque spem metumque quærenti; quod alteri extra periculorum terrores laborumque molestias vltro defertur.

Et ferè videmus eos qui piorum librorum lectionem negligunt, ad minùs probatos decurrere, è quibus non raro nocituras flammæ hauriunt: & iam ardet fornax, & iaculatur in propinquo flammæ, quorum antè pectus frigora & glacies constrinxerat.

Completur deinde homo totus vesanis his ignibus, non multo pòst in alienum sexum erupturus; historiis etiam fallentibus & mentientibus, inaniumque litterarum scoria, vanissimarumque fabularum narrationibus. inde iam furit in tragœdia, amat in



comœdia, liuet in satyra, ludit in epigrammate, adulatur in elegia, bellumque intonat in aliis, omnemque intus non raro faciem induit noui alicuius lupanaris. & ferè harum rerum curiosiores gentilitatem cum his imbibunt, & cum illa animæ mortem.

Hinc colloquia nascuntur parum religiosa, modesta, casta, sæculum & aulam redolentia, alienissima ab omni pietate: & totus homo procurrit in historias aut veteres, aut nuperas, in narrationes nihil nisi vanitatem loquentes; vt in exilium pulsam credas omnem fermocinationem religiosam. sequuntur liberiores cachinni, immoderati risus, gestus solutior, vox clamosior, diffunditurque vniuersus homo in sæculi mores. Contrà quos piorum librorum frequentata lectio delectat, paria etiam colloquia, & cogitationes delectant; vt in mediis etiam externarum rerum occupationibus, piis cogitationibus pascantur, facileque ad illas in quacunque etiam sæcularium consuetudine descendant, vtanturque pro re nata talibus magno solatio suo, magno aliorum fru-

ctu; monendis etiam, & ad optima quæque impellendis, copiosam in promptu suppellectilem habeant, qua & solenter morientes, reprimant effusos, erigant deiectos, deprimant arrogantes, animet timidos, refrenent audaces, mitigent iracundos, excitent languentes, recreent afflictos; medicamentis denique ad omnem spiritalem morbum curandum abundant. Neque enim deesse his remedia possunt, è tot præstantissimis spiritualium rerum officinis deprompta.

Sed neque deesse materia potest in omni serio, aut familiari colloquio, proximorum saluti aptata: semper enim ex iis quæ à lectione reposuit assiduus spiritualium lector, ad manum habet plurima, quibus utatur, ac tanquam è locuplete penu depromat vina, magnorum antea torcularibus & calamis procrita.

Et ferè optimum quemque Deoque cõiunctissimum piorum lectionibus delectari videmus; plûsq; ex illis solide haurire voluptatis, quàm quotquot sæculo immersi ex omni conuiuiorum apparatu, inaniùmque lectionum & confabulationum serie: cum  
&

& animi gaudia certiora, tutiora, puriora, potentiora omnibus corporis voluptatibus sint, possessorémque suum via recta ad felicitem æternorum fruitionem ducant; corporis verò ad interitum, & miserandam pœnarum flammarumque perrennitatem,

Et experiuntur illi, qui studiis hisce capiuntur, tanta frequenter animorum solatia, tamque valida, vt præ his non deligant orbis imperia, contemnántque quidquid hîc magnam, tanquam verrucam terræ adnatam, tanquam folium aquilone raptum, tanquam pulverem vento agitarum, tanquam bullam concha excussam; rideántque magnorum omnium conatum in gloriam, in diademata & sceptrâ, in purpuram & opes momento eripiendas, & vt plurimùm ignibus præmiandas.

Discet deinde ex his libris lector morbos sæpe suos, quibus ignarus premebatur; simulq; remedia discet; variarum etiam tentationum, & inimicarum fraudum circumventiones, dolósasq; hostilium insidiarum machinationes, vt cùm dolos cognouerit, nouaculâsque spongia tectas, effugere sciat



pericula, & imminencia vitæ damna. totum denique seipsum, tanquam in speculo in-  
tuetur, abditarumque sæpe ægritudinum  
intima depascentia viscera causas agnoscit,  
mortemque è propinquo minitantem: de  
cuius vicinitate, aliorum docetur exemplis,  
virésque roburq; induit, prudentibus Scri-  
ptorum consiliis tanquam clypeis, ferro &  
vallo cinctus; variamque breui sapientiam  
colligit, cum è singulis quod prudentissi-  
mum est haurit; ac tanquam in vnum fasci-  
culum compositum sibi ac occurrentibus  
necessitatibus seponit, vsurus vbi res ratio-  
que postulauerit.

Iam cum in humanis animus sibi non  
sufficiat, sed à variis ferè profutura mutuari  
cogatur, breuique scriptorum compendio,  
multorum sudoribus uti possit; facile vide-  
mus quantis destituantur auxiliis, qui aut a-  
liorum, cum possint, messes colligere negli-  
gunt, aut alienos labores contemnunt, nec  
horrea quidè sua aperire dignantur, aut tor-  
cularia mutuare, alieno autumno grauidan-  
da, aut alieno pecore stabula locupletanda.  
Et sanè stolidum videtur, quod sine la-  
bore

bore possis, ingenti sudore, nec rarò non profuturo, parare velle: quasi ingratae sint opes, quæ ultro obueniunt, ac, nisi sanguine sudoreque diu tingantur, displiceant. Docemur ab apibus, quæ à variis propinanda mella sugunt, etiam à venenariis quibusdam floribus; vt mente captum non immeritò dicas, qui ultro oblatam ab aliis scientiam, rerumque prudentiam contemnit; tanquam si inglorium, sit alienis noctibus & lampadibus erudiri, & sapientiam discere.

*Remedia.*

**F**Requens prouocatio sui in amorem librorum piorum, certumque in eorum lectione tempus diebus singulis seponere, quod nullis occupationibus elabi patiatur.

Examinis etiam particularis circa hanc rem institutio.

Communicatio cum aliquo spirituali viro circa ea quæ quis legit, & maximè cum Præfecto spiritus, aut illo non inferiore.

Pia quædam curiositas in variorum lectione excitata, desideriumque varia cognoscendi. Prudenter Hieronymus ad De-

metriadem, Vnum illud tibi nata Deo, præq, omnibus vnum prædicans & repetens, iterumq, iterumq, monebo, vt animum tuum sacrae lectionis amore occupes, nec in bona terra pectoris tui, sementem lolij auenarumq, suscipias. & alibi ad Celantiam. Maximum ad iustitiam auxilium est, implere diuinis eloquiis animum, & quod opere exequi cupias, semper corde meditari. ibidem: Præcipua tibi cura sit, legem nosse diuinam, per quam possis quasi præsentia cernere exempla Sanctorum, & quid faciendum sit, quid dæ vitandum, illius consilio discere. Inuitat in hanc lectionem magnis nos Sponsionibus Augustinus in psal. 18. Sunt quædam deliciae sanctæ in libris, sunt gaudia spiritalia ex diuinis eloquiis scrutatis & inuestigatis, ex dulcedine inuentionis, quam præcessit labor inquisitionis.

## CAPVT IV.

Examiniis diurni neglectus, aut perfunctoria conscientie discussio.

**Q**UÆ res maiora secum damna trahit, quam prima fronte cuiquam videatur: nam cum ex seria, & non perfunctoria sui discussione & mala retegantur, & malorum



lorum causæ; perfacile est ad eorum remedia deuenire, secareq; ad radicem, aut cum semine ipso euellere. quod in leuibus, ac à superficie tantum tentatis morborum diffusionibus perdifficile est: in quibus perraro ad malorum fontes descenditur; vt vel palliata tantum ex illa nascatur curatio, vel ignauo hoc neglectu, tacite succrescat malum, viresq; sumat maiores, quam vt vis vlla postmodum assiduitasque curaque domet & frangat: reperitque tandem homo animæ suæ hortum cum certo interitu sementis bonæ, tribulis, sentibus, zizaniisq; tam dense valideq; consitum, vt nisi ferrum & ignem admoueat, desperanda salus & fœcunditas sit. Ita quæ neglectu inualuere mala, morâ ipsâ ingentia incrementa sumunt, cum fœcundior semper fertiliorq; noxiorum prouentus sit. quod in accurata diurna excussione locum habere non potest, cum hac vna, quidquid noxium est in semine, & à radice, tenero etiam tum caule euellatur. neque enim patitur seria hæc diurnaque cura mala succrescere, aut in nocituros frutices arboresque coalescere.

Nas-

Nascitur ex examinis diurni neglectu spiritualis quidā tepor, ac totius hominis languor: qui examinis vi excitari solet, ac tanquam supposito igne exardescere, & exurgere in flammās, quibus animi gelu discussionis frigore concretum soluitur. omnisq; mentis torpor tanquam acrioribus suppositis aculeis pellitur, animique somnus vigili hac excubatione pulsatur.

Labitur etiam facilè ad sæculi mores, quicumque hanc sui discussionem segnius obit. neque pronius quidquam est, quam ad illos prolabi, cum firmamenta tuendæ Religioſæ modestiæ defint; quæ à diurno examine petenda sunt. nam nisi continuo quasi freno mentem contineas, ad assueta, & naturæ adgenita dilabitur.

Spiritualibus etiam spoliatur armis negligens discussor sui. neque enim solet illius mentem Deus spiritualibus armare subsidis, ac tanquam auxiliaribus copiis protegere: sed cœlestibus destituit influxibus, quibus & se tueatur, & audèter in hostes eat. sed neque vlla re validiùs armatur pectus, quam noxiorum depulſu, salutariumque accensione.

fione. vtrumque solerti conscientiaē discussione consequimur.

Exiit hinc etiam paulatim cognitione diuina, cum enim ex huius neglectu, sui ignoratione tanquam densa nube integatur homo, fit ut in caeleste lumen aciem intendere non valeat. soletque Deus lucis suae radios suis subtrahere qui & prioris vitae noctem, & diurnas incurstantes tenebras assidua cura non depellunt; sed in alto negligentiae cuiusdam somno intepescunt perpetuis erroribus ac labyrinthis inerrantes: è quibus nunquam se explicabunt, caelesti sole subtracto.

Sed & nulla re alia à primæuo maiorum spiritu degenerare plerosque videmus. nam cum diligenti sui discussione & praua emendentur, & futuris prospiciatur damnis; fit ut illius neglectu & excrescant mala, ac tanquam habitum quendam induant, eantque quasi in naturam, nec præcaueantur damna; sed cæco quodam impetu in illa proruiamus, ac tanquam atra nube tecti in præcipitia voluamus. Et nulla certè res publica diu stare potest, quæ legum transgressoribus impu-



punitatem concedit, & in qua cum bonis negentur præmia, tum improbis condonantur pœnæ. idem in animo, & interiore mentis republica fieri consuevit: in qua nisi iudicem adhibueris, qui delicta puniat, qui in omnem partem intentum oculum habeat, quiq; seria indagatione in transgressionem inuigilet; nihil expectandum aliud, quàm quod in republica iudice destituta.

Magnam etiam homo ex hac diligenti discussione sui ipsius cognitionem consequitur: qua destitutus, nulla propè spes reliqua bene prudenterq; dirigendi salutis vias. neque enim fortuito quis se suaq; cognosceret. magnum studium assiduâque diligentia necessaria est, ut quis tam abdita, totque inuijs vijs recondita, tot anfractibus implexa agnoscat. quod ferè solius examinis vsu euenire consuevit. discit deinde ex hoc quibus subiaceret pericula.

Crescit è seria hac cogitationum, verborum factorumque disquisitione, prudentia. neque enim ille facile cogitatione, verbo, aut re ipsa labitur, qui sua omnia ad quotidianam incudem reuocat. quiq; quoties  
pro-

prolixiora cum externis habita colloquia,  
roties in se redit, audita dictaque discutit  
maturitatem enim talis ac circumspectio-  
nem in omnibus induet, doctus tacere &  
loqui, neque facillè in pœnitenda aut eru-  
bescenda proruet.

Magnum etiam ex hac accrescit animo  
robur. cum enim illa duce in noxiorum ve-  
niamus cognitionem, quorum detractio-  
nem melior manet animi habitudo, fit ut huius  
vires solidentur: non secus ac corpus corru-  
pti sanguinis emissionem roboratur, valetu-  
dinique suæ restituitur.

Continetur dehinc mens in perpetua  
quadam puritate ac castimonia. ut enim ex  
assidua zizaniorum eliminatione agrorum  
perstat integritas, frequentique domus ac  
vestiû emundatione, nitor quidam ac mun-  
dities seruatur: ita frequenti seriâque sui dis-  
cussione, mentis quidam nitor seruatur, ne  
aut sordibus obtegatur, aut aliquid de splē-  
dore remittat, aut maculas contrahat; qui-  
bus improuida cuiusque negligentia cres-  
centibus, omnis decor obfuscatur. quod v-  
bi euenerit, nihil familiaris, quàm nitoris,  
pu-

puritatis, castimonie loco, sordes & impura vota subnasci.

Ducit deinde hac discussio ad contemptum sui, magnamque animi submissionem, cum in miseriarum nostrarum nos cognitionem deducat, milleque submissimae mentis causas praebet, ac quadam verecundia totum hominem perfundat. indeque exurgit in admirationem laudesque protegentis, eleuantis ac miserantis Domini: cum & delictorum suorum frequentiam, & ignoscentis Domini benignitatem contueatur: maximè cum inter illa nouorum semper beneficiorum augmenta videat, meritumque; toties poenarum condonationem. quae omnia non possunt non ad toties totque nominibus debitarum gratiarum actionem hominem impellere: simulque metum incutere, ne, si negligentiores in hac fuerimus, benignam misericordemque manum suam subtrahat, & ad immania praecipitia labamur.

Paternum ac benignum in aliorum lapsibus animum inducit, commiserationis viscera aperit. dum enim sua diligens scrutator de-



delicta cognoscit, periculâque quæ sola potenti diuina manu euasit; facilis in aliorum culpis est, nec tam indignatione, quam commiseratione impellente medicam ac paternam manum adhibet, conscius infirmitatum suarum.

Instruit etiam ac erudit, peritumque animarum medicum statuit. neque certior quisquam illo est, qui in se mala expertus est, quique ex se, aliis mederi didicit, præcauere damna, præsentia pellere, prouidere futuris. ille namque, & morborum magnitudinem, initia, incrementa, exitum, & medicamentorum vim expertus, facilius tutiusque in alio exercet, quod in se didicit. neque vlla certior scientia est quam quæ experientia nascitur.

Magnam deinde spiritalis lætitiæ causam præbet. cum diligenti hac discussione, peccata ac imperfectiones mœrorum ac dolorum causæ euellantur; ac tanquam validis frequentatisque ventis, noxiorum habituum nubes depellantur. hinc ingens exurgit animo gaudium; innocentia nimirum suæ, diuinæque protegentis se dextere: quod gau-

gaudium in illa mente esse non potest, quæ ingentium secum turbarum causas circumfert. nam cum è negligenti sui discussione, vitia habitusque prauī indies augmentum fumant, necesse etiam prauorum motuum ac turbarum causas crescere. cum nullis aliis rebus, tam potentes insurgant animo tempestates, quæ illum continua iactatione tanquam decumanis fluctibus variè in omnem partem impellunt.

Denique ex hac sui sedula peruestigatione, ingens delictorum pœnitudo, meliorisque vitæ seriò institutio exoritur. hic enim æternum profuturæ fluunt lacrymæ, quibus tanquam flumine sordes eluuntur; exurgunt ab alto ducta suspiria, quibus tanquam præualido fulmine cælos penetramus. Et sanè cum è neglectu examinis huius, in densa ignorantatione nostri versemur, fit vt paulatim grauissima etiam crimina ignoremus, obducto mentis oculo, frequentata scelerum cōgerie. cum contrà, qui diurna hac sui disquisitione assuevit, non faciliè in pœnitenda labatur; aut si labatur, remedia ad manum habeat, seipso post robustior & cautior.

nior. adeoque vix fieri potest, ut qui seria ac diligenter bis per diem discussione conscientiam perscrutatur, in gravius aliquod delictum corruat; maximè cum in singulis discussionibus animum in delictorum, etiam minimorum seriam pœnitudinem, ac emendationis propositum exciter; in præteritorum lapsum seuerum dolorem, ac in futurorum cautam providentiam.

In quam rem illud in primis proderit, si in singulis consciëntiæ discussionibus, seriò, & non perfunctoriè particularis alicuius vitij, in quod frequentius labimur, rationem à nobis seriam poscamus, conferendo inter se præsentis hebdomadæ dies, dispiciendoque quos in propositi vitij victoria progressus fecerimus, cum forti validoque emendationis proposito. quæ res vel vna ad vitiorum extirpationem, rarioreque lapsus plurimum potest.

*Remedia.*

**M**agnorum in Ecclesia virorum in exactam examinis institutionem nos meritò mouere debent monita. Ephrem  
Tom. 3.



Tom. 3. Serm. Ascet. verba sunt: *Diebus singulis vesperi & manè diligenter considera quo pacto se habeat negotiatio tua, ac mercimonij ratio. & vesperi quidem ingressus cubiculum cordis tui, examina te ipsum & dicito, Putasne hodie in aliquo Deum exacerbaui? nunquid verba otiosa protuli? num per contemptum negligentiamq; peccaui? nū in re aliqua fratrem irritaui? num alicuius famam detractionibus laceravi? Eadem matutino tempore præscribit. eadēque S. Dorotheus Serm. 1. *Vesperi sedulo quisque perquirat & inuestiget, quomodo pertransierit diem illum. rursum manè examinet quomodo exegerit noctem illam. & D. Bernardus Lib. de vita solit. Manè præterite noctis fac à temetipso exactionem, & venturae diei tu tibi indic cautionem. vesperi diei præterite rationem exige, & superuenientis noctis fac indictionem. sic districto nequaquam tibi lasciuiare vacabit.**

Bonorum, quæ à seria ac frequentata conscientiae disquisitione nascuntur, recordatio; malorumque ac periculorum, quæ à disquisitionis neglectu proficiuntur, commemoratio. & ferè sola frequens diligensque disquisitio sui satis erit ad omnia vitia

fu-

superanda. Sapienter Chrysostomus de  
cōp. cord. *Hoc solum est quod à nobis exposcitur,*  
*ut semper recordemur mala nostra, & conscientiam*  
*gestorum nostrorum habeamus ante oculos, ut pro*  
*his supplicemus Deo.*

Fortis, ac sæpiùs iterata apud animū suū  
propositio, seriò in accuratam conscientia  
examinationem incumbendi. Quòd si quæ  
impedimenta intercurrerint, quæ dilationē  
suadeant, aut consuetum examinandi tem-  
pus adimant; nullo tamen casu, quantacun-  
que necessitate occurrente, omittenda dis-  
quisitio hæcerit; sed primo quoque tempo-  
re à grauioribus vacuo, exequenda.

Proderit etiā vitæ mortisque incertitu-  
dinem sæpe sibi proponere, variorūque  
subitos casus, miserandos & inexpectatos  
exitus, momentaneosque excessus, & in sū-  
ma non rarò valerudine, robore ac iuuenta,  
improvidos raptus: è quibus timorem simi-  
lis in nobis exitus prouocemus, pèrque fe-  
rias has conscientiarum disquisitiones, mē-  
tem ad subitas has & momentaneas mortes  
paremus. Ad quam rem iuuabit in primis, si  
quando aut grauius delictum, aut grauius  
n  
pe ri-

pericullum occurrerit, non expectare consueta disquisitionum tempora, sed subitam in se excitare pœnitundinem, prouocareque in se contritionis actum.

Consultum etiam fuerit, si quando negligentia nostra disquisitio hæc omissa fuerit, vltro nea aliqua pœnitentia animum ad maiorem sui curam prouocare: vt hac quasi monitione teporem, ac ignauum à se neglectum pellat.

### C A P V T V.

*Tepiditas in iis que spiritum tangunt.*

**V**T non immeritò tales lenta tabe, & febri hectica cōsumi dixeris, quorum robur pedetentim emedullatur, vt nec sentientes mala sua corruant, quoque ruinæ propiores sunt, eò minùs pericula sua persentiscant.

Nec alteri rei commodiùs hæc tepiditas, animiq; languor comparari potest, quàm blattis & tineis, interiora validorum etiam lignorum rodentibus, vt si moram feceris, nudum corticem, exeso robore reperiās.

Rectè



Rectè etiam assimilari tepidus potest hy-  
drope aut aqua intercute laboranti, à qua  
paullatim opprimitur & suffocatur. Ignauus  
planè morbus, qui à paruis initiis serpendo,  
ribias ferè, indeque vniuersum corpus oc-  
cupat: suffocatque quidquid generosorum  
spirituum toto sparsum iacebat corpore, e-  
necatque quidquid magnum abditum la-  
tebat fibris, vertitque in limosam quandam  
faniem quidquid venis claudebatur valetu-  
dinis bonæ.

Melancholicis etiam humoribus pregra-  
uato similis est tepidus: nauseabundo in o-  
mnibus stomacho. ad omnia varius. & in-  
constans, sibi aliisque grauis, aliorum con-  
tempтор & sugillator, inuidiaque in prof-  
perioribus aliorum successibus intumescēs.  
cui cum nihil placeat, displicent omnia. fri-  
gidos calentesque iuxta auersatur. nec bo-  
nus haberi potest, nec malus vult. Prou. 13.  
*Vult nimirum & non vult piger, anima autem  
operantium impinguabitur.*

Sed & similis est limaci, ignauissimæ in-  
ambulationis pigra fœdaque vestigia relin-  
quenti; cum inerti volutatione corpus re-

ptando trahit, signatque ignauas circumdu-  
ctiones spurca colluie, ingenti spectantiũ  
calcantiumque fastidio. idem in tepido re-  
peries, qui in omni actione, teporis sui lenta  
vestigia relinquit, nauseam ardentibus pari-  
tura, & sanè nihil ab illo exspectes, præter  
ignauas quasdam molitiones, pigro tepore  
signatas, vt aliquid voluisse illum potius,  
quàm fecisse deprehendas: adeoque nec  
voluisse, quidem, nisi quæ propensione suæ  
amica, amicum teporem fouent.

Vetus dictum & verum, Potior est exer-  
citus ceruorum leone ductore, quàm leo-  
num ceruo duce. vt videamus omni gentiũ  
sententia, quantum possit ardor, animusq;  
excelsus; quantum secum detrimenti dam-  
ni que trahat mens vilis & tepore quodam  
cincta. leo nimirum vnus tot ceruos leones  
facit, ceruus vnus tot leones ceruos. Ita ac-  
census ductoris animus in reliquos ardo-  
rem ignemque diffundit; mens tepida du-  
cis in omnes teporis languorisque sui virus  
iaculatur. Ad ardua sanè, & victura idone-  
us esse tepidus non potest; cùm quæ in po-  
steritatem abitura sunt, calorem & ignem  
quen-

quendam exigant: sine quo nemo manum extendit ad victura. Ingens nimirum animus esse debet, qui ad excelsa dexterā porrigat. hunc animum interior quidam æstus propellit. at in tepido languet omne pectus, caretque hoc magnarum cogitationū pro-uocamento. & sanè nisi amoris quidam æstus hominem protrudat, quid sperari magnum potest? cū ab vno amore meritum magnorumque mensura nascatur. ab illo nemo excluditur. pares Reges diuitesque seruis pauperibusque sunt. nulla conditio-num, genitura, opum, honorum discrimina amor nouit. hunc amorem in tepido non reperies: ardoribus enim amor omnis fulcitur, ignorat frigora. Iam quam mercedem à Deo tepidus speret, mercedis mensura destitutus? neque enim ille tam donorum magnitudinem, quàm largientis ardorem intuetur. misera alioqui futura pauperis conditio, qui sola mente, magna magnis remuneranda præmiis donare potest. ita vidue il-  
lius Euangelicę laudatus animus, nō minuta duo. & maiora hæc fuerunt magnorum thesauris, cū ab ingenti animo duo veni-



rent minuta, abitura in talenta, si opes animis pares fuissent.

Nec in vno primo possessore suo tepor hic manet, sed noxiæ instar scabiei ac pruriginis. contubernales occupat. arbitreris lepram latè se spargentem, ac in obuia quæque sæuientem. ita serpit hoc malum, & ab vno capite totam propè non rarò familiam occupat. extinguiturque vnus exemplo ardor quidam mentis, ac quasi iniecto flumine tepescit prior flamma. & qui ignis antè fuerat, nunc solo fumo, ignem aliquando fuisse ostendit. poenitet nimirum ignium quia poenitet laborum: molliaque blandaque amplectimur, cùm domesticum exemplum videmus. noxia enim potentia in exemplum & imitationem sunt.

Ingens deinde teporem pusillanimitas comitatur, animus deiectus, varij metus ac timores plurimum inanes, suspicionumque integra nemora. quæ omnia potiendarum rerum desperatione clauduntur: è qua maiorum omnium extrema nascuntur. bonitatis diuinæ diffidentia, miserationis desperatio: ac denique celestium non iam neglectus

Etus tantum, sed & contemptus quidam. nam cum labores fugiat, videatque se ad illa sine his peruenire non posse, in contemptum illorum deuoluitur: cum carere celestibus malit, quam sudorem in illorum prosecutione fundere. ita carior illi celestibus sudor est. vt similis sit illis qui apud Sapientem inelamant: Sap. 2. *Extinctus cinis erit corpus nostrum, & spiritus diffundetur tanquam molis aer, & transibit vita nostra tanquam vestigium nubis, & sicut nebula dissoluetur, quæ fugata est à radiis solis. Venite ergo & fruamur bonis, vino pretioso & vnguentis nos impleamus, & non pratereat nos flos temporis, coronemus nos rosis antequam marcescant: nullum pratum sit, quod non pertranseat luxuria nostra, cum enim desperent celestia quæ solis laboribus parantur, vertunt conatum suum mollem ad humana, omnemque in iis felicitatem ponunt, cum non magnis sudoribus hæc parentur, vt quæ obuia sint, & vltro etiam se ingerant, imò & non raro etiam reluctanti se obtrudant.*

Et verò nemo è nobili Religioso vertice, nisi per immania teporum præcipitia ad malorum profunda delapsus est: vt per te-

piditatis incrementa, tanquam per præcipientes gradus, aut decliua montium, ad infelicia præcipitia labamur. nemo etiam Religiosam stationem signaque in quæ iurauerat desertor reliquit, qui non prius à teporibus his proritatus ac delinitus, longa quasi manu ad turpem infortunatamque fugam deductus fuerit. nemoque spiritualis militiæ desertor audiuerit, qui excusso tepore, fortiter Religiosam semitam presserit.

Benè dictum à Sapiente: Sap. 4. *Spuria vitulamina non dabunt altas radices, aut stabile firmamentum collocabunt. Et si in ramis in tempore germinauerint, infirmite posita à vento commouebantur, & à nimietate ventorum eradicabuntur. confringentur enim rami inconsummati, & fructus illorum inutiles & acerbi ad manducandum, & ad nihilum apti.* Spuria in Religione vitulamina, & torpore quodā desides sunt, remotissimi à germanorum Dei filiorum affectu. neque altas in ea radices tepor aget: neque debilius vllum fundamentum tepore est, cui quidquid superstruitur, aduersis ingruentibus, radicitus euellitur: sed neque si excreuerit in arborem, ramos fructusque dabit



dabit perennaturos: ac si quos dederit, infuaues, & in fauillas aut quasi in farinam cōmolendos dabit. insipida enim omnis operatio tepentium est, & stomachum motura. vnde illud Apoc. 6. *Vtinam frigidus esses, aut calidus: sed quia tepidus es, incipiam te euomere ex ore meo.* Nec mirum hoc videri debet. cū tepidus omnis instar tepentis sit aquæ, vomitum prouocantis. quid verò fœdus vomitu in humanis? nauseantis verò hīc stomachi consuetudo exprimitur, qui noxia à se valido impulsu repellit, vt reliquo corpori bene sit: ne, si nocitura hæc contineat, ad reliqua abeat hoc virus, & toti paullatim corpori interitum paret. Hinc grauis etiam illa interminatio; Iere. 48. *Maledictus qui facit opus Dei negligenter.* nec mirum, cū in tantæ maiestatis oculis constitutus, ignaua quadam socordia diuinas res exequitur, tantis promissionibus locupletatas, tanquam si res ludicras pertractaret. ita dum ludit in re salutis, infelici plurimū exitu luditur; & seriò destituitur à Domino, qui non seriò tanti Dei res peregit.

Fortiter proinde per Sapientem nos Do-

minus ad labores inhortatur Prou. 6. *Vade ad formicam, ô piger, & considera vias eius, & discite sapientiam: quæ cum non habeat ducem, nec præceptorem, nec principem, parat in æstate cibum sibi, & congregat in messe quod comedat. Vsq; quò piger dormies? quando consurges è somno tuo? paullulum dormies, paullulum dormitabis, paullulum conferes manus tuas vt dormias, & veniet tibi quasi viator egestas, & pauperies quasi vir armatus. Si verò impiger fueris, veniet vt fons mæsis tua, & egestas longè fugiet. Erubescat tepidus doceri à formica. cælo natum doceri ab infima bestiarum, & prudentiam discere ac futurorū prouidentiam ab insensato animalculo. vt paret hic sibi quod æternū prodesse queat: tepore nunquam parauerit. labore & sudoribus æterna veniunt. Nam quid aliud speret torpore marcescens, quàm vt ab egestate tanquam ab armato prematur, perennibus cælorum diuitiis exclusus? Pro. 10. *Egestatem enim operata est manus remissa: manus autem fortium diuitias parat. Sapientis verba sunt & illa Pro. 28. Qui operatur terram suam, satiabitur panibus: qui autem sectatur oriū, stultissimus est. Addit Prou. 13. Qui mollis & dissolutus est in**

*est in opere suo, frater est sua opera dissipantis. Et illud Pro.18. Pigredo immittit soporem, & anima dissoluta esuriet. Egestatem anima remissa, fortium verò manus viriliter certantium, & de genu pugnantium, quibus à vulnere & sanguine crescit animus, opes parabunt æternas. Hinc meritò stolidissimi censendi sunt otij sectatores, quibus animæ panes cælestes gratiæ, & æterni fontes cælestium donorum negantur. hinc illa esuries, & infelix repentium sitis, quæ à negato cælesti cibo potuque nascitur; atque hinc etiam promissorum diuinorum bonorum abdicatio. hæredes eramus. excludit nos tepor vt tam illustribus indignos. quæ sola virtute, vigili cura, profusis sudoribus, indefesso labore parantur.*

Eleganter torpentem describit Sapiens Prou.26. *Sicut ostium vertitur in cardine suo, ita piger in lectulo suo. abscondit piger manum sub ascella sua, & laborat si ad os suum eam conuerterit. Et tamen sapientior sibi piger videtur septē viris loquentib. sententias. Cōmoditatib. nimirū suis tāquā molli lectulo indormit piger, frigora metuens. hinc illa ignauia retracte*



dexterae, ori que cibum negantis. negat subtrahit que hunc sibi animae cibum tepidus, laborem fastidians, quo solo cibus ille paratur. nec pudet illum à puellis puerisque vinici: quorum non pauci contemptis calcatisque mollibus, per dura & aspera celesti cibo pasti sunt: per vulnera nimirum & sanguinem caelo inscripti. &, quod stolidissimum est, sapiens sibi piger videtur; quasi prudenti circumspeditione & ignes & frigora fugiat, & inimica corpori deuiter: gaudet nimirum blandè ludentibus, & quadam dulcedine molliter diffuauiantibus: damnat quos duris & asperis calcatis, per ardua viam sibi ad aeternitatem sternere videt, quasi naturae aduersantia ultro auidi amplectantur: ignari, aeterna illis praemia, torpentibus verò nullo æuo morituras poenas parari. & Prou. 24. *Per agrum hominis pigri transiui, & per vineam viri stulti: & ecce totum repleuerant vrtice, & operuerant superficiem eius spina, & maceria lapidum destructa erat.* tepentibus enim dormientibusque nobis, ac tanquam dere salutis. nimum securis, nocitura aduersarius semina inspargit, oppletque malarum cogitationum

num ac desideriorum zizanijs pectus, valido antè virtutum aratro subactum.

Hoc malum vbi inualuerit, ad ardua quęque ignauissimos reperies, sed neque facillima nisi placentia admittent. Vrges, & instas operi? negant se posse, inualetudinem causantur, onerisque munerisque magnitudinem, impares vires.

Succedit his quędam spiritualium rerum nausea, horror paupertatis, obedientię & pœnitentiarum, omnisque omnino austeritatis; dum mollia captat animus, & blandientibus se totum immergit, deferuescente spiritus ardore, ac vniuersim mutua refrigerante caritate.

Itur deinde regia via ad corporis commoda, ad prodigam in cibum, potum, somnum profusionem, ad voluptatem denique suaue ridentem, prouocantem, & ad se molles hosce spiritus allicientem.

Neque aliud sperari ab hoc tempore potest. nam vbi elanguit ardor spiritus, extabuitque; pristinus æstus, ac quasi in fauillam cælestes antè flammæ abierunt, nihil nisi inanem fumum, leuemque ac euanidum vaporem

sperare possumus.

Et certè abacto pristino ardore, animiq;  
calore emortuo ac consépulto, omnium  
spiritalium rerum mortem quandam ac in-  
teritum sequi necessum est: incipítque ex-  
inde viuere caro, cùm quantum illi spiritus  
decedit, tantum illi vitæ accedat; quantum-  
que spiritui cura cælestis subtrahitur, tan-  
tum huic sæcularis auræ succrescat. è tepore  
proinde illius, ardor huius enascitur: ita nã-  
que in his comparatum est, vt quantum de-  
trahitur vni, tantum addatur alteri, quan-  
tum decrescit vni, tantum alteri accrescat: vt  
vnius interitus, vita sit alterius.

Inuigilandum proinde ne noxius hic te-  
por animum occupet. nam vbi illum semel  
possederit captiuumque duxerit, nequid-  
quam ferè melioribus ignibus excites: tam  
alto sopore pectus illiditur, vt nec potentis-  
simis quidem spiritalibus prouocamentis è  
profundo, quo tenetur, somno, ad se redeat,  
& nihil iam huic in omni vita serium. vt lu-  
dicra, & comœdiæ scenam grauissima quæ-  
que peragit: nec vt sua, sed vt aliena retra-  
ctat: si dederis, accipiet, & vix aliquando  
vel



vel offerenti manum porriger: quòd si ultro  
non inieceris, nec desiderabit quidem, mul-  
tòque minùs sudorem effundet, aut labo-  
rem impendet: sed neque spe felicitis æterni-  
tatis, aut infelicitis æternitatis metu commo-  
uebitur: in gloria, aut inglorius vitam ducat,  
iuxtà habebit. propone vtriusque vitæ præ-  
mia, laboribus terretur: propone huius &  
alterius iudicia vitæ, tabescet ignauia; nec  
aut ad vnius gloriam, aut ad alterius prouo-  
cabitur tormenta. narra quæ æternitatem  
tangunt, fabulæ illi videntur; quæ Iudicem  
Deum, tragediæ fragmentum. Nec plurimū  
magis præmiis pœnifque propofitis moue-  
bis, quàm cadauer minis: imple mētem ter-  
roribus, imple gaudiis, virtutis speciem pro-  
pone, & quid quid in illa prouocat in seque-  
lam, in admirationem, in laudem, in animi  
tranquillitatem & pacem nullo calamo ex-  
plicādam; adde cælestem amorem, & quid-  
quid vnquam flammæ iaculatum est cœ-  
lum, quid quid ignium infernus; emarci-  
dum truncum arbitraberis: nisi quòd bel-  
luarum more pronus rapiatur in corporis  
commoda, felicitatemq; in his ponat suam:  
quid-

quidquid verò ingenio, labore, industria affurgit ad magna, execratur.

Sed neque fidi huic quidquam potest, nec tutò aliquid committi, vnaque ferè huic beatitudo est, in ignauo otio & fabulis consenescere: nisi quòd, vt dixi, carnis plerumque vitia sequantur hunc teporem, eò maiora validioraque, quo languor hic maior est, altioresque in homine radices egit. quod vbi euenit, nihil in eo, non dicam Religioso, sed nec Christiano dignum reperiens.

*Remedia.*

**O**Rationum, meditationum vsus frequentior, piorum librorum, vitarumque Sanctorum frequentata lectio: neque credi potest quantum exempla in imitationem possint. puerorum enim virginumque ignes calcantium, tormentis tanquam rosas inambulantium, poenas tanquam mensarum delicias amplectentium, cogitationes, quem non teporem pellât? iam Christi Domini passio, calentes lacrymæ, fusus sudor, sparsus sanguis, immitia verbera, corona spinea, immania vulnera, clauis, crux, lancea, quid

quid non poterunt in religioso pectore, si serîo frequententur?

Mortificationum deinde, Sacramentorum, ac confessionis vsus solito maior: consultissimumque fuerit fortibus pœnitentis tanquam immixtis ignibus teporem pellere. validissima enim remedia sunt quæ à sensibus petuntur. magnus ille est, qui nusquam pepercit sibi: prudens, qui in se punit quod in alio displicet: fortis, qui pœnarum metu ad magna se cogit.

Spiritualium exercitiorum crebrior repetitio; frequēs vsus piarum apud Deum aspirationum, maximèque earum, quæ aut in amorem illius, aut in laborem ex præmiorum aut pœnarum magnitudine impellunt, mentemque ad duriora ac diuina prouocant, auocant à suauibus & perituris. quæ si frequententur, tanquam perpetuis flammis inardescit animus, ac tanquam suppositis ignibus effluant præcordia Deo plena. quibus accensus non facile intepescit animus.

Diligens examen orationum, ac meditationum factarum, seriâque negligentiarum distractionumque in illis disquisitio. Serium



rium deinde emendationis propositum, excitationesque pellendæ tepiditati idoneæ. Neque satis fuerit in eo qui tepore hoc oppugnatur, sibi per diem examen instituat. iteret frequenter, post Sacrum, Horas, pias lectiones, conciones, catechizationes, prolixiora colloquia, studia. Incredibile est quantum breuia hæc examina, mentem sibi præsentem contineant, quantum animent; dum & lapsus suos & pericula intuetur, & fortibus seipsum propositis ad magna exacuit.

Frequens consideratio diuinæ præsentia, magnitudinis illius, potentia, scientia. hæc qui propius considerabit, facile teporem exuet inimicum Deo.

Iuuabit etiam in terrorem cogitatio iudicantis Dei, incertitudinis vitæ, æternarum pœnarum, paratorumque cælo præmiorum. vtriusque enim æternitas vehemens calcar est fortiter audendi & explendi.

Proderunt etiam frequentatæ per diem cogitationes, Omnem diem primum, omnem vltimum esse; illum in ardorem, hunc in errorem, & magnorum illud, Quare veni-

nisti? quis instituti finis?

Commodorum deinde incommodorumque discussio, quæ aut ex ardoribus, aut tepore nascuntur, non poterit non ingenti spe bonorum, malorumque metu, mentem accendere ac terrere, teporemque omnem excutere. verè Prosper. Sent. 112. *Sicut corpori noxium est, corpoream escam non posse percipere; ita animo periculosum est, spirituales delicias fastidire.*

Causam denique teporis consultissimum fuerit inuestigare, inuentamque valida manu euellere. neque fanè quidquam facilius quam repertam pellere: qua etiam ignorata, nihil solidi sperandum est. cùm ab huius cognitione omnis victoriæ spes pendeat, & principijs maximè inuigilandum est. maximè cùm in hoc vitio à tenuissimis, & quæ propè sensum omnem fugiunt, quasi per insensiles gradus ad extrema ducamur, eorum more qui per præcipitia labuntur, qui non antè desinunt quam ad ima varijs infelicibusque volutionibus deuenierint. initijs proinde fortiter insistendum, ne in medio infortunatissimarum volutionum  
fer.

ferò remedia cogitemus, cum non teporem tantum sed & nauseam ac spiritalium contemptum imbiberimus. Iam cum hostibus vndique cingamur callidis audacibusque, non tepentibus consiliis opus est. domesticam patimur carnem, quæ nullā oppugnationibus moram concedit: ambientem mundum, ludentem, blandientem, allicientem, multa promittentem: insurgentem crudeli, effera, subdolaque simul infestatione demonem, singula vigili cura obeuntem, ac in omnem momento omni perdendi occasionem intentum. quo magis tantis domi forisque hostibus in æternis nocendi excubiis stantibus, ignavia teporeque pulso, inuigilandum quaqua parte salutis est. nusquam indormiendum. omnia etiam tuta circumspicienda, metuenda: nusquam, nunquam arma ponenda, ne hostili pateamus ferro, ne infidiis, ne inglorio tandem exitu tepentem pigramque vitam signemus. Et sanè turpe est Religiosum, ab opum, honorum, voluptatumque amatoribus vinci: quos ingenti ardore alacritateque ad summa vitiorum tendere videmus, non sudoribus, non sanguini par-



parcentes. & quid non auida humanarum fors hoc momento periturarum rerum sitis? quanto molimine in breui peritura insurgit; cum audaci calcatu per contemptum etiam vitæ ad ruitura vota sua pergat? Turpissimum verò tantis illis estibus in momentanea hæc insurgentibus, Religiosos beata eternitate proposita, ad cælorum non peritura præmia, ignatio protrudi potius quàm progredi gressu. quid hic speret, nisi qualia ab ignauo pectore expectanda sunt, post grauem nimirum cum euangelici talenti fessore, Domini reprehensionem, pœnarum æternitatem?

Teporis autem ferè hæc causæ. 1. Consuetudo è sæculo in Religionem deportata, quæ in naturam abiit. hæc valido frequentique conatu, ac quasi flatu prouocatis sopitis ignibus, & sæcularium adhuc cogitationum cinere tectis, contrariisq; consuetudinibus pellenda erit.

2. Naturalis quædam animi inconstância. qua nulli certæ rei inhærentes, ad varia semper manum protendimus, nouorum auidi, veterum pertasi; omnia nimirum

tentasse iuuat, cum vna ferè veritas virtutis  
que gradientur via; dubia semper error, sui  
consiliorumque ignarus.

3. Defectus bonæ voluntatis. quæ vna  
potentissima spiritualium omnium profe-  
ctuum causa est. excitanda illa erit Christi  
Sanctorumque exemplis, pœnis, præmijs, et  
ternitatis vtriusque.

4. Imprudens & supra vires feruor, vio-  
lento molimine expressus; qui ferè in lan-  
guorem degenerat, cum indiscreto conatu  
robur omne paullatim exeritur, viresque  
vniuersim concidunt, totaque valetudo e-  
neruatur, nec se ad magna potest extende-  
re, intempestiuis ardorum laboribus fracta.  
prudentia corrigendum hoc malum, & sa-  
piente Superiorum ducitur.

5. Domesticae disciplinæ neglectus. cum  
reporis languorisque omnis, conuiuentia  
excessuum, mater sit: qui Superiorum vigili-  
cura emendandus. vetus enim illud verum,  
Vbi rigor, ibi vigor. si prudenti Superioris  
manu ducatur, ne nimius rigor in seuerita-  
tem labatur, inde in animorum alienatio-  
nem, & odia.

6. Laboris fuga, otij amor. vellemus nimirum, sed labore terremur. extimulanda proinde voluntas erit potentibus timoris Dei, & infelicis æternitatis stimulis.

7. Institutionis, & boni exempli in Superiore defectus: doceat; plus tamen rebus, quàm verbo, & imitatores habebit. nam vel solo rubore sequentur præeuntem.

8. Insurgentium difficultatum metus. qui ad infima abiicit, terret à magnis. expellendus ille, propositis fortibus in utroque sexu in prima iuuentute exemplis, præmiorumque magnitudine.

9. Pusillanimitas. quæ è diuinæ protectionis & auxilij diffidentia nascitur. hæc ingentibus Christi sponsonibus, omniumque ætate testatissimis exemplis depellenda erit. animusque ad æterna & magna erigendus, ingentique in Deum fiducia excitandus.

10. Neglectus minimorum. sunt enim hæc tanquam flabra ignem prouocantia, tanquam ligna flammarum & calorum materies, tanquam pulueres qui densati prospectum adimunt, tanquam raræ nubeculæ, quæ compactæ nocte inducunt, lumen adimunt.

II. Pro-



11. Profusa passim loquendi licentia. quæ ferè hauriuntur quæ internum æstum minuunt, profunditurque omnis animi calor. in cuius locum tepor succedit, & generosi antè pectoris languor.

12. Nimia ad externa effusio. restringenda hæc erunt, & excitandus solitudinis cælestiumque amor, vitæ breuitate eternitæque proposita. quòd si obedientiæ imperio implicamur externis; frequentibus repetitisque per diem piis aspirationibus, mens indissociabili quasi quodam nexu, iungenda Deo: temporaliaque negotia, diuinorum incentiuis farcienda erunt. ne his destitutus animus, diffuat in puluerem.

Quoties denique deuotionis feruor intepuerit, consultum fuerit illud B. Bernardi de conuer. ad clericos, cap. 3. o. grata memoria repetere: *Non sunt condignæ passionibus huius temporis ad culpam præteritam quæ remittitur, ad gratiam præsentem quæ immittitur, ad inferni pœnam quæ euaditur, & ad gloriam futuram quæ repromittitur.*

## CAP. VI.

*Mortificationis neglectus.*

**E** Quo simul omnia propè mala nasci videmus. Neque cum immortificata hac affectuum ratione, castitatis, paupertatis, obedientiæ observatio, aut solida aliqua virtus consistere, aut in vocatione constantia sperari prudenter potest. diu fortè in alta permittitur pace, nec bella sentit, aut inimicas experitur acies; continebit se intra modestiæ, ac quasi virtutis limites: at ubi insurrexerit hostis, nec minis tantum, sed cõserto fortiter pede, armis & ferro in assuetum malis pectus aggressus fuerit; cadent animi, labascent genua, & ferè antè succumbet, quàm verbera senserit, adeoque ad solas etiam hostiles expallesceret minas, & victorem agnosceret, cuius non expertus est dexteram. Tironibus hoc evenire solet, quos solus hostilium armorum fulgor terret, & in fugam vertit. Veteranus, cui cum pugna & lucta, dandisque accipiendisque vulneribus quædam quasi amicitia intercessit, qui quæ non vno pugno disculptum pectus  
o.                      habet

habet; animos à sanguine induet, assuetus post vulnera victoriarum.

Perpetuam deinde mentis inquietudinem sequi necessum est, internaque pacis turbationem. neque enim quies sperari potest, vbi perpetua turbarum causa est: cumque vniuersa spiritalis vita, fructusque à benè mortificatis affectibus pendeat, tanquam à benè subacta & proscissa terra, semineque mortuo simillimo sperati agrarij fructus; sit vt mortuo similior dici possit, in quo crudi adhuc dominantur affectus, à quorum fecunda malignitate nihil nisi agro Domineo nocitura proueniant: neque enim è scrupulo hoc agro, lolij ac zizanijs ob sito, magna expectari possunt. nam vt non improba terra sit, ruderibus tamen, ac miricis in nascentibus, quidquid est seminis boni suffocatur, ac quasi inimico pedè proteritur, vt magno licet se conatu in herbam nonnunquam erigat, spem tamen raritate sua fallat, nec ad maturitatem deueniat; cum ferè in medio sperati fructus noxiorum pondere corruat, aut exarescat.

Sequitur deinde domestica vniuersim

tur-



turbatio, dum ab huiusmodi malè mortificatorum affectuum inquietudine, domestica pax turbatur, commouentur animi, & ab vnus sæpe malè subacta mente multorum sequuntur commotiones, & quædam quasi tempestates; dum his tanquam flabris, iuniorum inprimis, minusque solidorum animi grauius commouentur, excitanturque in paria exemplo, ac in imitationem prouocantur; dum ferè ad pessimorum imitationem natura feramur, nihilque pronius sit, quàm præeunte aliquo tanquam duce, reliquos sequi, à quibus vniuersa domestica pax scinditur, ac quasi imis sedibus concussomari, tranquillitas in tempestatem vertitur; cum neque iam quisquam alteri cedere, nemo insurgentium quorundam impetus declinare, nemo durioribus interdum irruentibus, molliora, ac veluti saxi puluillos obicere, nemo procurrentibus locum, spaziumque cursui concedat. quod vbi fit, & aspera duraque paribus incurrunt & illiduntur, quid nisi fragmenta & ignes expectes? Vnde postmodum animorum alienationes, acerbioresque indignationes nascuntur,

perpetuísque propè hisce mentium aestibus  
vniuersa familia iactatur, periculísque ple-  
na sunt omnia; dum singuli immortificatis  
impacatisque motibus præcipitio, quàm  
certæ stationi viciniore sunt. neq; fieri po-  
test, vt à malè subactis animis, non ingentes  
insurgant fluctus, qui pacata etiam aliorum  
littora conturbent ac quatiant; vt totum  
iam domesticum elementum in non con-  
suetos exurgat motus naufragiis proximos.

Sed neque quidquam magni ab his ex-  
pectari potest, cum in perpetuo non vano  
metu Superior sit, ne in pertractandarum re-  
rum decursu, si quid non placitum occur-  
rat, aut minùs iudicio illorum conforme, e-  
rumpant è cruda hac affectuum compo-  
sitione, in vniuerso corpore pœnitēda. neque  
committi illis quidquam potest, à quo Reli-  
gioni decus sperari, aut damna timeri pos-  
sint: semper enim iustus ille metus, Superio-  
rum insidet animis, ne qua parte elabantur,  
ne qua in erubescenda erumpant.

Quòd si iusto hoc Superiores metu ducti,  
non credant honoratiora, periculum est ne  
ingraues & nocituras indignationes insur-  
gant,

gant; & dum se contemptos arbitrantur, in salutis suæ Religionique nocitura prorumpant; vt ad quamcunque se Superior partem flexerit; non effugiat pericula. Quare nescio an aliquid grauius euenire possit, cum neque si fidat, neque si diffidat Superior, immortificatæ huius mentis scopulos euitare possit. vt autem inter hæc turbati pectoris, tanquam turbidi maris breuia, tam certò clauum dirigat, vt in neutram partem illudat nauem; ingens omnino industria, longaque experientia, & prudentia necessaria est: ac nec in summa illa quidem semper ef- fugere naufragia poterit.

*Remedia.*

**A**B ipso Religionis ingressu peti debent. nam & suauius & tutius peruincuntur mala, ac quasi in semine suo præfo- cantur in primo illo quiduis ferendi æstu, quàm cum mora inualuerunt, calorque ille victoriæ sui ipsius elanguit & deferbuit.

Non ab omnibus simul inchoanda res est, vnique rei primò admouenda manus, & à facilioribus, minúsque radicatis initia



ducenda sunt, vt assuescat paulatim animus vincere, audeatque etiam maiora tentare.

Proderit in primis adhuc particularis examinis seria institutio, frequensque com-  
modorum incommodorumque ex hoc ne-  
glectu nasci solitorum in vtramque par-  
tem, exemplorumque tam veterum, quam  
recentium commemoratio.

Prudenter Leo monet in sermon. de na-  
tali 7. Machab. *Toties peccatis morimur, quoties  
in nobis peccata moriuntur. & pretiosa in conspe-  
ctu Domini etiam ista mors Sanctorum est, vbi ho-  
mo occiditur mundo, non terminatione sensuum,  
sed sine vitiorum.* & Augustinus Epist. 114. ad  
Sophiam. *Moriatur homo, ne moriatur; mutetur  
ne damnetur.* optanda mors, qua vna viui-  
mus, qua spoliati morimur. prudens dele-  
ctus, mori vt viuas: non viuere, ne moriaris.  
bene viuit qui moritur. felix mors qua vna  
viuimus: infortunata vita qua morimur. Ha-  
bemus in hanc rem illud Domini. Luc. 14.  
*Si quis venit ad me, & non odit patrem suum, &  
matrem, & uxorem, & filios, & fratres, & sorores,  
adhuc autem & animam suam, non potest meus  
esse discipulus.* & apud Ioannem Ioan. 12. *Qui  
amat*

amat animam suam, perdet eam: & qui odit animam suam in hoc mundo, in vitam æternam custodit eam. Eleganter in hæc verba Augustinus Trac. 51. in Ioan. Magna & mira sententia, quemadmodum sit hominis in animam suam amor ut pereat, odium ne pereat. Si malè amaueris, tunc odisti: si bene oderis, tunc amasti. felices qui oderunt custodiendo, ne perdant amando. & Chrysostomus Homil. 66. in Ioan. Aenigmati simile hoc dictum videtur: non tamen ita est, imò verò precipue sapientiæ plenum. Et quomodo qui amat animam suam, perdet eam? qui absurdis eius cupiditatibus obtemperat, qui præter debitum ei indulget: quemadmodum è contrario, qui odit eam in hoc mundo, custodit eam: hoc est qui non parer ei cum noxia iubet. Facit hoc Religiosus omnis, qui se salutemque suam amat. mortis huius non tantum oblatas fortiter amplectitur causas, sed ultro quærit, tanto futurus Deo gratior, quanto pluribus moribus nobilitatus. fecunda mors, qua centupla scæneratione in vitam exurgimus æternam. eo magis quòd interminantem habeamus Dominum: Ioan. 12. Nisi gramum frumenti cadens in terram mortuum fuerit, ipsum solum

manet. & Apostolum ad Rom. 8. *Si secundum carnem vixeritis, moriemini; si autem spiritu facta carnis mortificaueritis, uiuetis.* & de se Propheeta Regius Psal. 43. *Propter te mortificamur tota die, estimati sumus sicut oues occisionis.* monet-  
que Apostolus Colos. 3. *Mortificate membra vestra quæ sunt super terram.*

## CAPVT VII.

*Regularum etiam minimarum neglectus.*

**D**E quo illud dici potest. Eccli. 19. *Qui spernit modica, paulatim decider.* & ferè à minimorum neglectu & transgressione itur ad maiora; vt hæc minima, gradus quasi quidam sint ad ingentia præcipitia. neque facillè quisquam primo quasi saltu ad deterrima descendit. à paruis ferè initiis ad summa exurgimus, & maxima quæque mala à tenuissimis profluxêre principiis; quæ neglecta, nulla postmodum arte reparanda damna attulerunt. Nec mirum à tam leuibus subnasci maxima: serpunt enim mala, & dormientibus nobis, ignauo que quodam somno illisis, succrescunt tenerrimi frutices in arbores



arbores ingentes, quæ superbo postmodum vertice de robore suo gloriantur, despiciantque infra se posita.

Nec inter parua hæc numeranda, à quibus ad maxima decurritur, ad immania vocationum præcipitia, ad carnem & sanguinem, & omni ordini erubescenda. ita tenuis nubecula, solis prospectum adimit: & parua paruis innexa animum densa caligine cingunt, prospectumque ut meliorum, ita & periculorum adimunt. Sanè à scintilla neglecta ad humilem arenam nobilissimæ prostratæ iacent ciuitates, è leui vulnere & morbo, frequentes magnorum mortes. & non gutta cauat lapidem? tam mollis elementi pars minima saxa & rupes. & stillicidia rara tectorum, ferrum & chalybem, & durissima quæque marmora, ferro non raro imperuia, exedunt.

Iam quàm magna è minimis prostrata iacent? à tineis & blattis emedullantur robora. & minimum animal, fluctuum rabiè, ventorum sequitiam, & nauium ludit magnitudinem. à cuniculis & formicis vrbes euerfas legimus. crocodilum ichneumon inte-

rimis, basiliscum mustela, bufonē araneus,  
& ab imbelli populo & sudibus armato in-  
gentia armata agmina internecone deleta  
sunt. Eua in vno serpentis alloquio perit, A-  
dam in Euæ? inde in omnem posteritatem  
vnus pomi improbitas transit: & pereunt  
tot millia quæ totius paradisi nec cespitem  
nouerant. in vno mulieris aspectu cadit Da-  
uid, leones & vrsos & Goliadas assuetus  
sternere; in Dalila Philistæorum terror vi-  
ctorque Samson, in variis Salomon. pietas,  
fortitudo, prudentia, qualia nulla ætate, in  
femina iacent. & non nobilissimi ductoris  
felicitatem vna Iudith stitit? & quantula res  
mulierculæ aspectus vnus, familiarior ser-  
mocinatio vna, curiosior non casti penicilli  
intuitus vnus, impurior calamus, lasciuior  
cantus, mollia verba? & tamē in omnem ex  
his ætatem bella retulit non vnus, & intulit  
sepulcro vulnera, ab vno curiosiore oculo-  
rum iactu, vna in omnem vitam pœnitenda  
lasciuioire lectione, vno leui infeliciq; con-  
tactu. Dictum verè Curtij li. 6. *Nil tutò in ho-  
ste despicitur: quem spreueris, valentiorē negligē-  
tia facies.* Quarta deinde, ac quàm valida res  
ē mi-

è minimis exsurgunt? è tenui lino ingentia licia, è minimo semine ingens arbor exoritur, è zizaniorum vna aut altera plantula neglecta totus siluescit ager. & quid inualidius stramine & serico adnecte, & nullis viribus confringes. è minimis arenis ac lapillis quanti surgunt montes, vastissima palatia, superbissimæ moles, cellissimæ turres? quæ iisdem quibus steterant artibus euertes. minimorum aggestione steterunt, minimorum ablatione corruent, & quàm tenuibus initiis ad summam erigimur eruditionem? è minimis elemētis, è mutis inanimatisq; vocalis. è paruis etiam opibus ad auri talenta, è plebeio sago ad orbis imperia.

Te pescit in his paulatim Religionis ac instituti sui amor, dum ea negligunt quæ proprii instituti sunt, & per quæ magis etiam, quàm à maximis, ab aliis distinguimur. Votorum namque obseruationes & violationes, cōmunes omnibus reperies, si votorum vim robúrque spectes. minora reliqua licet sint, tamen ab his discriminibus & ornamentis, reliquorum discrimina nascuntur. Et ferè qui vocatione deserta, sæculum



petierunt, à minimorum neglectu ac contemptu in ceperunt, à quibus pedetentim ad extrema venerunt. Verus dictum: Nemo repente factus est pessimus. nec solet humani generis hostis ad immania quædam scelera Religiosum primo impulsu propellere: paulatim, ac quasi non sentiētem ducit ad præcipitia; è quibus fera sæpe penitudine vetera respectantē ad malorū profunda derubar.

Tepescit perfectionis desiderium, incredibile enim est quantum leuiora hæc profectum ornatumque secum trahant; vt si quis in veste aureas hinc inde licet minutas stellas interspergat, venustiore lōgè dabit, vt credas aliam ab illa priore: ita in Religioso, minimorum obseruatio magnum decus splendoremque adfert, vt toto cælo alium horum obseruatorem putes ab eorum violatore, & tanquam alienæ militiæ, ductorumque diuersorum stipendiarios.

Tenebescit deinde paulatim his quasi nubibus, obtegiturque mentis nostræ lumen; & obscurantur animorum radij, quibus ductoribus ad virtutum summa ducebamur, collustrabamurque in perfectionis semita.

Labascit etiam amor Dei, diuinarum-  
que rerum, dum paulatim abducimur à  
perfectiōis studio; tædet laboris, minora  
errata, leuioreſque offeſſiones nihil faci-  
mus. Non ſunt amantiſigna ſolis mortem  
inferentibus terreri, & auocari ab amati of-  
feſſione: ſigna ſunt in amore languentiſac  
repentiſ. Nam quiſhic amor, promiſcuè nō  
tantum offendere amatum, ſed prona vo-  
luntate ferri in haſ offeſſiones? Sanè nemo  
negare poteſt, diminutioneſ hîceſſe amo-  
rum, tantoque plureſ, quanto in pluribuſ  
transgredimur, & deſſectimur ab iis, quæ il-  
li amica & accepta ſunt. Quiſquiſenim a-  
mat, ſi verè amat, minimam amati vitabit  
offeſſionem, & ſæuiorem morte omnem a-  
mati offeſſam æſtimabit: adeoque ferrum  
antè & ſecureſ patietur, ac in medioſ etiam  
deuolabit igneſ. miteſ flammæ ſunt, dulce  
ferrum eſt, ſi in eum locum deductum ſe vi-  
derit, vt aut offendendus amatuſ, aut illa e-  
ligenda ſint; oculoſque ſuoſ in amati oculoſ  
deſert, in illiſ habitat; illiſ teſtibuſ, iudi-  
cibuſ, præmiatoribuſ reſ omneſ peragit;  
diſplicere ſi quid ſenſerit, mortem antè de-  
o 7 liget,

liget, omni offensa mitiorem.

Quare quicumque Religiosus vero fertur in Deum amore, eum vocationis suę auctorem ac ducem, etiam in infimis quæret in quo placeat, fugiet in quo displiceat. ac instituti solius amore, si verè amat, nihil patietur negligētia sua effugere, nihil intepescere: ac quadam illius quasi zelotypia tactus, minima maxima arbitrabitur, & ab illis deflexisse, à magnis aberrasse putabit.

Nec diabolus Religiosum primo aggressu in magnis perit: scit se repellendum. à minimis paullatim ad ingentia præcipitia ducit, sera in lapsu pœnitentia. suadet Eremitæ pascere gallinas, inde gallum, tertio ancillam quæ nutriat, tandem in illa lapsum. Sed neque quisquam à Religione cecidit, è tam nobili celsoque vertice ad profunda valliū, qui non per minima delapsus sit. nec præcipitia timuit qui in minimis stetit. & vt nemo repentè fit optimus, ita nec pessimus. gradatim & per minima ad illa exurgitur, ad hæc descenditur. ita rapidissimi torrentes, vastaque flumina, à lentis minimisque fontibus, ingentia maria à non magnis flumi-



minibus enascuntur. vt verum sit illud Gregorij in Past. par. 3. Hoc agit sentina latenter ex-  
crescens, quod patenter procella scuiens. & minuta  
sunt quæ erumpunt in membris per scabiem vulne-  
ra, sed cùm multitudo illorum innumerabiliter oc-  
cupat, sic vitam corporis, sicut vnum graue infl-  
ctum pectori vulnus necat.

#### Remedia.

**C**Um natura sua facillima curatio mini-  
morum sit, neglectus tamen difficilli-  
mam illam facit. sit enim vt, cùm minimis  
indormiamus, ac extra metum in illis verse-  
mur, à neglectu tanta incrementa sumant,  
vt antè perimant quàm metum incuriant. &  
licet non rarò à tepore spiritusque quodam  
languore neglectus hic proficiscatur; à su-  
perbia tamen frequenter originem trahit.  
quasi indignum sit virum doctrina ac pru-  
dentia clarum, talibus alligari. quæ res cùm  
ad præsumptionis præcipitia ducat, ingen-  
tium causa malorum est. Sanè non sunt par-  
ua quæ ad interitum ducunt, quæ diuinum  
amorem, vocationisque minuunt, quæ  
que à perfectionis studio deducunt, quæ  
ad

ad ingentia, non longa manu præcipitia ducunt, & ad nullis postea votis lacrymisque emendanda mala præcipitant.

Cogitet neglectum hunc minimorum paulatim ire ad plures, abireque in posteritatem. principiis proinde obsistendum movent prudentes. nec contenti summa cacumina resecasse; ad radices manus securefque admouendæ sunt. nisi enim ad viuum rescindantur, ac in semine suo euellantur, cum fœnore repullulascent mala, & agrum alioqui fœcundum, tanquam injecta manu occupabunt. Nemo igitur prudens malorum initiis ignoscet, secutura verebitur, & ventura mala in radice cōscindet. tutò hoc fit, nec magno molimine, cū tenero adhuc frutice leui manu spurium germen euellitur. in quo, vbi adoleuerit, expugnando ignibus & securi opus est.

Cogitet deinde de omni verbo otioso reddendam rationem. grauis omnino res cū minimorum transgressio reuocanda ad iudicium Dei est. iam vtdamnatio in violatoribus, ita præmiatio in obseruatoribus consideranda, præmiator enim Deus, non  
quanta,

quanta, sed ex quanto res proueniant in-  
tuetur. Hinc illud Mat. 25. *Euge serue bone &  
fidelis, quia super pauca fuisti fidelis, supra multa  
te constituam.* & illud Lucæ 19. cap. *Quia in  
modico fuisti fidelis, eris potestatem habens super  
decem ciuitates.* Magna paruorum merces; vt  
ingens in transgressore paruorum pœna.  
cùm qui talentum domini suffoderat pœ-  
narum metu, audit: Mat. 25. *Inutilem seruam  
eijcite in tenebras exteriores: illic erit fletus & stri-  
dor dentium.*

Seria hic adhibeantur minimorum exa-  
mina, vt capiamus (Cant. 2.) *vulpes paruulas  
quæ demoliuntur vineas.* in magnis enim vix o-  
pus monitore. à subdolis & ex insidiis irruē-  
tibus cauendum. & sanè non facile labetur  
in magnis, qui parua studiosè vitat. quid?  
quod qui parua vitat cauētque ne in his of-  
fendat Deum, ne Ordinum statuta trans-  
grediatur, ingētem Dei & vocationis amo-  
rem ostendat. Et sanè nemo filius in oculis  
piæ matris patrisque, nemo seruus in oculis  
domini & regis, nemo reus in oculis iudicis,  
etiam in paruis delinquit: nos in oculis ma-  
gni Patris, Domini, Regis, Iudicis, Dei,  
quid



quid facere deceat?

Seriæ etiam Superiorum monitiones, & pœnitentię; ita tamen vt ne nimum frequẽtentur, ne quasi in consuetudinem vertantur, ac tandem in contemptum: rariora proinde in hoc genere placent magis, sed quæ pondere suo premant. secreta seriâque adhibeatur monitio: periculorum malorumque impendentium metu, exemplisque aliorum, qui ab his principiis ad extrema deuenerunt, terreantur: dedecore etiam proposito, cùm indignum sit illum qui sæculo opibusque contemptis, calcata carne, dignitates spreuit, ab his minimis vinci, dextramque, ac victoriæ signum tam leuibus præbere: quæ cùm in virum, vereque Religiosum inciderint; non magis illum lædere, quàm illi sa tectis grando consuevit. & ferè qui in paruis se virum ostendit, is non tam animum quàm maiorum sibi materiam ostendit defuisse: maioribus etiam animis ad hæc procururus; vt à quibus scenam mercedemque sperabit ampliorem.

Vt amur iisdem artibus quibus ad lapsum diabolus. è minimis ad maxima ducit, ad  
im-

immania scelera; è minimis nos etiam abducamur ab illis, ducamur ad virtutem. certè minimorum cura & studium ab imminenti non rarò nos exitio tueri solet. ita sūma libidinum proritamenta, minimarum regularum cogitationibus propelluntur. nec alia re. certius tutiusque aut tentatio fugatur, aut inflammatio tanquam iniecto flumine extinguitur, aut commotio quantumvis valida sedatur, quàm variarum minimarum rerum ab illis remotarum seria cogitatione; vt obiectorum fortuitò capillorum, asserum, tignorum, fenestrarum, similiūque rerum leui ac transcurforia enumeratione.

## CAP V T VIII.

*Silentij transgressio.*

**Q**VANTA è loquacitate, liberáque quidvis quouis loco effutiendi licentia, mala vereri debeamus, nemo ignorare potest; cū paulatim ex hac silentij transgressione, à vanis ad nocitura decurramus; minúsque iam circumspecti negligentioresque

resque verborum nostrorum obseruatores, facile etiam apud externos in penitenda labamur. Neque enim modum adhibere currenti, ac per præcipitia prolabenti facile est: nescit enim finem sui, qui labitur, donec per infelices circumuolutiones deponitur potius, quàm cōquiescat. Idem in hoc linguarum procursu reperies. facilius vniuersim sistitur, quàm vt in medio prolapsu reprimatur. assuesce silentio, etiam cum voluptate taciturnitatem coles: assuesce fabulis, cū mœrore linguam continebis. tantum in vtramque partem assuetudo valet.

Ac vbi paulatim inter domesticos creuerit hoc malum, nihil tam sanctum est, quod in sociorum sinum non diffundatur. nascitur quiduis effuriendi libertas, secretum res postulet, an secus; damna ex euulgatione secutura sint, an bona, iuxta habetur: dixisse enim, terminus est, vt quæ voluuntur corporum, iacuisse.

Assuetus deinde animus quiduis profundendi libertate, nihil, nec externis quidem clàm facit; amici illi, an inimici sint, pro eodem habet: neque enim personam intue-

tur,



tur, sed effutiendi quod concreditum illi erat, libidinem. Scitè Sapiens Prou. 25. *Sicut urbs patens, & absque murorum ambitu, ita vir qui non potest in loquendo cohibere spiritum suum: Greg. Past. p. 3. cap. 15. quia enim murum silentij non habet, pater inimici iaculis ciuitas mentis: & cum se per verba extra semetipsam eijcit, apertam se aduersario ostendit. quam tanto ille sine labore superat, quanto & ipsa quæ vincitur, contra semetipsam per multiloquium pugnat.*

Itur deinde ad mulierculas, & huic tam prodigo omnis secreti sexui domestica committuntur, ac cogitata etiam propè scelera; plusque illis iam creditur quam Superiori, quam Parenti: quibus tacuisse, crimen est; maximè dum inter socias mutuo prouocamento quidquid reconditum erat, produnt in amicitia quoddam pignus, nouique fœderis testationem.

Sequitur deinde ex hac prona locutione noxia in omnium mores vitamque curiositas, cum mens confabulationibus assueta, destituta proprijs, aliena quæ narret quærit. si obuia desint, intima scrutatur, & nunc per ambages, nunc dolis & astu, nunc aper-

apèrto cèlo profunda rimatur: nec quidquā  
tam abditum, quod horum oculos aures-  
que fugiat: & dum gloriam quandam à no-  
uarum rerum narrationibus venantur, nihil  
ne in amicissimo quidem intactum relin-  
quunt: & cū vera defint, ad vanum suspi-  
cionum suarum campum decurrunt, & in  
alieno agro, etiam hyeme media, quod do-  
losa metant falce reperiunt; mendaciis, cū  
veris destituantur, diuites. inde plenis iam  
plaustris, aliorum fama prostituitur, & ille  
ingeniosissimus habetur, qui de suo quā  
plurima in alieno reperit, & mendacio, tan-  
quam peregrina veste eiusdem contubernij  
focios induit; fitque dicendi quodam vsu  
ac consuetudine, vt falsa pro veris habeant;  
non dicta, non facta vsuam pro indubitis  
testatísque narrent, nec mendacium sen-  
tiant mendacij auctores. abiit nimirum in  
naturam, & laudem etiam sperant ab inge-  
niosā criminatione. ita in aliena fama & fā-  
guine natant hæ linguae, postquam silentij  
semel frenis laxatis, vicina proterūt pascua,  
proculcant nemora; improba linguarum  
falce, flore sepè medio, spem annorum mul-

torum demetunt, ter impij, in Deum, in socios, in Religionem, ac in salutem etiam proximorum, quam barbara hac libertate euertunt, dum fidem noménque eis adiungunt, à quorum æstimationis integritate plurimorum salus pendebat.

Variarum etiam in oratione distractionum occasio sequitur; cum mens tam variis onerata, ægrè se ad orationis quietem componere potest. occurrunt audita, narratàque; & quidquid imbibit curiosa in alienos mores inuestigatione, non supremis tantum natat labris, sed suprema cordis occupauit: vt dum mens orationem meditatur, importuna hæc suggestione aliò eam vocent, & ad se trahant. nec potest facile animus tot dictorum auditorumque lusus speciebus, ad meliora se conuertere, aut supra hæc sese erigere, tanta illorum mole oppressus. Contingitque non rarò, vt nullo fecundius tempore narranda nascantur. fertilis nimirum in talibus area est orationum tempus: hîc suggeruntur, quæ alibi ignorantur: hîc inueniuntur abdita, & sociorum effodiuntur thesauri, imis sæpe defossi pectoribus.



bus, densissimisq; tecti ac damnati tenebris. tantum potest inimicus homo, & consuetudine improbitas firmata.

Denique Religiosus, à quo merito perpetuam cum Deo coniunctionem exigas, totus ab illa auertitur, & in vana, ac nō profutura, noxiāque etiam profunditur. Nescit mens inhaerere Deo, sui Deique per fabulas prodiga. ignorat cum Deo coniunctionem, quæ solitudinis amica non est, cū illa in omnia se profundat temerario ausu: neque potest coniungi Deo, quæ tanta vanarum narrationum congerie disiungitur, neque tanta vanarum rerum varietate cincta, erigere caput potest, aut cælestibus inhaerere, quam narratarum auditarumque rerū maria oppresserunt, absorbuerunt fluctus. Nō fert æmulum Deus; aut amari solus vult, aut amari non vult. quantumque coniungeris aliis, tantum ab illo disiungeris. vis illi coniungi, pelle quidquid te disiungit, quidquid alteri iungit. Inter potentissima, quæ te cōiungunt alteri, loquendi quardam prodigalitas est, & narrandarum rerum curiosa inuestigatio: amat enim hæc, quicumque studiosius

diōsius his incumbit; quātūmq̃ hæc amat, tantum ab amore illius decedit; quantum accedit Deo, tantum ab illis recedit: nec alias, quā diuinas narrationes nouit, quisque Deum amat.

Quemcunque ergo videris propensum in aliarum rerum narrationes, cogita res illas amare, Deum non amare: nam si amaret, plenus diuinis esset narrationibus. profunditur enim quisque in ea quæ amat, vt animo, sic ore: non profundi, non amare est. & ea amantur, in quæ quis profunditur. Nescit amor mentiri, vt nec tegi. prodit se ignis, & amorem suum loquitur.

Sed neque magni quidquam sperari ab eo potest qui pronus in hoc vitium est, nec quidquam Religioso dignum. vt meritò dicat Apostolus Iac. c. i. *Si quis autem putat se religiosum esse, non refrenans linguam suam, sed seducens cor suum, huius vana est religio.* Comitatur enim hoc vitium detractio, secretorum violatio, muliebris inconstantia, sæculi mores, imprudentia magna. vt meritò Sapiens Eccli. 5. *In multis sermonibus inuenietur stultitia.* & alibi Prou. 29. *Vidisti hominem velocem ad*

loquendum, stultitia magis speranda est, quàm illius  
 correptio. sed neque diu immunis à peccato  
 talis esse potest: Prou. 11. In multiloquio enim  
 non deest peccatum, qui autem moderabitur labra,  
 prudentissimus est. argentum electum lingua iusti,  
 cor autem impiorum pro nihilo. Et Eccli. 20. Qui  
 multis utitur verbis, ladet animam suam. hinc illa  
 monita: Eccli. 3. Indisciplinata loquela non as-  
 suecat os tuum, est enim in illa verbum peccati. &  
 alibi: Prouerb. 4. Omni custodia serua cor tuum,  
 quia ex ipso vita procedit: remoue à te os prauum,  
 & detrahentia labia sint procul à te. atque hinc  
 illæ etiam preces: Psalm. 140. Pone Domine cu-  
 stodiam ori meo, & ostium circumstantie labiis  
 meis. & alterius: Eccli. 22. Quis dabit ori meo cu-  
 stodiam, & super labia mea signaculum certum, vt  
 non cadam ab ipsis, & lingua mea perdat me? ma-  
 gni Regis magnum votum, vt meritò in cla-  
 met: Eccli. 14. Beatus vir qui non est lapsus verbo  
 ex ore suo, & non est stimulatus in tristitia delicti.  
 Prou. 21. qui enim custodit os suum, & linguam  
 suam, custodit ab angustiis animam suam, neque  
 hoc mirum videri debet, cum, Prou. 18. mors  
 & vita in manu lingue sint; Iac. 3. inquietum om-  
 nino malum, plena veneno mortifero. & verbis  
 pau.



paucissimis omnia complexus male est: *Lingua ignis est, vniuersitas iniquitatis.*

*Remedia.*

**P**oenitentia transgressoribus imponatur. In inueterata verò libertate loquendi qui longius progressi sunt, remoueantur, etiam à communi recreatione; vt vel hac pœna discant moderari linguam.

Cura in Superioribus, vt recreationes religiosè transigantur.

Aliquorum, etiam primorum, maximeque spiritualium excitatio, qui reliquos in religiosa recreatione præeant, ducesque sint ad linguarum moderationem, moneantque etiam, maximè exemplo, si quis ad alia deflexerit, minusque religiosa miscuerit, præscindendo omnem eiusmodi narrationem, aliamque magis instituto consentaneam substituendo.

Seria in conscientiaë examinibus inuestigatio causæ erroris huius, periculaq; ac incommoda recensendo, præcauendo, cum firmo seriæ emendationis proposito, cum profunda, & non perfunctoria diuinorum

verborum discussione: Matth. 12. *Omne verbum otiosum quod locuti fuerint homines, reddent rationem de eo in die iudicii.* Addantur in omni hominum genere, damna ex hoc vitio nata: quorum frequēti commemoratione reprimat effusam hanc libertatem, quam sola sepe pœnitentia sequitur; cū emendari tam calidè effusa, ac in extremis labris, non in corde fabricata, non possint. neq; enim retrahi dicta possunt, aut indicta dicta semel haberi. & manet nō rarò offensio æterna, ex improvida paucorum verborum effusione nata. Accedit ferè in hac quidvis effutiendi libertate, quidquid in meditationibus orationibûsq; magno studio collectū erat spiritus boni, effundi ac euanesce. vt meritò vir Religiosus omnem expellēdo hoc vitio conatum adhibere debeat, certus magnam silentio prudentiæ opinionem colligi, magnam in humanisq; diuinisq; prouidentiam, raros in pœnitenda lapsus, rarissimas aliorū offensiones, magnā modestiæ famam, magnam cum Deo coniunctionem, altam internam pacem, omniumque virtutum vberem fecundāque per omnia messem.

## CAPVT IX.

*Aberratio ab instituto in rebus pijs.*

**G**Ravis error, eoque maior, quo sub pietatis prætextu fallit insequentem, ducitque Religiosum sub boni specie ad instituti sui alienissima: neque enim quia in se bona, ideo omnibus amplectenda sunt. quanta medicamenta multis fuerunt noxia? Et quis potest grauior error in humanis esse, quam omnes ad eadem cogere, iisdem fouere & pascere, iisdem mederi velle, eadem munia & onera, remedia eadem præscribere? Nullum propè vite genus est, in quo non reperies aliqua laudanda; non tamen ideo imitanda omnibus. Nullum Religiosum institutum, in quo non plurima videas admirationem decusque merentia: non tamen omnia ad omne institutum traducenda. Nam cum discrimina necesse sit esse Religionum variarum; confundit ille decorem, quem in hac varietate grata memoria decurrimus, quicunq; omnia ad omnes transferre conatur. Suos cuiq; limites præscripsit dictauitque Spiritus sanctus, suis iussit mo-



ribus contineri. non transgrediamur hæc  
 cælo data in primis Religionis parentibus  
 monita, ne plus aliquid, & supra cæli pru-  
 dentiam sapere videamur: Hinc illa Sapien-  
 tis monita: Prou. 22. *Ne transgrediaris termi-  
 nos antiquos, quos posuerunt patres tui.*

Nobile institutum est SS. Augustini,  
 Benedicti, Bernardi, Norberti, Dominici,  
 Francisci; sed sua cuique stat gloria, orna-  
 menta sua: quæ si quis in agrum suum trans-  
 ferat, erret. neque enim eadem fert omnia  
 tellus. alia atque alia pro regionum terra-  
 rumque conditione, spera. omnia si omni  
 loco cogites, falleris: vt iam è locorum va-  
 rietate rerum discrimina enascantur; illa ca-  
 lido, illa tepenti, frigido etiam non pauca,  
 humido plurima; sunt quæ sicco gaudent  
 solo. Eadem propè reperies in variorum  
 Ordinum situ vario, Spiritu sancto semina-  
 tore, rigatore, fotore & altore.

Quare vt grauiſſimus sæpe error eſſet, ex  
 aliena republica in ſuam leges velle trans-  
 ferre, cum alias atque alias diuerſi homi-  
 num mores, ingenia, loci conditio, aliaque  
 id genus poſtulent; ita grauior etiam error  
 foret,

foret, ex aliena Religiosa familia decerpere ea velle, quæ in tuam transferas: cùm fere ita inter se connexa sint omnia, vt qui vnũ loco mouerit, plurima mouere cogatur, magnamq; illius partem veteri decore suo spoliare. Quod si noua aliunde euocata ac mutuata inseruerit, in vno consistere non poterit; sed ad magnam receptarum antè, longaque annorum experientia probatarum rerum mutationem compelletur. quo fit, vt alia iam respublica videri merito possit, priore forma mutuatitio hoc colore deuultata: imò monstrum è differentibus coagmentatum; vt si quis è variarum gentium vestibus moribusque vestem vnã, rempublicam vnã statuatur, si quis è variis animantibus animal vnũ, equino capite, bubulo pectore, ceruinis pedibus, elephantis proboscide.

Et persuadere sibi quisque debet, quidquid à primigenio spiritu degenerat, ruinæ proximum esse. transit enim quasi in aliam familiam, ad aliena castra, ad alienas aquilas, alteriusq; ducis imperia, quisquis moribus alios proficitur, alienisq; induitur armis;

vt non immeritò militem credas. alieno sacramento obstrictum. Sanè aurigæ fortiter orbitæ insistant. nam vt vicinior planicies sit ac planior, fors tamē ea ducet ad saxa, ad dubios exitus, ad inuia. prudentissimus turissimis notisq̃ue inhæret; temerarius incerta amplectitur, & per ignota decurrit. sapiēs trita incedit semita; per inuia viam sibi sternit imprudens.

Nec minor illorum error est, qui non ex alieno agro, sed è cerebro suo nouè inuenta, quia pia, quia ad salutem aliorum, traducunt ad vitæ genus suum, degenerantes à maiorum placitis, & non pauca attextes nobili Religionis suæ vertici, quæ nulla retro nouit ætas. Non sunt hæc viri prudentis, & instituti sui amanti: sunt proprio iudicio fidentis, & de suo cerebro nouum institutum fabricantis. tales enim cū paulatim suos à maiorum moribus abducant, adducantq̃ue ad suos, ad aliud vitæ genus suū, non maiorum transferunt; vt ignari propè rerum, aliam omnino à maioribus faciem paulatim introductā ingemiscamus: quàm eò difficilius eluimus, quò quæ sub pietatis



prætextu immissa sunt, altius resederunt.

Et sanè tales aut ignorantia rerum suarū labi necesse est, aut ambitioso nominis sui fastigio, aut quadam proprii iudicii pertinacia, aut denique imprudenti spiritualis profectus zelo. quidquid dixerimus, non levis culpa est. Nam siue tam ignarus rerum sit, vt quæ stabiliedæ Religioni necessaria sunt, ignoret; siue veteris pertæsus nominis, ad nouum nouo fastu cogitationes flectat; siue nimia sui fiducia, longiùs quàm par est in nouarum rerum delectu prouehatur; siue fatuo denique zelo feratur in aliena, domestica fastidiens, lata vbique culpa est, nec excusationi locus.

Dæmonum ferè fraudibus obnoxij sunt, qui suo fidentes iudicio, noua sibi placita commentantur, facti sibi ipsis legislatores ac magistri. quibus ferè contingit quod ægroto, peritissimorum medicorum manum negligenti, deque suo cerebro medicamenta sibi in interitum commentanti: quodque secundo prosperoque vento nauiganti, sed aliò vela vertenti, factus sibi ventus & infelix exitus. Et sanè periculi plenissima res, à

maiorum placitis tot lacrymis rigatis; tot sanctissimorum virorum moribus comprobatis; recedere; aut de suo illis post tot magnorum testata exempla, addere aliquid aut demere. magna sanè in hac re circumspeditione opus est. Solet enim diabolus illos imitari qui sapidissimis quibusque rebus venena miscet, quo facilius incautos in errorem & interitum trahant: vt sub bonarum rerum prætextu, ac perfectionis studio, in immania præcipitia trahat. neque enim quæ apertam malignitatem improbitatemque continent timentibus Dominum propinabit; scit enim se repellendum, nec quisquam palam porrecta venena prudens haurit. sed electissimis intersparsa inscius transmittit: vt dum avidus in cibum fertur, mortem celerius accersat.

*Remedia.*

**O**ccurrendum proinde est huic malo ingenti conatu, & ad viuum rescandē malorum radices, ne pullulent in interitum sementis bonæ. Cautè etiam prudenterque inuigilandum huic malo, ne grandi paulatim auctu occupet & depascat intima;

eoque maiori prouidentia opus est, quo sub prætextu ac specie boni trahimur in nocitura, & interitum de propinquo sub amica specie iaculantia.

Accedat frequens lectio eorum quæ instituti propria sunt. plurima enim ab instituti ignoratione nascuntur ab eo aliena.

Amoris instituti sui prouocatio. neque facile ab eo aberrabit, qui illius affectum aliter in animum immisit: hinc ille, antè propositis ignibus in illos insiliet, quàm ab instituto deflectat.

Nihil nouè instituere, sine seria & repetita in arduis deliberatione, ac ne in tenuioribus quidè, quidquàm è voluntate sua aliis incòsultis statuere: nec minùs suspecta habere diuersa à maiorum & instituti moribus, quàm vestem Ordinis & instituti alieni.

Suspectissima omnia habere, quæ aliorum ab instituto deflectunt, aut à maiorum semita recedunt: etiam in optimis, quæque magni speciei præ se boni ferunt, si peregrina sunt, neque domi nostræ nata, nec Religioni consueta, timidè ac lentè procedere, ac non nisi matura grauique non vna præuia



deliberatione, idque cum iis qui & intelligentes, & instituti amantes sunt: sæpe apud animum suum voluendo, quò hæc tēdant, quò ducant euntē; quid sperari ex his, quid timeri possit; à quo spiritu nata: subita, & tanquam à musto. è torculari adhuc spumantia, aut ab igne calentia sint; an vero à maturæ seriæque meditatione, maiorumque placitis promanantia.

Iuuabit in primis nihil, quod nouitatem quoquo modo redolet, aggredi inconsulto Præfecto spiritus, multa que ad Deum prece, & sacrificiis præmissis.

Frequens etiam consideratio finis ad quem vocati sumus; à quo aberrasse, ab omnibus aberrasse est. qui verò à mediis ad illum ducentibus aberrauit, à fine decessisse arbitrandus est. facit hoc quisquis à præscriptis in Religione mediis recedit.

## C A P V T X.

*Auersio aut vniversim ab instituto, aut aliquibus instituti propriis.*

Quæ

**Q**UÆ res extrema ruina proxima, & periculi plenissima est, & ferè à superbia nata; cùm quis iudicium suum auctoris instituti, totque magnorum in Religione virorum, decretisque Pontificiis præferat: aut certè à desideriis commodorum corporis proficiscitur.

Hinc videmus eos qui aut carne, aut nominis sui gloria pulsantur, cùm desperauerint ea in Religione consequi, paulatim ad instituti derogationem descendere; vt hoc quasi pallio vitia sua tegant. Sanè vbi inceperit animus se his irretire, singulaque institutionis suæ, humano sensu suo, non maiorum placitis, non tantorum annorum confirmationibus, non maximorum Deoque gratissimorum virorum comprobationibus discutere; non multum ab extremo periculo abesse potest.

Desipit deinde huic, non prima fronte tota vniuersum instituti ratio, sed vna alteraue constitutio, regula, Superioris ordinatio; inde serpit hoc malum ad plura, ac deinde corporis totius iugulum petit.

Nascitur deinde in hoc ab omnibus im-

peratis animi quædam alienatio, & tanquã febrî detentis, occupato semel palato ab humore febrili acido, dulcissima amarissima videtur: ita hominis illius obsessa semel mente ab instituti auersione, acescunt omnia. & quæ antè mollia & suauia, rationique ac diuinis consiliis ac placitis consona videbantur; ea nunc dura & aspera, & à diuinæ voluntatis decretis remotissima censentur.

Plena deinde hæc res periculi est, cum ferè eiusmodi quærant aliquem ingenij sui, cui paulatim instillent hæc venena; serpitq; hæc res non magno negotio per plures, viresque acquirit vniuersæ Religioni noxias. & ferè magis coalescunt ingenia hac similitudine tacta, mutuoque se firman't & exacuant, quàm probatissimorum quorumcunque mentes. ita ad oppugnationem, quàm ad tuitionem natura proniores sumus, & pessima quæque, maximeque noxia impetu feruntur maiore, miscenturque tanquã fatua quadam circumuolutione, secumque trahunt, quidquid solidiore fundamento caret. si quid radice tenuiore fecundo Religio-



igionis solo infertum, siquid optimæ illius  
arbori leuius inculcatum, siquid trunco su-  
perficiem tantum radat, id omne non ma-  
gno impulsu corruere necessum est. Quare si  
quem hi deprehenderint aut commodis su-  
is studentem, aut obediētiæ iugum reiectan-  
tem, aut porui ciboque potentiùs addi-  
ctum, aut carnis illecebris proritatum, aut  
in mulierum familiaritatem propensio-  
rem, aut laudis gloriæque suæ sectatorem, aut  
magnorum familiaritatibus inhiantem, aut  
orationis studium fastidientem; perfacile in  
sententiam suam pelliciunt, & ab his initiis  
ad vniuersum institutum conuellendū per-  
trahunt. Nec difficile est tales inuenire, qui  
in aliquod vitiorum horum proniores sint,  
reptosque in omnem partē flectere, ma-  
ximè si accedat accuratior regularumq. ob-  
seruantior Superior, qui non parcat, nec  
impunita in illis delicta transeat. hinc enim  
animorum commotiones, exacerbationes,  
querimonia, oblocutiones nascuntur. Com-  
modum proinde turbandæ rei tempus na-  
cti priores illi in sæuas propellunt tempe-  
states hæc maria, arentibusque his lignis  
flam-

flammas ignesque subiiciunt. & à minimis saepe scintillis ardet domus tota: à non potenti flatu, non in iras tantum minasque, sed in furores insurgunt hi fluctus, secumque non raro in interitum trahunt domum totam.

Euitabit has flammas, venena, pestes, quisquis Deum, quisquis Religionem amat: fugietque tanquam insanos scopulos multorum in Religione mortibus nobilitatos.

*Remedia.*

**C**Ausæ inuestiganda, è qua nimirum radice germina hæc pullulent: illa enim semel resecta & euulsa, reliqua nullo impellente corruent.

Fiducia etiam in illis excitanda, vt fidenter se Superiori aperiant. Beneuolentiis etiam, ac quibusdam confidentiæ demonstrationibus in fiduciam excitandi, vbi se aperuerint, paternè iuuandi.

Veterum etiam, aliarumque Religionum exemplis, rationeque singula confirmanda, dubia excutienda & dissoluenda: in quibus omnibus magna necessum est Superiorem vti patientia; audire lubenter, operam suam  
vltro

ultro spondere, nullum illis aditum ad se negare; rem modò leuare, modò periculorum vororùmque quibus se obstrinxit, magnitudinem ostendere, prout prudens charitas, & patientis constitutio suaserit.

Spiritualibus deinde exercitiis, piorumque librorum lectionibus talis iuuan-  
dus.

Proderit etiam per spiritus Præfectum, aut per alium virum cordatum, cui æger plus fidat, medicamenta malo huic propinare, maxime si quando aliquid alienationis ab ipso Superiore intercurrat; quod ferè talibus euenire solet.

Dispiciendum deinde, an per alium Superiorem æger noster, aut loci mutatione iuari leuarique possit: nec quidquam o-mittendum quod ad latentis huius mali venenum vtile futurum sit. Neque enim malo huic indormiendum, cum ferè magno impetu incrementa sumat, vbi primum hominem occupauerit. Quare nullis hîc laboribus parcendum, frequenter, & in omnem partem versandus æger, nullaque non medicamenta tentanda sunt.

Iuuert



Iuuerit etiam piarum occupationum varietas, à quib. minùs abhorret. Familiaritas etiam illorum, qui in virtutibus magna incrementa fecerunt, & à quibus nullum in hoc hominù genere periculum. Auocatio etiam conuersationis illorum, qui faciles ad hæc mala sunt, minoresq; in instituti amore progressus fecerunt. Communes denique preces, ipsiusq; in primis Superioris, cui ut pastori, hæc cura magis incumbit,

## CAPUT XI.

*Æmulationes, etiam in rebus piis, & instituti propriis.*

**V**T euenire frequenter solet in lectionibus, concionibus, confessionibus, catechizationibus, externorum familiaritatibus, aliisque generis eiusdem; cum paria aut plerumque superiora etiam cogitemus, quæ cum ingenio, naturæque dotibus assequi non possimus, decurrimus ferè ad alienorum dictorum factorumque improbationes, depressiones, criminationes, tanquam si his alienæ famæ derogationibus, viam ad gloriam nobis sternamus.

Nec

Neque res alia Religiosum ad alienarum virtutum, nominisque boni detractiorem facilius deducit. ut non errauerit, qui exitialem hanc Religionum pestem dixerit: nam & virtutibus derogat aliorum, & propria deuenustat ac enervat: nec quicquam iam illi placet, semperque reperit aliquid quod reprehendat, ac in omni re magna tantam miscet acoris ac toxici, ut vniuersam massam venenet, laudéque sua, meritoque decore defraudet. Ingeniosa nimium omnis æmulatio est, nec vnquam ei quod reprehendat, deest: fœcunda damnationis mater, ut si rem non possit eleuare vniuersam, maximam tamen laudum partem detrahat, & ad apertè decurrat falsa, ad manifestas criminationes: & cum vbique talis dictorum factorumque alienorum vituperator ac damnator sit, tum suorum ingens laudator est. Quæ res etiam in rebus magnis fidem ei detrahit: assueti namque auditores narrationum excessibus, nec cum vera quidem narrat, fidem inuenit. Habet hoc nimius laudator sui, ut fide etiam in verissimis careat.

Sed

Sed neque diu latere hæc studia possunt, prodūt se & vulgatione sui, animorum primum alienationes, inde etiam odia concitant, contrariâque studia, quacunque via, proba an improba adiuuanda. Ita æmulationis omnis, quæ superbiæ innititur, cū virtutum media & adiumenta desint, à vitiis auxilia mutuatur, immemor mutuae caritatis, instituti, & Dei. Acutè & verè in hac materia D. Augustin. tract. 32. in Ioan. *Tolle inuidiam, & tuum est quod habeo: tolle inuidiam, & meum est quod habes. liuor separat, caritas iungit.*

Nec inter domesticos parietes se malum hoc continet, decurrit ad externos; ita proditor affectus sui, fit æmulator omnis; causamque præbet cur & externi descendant in partes ac factiones denique: ingentesque aliorum animis dissensionum suspiciones ingenerat, quæ ad vniuersi corporis subuersiones tendunt. Neque Deo, aut gloriæ illius, sed sibi nominique suo æmulus omnis studet; paulatimque ab instituti & animarum zelo degenerans, ad laudes suas commodaque labitur, vt laborum sudorumque suorum finem seipsum sibi statuatur.

Videt



Videt in alio, auditque laudanda? indig-  
natur ringiturque, & aut improbat, aut mi-  
nuit laudem, semperque aliquid solers in-  
uidencia, etiam in laudatissima re quod vi-  
tuperet, inuenit: sapiusque lubentiusque in  
externorum, quam domesticorum procur-  
rit laudes. etiam in hostium religionis ac  
hæreticorum scriptis, quod obseruatum nō  
semel, inueniet quod prober; in domestico-  
rum verò quod vituperet; quasi domesticis  
laudibus aliquid detractum eat suis. contin-  
gitque non rarò, vt quæ externi summa in  
aliquo & admirantur & prædicant, ea nos  
ingenti conatu deprimamus, stupentibus il-  
lis, & admiratione quadam attonitis, cum  
in suos exurgere vident viros religiosos, in-  
uidiaque odioque grauidum pectus æmula  
prodant verba: indeque iam profiliunt fa-  
ma nominisque dedecorationes; fitque vt  
quos Religio laudatores sperabat, vitupe-  
ratores inueniat. Insurgunt nimirum in ma-  
trem filij, cum filiorum vituperationes eant  
in matrem, magno non infrequenter totius  
Religionis damno; cum iudicia hæc pluri-  
mum integra regna peruadant, arbitrentur  
que

que quorundam hanc sententiam, vniuersæ Religionis sensum esse.

Bene in re nostra Gregorius Magnus: Past. p. 3. c. 11. *Quid istis infelicius, quos dum conspecta felicitas afficit, pœna nequiores reddit? aliorum verò bona quæ habere non possunt, si diligerent, sua facerent. sic quippe sunt vniuersi consistentes in fide, sicut multa membra vno continentur in corpore; quæ per officium quidem diuersa sunt, sed eo quo sibi vicissim congruunt, vnum fiunt. vnde fit vt pes per oculum videat, & per pedes oculi gradiantur, ori auditus aurium seruiat, & ad vsum suum auribus oris lingua cœcurrat, suffragetur vëter manibus, ventri operentur manus. In ipsa igitur corporis positione accipimus, quod in actione seruemus. nimis igitur turpe est non imitari quod sumus. nostra sunt nimirum, quæ etsi imitari non possumus, amamus in aliis, & amantium sunt quæ amantur in nobis. Hinc ergo pensent inuidi, caritas quantæ virtutis est, quæ alieni quoque laboris opera nostra facit sine labore. Dicendum itaque est inuidis, quia dum se à liuore minimè custodiunt, in antiqua versuti hostis nequitiam demergantur. Admonedi sunt inuidi, vt cognoscant quantis lapsibus succrescentis exina subiaceant, quia dum liuorè à corde non proijciunt,*

ſciant, ad apertas operum nequitias deuoluuntur. niſi enim Cain inuidiſſet fratris acceptam hoſtiam, minimè perueniſſet ad extinguentiã vitæ. liuor itaque ſacrificij fratricidij ſeminariũ fuit. Dicendũ inuidiſ, quia dum ſe iſta intrinſecus peſte conſumunt, etiam quidquid in ſe aliud boni habere videntur, interimunt. vnde ſcriptum eſt, Pro. 14. vita carniũ ſanitas cordis, putredo oſſium inuidia. quia per liuoris vitium ante Dei oculos pereunt etiam que humanis oculis fortia videntur. oſſa quippe per inuidiã putreſcere, eſt quadam etiam robuſta deperire.

## Remedia.

**D**EVM in omnibus quærere, illũque vnum ſibi laboribuſq; ſuis proponere: nec aliud in hiſ, quàm & illius gloriam, & animarum ſalutem intueri. quod qui conſecutus fuerit, non facilè per æmulationum præcipitia labetur, prudens in ſolido pedem figere, in ſolius nimirum diuini nominis propagatione.

Proderit etiam meminiffe damnorum ex æmulationibus naſcentium, cùm fere nunquam illæ ſine alterius, aut vtriuſque etiam partis interitu, aut ſine graui damno finian-



tur, maximè vbi se illæ prodiderint: tunc enim in apertam itur dissensionem. non desunt auctores alendis his ignibus idonei, donec erumpant in apertas flammæ, in incendia & cineres: nec antè ferè finem faciunt, quàm lata partium tegantur ruina, quæ corpus simul vniuersum in periculorum & damnorum partem trahit.

Inuabit etiam frequens cogitatio præmiorum à Deo repositorum iis omnibus, qui totis animis illi, cui omnia debemus, non sibi nominique suo laborant.

Et sanè miserum est à solâ populari laude præmia sperare, quæ aut cum vita, & plerumque ante illam, finiantur; qualia euenire ab æmulo hoc liuore consueuerunt. Prudens ille est, qui pulso hoc monstro illi vni sudat, à quo æterna sperat, omnemq; aliam cogitationem aliorum ducentem contemnit & calcât, tanquam cælo speratorum præmiorum blattam ac tineam.

## CAPVT XII.

*Amor sui.*

Hinc

**H**INC nasci videmus non leuia mala, murmurationes, impatientiã, parendi difficultatem, cum imperantur quæ minus placent, minusque ex honore suo esse iudicauerit qui hoc malo tenetur; indignationes, etiam & alienationes, grauesque animorum mœrores consequi solent: contemptus deinde aliorum, censuræ graues, detractiois studium, quo quidquid in aliis magnum, deprimunt, vt sua extollant; delectus etiam rerum, muniumque ad honorem spectantiũ; familiaritas cum viris magnis principibusque quæsita; contemptus plebeiorum, operumque vilium; captatae confessiones primorum primarumque quarumcunque, neglectus infimorum: singularitates denique, ac prærogatiuæ in rebus honoratioribus concessiones. Sequitur pœnitentiarum & asperitatum, omnisque mortificationis fuga, iudicii que sui tenax in omnibus sequela, primarumque vbique partium postulatio: ingens denique inquietudo mentis, si quid sentiant detractum gloriæ, si quid non concessum, si frustrata vota, nec expleta in omnibus desideria, quæcunque ea de-

demum fuerint.

Concedit Superior quæ aut honori tales suo, aut commodis idonea arbitrantur? nullus rogandi finis: neque enim modum sibi amor sui statuit, delabiturque indies ad noua; ut vnius rei cōcessio gradus sit ad aliam. accenditurque hoc exemplo reliquis animus ad paria audenda & petenda; ut qui antè nec cogitationes quidem harum rerum admittebant, nunc exemplo moti, tãquam valido vento plenis velis ad similia ferantur; & imitari nunc palàm delectet, quod priùs ut tentationem taciti auersabantur.

Quòd si neget Superior, & abnuat rogata, exurgunt ad indignationes, decurruntque ad dolos & subdolas machinationes, ad intercessores etiam externos: & quasi ultro oblata ab illis, quæ nostris impulsoribus donata sunt, non illubentiùs quàm audacius accipimus. Ita paulatim & paupertatis, & obedientiæ ornamenta detrahuntur; & parte maxima pristini roboris spoliantur ac nudantur.

Est & illud in hac re in primis perniciosum, quòd ferè huius generis homines laborem



borem omnem fugiant, sectentur otia: ardua ne attingunt quidem, aut si tangunt, leui decurrunt manu, & superficiem potiùs radunt, quàm in latentia petant. Nihil proinde magni ab his sperari potest, quæ ferè innumeris difficultatibus, tãquam vepribus, ac densis vndique spinis oblecta sunt. nam vt primùm asperiora senserint, manum retrahunt, & ad mollia flectunt, deliguntque in ignaua potiùs commoditate sordescere, quàm per ardua viam ad magna sternere: aut si quando ad difficilia dexteram porrigant, non extendunt conatum ad maiora, quàm quòd eos honoris ac dignationis propriæ libido impellit: vt nunquam, aut nusquam eos Dei solius, aut Religionis gloria, aut animarum salus, sed proprium decus ad angusta protrudat.

Quæ res cum verè Religionis affectu distare nō potest, atque ita præterquam quòd meritum omne corruat, domesticæ mutæque Religionis amor diu consistere nō potest, aut locum, quem debebat, tenere. Vnde minor iam vocationis amor, auersio etiam, & vniuersim ab illa subductio &

fuga, ac tandem odia nascuntur, & alterius vitæ cogitationes, nausea præsentis, & ingens fastidium.

Atque hinc gratiam venantur externorum, amicos sibi parantes in extremam hæc fortunam, & plurimum deteriorem sexum sibi conciliant, apud quem domesticas etiam querimonias deponunt: quod sexus ille facilius in commiserationem sit, & laxiores affectui habenas concedat, maximè si paribus exciterur. quæ res à periculo longius abesse non potest; accenditur enim utrimque animus, ac tanquam ignes duo, mutuis se exacuunt flammis, celerius perituri, & in cineres dilabendi.

Et nihil in his dein sanctum aut sacrum est, quod non faciles lubentésque prodant, nihilque adeò reconditum, etiam cum alterius; ac non rarò cum Superioris ipsius dedecore coniunctum, quod non vltro profundant, & denuntient illis, quæ nihil arcanum norunt, nisi quod ignorant; quibusque adeò etiam ignorata pro certis vulgantur; neque diutius silent, quàm socia aut auditrice destituuntur.

Nec

Nec quisquam Superior voluntati taliū faciet satis, aut explebit cupiditatem: semper enim in quocunque Superiore quod desiderent aut damnent, reperiunt, etiam in beneuolentissimo viro. omnia enim concedere, impossibile est; pauca verò, imò vnum illis negasse, omnia negasse est: immemorēque beneficiorum prateritorum, ad sola præsentia mentem conuertunt, reliquorum obliti. adeò eos commodorum suorum vota cæcarunt, vt nisi omnia concesseris, omnia negasse videaris: ferunturque in hunc, tanquam in iuratum commodorum suorum hostem.

Sed neque serias vllas monitiones admittunt, non molles ac lenes: ita dum peccare impunè volunt, puniri nolunt: vt nihil reliqui amor sui fecerit, spe propè omnium commendationis adempta, quam extrema quædam salutis ac vocationis præcipitia.

Sequitur indiuiduo quodam nexu amorem sui, ingens ignoratio sui. vt in rebus suis in perpetuis tenebris ac densa vbique nocte ambulent. acciditque his qui hoc vitio tenentur quod phrenesi laborantibus,



qui quo propinquiore mortis sunt, eo se valentiores arbitratur, pereuntq; dum in summa valetudinis bonæ opinione sunt. E quo deinde errore stolidissima sequuntur consilia, audent viribus non imparia tantum, sed & sibi & Religioni noxia. nec remedia sperari possunt, cum & graui teneantur ignorantia morborum suorum, nec monentes admittant. sibi nimirum illi sapiunt, reliquis fidem abrogant: vt omni planè spe careant valetudinis bonæ.

Cumque cæci in suis sint, oculatissimi in alienis sunt. monstro similes. domestica & e propinquo sua non vident, remotissima aliena vsque ad ossium medullas, scrutantur. quin etiam vident in alio quæ nusquā sunt: cum solis suspicionibus in aliorum vitiis oculos habeant, in quorum tamen laudibus oculis carent. si quid lucis in aliis, nihil vident; si quid tenebrarum, vident. noctemq; non rarò in alieno cælo reperiunt in quo plenissima lux est, diemq; in densissima nocte sua vident. ita in nocte diem, noctem in die reperiunt; prodigioso vbique errore. tantum cæcus potest amor sui. minima illi in alio

lio vitia maxima sunt, verruca mons est, pile  
surgētes cælo rupes, festuca trabes, risus ful-  
mina cælo iaculata: in se ingentia criminum  
fata nulla sunt, montesque & superstantes  
nubibus rupes, nullæ sunt. quid? quod vitia  
etiam sua virtutes arbitrentur, infantiam e-  
loquentiam, imperitiam scientiam, fatuita-  
tem prudentiam, morositatem lenitatem,  
asperitatem suauitatem. quo fit vt in grauif-  
simos errores labantur: nemo mirabitur qui  
cogitauerit oculos illos habere toxico sagi-  
natos, ac in alienis inuidia ac odio, in suis a-  
more sui grauidos: febri deinde illos maligna  
teneri. quo fit vt suauia illis amara, mella  
fella videantur: amorisque sui veneno farti  
ac saginati, nil præter venena in aliis vident,  
& cum improbitate ingeniosus hic amor  
est, siquid interingentes aliorum virtutes  
non laudandum later, aranearum more ex-  
ugit, optima intacta relinquit.

Succrescit deinde ex hac improba radice  
amoris sui, Dei diuinarumque rerum den-  
sissima ignoratio. cum enim in omnibus se  
solum, cōmoda, honoremque suū intueatur  
qui hoc malo tenetur, fit vt longissimè ab-

fit à diuinorum consideratione cognitioneque. quòd si quæ cælestia intueatur, non videt ea nisi qua parte commodis illa suis subseruire possit arbitratur. & sanè regitur spissa quadam nebula quicumque hoc vitio laborat, vt cælestis solis radios intueri non possit: aut si quos intueatur, facit eorū more qui per obscuram nebulam, vestigia quædam cælestis luminis intuentur.

Cū verò fiducia sui ab amore sui nata castimoniam sit hostis, fit vt mille se pudicitiae periculis induat, quicūq; plus æquo prudenter suæ innititur. & antè labatur infelix quā damna senserit. cumque commodis suis impensè studeat, delectatur mollibus, & corpori amica auidus amplectitur: effundit se proinde facile in cibum & potum, castitati inimica. accedunt excusationes in omnibus sui, spretaq; prudentium monita. quo fit vt cū in præcipitio steterit, præcipitia ignoret, & antè per inuia infortunatissimo lapsu deuoluatur quā periculū adire se sciret.

Scinditur exinde vniuersæ familiæ caritas mutuaq; animorum coniunctio, qua vna Religiones firmantur, ac tanquam ine-



nodabili vinculo connectuntur. cū enim singuli paullatim hōrum exemplo rebus suis studeant, fieri non potest vt coalescant animi, dum singuli, se suaque commoda, honores, reliquaque præferri volunt aliis: quæ cū mutuo se iugulent perimantq; necessum amorem interire, amicitiamq; penitus omnem ab illa domo exulare. nam nisi omnia probes quæ cæcus amor sui ambit, amicitia collabascit. omnia probare in tanta iudiciorum diuersitate impossibile est, nisi adulatio rebus misceatur, quæ cum germano amore stare non potest. accedit, eos qui hoc malo tenentur, sibi amicos esse, aliis esse nō posse, cum solis rebus suis studeant, aliorum commoda laudēsque ignorent.

Ingressiuntur verò huius loco doli & fraudes, omni candore ac sinceritate pulsa: nam cū regia via ad optata peruenire non liceat, quæruntur anfractus, subdolaque semitæ, & per obscura viarum ad præfinitum animo tendimus. quod si minùs è voto successerit, nec cogitationibus res responderint, suboriuntur mœrores, grauēsque insurgunt melancholiæ, ac non vltima pusillani-

mitas, timorésque, ac ingentes vndique curæ: indèq; extremus quidam lāguor, orationum salutisq; proximorum neglectus, ac vniuersæ vocationis contemptus: nam cū quæ validè animo proposuit, his non consequatur viis, ad alia principia vitæque genera amoris sui congrua, se, cogitationes, studiâque sua, toto conatu conuertit.

*Remedia.*

**E**Xercitatio sui in rebus humilioribus, maximèque in iis, à quibus potissimum horremus, delectusque eorum, quæ in primis auersamur: animo prius per varias huius generis meditationes exculto, & ad viliora ac duriora excitato; proposita sibi humilitatis pulchritudine, vtilitate, necessitate, præmissque virtuti huic à Domino æternū concessis: superbix verò fœditate, damnis, minisq; ac pœnis à Deo intentatis: cælum in Lucifero, & Angelis illius; paradysum in primis parentibus; orbem, in infelici ferè superbiorum exitu; infernum, in miserando æternū arrogantium cruciatu considerādo.

Mutux deinde caritatis per beneficia inuitatio: mutui honoris, maximè in iis, à quibus

bus alieniores sumus, prauentio: honorariorum operum, & quæ plus externi splendoris habent, aliis concessio: difficiliorum, minusque in speciem illustrium arrogatio.

Contemptus in se sui, dictorumque factorumque suorum, præteritorumque criminum memoria.

Sanctorum hîc, maiorumque, ac Christi ante omnia exempla proderunt, si nostra cum illis composuerimus: si quanta Deo, creationis, conseruationis, redemptionis, innumerisque penè aliis titulis debemus, præmiorumque cælo repositorum magnitudinem frequenter considerauerimus.

Proderit in primis frequens cogitatio verborum Domini: Ioan. 12. *Qui amat animam suam, perdet eam: & qui odit animam suam in hoc mundo, in vitam æternam custodit eam.* qui odit, prauas animi propensiones frangit ac domat: qui amat, assensum illis præbet, obsequitur. ille demetit tanquam falce luxuriantes noxias herbas, nusquam parcit, ferro & ignibus sæuit in insurgentem amorem, hoc vno pius, quòd impius sit amori, nec quidquam largitur petenti.



Iuuabit etiam odio quodam ferri in hoc vitium, propositis sibi illis quæ ex hoc nasci consueuerunt. maximè quod nec humana nec diuina, vbi inualuerit, pēsi habeat amor sui. nihil apud hunc sanctum, nullum secretum, nisi qua parte commodis hæc suis seruiunt. pugnāt cum amore sui? violabit omnia, quò amoris suo consulat. Ingens deinde cæcitas amoris socia terrere nos debet. cæcus ad æterna præmia, ad ignes æternos est. nec mortem videt imminentem fors cras, fors hodie. sed neq; finem suum consequitur hic amor sui. laudem quærunt? damnationem referunt. commodis suis student? ferè iis frustrantur. honores venantur? ignominiam referunt. cū gloria fugientem sequatur, prosequentem destituat.

Magnum deinde calcar ad victoriam sui, cogitatio seria iudicij extremi, in quo occultissima quæque nostra retegenda sunt orbe inspectore; mortisq; momento omni dubia incertitudo. & quò mihi in illa hora gloria, opes, eruditio, scriptio, eloquentia, commoda? quis tunc sensus humanarum laudum, quæ utilitas?

Vtile

Vtile etiam fuerit sapiùs animo voluere, quanti nos orbe toto vicerint robore, forma, eloquētia, opibus, honore, commodis, prudentia, variaque eruditione, æternis nūc ignibus materies æterna. quòd si humanas laudes spectemus, quanti nos laudant? quā pauci norunt orbe toto? & vicesimū sine quisque è notis laudat? certum plures damnare, iam quòd laus absentium ignorata mihi? præsentium verò laudes, adulationes sunt, laudes non sunt. cū ergo absentium de te laudes ignores, præsentium adulationes habendæ sint, quid certi in humanis est quo extollimur?

Necessaria in omni hoc vitio frequens ferialque conscientia per diem discussio: validum in eo propositum victoriae sui: omniaque amoris huic amica generosè ac constanter pellerè; illiusque loco contemptum sui, diuinūmq; in se amorem his similibusque verbis excitare, *Dilectus meus mihi, & ego illi; qui pascitur inter lilia. Deus meus, amor meus, & omnia. A te quid volui super terram? Pars mea & hereditas mea Dominus. Quemadmodum desiderat ceruus ad fontes aquarum, ita desiderat ani-*

ma mea ad te, Deus. Trahe me post te, curremus in odorem vnguentorum tuorum. Exultabimus & letabimur in te, memores vberum tuorum super vinum. Fasciculus myrrhæ dilectus meus mihi, inter vbera mea commorabitur. Botrus cypri dilectus meus mihi, in vineis Engaddi. Sub umbra illius quæ desideravi sedi, & fructus eius dulcis gutturi meo. Quis mihi det te fratrem meum sugentem vbera matris meæ, ut inueniam te foris, & deosculer te, & iam me nemo despicat? Pone me ut signaculum super cor tuum, ut signaculum super brachium tuum, quia fortis est ut mors dilectio, dura sicut infernus emulatio: lampades eius, lampades ignis atque flammarum. Aquæ multæ non poterunt extinguere caritatem, nec flumina obruent illam. Hæc aliæque generis huius, quæ cuique sua pietas, & amoris diuini auctor Deus suggeret, ad illius amorem nos excitabunt. beneficiorum etiam commemoratio diuinorum, gratæque recordatio, præmiorum deinde cælo repositorum, ac passionum Domini potentissima hæc incentiua veri amoris sunt.

Orationis denique studium plurimum in hac re poterit. in quo mēs cælestibus collustratur, discutitque cælesti lumine errorē suum,



suum, agnoscit tenebras exiitq;, melioribus  
cognitionis amorisque diuini radiis perfusa.

## CAP V T XIII.

*Dictorum factorumque suorum commendatio, reli-  
quorum damnatio.*

**E**ST hæc innata quibusdam conditio,  
consuetudine deinde aucta & roborata,  
sua vt laudent sola, aliena aut damnent, aut  
silentio transeant; laudes suas etiam ab im-  
peritis auidè excipiāt; aliorum, deiecto vul-  
tu, fronte, oculis hauriant; & cū improba-  
re non possint, nunquam tamen probent.  
Dolent potius aliorum præclaris dictis fa-  
ctisque, ac mœrorem si quando verbis obre-  
gant, vultu tamen prodūt; ad sua, etiam mi-  
nima, & quæ laudem nullam merentur, si  
quis laudator accedat, totis animis vt ad tu-  
bas & tympana militiæ amatores, exiliunt.  
nec continere pruritum hunc possunt, os  
genæque gaudium testantur; vt ille iam illis  
amicorum primus maximusque sit, qui pri-  
mus maximusque laudator est.

Quò te veritas in hac vanorum homi-  
num

num prurigne? laudabis omnia? non est viri Deum timentis; neque enim possibile est, non profluere ab homine quædam non laudanda. damnabis? pro hoste habeberis. tacebis? non laudasse, damnasse apud hos est. quin adeò eo crescit hæc quorundam scabies, vt in vno non laudasse, aut improbasse, in omnibus damnasse sit. Nescit modum aut frenum sibi imponere laudum hæc libido: sed neque vulgari contenta laude est, etiam infima in summa reponi laude desiderat. ferendum quoquo modo esset, nisi meritò improbanda non rarò, summè etiã laudari vellent; vt, ni feceris, contracta ac corrugata fronte, deiectisq; genis ac superciliis mœrorem testentur, & amicitia renunciet. cùm enim amasse in illis, laudasse; non probasse, damnasse sit, fit vt amorem & odia; sola laude & improbatione metiantur.

Et sunt plerumque hi molesti grauésque omnibus: nulla enim propè illorum colloquia sine dictorum factorumq; laude reperies. velis proinde, nolis, laudes audias necessum est: & ingerunt has nulla sæpe temporum, locorum, personarum habita ratione  
ad

ad omnium fastidium; nec immunem quæquam ac importunissima laudum suarum narratione abire permittunt, veriti ne, si vnus ignorauerit, damnati, aut non satis laudati videantur: non facerent si memores essent monitorum Sapientis Prou. 27. *Laudet te alienus, & nō os tuū: extraneus, & nō labia tua.*

Nec inter domesticos tantum, apud quos faciliior venia esset, sed inter externos, & mulierculas etiam ingentibus verbis decantant sua: quæ nisi plenæ abeant commendationibus, nullum sibi dictorum factorumque suorum fructum retulisse videntur; futuræ nimirum apud socias aut æmulas, laudum præcones confessoriorum suorum; narranturque sæpe dicta factaque, nec dicta, nec facta vnquam: imò vniuersæ aliorum Superiorumque laudes in illos cōmigrant: ab horum scilicet consiliis, si quid in domo vniuersa est, quod laudem mereatur, profectum est; si aliquid infelici euentu præter spem successit, his monitoribus meliora euenissent aliud suaserunt, auditi non sunt; hinc damna accepta: auditi fuissent, & alia longè rerum facies esset, & pro damnis  
emo-



emolumenta nata forent.

Noxium ante omnia hoc hominum genus in Religione est, multorumque emulationibus & inuidiæ obiectum, mutuarum dissensionum & alienationum causa. Et nati hi non Religioni, non Deo, famæ tantum suæ sunt: nam si Deo & Religioni, gauderent utriusque nominis propagatione, quam aliorum dictis factisque ingentia vident incrementa sumere. Non gaudere, non laudare, cum meritò possis, damnare est. Et cum de tuis minimis prodigè in omnem lætitiæ profundaris; in aliorumque, etiam maximis, doloris potius quàm lætitiæ signa prodas; non hoc est de Domini Religionisque gloria, quæ talibus augefcit, crescitque in maius, dolere? quæ quibus innitantur principiis, nemo non videt; superbiæ nimirum & inuidentiæ fundamentis, quibus hæ suorum laudationes, alienorum damnationes inædificatæ sunt.

Et sanè non minùs perniciosus est, qui alienas laudes alto silentio premit, quàm qui eleuat, aut damnat facta, quid? quod silentio suo grauiùs sepe ille feriat, quàm aper-

pertus hic improbator: nam cum primus ferè moderatioris ingenij habeatur, vt qui affectus suos tegat. fit vt silentium illius pro aperta damnatione habeatur. Non laudasse enim cum possit, qui modestiæ opinionem habet, vituperasse est. & ille qui apertè laudanda damnat, criminatoris potius nomen obtinet, & verbis ipsis, improbandi què modo alienationem ostendit, incompositumque minusque ordinatum affectum, vt hoc ipso fide careat. at ille alter modesto seueròque silentio fidem reperit, vulneraq; infligit, altius penetratura, quo à profundiore mente infliguntur & veniunt.

Et tales ferè, qui alto silentio laudanda in aliis premunt, ingentes sub modesta fronte arrogantiae montes tegunt. neque enim aliunde prouenit parca hæc alienarum virtutum laudatio, quàm ab animo laudis suæ auuido: qui cum aliorum commendationibus suis detractum iri veretur, seriò cauet ne quid elabatur in alio laudandum. apertè damnare conscientia terret, & exterioris cuiusdam moderationis opinio captata: silere posse arbitrat, nec vlla lege ad alienas laudes vul-

vulandas teneri. qui si cogitaret plus saepe moroso se obesse suo silentio, quam apertum criminatorem effutiendi quidlibet licentia; non tam parcus laudator esset.

Et sanè vt homines fugiat, Deum latèrens illa æmulationibus grauida non potest. videt illam propriarum laudum balneo, tanquam oceano innatantem, aliorumque encomiis liuidam: nec crimen effugere potest interni fastus, à quo vnico hæc silentia imperantur.

Et sanè nisi ingenti vndique cingeretur possidereturque rerum suarum arrogantia, vt nullo non loco ac tempore auidè laudes suas venetur. non tam seuero silentio aliorum præconia premeret: quæ cùm veluti soles arbitreretur officere tenuissimis lucernarum suarum luminibus, omni conatu dies illos suppressit, magnâque eos silentij sui nebula, densâque liuoris nube tegit; qui si altius pectoris sui latebras excuteret, perfacilè fundamenta taciturnitatis huius erueret, & in abditæ arrogantia suæ profundum nullo negotio veniret.

Quamquam palàm ac quasi aperto mar-



re dicta factaque aliorum damnare, maioris cuiusdam impudentiæ sit: neque tales aliud expectare debent, quam vt pari licentia feriantur. ferè enim hæc diuinæ cuiusdam vindictæ remuneratio quædam est, vt damnari sua ab omnibus sentiant, qui omnium damnant; ita talionis pœna ferit hos Deus, aut permittit ea, qua ipsi reliquos, mensura donari: acciditque illis, vt cum dicendi licentia in omnes se profundant, omnium etiam patiantur linguas, calamisque omnium percutiantur, qui nulli parcere didicerunt: & vt nihil illis rectum bonumque, quod ab alio patre natum est, ita nihil horum, probum aliis laudèque dignum videtur, aut quod nomen decusque mereatur.

Graues deinde tales omnibus esse consueuerunt, inuisti paribus, duri inferioribus, nisi quos perpetuos laudum suarum præcones nacti fuerint: Superioribus molesti, cum enim mutuam pacem turbent, amicitias ac necessitudines dissoluant, non Superioribus, non æqualibus, non inferioribus, parcentes, fit vt omnium in se animos prouocent,

om.

omniumque indignationem extimulent: unde etiam fit, ut omnes horum familiaritatem fugiant, consuetudinem auerfentur, ut à qua nihil expectare possint, præter graues censuras, seuerasque accusationes, eo molestiores, quo neminem propè illæsum prætereunt, damnant omnes, testes facti ac iudices omnium, maximèque magnorum virorum; in quibus ob angustam aliquam nominis amplitudinem, proniùs inuidia & æmulatione stimulante incurrunt.

*Remedia.*

**A** Malorum, quibus laudator sui agitur, extirpatione petenda sunt: innatam quandam hic superbiam inuidiamque nemo non videt, quibus agitur, & alienis contabescit, ac suis pascitur laudibus. Quare ad superbiam ac inuidentiæ radices securis admouenda est, contrariisque submissio- nis, & amoris remediis animorum hæc venena pellenda sunt.

Assuescat proinde quicumque hic est, aliena laudare etiam minima, illa mirari, prædicare & publicare; sua tegere, deprimere & exte-

extenuare : fugiat suorum laudatores : cogitetque ferè eos non pati grauissimos in absentia censores, quos præsentes profusissimos sensimus laudatores.

Cogitet illa nobis speranda ab aliis, quæ nos impendimus aliis, paribúque dicta factaque nostra commendationibus, aut vituperationibus merienda.

In alijs denique, qui simili vitio tenentur, tanquam in speculo seipsum intueatur, & in aliena fœditate suam deuitet; alieno exemplo vitia emendet sua. displicent in alijs? fugiat in se displicentiora. odit domesticæ pacis turbatores, amatque socias dextras necessitudinis fraternæ? exequatur in se quod amat in alijs: fugiat quod odit in illis, factus iam alijs magister & ductor mutuæ caritatis, æternitatis memor vitæ alterius, breuitatis huius; pœnarum & præmiorum illius, incertitudinis huius.

## CAPVT XIV.

*Ambitiq; speciosorum munium prosecutio : viliorum fuga & contemptus.*

Ma-



**M**ALORVM omnium in Religione summum, & è quo tanquam oceano & fontibus, reliquorum ferè vitiorum flumina nascuntur. Quid enim sperari ab illo potest, siue in salutem proximorum, siue in Religionis augmentum, siue in diuini nominis propagationem, cui honor dignitasque propria pro proposito sibi fine est? quique cogitationes suas omnes in præfixum sibi dignitatum suarum scopum iaculatur? Quid non timeri? Diuini illi nominis gloria, salus proximorum, Religionis progressus, tamdiu cordierunt, quamdiu hæc idoneam ambitioni suæ materiam iudicauerit: ubi senserit auxilio sibi ad quæ sperabat, non esse, repellet & auersabitur, vt votis, expectationi, conatibusque suis inimica; adeoque in depressionem ac euersionem illorum studia sua cõuertet, si per calcetam Dei Religionisque gloriam, proximorumque salutem, viam sibi ad honores stratâ viderit.

Cæca omnis ambitio est. nihil videt præter conceptam semel animo gloriam, qua tanquam densa circumfusus nebula, nullos aliorum prospectibus habet oculos. Sol lu-

ceat,

ceat, sideraque micent; nihil videt oculus  
obscura dignitatum suarum nube circum-  
uallatus. nubem suam videt, ad reliqua cæ-  
cutit. Non patet illi aditus nisi per scelera ad  
præensum decus; per scelera in illud ibit.  
clausa illi semita est ad munus quod ambit,  
nec aditum videt, nisi per diminutionem  
famæ alterius? miscebit falsa veris, & in op-  
timo quoque comminiscetur pessima; nec  
persequendi finem faciet, donec detractio-  
nibus, tanquam validis harpagonibus, in-  
nocentem à munere deturbauerit, ut opo-  
rto potiatur. obstat fortior illius studiis? adu-  
lationibus expugnare conabitur. irriti hi ca-  
dunt doli? ad aperta se conuertet odia, ut  
importunitate ac improbitate vincat, quem  
non potuit fraudibus.

Hinc ingentes domi animorum nascun-  
tur conturbationes, dum mente ambitio-  
sus inquieta, iactatione sua commouet re-  
liquos: ut propacato æquore, tempestuosa  
in Religiosa domo reperias maria; sorben-  
dus cum non vno, si propius accesseris, &  
inter hortorum pratorumque hæc quon-  
dam amœna, fornaces inuenias, ambitionū  
igni-

ignibus accensas, amburendus si adimou-  
eris pedem.

Misera Religionis conditio, quæ ambitio-  
ni patefecit ostia. reliqua enim cum illa ad-  
misit vitia: neque enim sola venit, ingenti  
scelerum omnium stipata comitatu est. nec  
vllum iam illi scelus; si fruatur optatis, etiā  
in matrem sæuiet, & per calcatum Religio-  
nis vterum ad propositum sibi decus aduo-  
labit interrita, crudelis in genitricem.

Sed neque, si sperata consecutus ambitio-  
sus fuerit, quiescet; noua meditabitur: per-  
petuo namque tanquam rotatu per aspera,  
mollia, plana, præcipitia, voluitur infelix.  
nec vlli minùs quàm sibi placet. intus inui-  
dentia depascitur, foris aduersarios patitur;  
nulli amicus, inimicus omnium; con-  
temptor omnium, omnium percutitur lin-  
guis; pari mensura feriendus, qua prior ille  
reliquos ferit. alienæ virtutis hostis; nulli  
benignus, crudelis in omnes. nullius etiam  
beneuolentia donandus. laudat neminem,  
damnat omnes, etiam quos sibi iunxit. nam  
si eos viderit vilioribus contentos, inter in-  
glorios & ignauos numerat: si ad maiora



exemplo suo contendentes, pro hostibus & gloriae suae obstructoribus habet. sed neque facile fidem adhibet ulli, suo semper ingenio reliquos metiens. suspectissima deinde illi omnia, dum singula metuit, & ingeniosa solertia, è vanis, nec cogitatis principiis miras consecutiones neccit. & ferè cogitandum talem reperies, multa machinantem, melancholia etiam oppressum, nusquam explicatum, dum vel amittendi muneris torquetur metu, vel meret de repulsa, vel in obtinendo etiamnum laborat, & aduersarios circumspicit.

Infelix planè ambientium in Religione conditio, qui nec noctes patiuntur quietas, dum perpetuis æstibus iactantur. nulla iam illis oratio. vota pro oratione sunt. exulat pietas, & pro pietate speratum illis decus inhæret animo: pro Dei præsentia, expectata gloria. quid? quòd vilescant animis, dum singulorum, quos commodos sibi arbitrantur, captant gratiam, etiam vilissimorum; ad quorum se genua abiicient, sui idoneos arbitrantur fini proposito.

Humilis contra, sorte sua contentus

quanta in pace degit? nec mirum in pace esse qui nihil ambiat, nulli abblandiatur, nihil à quoquam speret. quare nec quemquā veretur, aut sollicitè & anxie colit. erecta illi verba, animus celsus, nulliusque, præterquā Dei indigus. verba plana, nec ad gratiam composita, nec ad simulandum formata, aut ad fallendum delecta. inimicus nulli, amicus omnibus; molestus grauique nulli, carus omnibus; in alta quiete, omniumque admiratione & laude vitam ducens, vitamque finiens rara posteritatis grataque memoria. Superioribus obsequens, inferioribus carus, paribus acceptus, omnium ore laudatus. familiaritatem illius ambiunt omnes, delectantur consuetudine, pascuntur colloquiis. Superiores concedi hunc sibi postulant, prehensant inferiores, paresque gratulantur sibi. qui quo maiore submissione repellit à se magna, hoc maiori impetu confluunt ad illum magna. postrema deligit, prima omnes vltro obtrudunt. vilissima ambit, summa nolenti ingeruntur. quoque maior sui contemptor, hoc validiore aliorum conatu extollitur. Hæc sunt debita vir-  
tuti

tuti premia, quibus omnis ambitiosus caret.  
vt bene Augustinus Serm. 1. de vita Cleric.  
In humili loco salus, in alto periculum. & eleganter Magnus Gregorius, ad ambitionis contemptum, metum, horrorem, humilitatis amorem & amplexum: Past. par. 3. capit. 18.  
Audiant humiles quàm sunt eterna quæ appetunt, quàm transitoria quæ contemnunt: audiant elati, quàm sunt transitoria quæ ambiunt, quàm eterna quæ perdunt. audiant humiles ex magistra voce veritatis, Luc. 18. Omnis qui se humiliat, exaltabitur: audiant elati, Omnis qui se exaltat, humiliabitur. audiant humiles, Prou. 15. Gloriam prece- det humilitas: audiant elati, Ante ruinam exaltatur spiritus. audiant humiles: Isaïæ 66. Ad quem autem respiciam, nisi ad humilem & quietum & tremementem sermones meos? audiant elati, Quid superbis terra & cinis? audiant humiles, Deus humilia respicit: audiant elati, Et alta à longè cognoscit. audiant humiles: Matth. 20. Filius hominis non venit ministrari, sed ministrare: audiant elati: Eccli. 10. Initium omnis peccati superbia. audiant humiles: Phil. 2. Quia redemptor noster humili- uit semetipsum factus obediens Patri vsq; ad mor- tem: audiant elati quid de eorum capite diabolo



*scriptum est, Ipse est rex super omnes filios superbia. Occasio ergo perditionis nostra facta est superbia diaboli, & argumentum redemptionis nostra inuenta est humilitas Dei.*

*Remedia.*

**A**B humilitate petenda sunt. ambit aliquis magna, in vilissimis continendus est, ad ignobilissima loca relegandus, minimisq; destinandus: vt talium assuetudine aut se vincat, conteratq; altiores spiritus ac sub iugo contineat; aut impatientia victus, Religionem à metu liberet. consultius enim fuerit talibus carere, quàm tot domi turbarum causam alere. monendus tamen serio, per confessarium, aut Præfectum spiritus, aliosq; viros magnos. penitentijs etiam stimulandus: quæ si irritò cadunt conatu, & perstat ille in fastu; forti Superiorum robore & constantia continendus in humilibus erit. aut enim se vincet, animosq; domabit, magno Superiorum aliorumq; gaudio; aut submissionis impatiens, in apertam prorumpet defectionem, Religionemq; metu liberabit.

Proderit in primis, si omnis illi materia  
glo-

gloriæ adimatur. obseruetur diligenter à variis, ac sicubi deliquerit, nō parcat. si quid vituperatione dignum egerit, non fileatur: si quid laude, silentio prematur. à magnorum clarorumque virorum, matronarumque confessionibus & consuetudine auocetur, adimaturque illi vniuersim quidquid ad laudem facit aut ducit.

Forti sententia terret ambitiosos Origines super episto. ad Rom. *Omnis adeundi honoris Ecclesiastici absunderetur ambitio, si se iudicandos potius, quàm iudicatuos, hi qui præesse volunt populis, cogitarent.* Ambitionem verò ipsam scitè Bernardus describit in Sermon. quadrages. *Ambitio futile malum, secretum virus, pestis occulta, doli artifex, mater hypocrisis, liuoris parens, vitiorum origo, tinea sanctitatis, excacatrix cordium, ex remediis morbos creans, ex medicina languorem generans.*

Nobile remedium à Diuo Gregorio habemus in Past. par. 3. capit. 18. *Plerumque clatos utilius corripimus, si eorum correptionibus quadam laudum fomenta misceamus. inferenda namque sunt illis aut talia bona quæ in ipsis sunt, aut dicendum certè quæ poterant esse si non sunt.*

Et tunc demum refecanda sunt mala quæ nobis displicent, cum prius ad audiendum eorum placabilem mentem fecerint premissa bona quæ placent. nam & equos indomitos blanda prius manu tangimus, ut eos nobis plenius postmodum etiam per flagella subigamus; & amaro pigmentorum poculo mellis dulcedo adiungitur, ne ea quæ saluti profutura est, in ipso gustu aspera amaritudo sentiatur: & dum gustus per dulcedinem fallitur, humor mortiferus per amaritudinem vacuatur. Ipsa ergo in elatis inuentionis exordia, permixta sunt laude temperanda, ut dum admittunt fauores quos diligunt, etiam correptiones recipiant quas oderunt.

## CAPUT XV.

*et*  
Delectus munium et locorum.

FALLIT plurimum Superiores hic delectus, nec respondet votis, plusque ferè siue temporalis, siue spiritalis auxiliij ab aliis consequuntur. quod maior in his fiducia in Deum eluceat, plus in illis prudentiæ humanæ: quo fit, iusto Dei iudicio, ut spe ferè sua Superiores frustrentur, cum sæpe etiam tales patiantur aduersarios, grauesque obfer-



seruatores ac censores, quos precibus impetrarunt. Monitorum deinde ac si qua necessitas id postulet, iniungendarum poenitentiarum libertas tollitur, cum offensionem Superiores vereantur; & qui se vocatos sciunt, liberiùs offendant, euocationis suæ spe freti, facilesque ad murmurationes sint, si minùs placentia imponantur. Nec quidquam in his promptius, quàm ad minimarum rerum displicentiam illud inculcare, Cur euocauit bene constitutum? meliùs mihi erat alibi. Nascitur inde non loci modò, & muneris, sed & omnium propè displicentia, & murmurationes, inde animi inquietudines, cum nunquam explentur desideria, & præteritorum memoria præsentia displicent.

Quòd si in Superiorem minùs fortem, aut robore destitutum delectus ceciderit, sequitur facilis & ingens noxiorum iuxta ac bonorum permistio; cum indulgentiores ferè simus in eos quos ultro vocatos meminimus: & nullus propè querelarum locus apud eos, qui mederi possent, ne delectum nostrum damnare videamur, aut impru-

dentiam accusare; neue cōsuetum illud audiamus, Habes quem peristi; obsecutus sum voluntati tuæ, antè cogitassè oportuit bene illi alibi erat. vt omnis iam culpa in euocatorem eat. atque hinc graues sæpe multorū offensiones nascuntur, cū Superiores delectus sui sibi conscij, ne aut offendant, aut mœrore afficiant, aut minùs commodos tales experiantur, non concedenda concedāt. quod vbi fit, ab it res in exemplum, & paria sperare reliqui non verentur, paria etiam audere: è quibus vniuersa paulatim domestica disciplina delabitur: quæ vbi refrixit ac corruit, à sola ferè sectione remedia expectanda sunt; mutandi nimirum plerique omnes, & ad Superiores disciplinæ arctioris, variæque amandandi loca sunt, cū à sola propè mutæ cohabitationis separatione salus sperari possit: ac disciplinæ amantiores in illorum locum substituendi erunt; aut sanè Superior ipso loco mutandus, & robustior illo subrogandus.

Eadem incommoda in inferioribus reperias, qui precibus locorum mutationem impetrarunt. sequitur enim plerumque pœ-  
ni ru-

nitudo, cum non omnia votis respondeant;  
& damnamus preces nostras, & queri erubescimus, ne consilia ipsi nostra accusemus,  
& audiamus inconstantes: inde mœrores,  
ac tacitæ interni roboris emedullationes,  
cum interiores animi vires exeduntur, & aperire pudet, & ad vincendum robore destituuntur. ad locorum enim nouas descendere mutationes rubor vetat; & locorum tamen, sociorum, Superiorumque ferre conditiones imbellis animus negat, aut innata quædam menti aliena, pugnantque cum aliis, ac quasi hostilis & inimica conditio. ita cum hinc verecundia terreat, isthinc molestia crescat; contabescit animus, aut in aper-  
tas prorumpit factiones, & causas aliquas comminiscitur, quibus incōstantiam suam tegat. has si verisimiles reperiatur, laxat delationibus habenas; sin minùs, comminiscitur etiam falsas, dummodo potiatur optatis, subducaturque quasi è seruitute ceruices nunquam satis domitas, nec suauiter obedientia iugo in solidum submissas.

Profiliunt ex his initiis omnia malorum genera, nec quidquam tam à Religione a-



lienum, quod non audet. semel enim pudore deposito in omnia se profundit mala, & quæ antè damnauerat, probat vt sequenda: ita qui febribus tenentur, inimica antea gustui laudant, & auidius hauriunt, profutura damnant.

Accedit, quòd rarò diuina bonitas felices huic delectui successus tribuat, vt qui resignatæ obedientiæ repugnet, plûsque adferat iudicij nostri, quàm in Deum fiduciæ: quasi enim de Domini in nos prouidentia diffidentes, recurrimus ad hunc seu personarum, seu locorum delectum, cui pœnitentia perpetua & indiuidua comes est. quod innumeris propè aliorum exemplis discimus: quorum infelix exitus meritò terrere omnes, & auertere ab his consilijs debeat.

Iam cùm ferè in inferioribus delectus hi nascantur ex amore sui, cùm huic aër sit crassior, illi tenuior; huic minùs amœnum cœlum, illi nimis sudum; alteri plebeiæ nimium occupationes minùs splendidæ, minùs è dignitate, eruditionis opinione, vulgares, rariores, frequentiores, intempestiue, subitæ: aut Superior durior, tenacior, morosior,

roſſior, oculatioꝝ, maturior, retractioꝝ, ad ſuſpicioꝝ pronior, regularuꝝ obſeruantioꝝ; aut alius ſuauior, liberalior, mollior, facilioꝝ, hilarioꝝ, laxior, ad omnem conceſſionem profuſior, indulgentioꝝ; ſit vt in ingentia ſe plerumque animarum diſcrimina conijciant: cūm ſerè ignorent quanta domi forſique pericula immineant. intus nimirū latet malum, quod niſi excuſſerint, nulla locorum mutatione pellent: cūm ſerè tales libertatis amor, diſciplinæ Religioſæ fuga, commoditatum corporis ſtudio, adnatus animo tepor, grauiorū metus & horror, ad hæc conſilia adigant; vnde ſit vt ſperatae apud Deum mercedis non poſtrema, aut omni etiam parte ſpolientur, cūm delecti muneris aut habitationis conceſſio mercedis illis loco ſit.

*Remedia.*

**I**Ndifferentiæ ſtudio, frequens excitatio in Deum fiduciæ, cui maior cura de nobis, quàm nobis ipsis incumbit.

Incommodorum delectui huic colligatorum memoria, recordatioꝝque illorum,

quibus non raro cum interitu delectus hic coniunctus fuit.

Nihil deinde in omni Religione certius pacatiusque, quam vniuersam sui curā Deo committere; ne quid videamur detraxisse de ingenti in illum fiducia, plusque prudentiæ nostræ, quàm illius prouidentia fuisse. Ille securus viuit, qui totum se diuinæ gubernationi commisit. quàm fortiter mone-  
mur, quàm certò Matt. 6. *Considerate lilia agri, quomodo crescant, non laborant, neque nent. Si autem fœnum agri, quod hodie est, & cras in clibanum mittitur, Deus sic vestit: quanto magis vos modicæ fidei? Nolite ergo solliciti esse, dicētes, Quid manducabimus, aut quid bibemus, aut quo operiemur? hæc enim omnia Gentes inquirunt. Scit enim Pater vester, quia his omnibus indigetis. querite ergo primùm regnum Dei, & iustitiam eius: & hæc omnia adiicientur vobis. Quod si pergat delectus hic animum pulsare, consultum erit cum Præfecto spiritus, aut si quis alius in domo vir prudens, rerum experientia edoctus, consultare; nec quidquam aggredi, nisi non tantum consulto sæpe Domino, sed aliorum iudicio præquisito, quorum potius sen-*



sententiis, quàm nostris stemus.

Proderit etiam aliquando cum iudicio confessarij voto se aliquo temporario obstringere, omnemque hanc delectus cogitationem negligere ac respuere, vt inimicam Deo, aut sanè vt minùs ei placentem gratamque, vt obedientiæ repugnantem, adeoque vt omnis perfectionis hostem, omnisque inquietudinis matrem.

Moueant nos exempla Christi, totum se parentis obedientiæ committentis: Ioan. 4. *Meus cibus est vt faciam voluntatem eius, qui me misit, vt perficiam opus eius.* & post illam lacrymarum, sudorum, sanguinum luctam, omnium quas vlla sæcula viderunt grauissimam, Mar. 14. *Non quod ego volo, sed quod tu;* & apud Matthæum, cap. 26. *Non sicut ego volo, sed sicut tu.* sequamur ducem milites, & cuius præferimus nomen, imitemur facta.

Magnum victoriæ genus hic est contraria propensioni ambire, voluntatemque valido conatu ad illa propellere, magnorum in omni Religione exemplis. nunquam sanè quidquam poscere, & in re firmare animimum, tutissimum est. versanturque tales  
in

in altissima quadam pace, quidquid euenerit, diuinæ prouidentia committētes, securi se non ambiuisse: in quo vno solari se possunt, & audenter cum Propheta dicere Psalm. 90. *Qui habitat in adiutorio Altissimi, in protectione Dei cali commorabitur.* Psalm. 22. *Nam & si ambulauero in medio umbra mortis, non timebo mala: quoniam tu mecum es.* & Psalm. 24. *Non erubescam quoniam speravi in te.* & Psalm. 25. *In Domino sperans non infirmabor.* protector enim Psalm. 17. *est omnium sperantium in se.* memores monentis Apostoli 1. Pet. 5. *Omni sollicitudinem vestram projicientes in eum, quoniam ipsi est cura de vobis.* cum contra petitores interno externoq; solatio destituantur, intus habent conscientiam redarguentem; extra reliquorum destituuntur auxilio, bis infelices, bis miseri.

## CAPVT XVI.

*Nimia in vnam alteramue nationem propensio.*

**D**E beata feliciq; diuersarum nationum in vno spirituali corpore indiscriminata coniunctione benè Hilarius: Psalm.

*Psal. 132. Populo Dei congruit sub vno patre fratres, & sub vno capite vnus corporis membra esse. non enim oculus aurem odit, nec nares os execrantur, nec manus pedem spernit. hac enim vt officiis mutuis sibi, ita & amore distracta sunt. hoc iucundum & bonum habitare fratres in vnum, in eodem esse, idem esse, nec congregatione fieri, nec amore diuersos. Propius etiam ad rem nostrā S. Basiliius Const. mon. c. 19. Quid eo beatius dici quid hac coniunctione, vnitae ac necessitate aptius excogitari? quid mutua inter se morum animorumq; contemperatione gratius fingi? homines ex diuersis nationibus profectos, per exactam morum ac discipline similitudinem adeo in vnum veluti coaluisse, vt in pluribus corporibus vnus modò animus esse videatur: vicissimq; plura corpora mētis vnus instrumenta cernantur. Hanc variarum tanquam gentium variarum vuarum in vnū torcular amicam commistionem, aut variorum marmorum in vnus ecclesiæ ornatum coalitionem, quicumque sustulerit; & nobilitate & decore suo vniuersum corpus nudabit, & in miserandam ridendamq; solitudinem, omni robore augustaque maiestate spoliata disperget. scinditur enim hac*

na-



nationum gentiumque discriminatione vniuersum Religionis corpus, quod sola animorum coniunctio tuetur, descenditurque in validas partes; neque iam in vno, aut altero, sed totis concurritur castris, pronique in vniuersæ Religionis perniciem & interitum, laxatis habenis deuoluimur.

Nam vbi semel hic morbus occupauit animos, nullis iam propè consiliis, aut rationi locus est. exulat enim cum veritate ratio, cum non tam rerum momentis, quam nationum pondere ducimur.

Et quid sperari potest, quid non timeri, cum ad fugam, aut sequelam satis est, hanc illamue gentem ita censuisse, aut damnasse? in quo non tam rationum momenta, quam gentium placita discutiuntur, vt satis iam sit ad damnationem, alterius à nostra natione mentem hanc esse, satis ad probationem, gentis nostræ sensum hunc esse. & veritatem ipsam non rarè manu tangimus, repellimus interim cum ab alia gente progeneratam scimus, gaudemusque deterioribus dominostræ natis, ne meliora videamur ab aliis mutati. Desunt nostræ viri magni qui præsent, qui-

quique salutis proximorum incumbant, uti  
deterioribus placet domesticis, ne ab exter-  
nis meliores videamur deprecari. tantum  
nationum studia possunt, ut destituti no-  
stris, carere in solidum velimus melioribus,  
ne ab alieno solo nata nobis salus, aut petita  
videatur. & iam ad impugnationem dam-  
nationemque satis est, ab alia, quam nostra  
gente venisse consilia, etiam solem negaturi  
in meridie, si ab alieno in nostrum illuxerit  
agrum.

Denique ad aperta vniuersim descendi-  
mus odia, & perire prauis nostrorum consi-  
liis, quam bonis salutaribusque aliorum flo-  
rere præligimus. ac tandem eò dissentien-  
tiū animorum acerbitas venit, ut si ignora-  
ta gens sit, probemus & sequamur consilia;  
at ubi primum innotuit alienæ gentis au-  
ctor, resiliamus à probatis, nouasque impu-  
gnandi causas reperiamus; priora consilia  
nostra, ex auctoris ignorance prognata,  
damnantes, grande malum, & non iam tur-  
bandæ, sed euertendæ Religioni natum.  
nam cum è variis nationibus omnium pro-  
pè Religionum, tanquā validissimi exerci-  
tus

tus robur conflatum sit, nec alia re magis  
virtus illius potentiaque quam animorum  
coniunctione contineatur; nemo non vi-  
det, disjunctionibus hisce, animorumque  
dissensionibus, vniuersum robur, quod vna  
validaque connexione firmabatur, labasce-  
re, hostibusque; ludibrium fieri, inimicorum-  
que depredationibus exponi; & quæ terro-  
ri primum acies erat, inuictaque mutua co-  
alitione stabat, solis domesticis dissensionibus,  
nulla externa inimica manu impellen-  
te ruerè.

Huc accedit, quòd hæc gentium studia  
etiam ad externos decurrant: & inuoluimur  
iam Principum, rerumque publicarum pœ-  
nitendis, & in capita nostra casuris negotiis.  
tantum potest efferuescens hic gentium a-  
mor: vt cum emulationes odiæque abeant  
in vniuersam gentem, in vniuersam etiam  
eant consilia machinationesque, exigua cu-  
ra tuitionis famæ salutisque nostræ: ita dum  
fortius quam prudentius aduersarios inse-  
quimur, vulneribus locum damus, & antè  
sæpe ipsi cadimus, quam hostem feriamus,  
aut assequamur.



Et sanè totum paulatim genuinæ Religionis spiritum pestifera hac nationum discretione collabascere necessum est. neque enim inter has inuidias, æmulationes, partiumque studia charitas habere locum potest. vnicum Religionum Ordinumque vinculum ac firmamentum. neque venenatio hoc partium gentiumque studio commaculata Religio valetudinem diu rueri suam potest. ibit non multo post in perimentes morbos potenti hoc toxico inebriata, & quam nulla externa mouere poterant arma, domestico hoc cadet malo. stetit interrita & inuicta stante charitate? cadet pauida labante charitate, quæ nulla in re potentiùs, quàm in diuersarum nationum coniunctione illucescit.

Certè tales degeneres à Christi disciplinatu sunt. ignorat nationum discrimina Christi sanguis, quo vno arctiùs quàm omnibus patriæ vinculis colligamur. non imitamur magistrum discipuli, ducem milites, parentem filij si aliud sapimus, si non pariamur inter nos amore, quos lacrymis, sudore, sanguine, ac vocationis prærogatiua pariauit.

riauit Christus. nec Apostolos in vnam gentem, sed in omnes misit. & ferè omnium gentium conuersiones ab exteris nationibus profectæ sunt, quo magis in illis diuinæ laceret potentia: ne quis illarum ad fidem conuersionem sanguinis propinquitati, linguarum cognitioni, amicorum opibus, similibusque tribueret.

Quot propè amoris proprii incommoda, tot huius sunt, cum ex amore proprio nationū hæc propensio nascatur. commodior nimirum ab vberibus frequentata lingua, cibus, vestes, socij, amicus, cælum. ignaui militis signa hæc sunt. ardua poscit generosus, in quibus virtutem ostendat; gaudet asperis, in quæ magnos animos effundat. sanguinemq; aut dare aut haurire pulcrum, ne inglorius, aut sicco hostili sanguine baltheo cadat: hæc prima illi cura. ab arduis gloriam laudemque venatur. à quibus solis ingentia & viro digna decora nasci arbitrat. facit idem verus Religiosus, qui vocationis ac Christi ducis sui memor, indignatur animos patria sua claudi. angusti huius termini sunt virtuti, vniuersum contuetur orbem.

hem. semel renuntiavit patri, matri, fratribus, sororibus, amicis, patriæ, renuntiavit æternum, aut si retrò flexit oculos, indignus Christi sui militia, indignus regno est.

*Remedia.*

**E** Superiorum ferè vigili studio speranda ac petenda sunt, initia proinde, seminæque mali huius validâ secanda & excaudicanda manu sunt.

Quòd si publicis priuatísq; monitis non cesserit malum, ad pœnitentias decurrendum erit, etiam publicas in publicis delictis.

Quòd si neque hîc steterit malum, seriò de dissensionum harum auctoribus à Religionem tota rescindendis deliberandum erit. Clementia est sœuire in paucos, vt vniuersi corporis valetudini consulatur.

Nec inutile fòrs fuerit misceri nationes, vt mutuo hoc conspectu conuictûque coalescant animi. plurimû enim ad coniunctionem contubernia faciunt, maximè si à prima ætate mutuo assuescant conuictu. non quòd frequentem in linguarum varietate & imperitia, missionem probem, ali-

quam



quam tamen probo, & paucorum a prima  
adolescentia consuetudo, mirum quantum  
ad variarum gentium coniunctionem va-  
leat.

Neque quenquam in quacunque gente  
excludendum putem à muneribus, etiam  
Superiorum, modò reliqua functionibus  
eiusmodi necessaria adsint. Nam vniuersam  
aliquam gentem à talibus excludere, mag-  
nam & diffensionum, adeoque & odiorum  
causam præbet. Nam quæ se seclusam vider,  
paria in aliis tentabit. atque hinc iam par-  
tium & nationum contraria & aduersantia  
profiliunt studia.

Et licet inter genuinos, verèque Religio-  
sos, fuga potius horrorque, quàm dignita-  
tum aut munerum prosecutio, aut vota esse  
debeant; nescio tamen quis sensus à negatis  
functionibus pectus animumq; feriat. præ-  
scidisse, ac in solidum negasse, quasi in vota  
impulisse est. offer, fastidient. nega, propen-  
debunt. crescit à negatis amor, à concessis  
fastidium. vt ad expletionem satis sit potuis-  
se: ad desiderij prouocationem, negatum  
fuisse. Et vniuersim gentis alicuius exclusio

validissimum alienationum ac odiorum pro-  
uocamentum est. quis enim nesciat, ex om-  
ni gente viros enasci magnos, & sæpe vnam  
destitui, aliam abundare? ita vno non raro  
sæculo & ætate plurimi in vna republica  
duces imperatoresque, ac in omni scientia-  
rum genere exurgunt magni, cum insequen-  
ti sæculo nullum bellica, aut literaria gloria  
clarum reperias. mutuare proinde ab aliis,  
cum propriis destitueris, prudentiæ est: ma-  
gis etiam in Religione; in qua non à natio-  
num varietate, sed à dignatione, ac meritis  
munia distribuenda sunt. quæ res valido il-  
lam in primis vinculo colligat, & non nisi  
stolidissimi ingenij est, nolle ad externa cir-  
cumspicere auxilia, cum domesticis desti-  
tuaris. Sanè potentissimos ferè summorum  
imperatorum exercitus è varia gente vide-  
bis; vt mutuis æmulationibus crescerent a-  
nimi, dum pro gentis suæ gloria in posteritatem  
itura quisque pugnaret. primasque  
ferè orbe toto victorias à misto variarum  
gentium robore relatas legimus.

Proderit incommoda secum considera-  
re, quæ è nationum discrimine nascuntur,

benèque de aliarum gentium moribus sentire & loqui, semperque in illis inuenire quod laudem mereatur; quæ verò meritis reprehensionibus obnoxia sunt, alto silentio premere: humaniter illos benignèque excipere, ac impensius etiam in salutem illorum incumbere: operamque suam prolixè spondere, prolixius etiam rebus exequi, peculiarem etiam familiaritatem cum illis induere, sæpiusque oportunitate data colloqui, aliquid etiam quando Religio patitur, propensionibus illorum indulgere; hilari etiam vultu excipere à moribus nostris aliena, si nihil contineant Religioni aduersum: ac facillimè esse in delictis illorum ignoscendis: parcissimè cū laude de gente sua loqui, prolixè de aliena: si quæ misceantur de gente tua minùs proba, aut damnanda etiam, cum risu ac modestia excipere; quædam fateri, quædam suauiter excutere, aliòq; sermonem flectere, ad laudem nimirum gentis alterius, aut quamcumque rem aliam.

## CAPVT XVII.

*Nimia cum vno alteroq; familiaritates.*

Ac



**A** Emulationum hîc magnus aperitur campus. paulatim enim illæ excrescunt in alienationes, adeoque in odia, & frequentes oblocutiones, murmurationes, detractiones etiam; quoq; magis hæ familiaritates crescunt, eo magis etiam crescit obloquendi facilitas. quod quo promptius fiat, causæ improbandi has priuatas familiaritates & disquiruntur, & non magno conatu ab aliis reperiuntur. itur deinde ad taliû mores, cùm aut fastum, & reliquorum contemptum singuli interpretentur aliorum uitationem & fugam; singulorum vitia, tanquam coalitionis causa singulis imputatur. nec famæ hîc parcitur aut gloriæ. tantum possunt conceptæ è familiaritatibus hisce indignationes ac emulationes.

Sequitur deinde in aliis fuga consuetudinis talium, vt omnes alieniores tandem reperiant, & diffidentia plenos. quicunque enim se neglectum videt, contemptum etiam arbitratur, & ab innata paucorum superbia nasci hæc putat, aut à studio reliquis se præferendi. quod vbi semel aliorum animos peruasit, omni ope qua dictis, qua factis

deprimere tales conantur, quos per priuatarum familiaritatum studium ad maiora conniti suspicantur.

Nascitur etiam plerumque è priuata hac tanto studio parata consuetudine, vt mutua facilè vitia imbibant, adeoque sequantur, amula quadam morum similitudine, tanto nimirum futuri coniunctiores, quanto mutuis vitiis propinquiore. Coniunctio enim, à morum ferè similitudine, initia & incrementa sumit: hinc vt placeamus amico, aut cuius amicitiam venamur, mores effingimus; probi illi aut improbi fuerint, minima ac postrema cura: maxima, placuisse, & ingenio ac moribus se alienis conformasse est. Vincit nimirum familiaritas, quem vitium vincere non potuit: imò quos valido tentationum procurfu vincere non potuit diabolus, vincunt familiaritates. dum aut offendere nolimus, aut in ærorem ingenerare, aut placere lubet, aut imitari etiam iuuat, delectatq; similem amico fieri: vt quos arctior quædam necessitudo coniunxit, connectat delictorum paritas, ne nimirum ruborem incuriat amico, si imitari vitia erubescat

bescat: quasi amicitia corruat, nisi scelerum  
connexio statuatur.

E mutua hac etiam familiaritate, mutuas  
necessum exurgere adulationes. cum enim  
mutuam deuitent offensionem, mutuas de-  
cantant laudes, mutuoq; se scabie hac capiti  
perfricant: probant omnia, improbant ni-  
hil, veriti ne quid alienationis enascatur.

Discindimur his familiaritatibus, inuicem  
que in partium studia, ac aduersarias molitiones:  
nec iam vniuersim caritas, aut amicitia stat,  
sed in vno aut altero capite. que res noxia in  
primis Religioni est, exponitq; corpus totum  
iniuriarum oppugnationibus, cum nudet latera,  
viribusque quæ totius corporis coniunctione  
continentur, spoliet, exuatque omni robore,  
quod mutuo vniuersim amore firmatur.

Maiora etiam ab his amicis mala quam  
ab inimicis metuenda sunt. nam cum ab his  
sibi quisque caueat, neque facile quidquam  
illis committat, quod ruborem iniicere possit,  
non habent metuendi causam, cum enim  
quisque se suaque sciat ab inimicis ob-  
seruari, insidias verbis rebusque tendi, nemo



prudens pœnitenda elabi permittit. accedit, hostium quæcunque consilia, beneuolentiæ signa muneraque, ac iuratas etiam sponſiones suspectissima meritò esse; vt in perpetuis verborum factorumque suorum versetur excubiis quisquis hostes patitur, at ab amico aut perfamiliari quis se tueatur? quis non intima referat familiariori sibi, siue cõsiliij, siue solatij, siue leuandi mœoris caussa? è quibus ingentia deinde pericula damnaque metuenda sunt, ab offenso nimirum familiarioris illius animo. offensionem verò nasci è minimis etiam rebus experientia docemur.

Et fallaces ferè has familiaritates, doloſoque cinere amicitias ex his natas tegi indies discimus. neque enim diutiùs perſtant, quàm sperata partis cuiusque emolumenta ferent. vbi illa corruunt, collabascit omnis amicitia, quam ferè quisque commodo suo metitur. excidit spe sua, & frustrata est illum opinio, dilabitur omnis familiaritas. ita qui nihil sperat, cùm nihil metuat, non faciliè aliorum venabitur amicitias, quas quisque bono suo venatur.

Ingens deinde hæ familiaritates, diuinæ familiaritati impedimentum iniiciunt. cre-  
das ingentia flumina flammæ extinguendæ  
insecta. Et sanè quantum ferè amicitia hæ  
crescunt, tantum diuinæ decrescunt. quan-  
tum enim prioribus concesseris, tantum di-  
uinis ademisse videris. occuparunt priores  
animum? occuparunt totum, Deumque ex-  
clusisti, cùm illi locum nullum reliquum  
feceris, qui omnem prioribus concessisti.

Demum in carne ferè consummantur hæ  
familiaritates. desinuntque in mutuum,  
commodorum, honorum, similiumque re-  
rum connexionem. cùm enim in talibus,  
non Dei maior gloria, non boni communis  
amor, aut proximorum salus, sed suum cui-  
que emolumentum propositum sit; fit vt ab  
his paullatim quàm longissimè recedamus,  
ac in sensuales plurimùm familiaritates di-  
labamur. semel enim seposito Deo, alio-  
que nobis sine proposito, toti per priuato-  
rum commodorum præcipitia ad carnem  
sanguinemque diuoluimur.

*Remedia.*

**H**Vmanum amorem nostrum diuino amore metiri, nec ab alio, quàm à diuino principia illius petere, aut ducere: hinc fiet, vt cùm in omnibus pares diuini amoris causas reperimus, pari omnes amore complectamur, pari quæ familiaritate ac beneuolentia, quæ amoris famulæ quædam sunt, in omnes feramur. Hæc certa, & falli nescia regula est, à qua quantum per priuatas amicitias deflectimus, tantum à veritate aberramus, mendacio iungimur.

Frequens in nobis detestatio omnium quæ Religionis propugnacula roboraque dissoluunt: cùm verò inter prima priuata illa priuatarum familiaritatum studia sint; perfacile erit viro Religioso intelligere, quo loco illa habere debeat, qua cura ac sollicitudine vitare.

Aliquoties in anno meditationes hac de re instituire, cogitare quæ apud se sapius, religiosam familiam nobili musicæ harmoniæ meritò comparari posse; in qua vnius dissonantia vniuersam concentus suauitatē turbat & euertit, & ridendam aliorum auribus musicam propinat. facit hoc, quicumque har-



harmoniacum hunc Religionis concentum priuatis familiaritatibus turbat.

Iuuabit etiam non assuescere paucis, sed promiscuè omnibus, maximè recreationis temporibus, eumq; arripere, quem primum fortuna obuium dederit.

Proderit vetus illud sæpiùs secum reuoluere, Sic ama tanquam osurus, sic odi tanquam amaturus. quod in magna familiaritate locum non habet. amamus enim in illa tanquam semper amaturi; hinc commitimus varia tanquam semper celanda, tanquam semper amico. fallimur. nullæ propè in humanis æternæ amicitiae sunt, quas leuissimus aliquando flatus dispellit. tanquã nubeculam coalitam validiores venti. Sane nemo in erubescenda corruet, qui amauerit tanquam osurus. neque enim tali pœnitenda committet. aut ad quorum propagationem erubescat.

## CAPVT XVIII.

*Familiaritas, & gratia quesita externorum Principumque virorum.*

**S**Pecie plerumque hanc ambimus animas lucrandi, & Religioni conciliandi, maximè viros magnos: reuera plurimùm ad ea amore proprio impellente trahimur. magna ferè multorum offensione, æmulatione, odio, emolumento propè nullo, errorum & lapsuum periculo magno, vt tam carè familiaritas hæc parari non debeat, Religionis non rarò damno ingenti, nominis-que illius fœda deuenustatione. Neque enim quidquam procliuius est, quàm inter Magnorum quæsitæ familiaritates verbo aut factò labi: quod vbi contigerit, vno non tantùm lapsu, bona laboresq; omnes sepe- liuntur, vt illorum memoria iam nulla sit, quasi vna potenti sponsia delera, aut tanquam falce recisa sint; sed grauis insurgit indignatio, quæ in vniuersum etiam corpus transit, & tanquam à Babylonia fornace, vicina, & latè etiam posita amburit. vnius enim error abit in omnes, & delicto vnius plectuntur omnes, ab vnoque indignatio nata totum corpus amburit.

Et sanè tot in omni Religione, omnium retro sæculorum docemur exemplis, vt  
nullo

nullo alio magistro opus sit in terrorem, & cautelam : neque vigesimus quisque intactus ab hac aulica flamma pedem retulit. Ita amburitur quisquis propius accesserit, ut vix cineres referat, vel igniū vestigia, sepiusq; in fauillas abeat, quàm in lenē vstulationē.

Et experientia tot iam aetatibus docemur, perraros omnino, ea aut virtutis opinione, aut integritatis fama, aut pietatis sensu, à Magnorum familiaritate ad Religionem reduisse, qua egressi fuerant: plurimos etiam aulicam consuetudinem miserando vocationis naufragio nobilitasse; ut vix iam trigesimus charybdim hanc tabula enatarit, fortuita potius, quàm præprouida felicitate; reliqui irrespirabili hoc profundo absorpti sunt.

Nec facilè quemquam reperies aulicis hisce Magnorum moribus assuetū, qui non ea retulerit, quæ vix annorū plurimorum deleri spongia potuerunt. Ita semel Magnorum consuetudine delinitus & assuetus Religiosus, vix affectum hunc nisi cum vita aut infamia deponit. Iam ubi inualuit illa nobilitatis prurigo, vilescit quidquid humi-



litem, & instituti tenuitatem sapit : atque hinc vocationis quidam contemptus nascitur, omniaque displicent quæ probata prius ; dulcia nimirum in amaritudinem, mella in fella, medicamenta in venena versa sunt, & quæ antè adamabat anima, in horrorem mutata sunt : exulat candor, & pristinae religionis simplicitas, euauit pulla sinceritas, veritas abacta est ; & pro his aulici mores, politica agendi ratio, mentiendi libido, doli & simulationes subintrarunt. Nec mirum ea adhærescere quæ inter aulicas consuetudines in dies teruntur manibus.

Fugiet hanc familiaritatem, quicumque vocationem amat, qui præcipitia veretur infelici, in omni quâ patet orbis Religione, exitu funestata : quique nullos ab illa meliores, omnes propè deteriores exiuisse videbit, paucissimos integra nominis, quam intulerant, æstimatione, omnes ferè ingenti eiusdem decoloratione. præterquâ quòd ea res in Religione, magna non vltimarum æmulationum mater sit. nam cum vident reliqui ambizioso aliquem conatu Magnorum familiaritatibus se implicare, domesti-

corumque consuetudini subtrahere, quasi vilio- rem sociorum consuetudinem ac conditionem auerſetur; in auerſiones etiam ipſi, adeoq; & in odia decedunt, carpuntque iam etiam optima, cum æmulatio inuidentiæque è caprata magnitudine nata, religioſum alioqui pectus occupauit: contingitque plurimum, vt, qui aliena ſectatur, domeſtico excidat amore, ac Magnorum interim beneuolentia careat, vtriuſque inuiſus, aut ſanè neutris probatus. E quare mœror exurgit, & animo non ſatis Deo, aut cæleſtibus dedito melancholia exoritur, vniuerſum internæ mentis robur emedullans, & quidquid eſt ſpiritus boni, radicitus excudicans. Hinc languor, & ſpiritualium rerum omnium faſtidium ac nauſea: ſibi que, aliis que demum grauis, miſeram vitam trahit, finitque etiam miſeriores.

Sequuntur externorum æmulationes inuidentiæque; qui non ferunt Religioſos tanta Magnorum vti familiaritate. nec reſerè magis vlla in oculos incurrit, aut citatiora certioraque odia prouocat. tritum namque eſt, quæ conſequi ipſi diffidimus, aliis

intidere, hinc illæ in æmulationibus euer-  
tendi molitiones : quasi leniendo mœrori  
medicamentum sit alios deturbasse; mitius-  
que dâna feramus, si socios nacti fuerimus.  
Huc accedit, Principum plurimum delicta  
familiarioribus ascribi, prudenter beneque  
se habet Princeps, Principis ingenio natu-  
ræque illius benignitati tribuimus; aberrat à  
probitatis regula, in familiarem illi Religio-  
sum omnis culpa reijcitur, non monuisse e-  
tiam aut dissimulasse in his, fecisse est.

Sequuntur & reliquorum in Religione  
non minùs noxiæ æmulationes, imitandi  
nimirum hæc studia. hinc mille excogitan-  
tur viæ, non trita priùs Religioni, mille in-  
ueniuntur maioribus ignoti modi, cumq; per  
nos, perq; domesticos ad optata peruenire  
non possumus, externos in consilium adhi-  
bemus pudendæ ambitionis nostræ. quod  
si nec hac successerit via, vertimur in indig-  
nationes, in detractiones, in euerfionē co-  
natuum alienorum. tantum potest æmula-  
tioni iuncta ambitio, nulli parcit, & in ma-  
ximum, in optimum quemque citatiore fer-  
tur passu. nam in aliis æmulationum mare-  
ria



ria deest. nescit enim æmulum paruo contenta humilitas, in magnis inuenit quod ambiat, quod æmuletur.

Ferè etiam ingentibus aulica hæc caprata familiaritas adulationibus plena est: dum enim placere studemus, displicere nolumus, amorem venamur, offensionem fugimus. purpuræ proinde & gratiæ seruiendum est. quare placitura dicimus, facimus, & ad omnem Principis voluntatem vela vertimus. cùmq; vnicum studium gratiam parare, partam conseruare; modis ad hanc ré idoneis vtimur. quod cùm fieri non possit, nisi pleraque ad gratiam eant, liberum adulationibus campum aperimus, laxamus, & que indomito huic vitio liberrimas in omnem partem habenas: plùs laxaturi si plùs placuerimus. quæ res ad quàm indigna Religiosos propellat, nemo non videt. certè generosi spiritus hæc esse non possunt, non cælum suspirantis, non æterna cogitantis, non Dei sui gratiam ambientis.

Omnis deinde in hac familiaritate, monendi libertas perit. quòd si in Principis confessarium Religiosus talis ascitus fuerit,   
quan-

quantis se induit conscientiae laqueis Religiosa libertate deposita? dum monere timet cuius gratiam venatur, cuius indignationem veretur. & tamen ferè non monuisse hinc, deliquisse est, & Principis sui error in doctorem cadit. monuisse verò, non rarò excidisse gratia est. quid faciet? monebit? parata offensio est. tacebit? Deum habet iudicem. ita dum amittere gratiam veretur, silentio cauenda premit. grauius etiam est, dum, ne offendant, assentitur roganti, & laudat damnanda.

Periclitatur in his frequenter castitas, cum inter aulicas sermocinationes ferè minus pudica, & castis indigna mentibus intercurrent. Paupertatis etiam amor flaccescit, cum plerumq; aliquid opum, commodorum, dignitatumque, etiam non cogitanti, affricetur. assuetudine enim ac quadam vitiorum familiaritate ac consuetudine, etiam quasi nolenti, aliquid adhærescere solemne est; quo magis ambienti, & vltro se in illa coniicienti? Obedientiae etiam vis vel vniuersim tollitur, vel magna sui parte minuitur; cum vix talibus imperare Superioribus

ribus liceat, ne fors in offenso subdito, offendant Principem, exurgantque patrocinatorum ac intercessionum molitiones: quæ ubi inualuerint, prostrata iacet obedientia, non faciliè caput erectura.

Addit S. Basilius Mon. const. c. 12. *Qui maiorem in modum secularium hominum amicitia delectatur, eaq; re assidue cum illis esse in colloquio cupit; is ex frequenti cum illis sermone, prauas eorum affectiones in animum faciliè insinuauerit, & mente rursus cogitationibus mundanis completa, à præclara illa, quam erat ingressus instantia operis desciscet, & à se deinceps proscripta vite spiritualis stabilitate, quem ex animo effuderat vite prioris vomitum resorbebit. atque aded saucius tandem concidet, miserè confixus ab hoste. Et B. Ephræm Tom. I. paran. 46. Qui conuersationibus gaudet mundanis, sæculum nondum se odisse ostendit. nam sicut qui ignem excitat flammam suscitatur: ita & mundana colloquia, passionēs & affectiones prauas in corde monachi commouent. Et Dauid ab Augusta, Ordinis Minorum: Sæpe experti sumus, tam in nobis quàm in aliis, quòd frequens exitus & conuersatio cum sæculo, & occupatio nimia negotiorum externorum, deuotionem*  
*mentis*



mentis extinguit, feruorem spiritus tepescit, forte propositum virtutis emollit, cor dissoluit, studium proficiendi debilitat, delicias docet amare, tempus sine fructu expendere, verba otiosa multiplicare, iocis & trusis intendere, orationes pratermittere. Et fortiter in terrorem B. Laurentius Iustinian. lib. de discip. cap. 22. O quot temporibus nostris fuerunt, qui tanquam ardentes lampades & mundi luminaria lucebant coram hominibus, paulatim ex conuersatione secularium, & confabulatione tepesacti, ad pristina opera secularis vite miserabiliter redierunt! Et docemur à Seneca Epist. 7. vt non pigeat Religiosos imitari Stoicum factum ex se magistrum: Nunquam mores quos extuli refero. aliquid ex eo quod composui, turbatur: aliquid ex his quæ fugavi, redit.

Signa verò animi in hac familiaritatis venatione non Religiosi esse possunt: si quis eo in illam affectu rapiatur, vt grauiter molestéque ferat, si ab iis retrahatur: si maiore cura & sollicitudine illorum negotia, quàm quæ Religionis propria sunt, suscipiat: si incisijs Superioribus, negotia illorum amplectatur, doleátque sibi eorum tractationem à Superioribus inhiberi; si maiori conatu & studio

studio viros magnos, Principesq; sibi, quàm Religioni conciliet; si Religionis ministeria minùs speciosa contemnat, & indigna putet quibus se tradat, & implicetur; si paupertatem & obedientiam incipiat fastidire, commodisq; suis hinc inde quæsitis studeat; si Superiorum monita minùs æquo ferat animo, simpliciũque consuetudinem aspernetur.

*Remedia.*

**A** Mouendi ab hac familiaritate quoscunque pronos in eam Superioresprehenderint; aliisq; occupandi & destinendi muneribus, minùs quidem speciosis, sed tutioribus minoriq; periculo obnoxiiis: demum loco etiam mouendi, aliòque ablegandi.

Proderit etiam aliquem è domesticis maximè spiritualem excitare, qui vltro amicitiam illius ambiat: quò securius eum postea maioreq; fructu monere possit.

Magna etiam cura in hunc inuigilandum erit Præfecto spiritus, qui ratione crediti sibi muneris, maiore auctoritate & pon-

ponderemonere ac terrere potest, magnorum maximè exemplis, qui propè omnes à quæsitâ hac familiaritate ad sæculum & Ægypti ollas transierant, infortunatoq; ferè exitu vitam finierunt.

Nec erit inutile, retrahendi tales conatum, Principi magnisque viris elucescere: vt, si quid erroris postmodum intercurrerit, videant non frustra Superiores motos fuisse, & in illius auocatione laborasse, erroresque non iam Religioni, sed homini adscribantur.

Malorum quæ ex hac familiaritate nasci consueuerunt seria recordatio non parùm proderit: ingentia pericula, damnaque accepta, finem deinde vocationis suæ proponere alium omnino ab aulica consuetudine. Deum denique sæpe sibi ob oculos proponere, cuius seruitio Religiosus mancipatus, & à quo filiorum prærogatiua donatus est. vt indignum sit tanti Imperatoris sacramento addictum, minoris se obsequio addicere, & ad inferiora dimittere.

Pulcrum in imitationem apud Augustinum exemplum habemus de suo Nebridio

Lib. 8.



Lib. 8. Confes. cap. 6. Agebat illud prudentissimè, cauens innouescere personis, secundum hoc sæculum maioribus, deuotans in eis omnem inquietudinem animi, quem volebat habere liberū. Et quàm multis posset horis feriatum ad querendum aliquid, vel legendum, vel audiendum de sapientia.

## CAPVT XIX.

*Affectus in parentes, in sanguine iunctos.*

**N**Ec postremum, nec contemnendum in Religione malum, damna namque à nimis prodigo in suos affectu, & varia & magna sequi necessum est. fauemus propinquorum opibus ac dignitatibus, prosperiorisque fortunæ successibus. inde etiam operam nostram aut rogati impendimus, aut vltro etiam pollicemur: & negotiis iam sæcularibus, quibus antè renunciauimus, induimur & implicamur.

Accedunt non rarò ex infelici euentu, pœnitendæ, & ruborem incurientes commendationes; fitque vt qui sæculo semel ac parentibus nuntium miserunt, plus illis, quàm extra Religionem immergantur, magna

gna sepe aliorum inuidia, qui Religiosorum studio operâq; parentibus se illorum postpositos vident; & inimicos illos non priuat tantum, sed Religio paritur: ac non infrequenter ex amicissimis hostes parantur, cum se priuatis Religiosorum propinquitatibus posthabitos sentiunt.

Crescit deinde obligatio apud eos, quorum operâ parentibus impetrata dignitas, aut quâcunque res alia: transitq; hæc obligatio in Religionem, quam tanquam collato beneficio obstricta sibi arbitrantur.

Et ferè videmus prodigum hunc in parentes amicósque affectum, totum in sæculi affectum ruere, exuto spirituali domesticorum, ipsiusque adeò Religionis affectu: vt omnis Religiosæ coniunctionis æstus hac propinquorum alluione, tanquam vastissimi fluminis prolapsu, extingatur. neque enim affectus hic propinquis tantum adhæret, transit ad opes & dignitates, ad eâq; omnia, ad quæ studia illa cogitationesq; feruntur. Frequentatæ enim res sæculi, affectu in parentes materia, nescio qua Religiosam mentem fuligine aspergant, ac tanquam sepiatun-

tingant. nam cum frequenter illa menti obuerfentur, manibus etiam tangantur, non leuia fui relinquere vestigia, nemo prudentior mirabitur: imbibimusque paulatim pro Religioso, sæculi spiritum & mores, tanquam lana imbrem, valida nube fufum: etiam amare incipimus, quod procurare non pudet, ambire etiam, & vocatione sæpe desertata, ad sæculi dignitates commodaque cogitationes flectere ac transferre.

Præeunt deinde tales exemplo suo reliquis, prouocantque ad par in suos studium, & ad æmulationes Religioso indignas, ad alienationes etiam animorum; dum indignantur reliqui, improbantque has commendationes, effusumque in suos affectum; cum semel mundo suisque mortui, salutis incumbere animarum, non suorum indulgere deberent amoris.

Enimio deinde propinquorum affectu, ferè in carnem & sanguinem Religiosi prolabuntur: ut affectus ille suorum de propinquo carnis affectum iaculetur, accendatque recludatque tot annorum cineribus reconditum impuritatis ignem; & plurimum



rimum ex his initiis ad illicita quæque ruunt, cum aut sororis, aut neptis, aut alicuius sanguine iunctæ, femineis ac mollioribus affuescunt colloquiis, liberioribusq; prospectibus. dum enim non timent mala in propinquo sanguine, minùs cautè provideque versantur: caduntque non rarò propinquis hisce insidiis, aut sanè causam illæ præbent, pulso priore metu, puritatis custode, familiarioris cum aliis similis sexus consuetudinis: è qua celeri procursu reliqua postmodum mala mortem allatura promanant.

Sequitur & aliud malum Religioni imprimis noxium. facit enim frequentata hæc cum propinquis consuetudo, vt multa iam liberius in sinum illum Religiosi profundant; domestica dicta, facta consiliaque retegant: nec quidquam tam reconditum sanctumque, quod tantis affectibus claudatur. narrantur aliorum imperfectiones, animorum in hæc aut illa vitia propensiones, & hæc ferè innata quadam naturæ propensione in maius tolluntur, virtutes deprimuntur: si quid dignum laude, extenuatur: si quid reprehensione, immensum augetur. atque

hæc

hæc mulierculis sæpe committuntur, à quibus propero cursu, non sine insigni augmento abit ad alios.

E qua re & mala nascuntur plurima, quæ cuique obuium est videre: & tanquam iniecto frano, aut compede, sperata reprimuntur bona: Religionis nomen minuitur: salutisque proximorum propagatio arctatur, dū illorum virtuti detrahitur, à quorum singulari industria, nominisque æstimatione magna salutis proximorum pars pendebat.

Et ut reliqua non terreant, tertere nos merito debeant verba Domini: Luc. 14. *Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* Seuera omnino sententia. cuius erit, si non fuerit Domini discipulus? Luc. 16. *Nemo seruus potest duobus dominis seruire; aut enim vnum odiet, & alterum diligit; aut vni adharebit, & alterum contemnet: non potestis Deo seruire & mammonæ.* Hinc illa sponsi ad fidelem animam desponsandam sibi verba: Ps. 44. *Audi filia, & vide, & inclina aurem tuam: & obliuiscere populum tuum, & domum patris tui.* Et

*cōcupiscet rex decorem tuum: quoniam ipse est Dominus Deus tuus.* Magna prærogatiua animæ obliuiscens domū patris sui, vt cōcupiscat Rex decorem eius, deducatque illam in cubiculum genitricis suæ, fiatque illi sponsus, atque inter vbera illius commoretur, dignetur illam associatam iam sibi reginam & sponsam osculo oris sui.

Et verò quid sperari de Religioso potest, cui adhuc patriæ affectus inhæret infixus animo? non compatiuntur se mutuo patriæ amor, & Deus sponsus. illam si amas, constituendus sponsus est; hunc si vis sponsum, deserenda patria est. Acutè Hugo Victorinus lib. 3. Did. erud. c. 20. *Delicatus ille est adhuc, cui patria dulcis est: fortis autem, cui omne solū patria est: perfectus verò, cui totus mundus exilium est. Ille mundo amorem fixit, iste sparsit, hic extinxit.*

#### *Remedia.*

**V**T qui propensiores in propinquos sunt, non permittantur soli cum illis versari, sed adiungatur socius, linguæ & rerum intelligens, & spiritus boni.



Rarior omnino permittatur collocutio. Interdicatur feuerè cōmēdatio omnis, & si qua deprehensa, nō permittatur impunira.

Mittantur ad ea loca, in quibus nulla commendationum harum commoditas esse possit.

Moneantur Superiores, vt diligenter dispiciant, ne quas aut ad suos scribere patiantur litteras, aut ab iis accipiant negotiorum administras.

Ipsi Superiores exemplo suis pręcant, caueantque ab omni omnino propensionis in suos ostentatione; idque adeò prouidè ac seriò, vt nec verbo in hoc genere labantur: fugiantque, quacunque mentione iniecta. omnem harum rerum materiam, & apertè à se repellant.

Magnorum in Religione virorum exempla proponantur, qui omnem hunc affectū fortiter calcarunt, ac in se aliisque damnarunt, & ferè patria domo egressi remotissimè ab omni cognatione vitam duxerunt.

Iuuabit etiā pericula damnaq; ab affectu hoc in non vltimis virorū nata proponere, vt horum exemplo propensiores terreātur.

*Commendationes ad Ecclesiasticas, aut sacula-  
res dignitates.*

**I**N numeris permixtæ periculis. Quia dubiæ in impetratione. quòd si non succedunt rogata, in nos plurimum cadit indignatio; cùm arbitrantur per nos stetitisse, quo minùs consecuti fuerint. ita ferè euenire solet, cùm omnia nobis ab vno pollicemur, cùm aut potentiæ, aut gratiæ fidimus, conatum licet omnem explicauerit; si frustrati spe sumus, in illum ipsùm indignationem vertimus, & negatæ, aut non consecutæ rei causam in patroni negligentiam coniicimus: è qua ferè opinione, nullo licet plurimum fundamento nitatur, animorum nascuntur alienationes, & amicitia in odia commutantur.

Quia incertæ in euentu, & impetrati muneris administratione; vnde grauius timeri aliquid quando reipublice pericula possunt. quid, si se aperiât improbi, qui latebât mores? quid, si læsæ maiestatis crimina? quanti conscientia exurgunt remorsus, verecundia? quan-

ta pericula auctori & promotori? Ferè enim promoti à se delictis inuoluitur: ac licet magna innocentia tegatur, semper tamen in probatissimo vestigium aliquod liuoris aut yulneris manet: neque facile cliētis à se notam patronus eluet, maximè in ijs, quæ Principem, aut rempublicam tangunt, in quibus tanquam indomitis furentibusque fluctibus, aut tanquam insanis montibus, rupibusque, sedibus ab imo diuulsis, non vicini tantum, sed & longè positi vna ruina conselpiuntur.

Ferè aduersarios iusto Dei iudicio, commendatione nostra prouectos experimur. quod plurimis in vtraque dignitate Ecclesiastica & seculari exemplis doceri potest eo magis, quo plus sæpe operæ studijque impendimus. Nec mirum, viro hoc Religioso euenire, cùm se extra modestiæ & regularum suarum limites extulerit. nam & illi ipsi, qui patrocinia nostra poscunt, licet patrocinia hæc probent; Religiosos tamen patronos non probant, cùm non ignorent, longissimè à Religioso instituto sæcularia patrocinia abesse debere. vtuntur tamen ijs vt



proditoribus reges; non amant, non colunt: timent magis, & potentiam hanc in alieno solo metuunt; amaturi, si in sæcularibus resideret: in Religioso, cuius omne studium salus propria & proximorum esse debeat, oderunt verius quàm amant ridèntque tacitè secum, tanquam frænos aureos, iubámque leoninam in ouino vertice.

Offensio dein nascitur omnium illorum, qui se neglectos à nobis arbitrantur. Hinc pro vnus dubia sperata beneuolentia, plures inimicos paramus; quorum odia longè Religioni perniciosiora sunt vnus commèdati fauoribus, iisque plerumque incertis ac dubiis, ac in perniciem potiùs quàm subsidium tendentibus.

Graue etiam Religioni accrescit onus, cùm pluribus eadem præstanda veniūt, maxime sanguine iunctis, amicis, aut qui tales videri volunt, beneficis, aliisq; huius generis non paucis; vt tota iam Religio in negotiationis quandam curiam, aut patrocinantium atrium vertatur: nam cùm nemo ferè in illa sit, qui non aliquem habeat cliètem, aut amicum cuius commodis studeat, perfa-

cile

cile videre est, quanta immineat moles à Religioso instituto alienissima. Vnde fit vt crescentibus paulatim commendationibus, quæ innumeram secum negotiorum turbā trahunt, elanguescat spiritus, dilabaturque primæuus ille rigor; & qui ad Deū, animorū salutem, Religionis augmentum ducebat, ad sæculi mores & imitationem deducat.

Grauiam dein damna metuenda vniuersæ Religioni, cum vnus factum errorque toti Ordini adscribitur. ita ferè euenire solet, vnus delicto plectuntur omnes: arbitreris tanquam è paradisi traduce, crimina transire in socios; & quos sociauit amor, imprudentiæ colligari nexu, tanquam si vnus infipientiæ, temeritatis, arrogantiæ, vanitatis nota signentur omnes. virtutes nimirum singulorum, vitia omnium sunt. quare nemo alterius virtute coronatur; vitio vnus damnantur omnes, quo maior cura adhibenda est, vt ab omnibus, quæ quoquo modo in vniuersum redūdāt corpus, abstineāt singuli.

In generatur etiam plurimorum animis politicissimi opinio, cum pluribus eandem dignitatem ambientibus, operam nostram

addicimus: qui enim se vident frustratos, & vni de facto operam nostram impēsā, veniunt in non immeritam politicissimi de nobis suspicionem: peritque omnis conceptæ estimationis opinio, cū tales iam non in Religiosorum, sed in aulicorum numerum referant; tantam in posterum verbis fidem adhibitori, quantam operæ compere rint. Vnde nec in salutis negotio certo iam stat fiducia, cū exemplo vno edocti aliud arbitrentur verbis exprimi, aliud mente contineri. quæ res vniuersam salutis animarum spem euertit & eludit, tanquam si aut vna falce quidquid erat messis futuræ demetas, aut vnis frigorū ardoribus omnem torcularis spem fallas, aut vna denique nouacula omnem bonorum operum spem præscindas.

Accedit demum non levis obligatio apud eos, quorum in commendationibus operâ vsumus; qui beneficium hoc non in vnum hominem sed in totam Religionem collatum arbitrantur. Quare obstrictam se hanc putant habere, paria aut maiora expectantes, & cū tempus aut ambitio suadet,

suo



suo quasi iure poscentes : quibus si neiges, cum beneficia acceperis, durum. nam & gratitudo quædam obstrictos nos tenet, & impensus in nos labor, fauorque iure suo paria deposcunt; aut si rogati operam negamus, præter ingratitudeis notam, animorum alienationes, odia quoque expectanda sunt, quæ in vniuersum Ordinem transfundantur.

*Remedia.*

**O**Mnium vbique commendationum interdictio: nam si vel tenuem rimam, quocunque demum prætextu, illis aperuerimus, integra postmodum pendentur ostia: serpit enim hoc studium, vbi inchoaueris, ac instar canceri aut scabiei, ex vngue ac capillo vno vniuersum occupat hominem. dulce venenum, quod magnos etiam viros à leuib. initijs, tanquam riuulis, in ipsa commendationum maria impulit, è quibus saluare nunquam enatarunt: sed neque subducere eam, cum vellent, potuerunt: in altum enim prouecti, medios inter procellosos fluctus, nequidquam littora portumque

spectarunt.

Seuera in transgressores punitio, vt & ipsi desuescant, & alij terreantur, ne paria audeant: quos enim pariauit delictum, pariare & pœna debet; imò grauiori pœna post primi punitioem, secundi transgressores puniendi sunt. nam primo exemplū deerat, vt aliquid excusationis videretur posse pre-textere, secundis nulla excusatio reliqua est.

Exemplorum in infortunato ac infelici euentu frequens cōmemoratio, qualia in terrorem & fugam, siue domestica, siue externa nunquam deesse possunt. obruimur enim multitudine, nec quisquā vllā memoria se illis miscuit, cuius nō hisce flāmis ambustæ penne timenda posteris dederunt exempla, pœnitendaque reliquerunt vestigia.

Damna periculaque Religioni è varia commendatione nata recensita iuuabunt.

Fuga etiam sæcularium negotiorum, ac inter Religiosos limites certa rigidaque arctatio: in id solū intenti, operamq; laboremque pollicentes, quod in salutem rendit animarum. quod vnum veri Religiosi est, reliqua tantum ab hoc spiritu absunt, quan-

tum

tum à proximorum salute recedunt.

Nulla cuiuscunque negotij etiam pij susceptio in scio Superiore; quem tamē ne nolentem in suam trahat sententiam inferior, curandum est : nam vbi precibus tanquam armatâ dextrâ, res extorquetur, magna simplicis obedientiæ pars deperit, raroque felici successu, resperaguntur: quin imò infortunato ferè exitu domum funestant.

## CAPVT XXI.

*Paupertatis neglectus.*

**C**Vm immemor quasi votorum suorū, quæ distinxerunt labia sua, ad opes & periturarum se rerum studium cōuertit, incipiuntque placere, quæ generoso ausu contempsit prius, admirari etiam & vouere atque insectari, quæ forti calcatu, protriuerat antè, factus ex hoste amator & laudator opum. miserrima planè conditio, dum, quæ reipsa pondera excussit, repetit, & sub pullo ingemiscere delectat, qui vno iactu onerauerat humeros sub immani mole fatiscientes: eoque miserior, quo minoribus



implagatus detinetur, qui vniuersa perfregerat retia, tanquam si passerum laqueis teneatur, qui leonum plagas excusserat.

Et sanè post ingentes sepe thesauros non semel calcatos, indignis viro reculis irretiri, commiseratione dignissima res est: breuiario tenetur elegantiori, icuncula capitur formosiore; veste delectatur hic laxiori, ille strictiore, comptiore alius: vt meritò in admirationem rapiantur quotquot viderint valètem antè & robore plenum implexum inherere minimis, qui maxima difflauerat tanquam plumas vento raptas, aut festucas fluctibus illisas.

Magis etiam mirandum, cùm magnus ille diuitiarum contemptor, qui per iocum & lusum magno impetu adlabentes, & vndique afflatas opes percussisset, postremis inhereret reculis; post Philistæa nimirum agmina areasque diffractas portas, Dalilæ fascijs, fæminea implexis manu. Turpe viro, magis etiam Religioso, maximè cùm repudiata repetit, & amare incipit, quæ odisse dicerat. Infelix omnino infortunataque vicissitudo, è sæculi totius regnorum imperio-  
rum-

rumq; etiam contemptore, amatorem nasci  
spretarum rerum, & adrepere ad ea, quæ va-  
lido antea impulsu, magna omnium laude,  
sæculo regnisque maior, vt Religioso calo-  
que indigna protriuerat.

Varia ex his sequuntur mala, dum ambi-  
re & amare Religiosus audet, quæ neglexe-  
rat prius, & sæpe veteranus commodis in-  
hiare, quæ spreuerat tiro. hinc enim inquie-  
tudo nascitur animorum, nec quies menti  
vlla, donec optatis fruatur. Sed neque in  
consecutis statur. semel enim habendi ad-  
missa audivitas ad noua deuoluitur; vt è mi-  
nimis tanquam è semine ingentes succres-  
cere arbores videas, latissimis postmodum  
ramis vicina quæque sterili sua vmbra obte-  
gentes. nam & in exemplum & imitatio-  
nem res hæc reliquos trahit, dum noxia æ-  
mulatione priuatis quibusdam commodis  
suis student, amantque quæ oderunt antè:  
inde iam secreta prosiliunt consilia, & ab  
externis mutuamur, ad quorum nomen ex-  
horrescebamus antè.

Decurritur deinde ad priuatorum com-  
modorum studium, & dum ab amicis aut

pœnitentibus, reculas emendicamus; libertatem proijcimus, pro pulmento nimirum primogenita vendentes. ingens exinde ex amissarum aut Superiorum voluntate subductarum rerum priuatione mœror nascitur, crederes regno exutum regem, aut amplissimis possessionibus sæculi possessorem. Profiliunt ex his initijs integra murmurationum plaustra, & maiora iam audet animus, tegitque necessitatis quodam prætextu, tanquam pulchro velamine fœdam proprietatum sentinam. ingeniosa nimirum ad vitiorum suorum tuitionem audivitas, amorque proprius est: & qui antea ad priuatarum rerum possessionem expauescebat, nunc illa etiã tuetur, & subdola ratiocinatione propugnat. & plurimum auidam hanc proprietatis famem, priuatorum honorum sitis committatur, incipitque Religiosus hac titillari & exasperari: & qui vltro pleno se sinu expandentem gloriam repulerat, obuiis etiam fugientem prosequitur vlnis; nec erubescit ad prosecutionem, qui prius erubescibat ad vltroneam oblationem. indiuiduo enim ferè nexu opes & honoriunguntur; vt qui illas



las amet & ambiat, honore delectetur.

Omnia deinde paulatim corporis commoda irrepunt, amorque rerum harum totum occupat hominem: incipiunt displicere duriora, & quidquid seueriorem veramque religiosam disciplinam sapit. Accedit ciborum & potus auaritia, vnoque impetu tanquam ruptis aggeribus omnia corporis commoda inuolant: cibus proinde parcior potusque moderatior virtutum propè reliquarum vehiculum, pro minùs ingenua parcimonia ac pro sordescente etiam auaritia habetur; prodigalitas & liberior in escà potumque profusio virtutis nomen sortitur: & auarus iam audit, quisquis mensas religiosa moderatione circumscribit, quisquis libidinum fomitem excludit, quisquis ignibus materiam subtrahit; liberalis verò quisquis prodigit parcenda, & animorum in sanguinato corpore flammam nutrit.

Accedit quòd omnis paulatim pietas in talibus refrigescat, omnis Religionis amor congelascat, omnis disciplinæ rigor conspeliatur. nam cum in paupertate tanquam in fundamento omnis religiosi edificiij structura

ctura formetur; illa collabente, omnem necessum est reliquam structuram collabascere, nec timas tantum ducere, sed vniuersim corruere; cum primus omnino gradus lapisque angularis, cui reliqua Religiosa domus innititur, ab auri opumque contemptu originem trahat.

Iam cum Beati pauperes spiritu à Domino dicantur, non infelices erunt paupertatis supra omnes opes, à Domino amate contemptores, desertores, osores? & quam infelices, illius in Religione post sacrata Deo vota, transgressores? ut merito quidam dicat: De radice peculiaritatis, vel amore pecunie gignuntur vitia haec: inobediētia, superbia, auaritia, contumelia, vanagloria, extollentia, voracitas, mendacium, luxuria. &c. Turbat pacem cum proximo, subiicit hominem diabolo, auertit animam à Deo, ut nusquam feratur affectus quam de conseruando peculio, iuxta illud, Mat. 6. Vbi est thesaurus tuus, ibi est & cor tuum. & pergit, Raro salutis remedia admittit proprietarius, à paruis ad maiora precipitatur, sub specie boni & necessitatis. è conquisitis bonis oritur displicentia sui status, marmurat, derrahit, iudicat omnes, transferre se cogitat ad ru-

tiorem locum, sub colore profectus. viaticum putat  
sua apostasie insolenter respondere Superiori, que-  
rit causas discessus, alios nititur deprauare. & an-  
tè: Inter fratres concors & amica perstat consonā-  
tia fraternæ caritatis, cum nihil habet vnus, quod  
non omnes inter proprietarios rixæ sunt, discordia,  
diuisiones. Res communes non sunt materia litis,  
sed cum quis vult sibi appropriare, surgunt inque-  
ratina pacis, iuxta illud, Prou. 15. Conturbat do-  
mum suam qui sectatur auaritiam. Ob hoc vitium  
Cyprianus Diaconum suum sepultura Ecclesie pri-  
uauit, & patres sepultura asini tumulandos volue-  
runt. quanto ergo magis punietur in inferno, qui sic  
punitur in mundo?

Paupertatis verò neglectores, proprio-  
rumque commodorum amatores vir ma-  
gnus fures vocat, & Achan, Ananiæ & Sa-  
phiræ comparat: latrones, quod plurimos  
exemplo suo iugulent: sacrilegos, cum Deo  
in pauperibus data prodigant: proditores,  
cum domesticos defraudent bonis: aposte-  
ras, cum abiiciant repellantq; à se pauperta-  
tem, cui arctiori vinculo, quam vestibis lo-  
coq; religioso astringuntur: idololatrias, cū  
auaritia, Apostolo teste, sit idolorum serui-



tus: mendaces & hypocritas. Spiritu sancto ad Ananię imitationem mentientes: plenos dolo & diabolo.

*Remedia.*

**A** Christi primorumque Sanctorum exemplis petenda sunt: quorum si aliquando glorię participes esse velimus, etiam opum contēptu pariri debemus: Christi sanē in Propheta suo verba sunt: Psal. 87. *Pauper sum ego, & in laboribus à iuuentute mea. & Psal. 39. Ego mendicus sum & pauper.*

A recordatione seuerissimę dictę in Epulone ac diuitiarum sectatoribus sententię. & apud Lucam c. 14. quanta interminatione insurgit? *Qui non renuntiat omnibus quę possidet, non potest meus esse discipulus. & Apostolus 1. Tim. 6. Qui volunt diuites fieri, incidunt in tentationem, & in laqueum diaboli: & desideria multa inutilia & nociua, quę mergunt homines in interitum & perditionem. radix enim omnium malorum est cupiditas: quę quidam appetentes, errauerunt à fide, & inseruerunt se doloribus multis. & Dominus Matt. 19. Amen dico vobis, quia diues difficile intrabit in regnum calorum. & iterum dico vobis, Facilius est camelum per foramen*

*acut transire, quàm diuitem intrare in regnum ca-  
lorum.*

A frequentiorum ac cælestium thesau-  
rorum, centuplæq; redhibitionis & spon-  
sionis recordatione. hinc illud Matt. 5. *Beati  
pauperes spiritu, quoniam ipsorum est regnum calo-  
rum.* & Iacobus c. 2. *Nónne Deus elegit pauperes  
in hoc mundo, diuites in fide, & heredes regni, quod  
repromisit Deus diligentibus se?* & auxilium a-  
pud Isaiam ca. 25. pauperi habemus: *Factus es  
fortitudo pauperi, fortitudo egeno in tribulatio-  
ne sua, spes à turbine, umbraculum ab aestu.* vt in-  
genti fiducia pleni, certam in vnum Deum  
spem coniiciamus, certi impossibile esse de-  
stitui sperantem in Domino, cuius hæc  
verba sunt, Numer. 18. *Ego pars & hereditas  
tua.*

A damnis passim omni propè Religioni  
datis & acceptis à possessionum opumque  
coaceruatione.

Danda Superioribus hîc opera, nequid  
ad honestam religiosamq; sustentationem  
desit necessariis Religiosi instituti, ad pa-  
randa sibi illa animos studiumque conuer-  
tant. meminerint huius: *Liberális & bona pro-  
uisio*

uisio Pralati, omnium necessariorum: unicuique necessaria dentur sine exceptione personarum. ut quemadmodum sibi providere desiderat, ita & subditis: nam ex indigentia necessitatis, ex mala provisione, ex tenacitate Pralati saepe oritur hoc vitium. Caueant proinde Pralati, ne subditis occasionem proprietatis subministrent, vel necessaria subtrahendo, vel superflua admittendo.

Plurimum in hac, ut in omni alia re, Superiorum exempla proderunt; ne non necessariis abundant, ne superfluis stipentur, ne ad delectationem aut ornatum aut priuatum commodum rebus utantur, communibusque contenti, singularia deuinent.

Ea demum res ingens reliquis ad vere paupertatis amorem irritamentum est: neque enim Superiore præeunte, quidquam facile cuiquam graue videbitur: & sola saepe erubescencia deterrebit subditos, pudorque è Superioris in paupertatem affectu collectus, ne ad maiora commodioraque manum porrigamus: néve ad sæculi opes commodaque, sæculi desertores circumspiciamus.

CA-



## CAPVT XXII.

*Singularia in cibo, potu, vestitu, reliquisq; corporis commodis.*

**A** Emulationum & murmurationum in religione causa, ac dissensionum seminarium. nam si Superior hoc malo laborat, perpetuam sugillandi materiam præbet, eò magis quò omnium in illum oculi intenti; eoq; nocentiùs, quò illius exemplum transit ad plures, seminaque in posteritatem spargit, prouocatque reliquos, viamque secuturis sternit ad paria aut maiora etiam audenda. sæpe enim, quò exempla desint, à noxiis abstinemus; at vbi præuiis maiorum factis reſeratus est aditus, proni ad libertatem commodaque decurrimus: nec imitari pudet, ad cuius initia erubescimus; & cùm pudeat audire primum, in imitatione gloriamur.

Eoque grauius hoc malum est, quò non se intra primi transgressoris terminos contineat, sed singuli ferè aliquid adiciant noui, hic in cubiculo, ille in vestibus, alius in cibo & potu, non nemo in omnibus; ac tandem

in

in delicias & luxum, sæculumque totum res  
abeat. è quibus infelicibus initiis paupertas  
Religionis murus corruit, nudaturque vni-  
uersa Religio propugnaculo, exiitque  
suis viribus, robore destituta.

Accedit ciborum hunc reliquorumque  
commodorum delectum, ipsis plerumque  
Superioribus grauem adgenerare molestia-  
rum causam. nam cum in plerisque Reli-  
gionibus perpetui non sint, sit vt munere  
defuncti, ægrè consuetis commodis ca-  
reant; patianturque non postremas in illo-  
rum defraudatione difficultates, multorum  
exin fabula facti, & acerbiorum irrisionum  
materies.

Si inferior malo hoc tenetur, sociorum  
in se æmulationes excitat, oblocutiones et-  
iam, percutiturque ferè tot linguis ac iudi-  
ciis, quot capita in vna domo sociata habet.  
Iam exemplo suo ad paria prærogatiua reli-  
quos prouocat, maximè eos qui meritis, la-  
boribus functionibusque superiores, pares,  
aut non inferiores sunt. adolescentioresque  
etiam ad paria aliquando audenda incitat:  
neque enim quidquam in vtramque par-  
tem,

tem, vitiorum ac virtutum, maiorum exemplo, potentius est.

Graues deinde tales Superioribus sunt, & plerumque illorum conuictum auersantur, subterfugiunt oblatos, ac cum mœrore quodam patiuntur domesticos; dum aut negare non audent ne offendant, aut concedere non audent, ne reliquos ad paria prouocent.

Quòd si Superiorum vnum beneuolum nacti fuerint, reliquos patiuntur aduersos; ita vt quod aut naturali quadam munificètia, aut priuato affectu concesserit vnus, negaturi sint alij. quæ negatio durissima in cõfuetis est. profiliuntque exinde omnium propè generum tentationes, tristitiæ ac mœrores, cor exedentes, ac murmurationum integra plaustra. quòd si fortiter in sententia steterint Superiores, non rarò tabescunt tales, ac quasi emedullatis ossibus decinescunt; si grauiorum metu aliquid à constantia remiserint, fastidiosos patiuntur, ac vniuersæ familiæ pacem euerrunt.

Iam quotquot commodis suis auidè, & supra quàm Religiosam modestiam ac pauper-



pertatem decet inhiantes vides, eos ferè in carnem & sanguinem labi comperies, ac in inchoata tandem vocationis desertionem. cum tepescat primò in his omnis Religionis spiritus, qui fomentis hisce tanquam iniectis puluinaribus suffocatur. neque aliud ferè certius signum est, languentis in vocatione, ac à primo feruore degenerantis animi. vnde ingens spiritualis nausea nascitur; à qua ferè vehemens flamma carni iniicitur.

Repugnat etiam hæc singularitas mutuo amor: qui paritate roboratur & crescit, imparitate subuertitur. ignorant filiorum discrimina vbera necessitati nata, vniúsque patris filij prærogatiuam de generatione nasciunt. nimirum quos vterus, vbera; pariarunt, pariare debet amor. quem minuit quisquis de prærogatiua censeret desiderat; quisquis sub eodem patre matreque Religione, potiora sibi arrogat, aut concedi desiderat.

Illud verò mali huius magnitudinem augeat, quòd superbiæ tanquam fundamento inædificetur. qui enim præ reliquis singularia ambit, plus sibi deberi quàm aliis censeret:

si

si c  
fun  
Lu  
ne  
ster  
flan

A  
terr  
con  
ligi  
re se  
pto  
excl  
men  
posu  
Bon  
posu  
bet,  
ceam  
bus a  
piat  
quere

si consequatur, plus sibi merito suo concessum quam aliis gaudet. singularis esse voluit Lucifer, dum parari Deo studuit: si in ordine reliquorum angelorum stetisset, æternū stetisset. prærogatiua illum vota æternaturis flammis addixerunt.

*Remedia.*

**A** Superioris exemplo petenda, qui si fortiter intra consuetos se Religionis terminos teneat, vel solo rubore reliquos continebit, terrebitque ab hoc parum Religioso conatu. Sanè si fortem in hoc genere se præbuerit, commodorumque contemptorem; non difficulter reliquos ab hac spe excludet, terrebitque ab illorum petitione. memor proinde sit illius Sapientis, *Rectorem posuerunt te, esto inter illos, sicut vnus ex illis.* vt Bon. de 6. alis, c. 6. *nihil habeat, vel diligat pomposum, mundanum aut vanum, sed omnia quæ habet, Ecclesiasticam personam & statum suum deiceant, & humilitatem ostendant: nihil in omnibus appareat, quod iactantiam vel curiositatem sapiat. non est enim humilis cordis indicium, curiosa querere, pretiosa affectare, excelsa ambire.* Et sanè

indignum viro est cælestia cogitanti, ad quæ natus, ad vilia hæc se abiiicere, & primogenita cum Esau pultibus commutare.

Exempla hîc deinde omnium ætatum in omni Religione magnorum virorum valent: qui per calcata corporis commoda ad magna claraque in terris cælóque nomina deuenerunt. exempla etiam generosorum militum, qui vltro affuescunt duris, auersantur mollia, quibus vt corpora, ita & animi effeminantur. nescit mens ad magna se erigere, quæ vilioribus deprimitur.

Terrendi denique multorum magnorum lapsibus erunt, quicunque ad hæc auidè aspirant. & Greg. in Pasto. p. 3. c. 20. admonendi gula dediti, ne in eo quod. esearum delectationi incumbunt, luxuria se mucrone transfigant, & quæta sibi per esum loquacitas, quanta mentis leuitas infidietur, aspiciant: ne dum ventri molliter seruiunt, vitiorum laqueis crudeliter astringantur. tanto enim longius à secundo parente receditur, quanto per immoderatum vsum dum manus ad cibum tenditur, parentis primi lapsus iteratur.

Incommoda etiam frequenter ob oculos ponenda, quæ ex hoc singularium dele-  
ctu



ctu sequi nata sunt: idque in publicis exhortationibus, conferentiis, ac priuatis etiam Superiorum aliorumque monitis.

Remediorum verò potentissimum est nihil vlli præreliquis indulgere, præscindenda proinde omnis sub initium occasio est, ne serò remedia cogites postquam inualuere mala. in scintilla nimirum sua extinguendum incendium est.

## CAPVT XXIII.

*Neglectus munditiei & modestiæ religiosæ.*

**L**ICET mundities in omni exteriori cultu non sit Anachoretis, & ab hominum consuetudine ac familiaritate remotis necessaria; illis tamen qui proximorum salutem promouendæ student, perquam necessaria videtur. ne dum è sordium conspectu & odoratu in personarum fastidium veniunt, doctrinam etiam institutionemque contemnant. ferè enim certa sperati fructus spes est, placuisse. quicumque proinde ex instituti ratione ad aliorum salutem vocantur, munditiei studeant.

Nolo curiosiores vestium compositores, nolo capillorum structores, nolo sæcularem ambitum, moresque ad aulam compositos, ad externam beneuolentiam captandam figulatos, ac quasi è capsâ & acu prodeuntes, nolo ornatum luxus ac deliciarum indicem: munditiem volo grauitatis & interioris nitoris ac munditiei testem. nolo sordes. neque enim sanctimoniam aut solidam pietatis hæc signa sunt: plusque non rarò fastus ac arrogantiam in extremo quodam vestium corporisque neglectu, quam in curiosiore delectu est. mediocritatem tenuisse viri & virtutis est. non splendeat proinde, nec sordet vestis, vt sine cultu culta sit, & dum paupertatem Religiosus amat, non amet sordes quibus fastidium nauseamque pronocet. sed neque exquisitiore compositione vanitatem signet. Sanè nec affectatæ sordes, nec exquisitus cultus Religiosum decet: hic delicias, illæ animum neglectum ac remissum, aut inanis gloriæ studium designant, nam cum ferè habitus hominem suum loquatur, fit vt exterior constitutio interioris animi indicium sit, tanquam si quis è vestibulo

bulo de domo sententiam ferat, è fronte oculisq̃ue mentem designet, è verbis pectus cuiusq̃ue recludat. non quod hæc falli nesciant, sed quòd plurimùm externi mores ingenium cuiusq̃ue prodant.

Qui ergo aliorum sibi salutem proposuit, vitiorum extirpationem, virtutum insitionem; nec fastum præ se ferat, nec contemptum, ne suadelæ ostia claudat, ne sordibus terreat, horrore exanimet, molliore-  
ûe cultu aliquid de probitatis opinione amittat. virilem habitum moresq̃; virtus deposcit, maturos, graues. Non loquatur vestis feminam, sed neque sordes aut agrestem & inhumanam negligentiam aut barbariem aliorum oculis ingerat. nemo è speculo & crinali acu ad vitiorum odia, virtutumq̃ue amorem potens prudensq̃ue persuasor prodiit; nemòque facilè in quæ voluit animos flexit beneuolentia destitutus. cum ergo horrorem sordes, accuratiorq̃ue compositio mollitiem testentur; vtrumque prudens animarum auceps fugiet, media scetabitur, extrema deseret: nec fœda à se illu-  
uie reliquos terrebit, nec munditiẽ tantùm



colet ; sed ubi nitore in familiaritatem pel-  
lexerit, in virtutis amorem pertrahet.

Tota etiam domus nitorem præ se feret,  
magis etiam singulorum cubicula: quorum  
concinna aut neglecta compositio, inhabi-  
tantis ferè animum morèsq; designant,  
compositos, incompositos. & incredibile  
propè est, quantum domus totius apta con-  
cinnitas externorum animos in admiratio-  
nem & amorem trahat, quantumque sor-  
des deterreant, ac in contemptum ducant:  
ut plerique è domestica compositione de  
incolentium moribus statuunt. magis etiam  
in Religione: in qua in minimo deflexisse  
magnum videtur, maximè cum ea innata o-  
mnibus opinio sit, ab interna animorum  
constitutione externa profluere, talèmq;  
cuiusq; mentem esse, qualem mores facta-  
que testantur, nec aliam, proditor interio-  
rum mores sunt, neque certior interiorum  
index reperiri potest, ut frons, oculi, verba,  
vultus, corporis iactatio, lentitas celeritas-  
que incessus, modesta aut sordida, cultior  
aut neglectior habitudo totum hominem  
suum loquatur. etiam ipse odor nescio quid

virtutum vitiorumque spiret. tetrum omnes auersantur, nimiam vestium fragrantiam, impurioris molliorisque animi signum designare arbitrantur. Quid? quod inter prima tuendæ valetudinis adiumenta munditia sit.

Dici deinde non potest quantum siue ad imitationem, siue ad persuadendum religiosa morum compositio valeat, vultus totius modestia ac maturitas, decens membrorum omnium compositio, frons serenior, oculi modicè deiecti, & verecundiam signantes, os genæque pudorem testantes, manuum totiusque corporis seria maturitas. vt vel hæc sola ingentia non semel incitamenta fuerint vitæ melioris. potentiora nimirum ad suadendam facta verbis sunt, plusque potest muta morum locutio, quam fecundissima verborum flumina, diuite quocunque fonte manantia. ita non rarò plus Superioris aspectus ad seueritatē compositus quam acerbiora verba poruerunt: vt lasciuior etiam quisque, si in seueram maturamque vultus compositionem inciderit, comprimat meditados ignes, ac tanquam fulmine per-

cussus cogitata recondat, & audacię suę cursum pudoris freno retrahat: vt sola sepe vultus castimonia satis sit ad validę procursantes flammās restinguendas. credas integra superfundī ignibus flumina, ita momento sistitur. omnis æstus, cū in verecundos seuerosque maturosque mores incurrerit.

Iam ipsa oculorum casta maturitas, verecunda deiectio, quantas peccatorum occasiones tanquam falce secat? quantis contrā liberior illorum procursatio ostia referat hostibus? quanti deinde omni ætate vno licentioꝛe oculorū intuitu ceciderunt? quanti starent si sterissent oculi littoribus suis cōtenti? quantos verò vnus mulierculæ curiosior circumspectio sub iugum misit? quot captiuas animas vna audacioꝛ oculorum iactatio in triumphum duxit? quanti æternis pascuntur ignibus, viærent cælorum gaudiis, si proditor oculus non prodidisset animas? quanti deniq; mutuis oculorum propudiosis ignibus decinerati in inglorias fauillas abierunt? adeo vt vel semel vidisse minùs castum multorum annorum materiam suggerat. quid, quod in omnem etiam ætatem?



rem? tantum potest prouida arctiorque oculorum cohibitio, tantum licentiosior peregrinatio. Idem de reliquo corpore dici potest, ore, auditu, tactu, incessu. quæ omnia si ad religiosam modestiæ regulam componantur, ingenti decore Religionem illustrent, magnamque sui admirationem amoremque prouocant: cum contrà lasciuior liberiorque ostentatio dedecus inurat, auctoritatem minuat, probitatis opinionem tollat, speratamque animarum messem fallat.

*Remedia.*

**A** Superiorum in primis vigili, ac in omnem partem intenta cura petenda sunt, crebris monitionibus, cubiculorum singulorum totiusque domus frequentibus lustrationibus.

A nouitiorum seria institutione magnarum rerum pars pendet. ferè enim in omnem ætatem adhæret quod primis illis annis imbiberunt. seriò proinde ab ipso Religionis exordio excitandi erunt ad munditiei cultum & amorem, ad modestiæ admirationem & studium. quæ vna, Bernardo te-

ste, Epist. 113. ad Soph. *cervicem submittit*, ponit *supercilia*, componit *vultum*, ligat *oculos*; *cachinnos cohibet*, moderatur *linguam*, *gulam frenat*, *iram sedat*, firmat *incessum*, omnemq; corporis motum ad exterioris etiam cuiusdam elegantiae normam, religiosamque compositionem fingit.

Pœnitentijs deinde à sordibus deterrendi, præmijsque laudibusque ad munditiam, decentemque corporis compositionem impellendi sunt.

Commodorum etiam è nitore, incommodorumq; è sordido neglectu nascentiũ consideratione iuvare singuli poterant.

Excitandum denique in singulis vehemens salutis proximorum desiderium, quæ res ad nitorem impellet, cum benevolentia ante omnia captanda sit illorum quorum salutem studemus: quam nemo sordidiore neglectu ac cultu, & externo squalore nauseam prouocaturus parabit. honestatis enim pulcritudine ferè omnes capiuntur, munditia, maturaq; morum consuetudine gaudent, & lubentes horum monita admittunt.

## CAPVT XXIV.

*Saculares mores, risus, ioci, minusue religioſe recreationes.*

**Q**VÆ paulatim animos ad ſe rapiunt, auocant ab inſtituti & perfectionis amore. Irrepunt hæc mala à leuibus primùm initiis ad ſumma, vt nihil iam præter nomen & togam in Religioſo videas; mores ſæculum non redolent, ſed exprimunt. Et ſanè qualem externo conuictu & conuerſatione Religioſum videris, talem interiùs cogita. reſpondent interioribus externa, cùm hæc ab illis proficiſcantur; vt meritò mentiri habitu Religioſum dixeris, qui ſæculum moribus, veſte Religioſum præfert.

Sed neque conſiſtere vocationis amor cum ſæculi moribus poteſt: exprimunt amorem mores. ſæculum loquuntur: à ſæculi amore naſcuntur: amarent vocationem? amorem hunc mores referrent. aliud oſtendant: aliud amant. Neque certior index interni affectus eſt. nescit amor mentiri. prodiſt affectum, flammæſque ſpargit, quibus intus ardet. vt omne iudicium conſtitutio-



nis internæ, ab externis moribus sumendum sit: neque enim alios testes habemus, non certiores, minusque fraudibus expositos. Deum quis loquitur? possedit animū Deus. vana inaniaque loquitur? possedit animum mundus. nemo ē vase odorato vino pleno venena promit: nemo ex impuro fonte aquam puram. nimirum, Matt. 7. *non potest arbor bona malos fructus, nec arbor mala bonos fructus facere: & Matth. 12. Bonus homo de bono thesauro profert bona: & malus homo de malo thesauro profert mala.* nec quisquam colligit de spinis vvas, aut de tribulis ficus. Matt. 7.

Sequuntur ex his multorum offensiones, animorumque alienationes, conceptaque de Religione opinionis ingens diminutio. neque enim cum his moribus integra stare opinio potest, nec prudens de interno homine aliud iudicium ferri, quàm quod mores exprimunt.

Atque hinc illud sequitur, vt collapsa semel sanctimonix aut sanctitatis opinione, exigua in sanioribus intercurrentibus monitis, fides resideat, fructus aut admodum tenuis aut nullus, totaque spiritualis emolu-

lumentis spes corruat: nemo illis paulo circumspectior arcana credat, neque facile animam committat; nemo prudentior ad virtutem magistros hos deligat, quos ad seculum moribus præire potius, quam ad cælestia videt, nasciturq; inde vetus illud, Exemplo præeat, qui docere volet: &, Talem te finge, qualem alios desideras: Res monitis præluceant, facta dictionem ducant: Illudque in alio spera, non quod animo foves, quod verbis exornas; sed quod rebus factisq; exprimis, memor grauiſſimæ censuræ D. Bernardi, Lib. 2. de consider. *Inter seculares nugæ, nugæ sunt: in ore Sacerdotis blasphemia.*

Exemplo etiam talium in paria trahuntur reliqui, maximè iuniores; in quibus necdum ad viuum & radices, domita & excisa sæculi vanitas, leui hoc exemplorum flabello exurgit in arborem, veteresque inanium vanitatum fructus: & ferè quoscunque in moribus deprehendimus effusiores, & sæculum suum loquentes, illos postmodum vidimus, ab his in felicibus initiis, in carne prolapsos. præludunt enim illa carni

& sanguini, v. aq; internūt periturę animę.

Illud etiam ex his malum nascitur, vt tales plerumque domesticam turbent pacem, vniuersam disciplinam euertant. exemploque suo regularum inducant neglectum, ac instituti denique totius contemptum: à cuius vniuersim placitis morum vanitate recedunt, cū nihil aliud quàm sæculum sapiant, sæculum loquantur. nam vt nihil minus cogitent; fit tamen vt vsu quodam, ac sæcularium morum consuetudine, tantum ab omni religiosa modestia ac disciplina recedant, quantum ad sæculi mores accedunt; tantumque religiosarum rerum neglectum inducant, quantum sæcularium morum adducunt. dum enim hos imitari discunt, amare etiam assuescunt, & in deliciis habere; vnde fit, vt religiosę modestię mores fastidio incipiant esse, nausęamque pariant animo sæculi moribus imbuto: maximè si à frequentatione, vt fit, altius infederint, & quasi in naturam abierint.

Iniuriam deinde Deo non leuem irrogare videtur qui linguam ipsi sacratam iocis verbisque non satis castis polluit. tam



quam, si quis nobilissimam gemmam sterquilinio contegat. cumque viuum Spiritus sancti templum Religiosus omnis sit, peculiari illi voto sacratum, quid arbitramur facturum, cum dicata sibi membra ad seculi mores transferri viderit? Angelos sanè super vno peccatore pœnitentiâ agente gaudere docemur. quid facient super degenerare à maiorum institutis Religioso, sæculi moribus implicito? magno profectò aduersarius, qui circuit quærēs quem deuoret, gaudio repletur, qui sciat viam, per hæc ad quæcunque crimina sterni, solètque se colloquiis hisce medium miscere, cum piis cordatisque se misceat Deus. vbi enim duo congregati sunt in nomine Domini, ibi ductor ipse auctórque colloquiorum horum est.

Signum verò hæc colloquia sunt tepentis & languentis in amore Dei. nam quis amans non vltro lubénsque prorumpit in amatum? imò omnis amans perpetuus in amantis laudibus est. nam cum ille pectus vniuersum occupauerit, non potest nō verbis effundere ignem, amorem suum, corde clau-

clausum. in illo eloquens est, in aliis infans; verborum in reliquis inops, hîc diues est; parcus in aliis, in his prodigus. quanto verò ardentius amat, tanto promptior in illius laude frequentiorque est. neque vnquam amanti materia deficit. mare magnum amor est: nauigat illud quicumque amat. deesse nauiganti aqua non potest, nec amanti laudes: vt non laudasse, non amasse; adeoq; de amato siluisse, non amasse sit. Certè sola ego illum veste Religiosum arbitror, qui parcus in Dei, prodigus in seculi moribus ac laudibus est. parcus non esset si amaret, & Religiosus esset si amaret. quare cùm parcus in illis sit, nec amat, nec Religiosus est. iam cùm verba sæculum loquantur, veste Religiosus, animo non est. cùm hunc alium verba prodant. dictum olim Matth. 12. *Ex verbis tuis iustificaberis, ex verbis tuis damnaberis.* nec potest animus religiosus esse in ore non religioso.

Et ferè quicumque in sæculi mores verbaque effusiores fuerunt, exuta tandē Religione, totum sæculum induerunt. nec mirum. induerant antè animo. nec poterat nō

totum se aliquando effundere animus talis,  
neque diu habitu solo mentiri Religionem.  
quod si qua necessitate commodique sua-  
dentibus in Religione perstet; monstrum,  
non Religiosus est, tanquam si quis capiti  
equino hominis adnectat pectus, Religiosę  
nimirum vesti animum, verba, moręque  
sæculares.

*Remedia.*

**E**X intentis Superiorum in omnium mo-  
res vigilantia peti debent, vt in semine  
suo occidantur hi mores, cum nulla re ma-  
iora incrementa sumant, quàm Superiorũ  
incuria & neglectu. Serio in accuratam re-  
gularum omnium obseruationem incum-  
bat, qua vel sola mores componuntur, do-  
mesticamque disciplinam fortiter tueatur.  
Describit eam Bernar. Epi. II. 3. ad Sophiam.  
*Disciplina virtus est, qua corporis & mentis habi-  
tum componit, ceruicem submittit, ponit superci-  
lia, componit vultum, ligat oculos; cachinnos cobi-  
bet, moderatur linguam, gulam frenat, iram sedat,  
format incessum. Accuratę Religiosum in-  
struit Hugo de disciplin. Monachor. Tem-  
peran-*



peranda est etiam facies, & modificanda in gestu suo, ita ut nec proterue exasperetur, nec molliter dissoluatur. Sed semper habeat rigidam dulcedinem, dulcemque rigorem, secundum illud Ecclesiastici, Ex visu cognoscitur vir, & ab occurso faciei cognoscitur sensatus. Motus corporis, & risus dentium, & incessus hominis enuntiant de illo qualis sit. quia per illud quod foris, siue bene, siue male agitur, interior animi qualitas intuentium oculis patenter indicatur. Idem: Disciplina honestæ conuersationis ex quatuor perpendi potest, ex gestu, motu, assatu & conuictu. gestus autem reprehensibilis est, si est aut mollis, aut dissolutus, aut tardus, aut incitatus. mollis significat lasciuum, dissolutus negligentem, tardus pigrum, citatus siue impetuusus inconstantem.

Iuuabit in primis, si Præfectus spiritus fortiter insistat componendis suorum moribus ad modestiæ regulam.

Proderit etiam, si iunioribus, & ad sæcularem profusionem propensioribus, miscantur in recreationibus potissimum viri graues; nec permittantur iuuenes à seniorum se conspectu proripere. habeant semper quem obseruent, cuius oculum vereantur, cuius

cuius exemplo ad modestiam componantur, cuius quando necessum monitis comprimantur.

Quòd si quis post varia ante nequidquã tentata, maiore remedio egerit, semouendus ille ad tempus à reliquorum recreationibus ac consuetudine fuerit, vt assuescat modestiæ, alijque hac seueritate mores temperent. Neque enim amor tantum, sed verecundia & metus magnum in Religione momentum afferunt.

Spiritualibus etiam exercitijs extra consuetum tempus assumptis & imperatis iuari talis poterit, vt sæpius ea etiam per annum peragat, donec se reducat ad eam morum maturitatem, quam iure suo Religio postulat.

Proderit vehementer, ante omnem recreationem fortiter animo Religioso dignam recreationem proponere, post singulas verò breuissimè eas animo percurrere, cogitareque illud, Matth. 12. *Omne verbum otiosum quod locuti fuerint homines, reddent rationem de eo in die iudicij.* Simul etiam tacitum secum cogitare altam animi pacem tranquill-

quillitatemque post religiosè transactam  
recreationem, inquietudinem verò à vana  
recreatione insurgentem, malaque plurima  
quæ ferè recreationes has sequuntur; illudq;  
// magnorum virorum, Verbum leue in Reli-  
// giosi ore blasphemiam esse, non quòd talis  
// sit, sed quòd paullatim eò Religiosū ducat.

Vtile etiam fuerit, præsentem nobis  
Deum proponere, inspectorem, iudicem,  
præmiatorem. eoque modo recreationes o-  
mnes peragere, quo non illo solùm, sed &  
externis spectatoribus peractas vellemus.

Denique consultissimum fuerit semper  
aliquem è maturioribus domus iuniorum  
recreationibus interesse: ipsūmq; adeò Su-  
periores, quantum occupationes ferunt,  
eo loco esse, è quo moderari illas possit.

## C A P V T XXV.

### *Conuiuiorum frequentatio.*

**S**ive illa domi nostræ, siue apud externos  
instituantur, noxia in primis sunt. inte-  
pescit enim his paullatim Religionis spiri-  
tus, qui cibi potusque magnam moderatio-  
nem



nem exigit, & ferè ieiuniis pascitur. Ita omni sæculo, quotquot arctiùs se Deo deuouerunt, ab insigni victus potùsque moderatione initia duxerunt: quotquot verò laxata maiorum institutione, ad lautiores se mensas profuderunt, spiritum, quem ciborum continentia imbibérant, exuerunt, & ad maiorum demum extrema delapsi sunt.

Et ferè pari, quo frequentantur conuiuia ardore, pari spiritus, aut tanquam flammis exeditur, aut tanquam flumine aut spongia eluitur; vt quantum accessit creuitque mensarum, tantum decesserit decreueritque genuini spiritus. ita augmenta decrementaque à cibo potùque, spiritus iam inde à primordio mutuatur. neque vnquam in benè pasto saginatòque corpore, & escis vndique stipato, religiosam mentem, & solius Dei cupidam reperies. Non possunt simul stabulare Deus & mensæ. quantum concesseris vni, tantum necesse detrahas alteri. quare si quem videris in mensas proniorem, eum in spiritu comperies retractiorè: quòque plùs quisque cibo potùque maduerit, hoc plùs spiritu exaruit. vt deliciis emedulari

lari ac eneruari spiritale robur deprehēdamus . Nam cū ciborum potusque copia, tanquam oleo libidinum crescant flammæ; perfacilè quiuis videat, restingui his æstibus internarum fluentia gratiarum . neque alia potentior libidinum materia, quàm saginatum fartumque cibus corpus . vt validissima voluptatum incentiua à cibo potuque nascantur . Et ferè videmus eos qui victus moderatione spiritu incepterunt, eiusdem liberiore consuetudine carne consummasse : & vt nullus lapsus sequatur, minùs tamen castæ narrationes, quales inter pocula nasci proclive est, potentibus tentationibus materiam in omnem ætatem suggerere solent : vt taceam ad illas illecebras femineum cōpositum ornatum, mollia verba, lasciuiantes oculos, quarū vel in medijs orationibus recordatio ingentes animo parit molestias .

Sequitur hunc ciborum affectum, laborum fuga, otij amor . languescit enim ad labores corpus cibo fatigatum . colloquia deinde venatur & fabulas, risus, iocos, lusus, & quidquid sæculum de mensarum ac conuiuiorum apparatu promittere solet . sternitur;

turque his via ad mutuas detractiones, quas  
ferè ex otio tanquam è fonte flumina pro-  
manare videmus. profiliuntque tandem ex  
his liberiores locutiones, carnem & san-  
guinem redolentes, castitatis omnisque pu-  
ritatis hostes. inde etiam minùs prouida o-  
culorum custodia, blandiorque prospectus,  
quàm religiosam castimoniam, maturam-  
que seueritatem deceat. itur demum ad ver-  
ba libidine natantia, parùmque castas li-  
bertates, ac demum ad malorum profunda.  
Nec mirum si duobus his ignibus substru-  
ctum corpus accendatur, & appetere discat  
quod ignorabat. neque sanè quidquam  
promptius quàm duabus his potentibus  
flammis inardescere.

Plenas etiam ex his videas Religiosas  
domus æmularionibus, dum paria concedi  
sibi quisque contendit. &, vt ingeniosa cu-  
piditas est; modi excogitantur & inueniun-  
tur, quib. impetremus quod volumus. quòd  
si præclusa via est; murmurationes nascun-  
tur, cum enim quæ prona hæc cupiditas  
implacabili auiditate poscit, negantur, aut  
minùs quàm vellent prodigè largiuntur;



exurgunt querimoniæ & oblocutiones, in quas reliquos etiam facillè propellunt, eosque maxime, qui non inferiore propensione in cibum potumque feruntur. plena etiam conuiuia reperias detractionibus, cum familiare sit inter mensas poculaque in alios incurrere, liberiùsque effutire silenda, aliorumque mores carpere, dicta factaque improbare, damnanda laudare, laudanda damnare. à quibus si Religiosus sibi temperet, domum tamen ea refert quæ aliis narret: nec crimen agnoscitur quod palam inter pocula acceptum: nihil deinde tam sanctum tamque reconditum quod non deuomat vinum, impatiens secretorum: publicanturque persape ea à quibus fama vitæque pender. nesciunt secretum vina: adeoque publicasse illis gloria est, & candidi pectoris symbolum. etiam domestica suæque retigere mala, pulcrum.

Offensiones deinde externorum sequi proclive est: qui si Religiosos videant in hæc proniores, & supra religiosam continentiam in cibum potumque effusiores; non immerito offenduntur, contemnuntque non de-

lin-

linquentes tantum, sed vniuersam Religio-  
nem, cum ex paucorum horum affectu re-  
liquos metiantur. magis etiam, cum liberio-  
ra, minusque religiosa insonuerint verba,  
moreque seculum potius quam pietatem  
loquentes viderint. quod ferè inter pocula,  
in omni mensali deliciarumque profusione  
vfu venire videmus, vt in memores sui, reli-  
giosaeque modestiae, cibo potuque impellē-  
te, plus longè de mundi vanitate, quam de  
religiosa referant maturitate. quae res & scā-  
dalum parit, & nominis aestimationem mi-  
nuit, & proximorum in primis saluti aduer-  
satur. Et sanè prodigium sit in tanta prouo-  
cantium ciborum copia, vinoque prodigè  
propinato, modum statuere, ac se intra mo-  
destiae ac continentiae limites continere. dū  
prouocati veremur ne neglexisse videamur,  
aut honori detraxisse, aut amicitiae minus  
concessisse, aut denique non satis affectui  
indulxisse.

Estque hoc huic vitio inditum, vt nulla  
moderatione exsatiatur, maioraque semper  
concupiscat: nec expleatur, donec insigni a-  
liquo lapsu se nomenque suum dehonestat.

uerit, sed neque hîc finis : vt oculis priuatos  
arbitrêre, ita nec mala quidem, licet grauia,  
in quæ inciderunt, vident, rapiunturque in  
dies ad deteriora, adeò difficile est modum  
in his statuere, vt etiam post præcipitia no-  
uam quærant ruinæ materiam. Periclitatur  
deinde in his vehementer paupertas, cum  
in tanta rerum varietate, immemores illius,  
multa profundius veriùs quàm vtamur,  
& appetere discimus religiosæ tenuitati ig-  
norata, desipiuntque domestica, & religio-  
sæ mensæ quibus antè delectabamur fasti-  
dium pariunt gustata nimirum copia ino-  
piam detestatur, nauscatque iam animus su-  
per tenui cibo, qui per conuiuia lautioribus  
assuescit.

Neque domestica in hoc genere mensæ,  
minùs quàm externorum noxiæ sunt, ma-  
ximè cum ad eas vocantur externi, nam cum  
dignitatum illorum rationem habere volu-  
mus, fit plurimùm vt religiosos transgredia-  
mur limites, pulso modestiæ rigore, effun-  
dimurq; in apparatus sæculo magis, quàm  
Religione dignum. Nec hoc non rarò cum  
offensione etiam conuiuarum.



Accedit talibus alios ad paria excitari, & Superiorum exemplo ambire his similia, & imitari. Inde frequentantur domi conuiuia, & repetuntur mensæ ab instituto alienæ. dumque his externorum gratiam venamur, fit iusto Dei iudicio, vt illa excidamus: neque enim per conuiuia beneuolentiam captare religiosum est.

Disciplina deinde domestica soluitur, dum protrahuntur mensæ, Religiosi que his occupationibus distinentur. Iam dum in assueti talibus indulgent, & valerudinem lædunt, & religiosæ obliuiscuntur modestiæ, & in latentes ignes excitant, vitia que aliquando eruptura, latè que crescente consuetudine damna datura.

Illud etiam in his non caret incommodo, quod lautius habitus externi, domesticis exin suis, aliisque mensarum apparatus referant, augeant etiam: ac præ se nonnunquam liberaliorem tractationem vultu voceque referant. quæ res & Religione indigna, & meritam offensionis materiam præbet, & plurimum æstimationis detrahit, & proximorum salutis, ac diuinæ gloriæ propa-

gationi non leui impedimento esse solet.

Neque in vno alteroue stare hæc conuiuia possunt: nam cum plurimi sint, quibus aut obstringimur beneficiis, aut quorum opera nouè semper egemus; multi qui dignitate, opibus, nobilitate, amicitia pares videri velint, pares etiam inuitatione esse volūt. Concedis omnibus? quid non iure metuendum? negas vni, concedis alteri? sequitur de prærogatiua hac indignatio, quæ etiam ad odia transit: vt aut omnibus concedendum, aut negandum sit omnibus. omnibus concedere, indignum Religioso. omnibus ergo negandum. & sanè quocunque te veritas, vix reperiri temperamentum potest. vnum enim admittere, altero neglecto non possumus. frequentanda proinde ac repetenda conuiuia erunt. verum quis finis euntibus in orbem amicis, beneficiis, conuiujs? crescentibus etenim illis, hæc etiam crescere necessum est. quæ res incommoda quanta secum trahat, nemo paullò prudentior non videat: cum & vniuersam domesticam soluat disciplinam, modestiæque ac religiosæ castimonie mores, in vanos sacularesque ver-

vertat; vt non iam vltra religiosam, sed eternam domum præferat.

Tolliturque ex his pars maxima, in monendo ac suadendo, libertas. nam cum de iunctum te teneat conuiuator tuus, fit vt nō parum de libertate decedat. veremur enim offendere cuius beneficio obstricti tenemur. displicere nimirum nolumus à quo mensale beneficium accepimus, & erubescimus etiam in delictis monere, cuius munificētiam experti sumus. Misera conditio, pro tam vilibus libertatem vendere, imò pro tam leuibus æterna proiicere, nam cum ferè conuiuia remunerationis ac quasi mercedis cuiusdam loco instituantur, meritam hīc mercedem accepisse videbimur priuandi æterna. & plurimū conuiuio vno omnem se gratitudinis obligationem exsoluisse sæculares arbitrantur. noui nos Esau facti, pro pulmento primogenita videntes. vt meritò ab Apostolo I. Pet. 5. moneamur, *Sobrijs estote & vigilate, quia aduersarius vester diabolus tanquam leo rugiens, circuit, quærens quē deuoret.* Sanè inter vina ac lautiores mensas per facile illi est exarmatum aduersarium fe-



rire. ita cadit Amnon, Simon, Holofernes  
 etiam muliebri manu: quo magis nos arma-  
 ra inferorum dextera. Et quam tentationem  
 superabit qui deliciis succumbit? qui tam  
 mollibus frangitur prosterniturque, quo-  
 modo inter rugientes leones & hostiles a-  
 // cies stabit interritus? Indignum viro, magis  
 // etiam Religioso, vinci à vino; à tam molli,  
 // generosum pectus, Christi toties sanguine  
 // delibutum, sanguine pastum. & terret nos  
 Sapiens Prou. 23. Cui va: cuius patri va? cui ri-  
 xa? cui fonea? cui sine caussa vulnera? cui suffusio o-  
 culorum? nonne his qui commorantur in vino, &  
 student calicibus epotandis: ne intuearis vinū quan-  
 do flauescit, cum splenduerit in vitro color eius: in-  
 greditur blandè, sed in nouissimo mordebit vt co-  
 luber, & sicut regulus venena diffunder.

## Remedia.

**M**Oderanda conuiuia erunt, & tan-  
 quam iniecto fræno reprimenda, vi  
 etiam coërcenda. sapiusq; versetur animo,  
 quare te Religioni dederis, sacraueris Deo.  
 // & illud Hieronymi: Epi. ad Nepotian. Facile  
 // contemnitur clericus, qui saepe vocatus ad pran-  
 dium,

dium, ire non recusat. Consolatores nos potius in //  
 mœroribus suis, quàm conuiuas in prosperis noue- //  
 rint homines.

In solidum si conuiuia amoueantur, tu-  
 tissimum erit. nam moderationem agtè re-  
 peries, neque facîle ad mediocritatem de-  
 duces: inexplibilis enim quædam conui-  
 uiorum fitis mentem occupat, quæ semel se-  
 ci dederit. Nec satiatur hæc audiviras con-  
 cessis, nec expletur modicis. & tanquam  
 sphærica corpora, quæ supernè labuntur,  
 non antè finem voluendi, quàm præcipitij  
 faciunt: ita animus semel hoc malo posses-  
 sus, nullum pronitati suæ finem statuit, do-  
 nec ad extrema deuenierit, vt finis illi sit, ce-  
 cidisse.

Seriis pœnitentiis, monitisque grauiori-  
 bus delinquentes auocandi sunt. Superio-  
 res etiam à functionibus amouendi, quo-  
 rum exempla eo nocentiora sunt, quo sin-  
 gula eorum facta, domesticis posterisque  
 non rarò documenta & prouocamenta in  
 imitationem sunt.

Proderit, exemplis eorum qui omni sæ-  
 culo à conuiuandi pronitate ad grauiora de-

lapsi sunt, reliquos deterrere. nec exempla deesse poterunt in omni Religiosorum Ordine ; domestica tamen plus ad motum & terrorem poterunt ; quanquam & externa in hoc genere iuuabunt.

Iuuabit considerare sapius, quàm paucis natura contenta sit, quàm modico satietur. quanto etiam paratiores è tenui mensa ad magna surgamus, ad studia, consilia danda, imperia, virtutum exercitia, celestium cogitationes, tentationum victoriam, hostium proculcationem. Benè Hieronym. libr. 2. in Iouinian. *Grandis exultatio animi est, cum paruo contentus fueris mundum habere sub pedibus, & omnem eius potentiam, epulas, libidines, propter quæ diuitiæ comparantur, vilibus mutare cibis, & crassiore tunica compensare : citò enim expletur natura necessitas. frigus & fames, simplici vestitu & cibo expelli potest. addit: Sapientia operam dare non possumus, si abundantiam mensa cogitemus, quæ labore nimio & cura indiget. & monemur à Sapiente Eccle. 7. Melius est ire ad domum luctus quàm ad domum conuiuij. causam addit: In illa enim finis cunctorum admonetur hominum, & viuens cogitat quid futurum sit.*



## CAPVT XXVI.

*Munerum acceptatio, largitio.*

**N**ON magna hæc res cuiuspiam videatur, maximè in rebus non magnis; grande tamen malum est, eoq; nocentius, quo sub amoris ac beneuolentiæ testatione mollius animo illabitur. antè nimirum venenum præcordia occupauit, quàm bibisse nos sciamus: neque enim ad animorum obstrictiorem potentius quidquam in humanis reperias; vt vinculis iam tanquam validissimis compedibus cōstrictum teneas, quem munerib. quasi retibus implagasti. Et verò certius etiam beneficiis hostem, quàm armis fregeris, faciliusque inimicam mentem muneribus sub iugum, quàm ferro miseris. Ingens omnino vis munerum est; quæ seuerissimos etiam iudices, nulliusque minis, purpura, ac ne propinquo quidem sanguine à recto bonoque flectendos, ab innata seueritate & æquitate dimouit. vt munus in iudice accepisse, propè vicisse sit. expugnauit nimirum arcem quamuis præualido præsidio infestam, qui aurum immisit; perdidit,

qui accepit. hinc illud Sapientis Pro. 15. *Conturbat domum suam, qui sectatur auaritia; qui autem odit munera, viuet. & illud Eccl. 20. Xenia & donaria excœcant oculos iudicum, & quasi mutus in ore auertit correptionem.*

Et exemplis docemur omnium sæculorum, vt nesciam an validius aliud ad expugnationem in omni hominum genere reperiri possit. hoc prudentes sapientia exuuntur, prouidi circumspectione spoliuntur, docti eruditione destituuntur, continentes castimonia nudantur, fidentes spe sua frustrantur, amicitia labascit, deferuescit zelus, intepesticit pietas, succidit fiducia, exarmatur exercitus, emedullantur robora, & quidquid terris magnum est, ad humilem descendit arenam. Ita quidquid in vnaquaque re summum est, si accesserint munera, deflorescit, vt exaruisse virtutem omnium credas ab horum tactu. quid? quod longè etiam posita improbo quodam afflatu venenent, vt vel vidisse noxium sit. bene Cæsarianus, *Oblatio maneris, vinea est regiminis.*

Si à Superiorib. hæc nascuntur, nescio quo modo in mores vitamq; illius nos trahant:

vt etiam damnanda laudemus, imitemur.

Si ab inferioribus, credas tanquam falce præcisos disciplinæ neruos: ita intepescit rigor, & correctionis succiduntur genua. succedit simulatio, dum offendere nolumus, quorum beneficijs tenemur, aut à quibus maiora speramus.

Si à paribus, mutua marcescit correctio, dum indignum censemus Superiori in benefico socio nocitura proderet. quid? quòd perfacilè etiam in illorum mores eamus, ne videamur à benefactoribus degenerare? aulicos referunt mores? imitatur. obloquuntur? addimus aliquid de nostro. detrahunt? probamus. in cibum potumque feruntur? iungimur socij. in risum, & sæculares iocos soluuntur? reddimus paria. liberiora, minusque casta proferunt? arridemus. nimirum ne silentio nostro dicta factaque illorum improbare videamur, decurrimus ad paria vitia: neque displiceamus quorum beneficijs irretiti tenemur, mores restringimus, & induimur ijsdem malis, vt dictorum factorumque similitudine placeamus.

Si ab externis beneficia accipimus, perit



in monendo, consulendo, corripiendo libertatis pars maxima: nam & pretio illam benefactor emit, & nos vendidimus. minuit deinde veneratio auctoritatem, offensionisque timor magnam libertatis partem adimit, dum veremur ne monitione nostra elanguescat benefica manus, & exarescat donorum fons, monitis tanquam aestibus repressus.

Quid? quod ab eodem offensionis timore, & placendi studio, non rarò improbanda probemus, probaque respuamus; vitia si non laudamus, extenuamus, placituraque etiam in sceleribus consilia damus. nimirum displicere nolumus, ne beneficiorum spe excidamus.

Quod si à femina veniant munera, in priuatum maximè vsum vertèda, maius etiam periculum est. quoque hic sexus mollior teneriorque est, hoc maiora etiam damna metuenda sunt, & nescio quid etiam seuerissimis ac castissimis mentibus assent tenerioris affectus. solaque non rarò muliebrium donorum memoria, valentissimi ac religiosissimi viri pectus tanquam molli, sed potèti

tamen iaculo transfadigit. & dum munera placent, incipit placere donatrix. Ludit deinde in muneribus, tãquam in amoris quodam symbolo, mollior affectus. & illa antè mens, multorum sepe annorum spiritalibus exercitationibus roborata, ac quasi in ferrum chalybémque versa, muliebrium donorum malleis concussa, fatiscit, succiditq; paulatim, donec suauioris huius elementi frequenti stillicidio exesa & euigorata, in vagum puluerem cinerémque dilabatur: & quæ nullis antè minis territa, nō armis fracta, inuicta mundo & inferis steterat, mollissimis hisce femineis vinculis, omni ferrea compede firmiùs tenetur. credas Samsonis capillum vniuersi roboris germen, muliebri manu demessum.

Huc accedit, non vna nos experientia doctos, aliquid aliquando in his muneribus diabolicæ latuisse fraudis; nec antè animo quieuisse qui acceperant, quàm à se dona propulsaissent, tãmque diu tanquam immanissimis sæuissimisque iactatos æstibus, ac quadam quasi flamma ac fornacibus inæstuaſſe, atque adeò arsiſſe totos, quãdiu mulie-

liebria hæc munera circumferrent : quibus  
ut primùm sese exuerant , resedisse tempe-  
states, restinctas flāmas, & ad pristinam ani-  
morum rediisse malaciam & tranquillitatē.

Accedit, munera hæc familiaritatis ac fi-  
ducia cuiusdam maioris prænuntia quædā  
esse, nec pudet præeuntem sequi , neque ad  
colloquia iam illius erubescimus, cuius do-  
nis inhiamus. transitque iam talis aut in ma-  
trem si senior, aut in filiam si iunior est. inde  
licentior exurgit consuetudo , nec pecca-  
tum in tanta propinquitate veremur. libe-  
riora hinc exuto pudore nascuntur imperia:  
neque ea dicere nunc veremur, ad quorum  
antè memoriam erubescibamus. Benè Hie-  
ronym. Epist. ad Nepotian. *Crebra munuscu-  
la, & sudariola, & fasciolas, & vestes ori applica-  
tas, & oblatos ac degustatos cibos, blanda sçq; & dul-  
ces litterulas sanctus amor non habet. Hæc sunt in-  
citamenta vel amoris retinacula.*

Exurgunt denique ex his domesticorum  
æmulationes, externorum offensiones , v-  
trorumque obloquia & murmurationes: &  
imitari delectat , quod damnari non vide-  
mus. trahimur enim commodorum spe, &



rapimur in nocitura exempla. nec precipitia sentimus, nisi in ipsis, serò in medio lapsu tutiora cogitantes. antè oportuit.

Ingens prærogatiua apud Isaiam munera detestatum meritò mouere nos debeat, & calcar addere, ad seriam illorum detestationem Isaïæ. 33. *Qui ambulat in iustitiis, & loquitur veritatem, & proiicit auaritiam ex calumnia, & excutit manum suam ab omni munere; iste in excelsis habitabit, regem in decore suo videbit.* Armemus pectus hoc robore. quò sub his spongiis ferrum, sub hoc fauo inlamenta venena vitemus. mollia licet iacula sint, & feminea sæpe dextera missa, tincta perimente toxico sunt: vt tetigisse in mortem satis sit. Et sane vel sola diues illa Prophetæ sponsio meritò mouere nos debeat, *Habitabit in excelsis, regem in decore suo videbit.* quid vel sperari aut voueri poterat maius? alterius sæculi felicitatem omnem complexus est. habitatio æternitatem designat, visio in decore diuinam fruitionem. vt omnia consecutus fuerit qui munera excusserit.

**R**efecanda omnia hæc munera priuatis collata, maximè à mulieribus & pœnitentibus: quæ non vni noxia fuisse, experientia edocti sumus. dandæque opera, vt pœnitentes intelligant religiosis moribus verita hæc munera esse, ac si quæ dederint, Superiorum iudicio pro cuiusque necessitate distribuenda. consultumque fuerit, alteri potius, quàm cōfessario hæc concedi. vt si materia ad vestes, similiâque corpori necessaria donantur, ea alterius necessitatibus impendatur. cōfessario verò, si egerit, aliunde prospiciatur. ingentes alioqui hæc res, præter recensita pericula, excitabit amulationes, & ad paria à suis impetranda dona prouocabit alios. vel sanè abundabunt hi, egebunt alij; quæ ingens materia dissensionum est, & à paupertate, quam Religiosi profitentur, aliena, cuius nitorem non parum obfuscat.

Iuuabit non infrequenter secum reuolnere verba D. Hieronymi ad Marcel. Nescio quomodo etiâ ipse qui deprecatur vt tribuat, cùm acceperis, vilior te iudicat, & mirum in modum

si

*si eum rogantem contempseris, plus te post venerabitur.*

Proderit in primis si Superiores exemplo suo reliquis præeant, excludantque à se quantum fieri poterit, omnem omnino munerum largitionem, aut in priuatum vsum acceptationem.

Pœnitentiis etiam prouiores in hanc rem terrendi, si quando in horum aliquo peccauerint: nec parcendum hîc ætati, ne concessio eat in exemplum.

## C A P V T XXVII.

### *Adulatio.*

**I**Ndignum in Religioso vitium, cuius omnes cogitationes debent esse cælestes, omne studium placendi vni Deo. degeneres sane à vera Religione animos ostendit, quicumque se ad humana studiosius quàm par est conuertit. facit hoc omnis adulator, qui in aliorum se effundit beneuolentiam; quam vt consequatur, in omnem se vertit formam. virtute non potest? virtutem mentitur. satis enim illi placuisse est. adeò si vitiiis  
pla-



placeat, vitia induet: & totum se in illa immerget, si nataſſe in illis, placuiſſe ſit.

Quo magis vitandum malum Religioſo eſt qui aliquid Chriſtiani ac virilis animi pectore clauſum tenet. quid enim tam indignum Chriſtiano ac Religioſo quàm mētiri, ſine quo nulla diu ſtare adulatio poteſt? cūm omnis illa mendacio veſtiatur. detrahe veſtes, mendacium, & informis apparebit nuditas, ridenda, non admiranda. neque enim aliud eſt adulatio quam perpetuis propè oratio veſtita mendaciis. aut enim infra aut ſupra fidem adulantis verba ſunt. dum enim placere ſtudet, ſi laudibus aliquem capi videat, auget illas longè etiam ſupra verum, vt placeat magis, ſi nihil quod laudem mereatur repererit, è ſuo cerebro noua cōminiscitur. quid? quòd non rarò, cūm nihil præter vitia repererit, etiam illa ipſa in laude ponat, & damnanda probet. quo fit vt in maiora impellat ſcelera. laudaſſe enim hæc, ad paria aut maiora impulſiſſe eſt.

Ingens vitium, quando in Principes & Superiores incurrit: quorum crimina improbamque vitam moresque laudaſſe, ad ſi-

milia calcar addidisse est, & natura aut educatione ad illa properantes, grauius etiam propulisse est. tanquam si quem præcipitio vicinum iniecta manu protrudas, quò facilior proniorque lapsus sit. vt dictum verè. Tolle laudatores; & magnam scelerum materiam sustuleris. neque quisquam facile improbata omnibus aut aggreditur aut iterat. laudem & propugnatorem crimina possunt vt reperantur. tolle hæc fomenta, ligna ignibus; & partem longè maximam ademeris. Vera nimium Magni Gregorij verba sunt 4. Mor. ca. 25. *Incessanter crescit culpa. N.* fauoribus nutrita. curari autē vulnus negligitur, quod dignum premio laudis videtur. vnde bene per Salomonem PRO. I. dicitur, Fili mi, si te lactauerint peccatores, ne acquiescas eis. peccatores enim lactant, cum vel perpetranda mala blandimentis inferunt, vel perpetrata fauoribus extollunt. an non lactatur de quo per Psalmistam dicitur, Quoniam laudatur peccator in desideriis anime sue, & cum iniqua egerit iniquus, benedicunt.

Suspectum proinde omni viro probo hoc hominum genus esse debet: neque enim illi tam animi sui sensus exprimunt, quam

quàm voluntatibus aliorum subseruiunt ac  
obsecundantur. mores ingeniumque cuius-  
que observant, & quod cuique auditu iu-  
cundum referunt. vera an falsa pro eodem  
habent: satis illis dixisse, placuisse. quin a-  
deò, ferè aliud sentiunt, dicunt aliud: vt  
probasse adulatoris improbasse, laudasse  
// damnasse sit. si quem proinde videris in os  
// laudantem, mète damnare cogita. aliud ni-  
// mirum reclusum habet anima, aliud depro-  
// mit ore. ac sanè malè de te sentit quisquis  
// coràm laudat; arbitratur enim te gloriæ no-  
// minisque quadam scabie teneri. profundit  
// proinde laudes, eo copiosiores, quo maiori  
// te harum prurigne titillari arbitratur. non  
// faceret si te virum putaret, si res diuino iu-  
// dicio merientem, si eterna cogitantem, si re-  
// posita celo præmia, si non ab humano do-  
// loso ore, fallaci dictione, sed ab omniū con-  
// scio Deo falliq; ignaro mercedem speran-  
// tem videret. Laudat? mollem censet, & ad  
// præconia insurgentem, aqueum nimirum,  
// facilem in bullam, in ventum, & ad omnem  
// flatum vela pandentem. ludit proinde inter  
// hæc amica ac vortua carbasa, & in omnem  
// par-



partem molli Fauonio impellit hanc ratem  
ignaram sui, discriminumque suorum. quæ  
eò periculis propior est, quo securior indor-  
mit his ventis, ludibrium paullo pòst futura  
fluctibus serà pœnitentiâ.

Comparari deinde meritò assentator om-  
nis proditori potest, qui blandis & ad do-  
lum compositis verbis, diuite sponfione, in  
insidias & fraudes improuidos impellit: me-  
dico etiam qui inani & falsa spe ægrum la-  
ctat, plusque bonarum valetudinum spar-  
git, quo vicinior morti est. Facit omnis as-  
sentator, e mentitis incautos laudibus in ve-  
rarum virtutum opinionem trahit, damna  
tegit, pericula minuit, aut vniuersim tollit,  
eoque magis cautiusque, quo viciniore illis  
sunt. Magnus Gregorius Mor. 3. l. c. 20. adu-  
latorum linguas locustis comparat, quòd o-  
mnem virtutū virorem adulatione sua cor-  
rumpant. Augustinus in Ps. 59. verò, duo ait //  
esse genera persecutorum, vituperantium &  
laudantium; plus tamen persequi aduato-  
rum linguam quàm persequētium manum.  
Plenis etiam faucibus politicissimum adu-  
lator combibit, quem in eos maximè deuor-  
mit,

mit, quorum gratiam venatur. cum enim virtutibus destitutus, factorum claritate nomen parare non possit; decurrit ad fraudes, commune improborum subsidium, ut quod probitate desperat, dolis consequatur. cum enim benevolentiam alicuius sibi suisque rebus persuaferit commodam aut necessariam esse; quacunq; illam via parare studet. veris nudatur; protrudet falsa. satis illi si optata consecutus fuerit, quocunque demum flumine deducatur ad hunc portum.

// Noxium in primis Religioni genus, cum Superiores eos deliberationibus admouet, consiliorumque ac secretorum participes faciunt. cum enim ferè non è mente sua, sed è Superiorum voluntate sententiam dicant, fit ut non pro veritate, sed proponentium affectu consilia explicent, in eam partem prolabendi, in quam Superiorem viderint propensum. ita fit ut dum captandæ illorum benevolentiae insudant, sola placitura depromant. vnde fit ut malis remedia nulla admoueantur, ac nec nocitura quidem & in interitum ductura Superioribus indicentur, displicendi metu. Hinc paulatim

zizaniorum more serpunt neglecta mala, & moræ vires sumunt, donec fera eradicatio-  
nis spe terram latè occupent.

Accedit plurimùm tales quæ hîc lauda-  
runt, alibi damnare; quæ apud hos proba-  
runt, apud illos improbare, siue innata qua-  
dam nature inconstantia, siue omnibus pla-  
cendi studio, vnde fit vt nihil stabile firmū-  
que sperari ab his possit, nihil illis tutò credi:  
proditum commissa quæcunq; si è re sua  
futurum arbitrentur. nulli deinde ex vero  
amici, sed fortunæ cuiusque sunt, omnium  
se successibus expandentes, omnium sub-  
seruientes; tam faciles in prodicionem,  
quàm faciles in assensum, vt nulla illis fides  
adhiberi, nulla verbis fiducia possit.

*Remedia.*

**C**onsultum erit suspectos assentatores  
Comnes, ac pro hostibus ex insidijs in-  
furgentibus habere, familiaritate sua ex-  
cludere, consuetudinem fugere. si inferio-  
res sunt pænitentiis monitisque frequen-  
tibus ab hoc vitio, indignitate ac fœditate  
huius proposita, arcere: per domesticum  
etiam



etiam confessarium, aliosque viros cordatos ab irreligiosa hac consuetudine auocare. quæ omnia si concurrant, non magno negotio euellatur hoc malum. vbi enim viderint serios vbique Superiores, qui assentationem omnem improbent, qui candorem ament, adulationem auersentur, qui sinceros & regia inambulantes via, familiaritate sibi astringant, reliquos negligant, facile se ad illorum mores component. quod si deferi se à reliquis viderint, optimorumque quorumcunque familiaritate destitui, alia longè consilia moresque induent.

Iuuabit etiam tales si subditi fuerint loco mouere, & iis Superioribus subdere, qui ab omni assentatione alienissimi sunt: si Superiores sunt, à gubernatione amouendi, & aliis occupandi erunt. ne horum mores reliqui imitentur, & incipiat placere quod in capite ac ductore suo vident, & pro virtute vitium habeatur.

Proderit etiam frequens cogitatio incommodorum quæ ex hoc vitio nasci consueuerunt. Frequentata deinde celestium cogitatio, vnicumque studium placendi

Deo.

Deo. sic enim vilescunt humana, nec gratiam aut beneuolentiam captabimus hominum solius Dei contenti.

## CAPUT XXVIII.

*Politica agendi ratio.*

**Q**Uæ res ingentem diffidentiam parit, mutuaque alienationis vel inter primas causa est; maximè ubi hæc ratio innotescit, quam diu celare in tam variis dictorumque factorumque obseruatoribus impossibile est. atque hinc perpetua quadam nascitur diffidentia, ut in illo quasi iusto metu, dum seu Superiores, seu inferiores detinentur, nihil sperari possit boni.

Nam si Superior hoc malo laborat, frustra genuinam conscientia rationem sperabit. nemo ad hunc ut ad patrem & medicum recurreret. omnes ut minus sincerum, & cui fidi non possit, aut secretiora credi, auersabuntur, contingitque illis, ut dum affectu plano sincerè que res tractant, fidem tamen non inueniant: quod resecta semel politica agendi ratio perpetuam ingeneret suspicionem

nem nulla arte eluendam. Agit seuerè? seueritate sua displicet. molliter & benignè? seueritatem his regi arbitrantur, animumque alieniorem, & fraudibus dolisque vicinum. tegitur nimirum hoc cinere ignis, paulò post in flammam & incendia erupturus; integunturque pulchro hoc velamine nocitura venena, si quis propius tangat.

Iam adulationibus omnia plena videas, exulat candor, & è politico Superiorum ingenio, reliquorum finguntur mores: vt secularis iam Principis aulam, alienissimam à religiosa familia reperiatis.

Atque hinc in Superioribus imperia nascuntur secularia; in inferioribus seruilis obsequentia. dolis interim fraudibusque plena sunt omnia; & ille iam prudentissimus habetur, qui solertissimè socium circumuenit. veris falsisque rebus, aut calumniis etiam ac criminationibus, iuxta habetur; res modò votis respondeat. solertia proinde, ac quadam seculari agendarum rerum dexteritate, simulataque beneuolentia, ac clementia saepius pietate tota Religio continetur. verba amorem præferunt, intus aluntur odia.



externa beneuolentia animorum dissension-  
 nes, improbæque & Religiosis indignas æ-  
 mulationes regunt, dum suis singuli com-  
 modis student, & per aliorum emendatas  
 extrinsecus amicitias, gradum sibi ad oprata  
 struunt. inanibus plurimos pollicitationi-  
 bus, vanaq; spe ludentes; solis ferè verbis di-  
 uites, nisi qua parte aliorum promotiones  
 votis cogitationibusq; suis subseruiūt. Ha-  
 bes in hanc rem illud Grego. Past. pa. 3. c. 12.  
*Est speciale duplicium malum, quia dum peruersa  
 & duplici actione ceteros fallunt, quasi præstantius  
 ceteris prudentes se esse gloriantur: & quia distri-  
 ctionem retributionis non considerant, de damnis  
 suis miserè exultant. audiant quomodo super illos  
 Propheta Sophonias vim diuinæ animaduersionis  
 intendat dicens, Ecce dies Domini venit magnus  
 & horribilis, dies illa, dies ira, dies tenebrarum &  
 caliginis, dies nebula & turbinis, dies tuba & clan-  
 goris super omnes ciuitates munitas, & super om-  
 nes angulos excelsos. Quid enim per ciuitates mu-  
 nitas exprimitur nisi suspectæ mentes, & fallaci  
 semper defensione circumdatæ? Et quid per excelsos  
 angulos, nisi duplicitas mentis intelligitur? Dies igi-  
 tur Domini, vindicta atq; animaduersionis plena,*  
*super*

*super ciuitates munitas & super excelsos angulos venit, quia ira extremi iudicij humana corda defensionibus contra veritatem clausa destruit, & duplicitatibus inuoluta dissoluit.*

Si inferior vitio hoc tenetur, omni apud Superiorem fide caret. nihil illi tutò certoque credet. verebitur omnia, nec vera dicenti fidem adhibebit, omniaque eius dicta factaque, licet à virtute profecta, in deteriorem partem interpretabitur.

Quòd si vtrumque malum hoc possederit, nusquam fides, dolis verò mutuisque adulationibus plenissima reperias, conspirationibus etiam, fallacibusque in optimos non rarò machinationibus, quæ ad euertendos maximos etiam viros sufficiant. Neque interim inter eos qui politico hoc spiritu aguntur, certa aut fides, aut animorum coniunctio consistere potest: cum enim è suo iudicio metiantur alios, timoribus referta sunt omnia, verentur dolos quales animo se suo fouere sciunt, neque diutius externæ huic coniunctioni inhaerent, quàm commodis eam suis vtilem sibi fore perfraserint: quæ vbi consecuti fuerint, in aperta

ta mentitus hic amor abit odia.

Signa in his vides animi, sibi ac virtuti diffidentis. qui si virtute excultus foret, non descenderet ad has fraudes artificiâq;: cum sit multa domi suæ nata ornamenta ad maiora haberet. quibus dum se destitutum videt, confugit ad hæc externa, & à sæcularibus mutuatur, quò se consiliaque sua tueatur. quo fit vt sola iam vestis Religionem, reliqua sæculũ loquantur. exulat exinde omnis candor sinceritasque religiosa, charitatis custos: succedunt fucata, pulsaque veritate è perpetuis mendaciis intertexta verba. laudant, assentiuntur, ampla promittunt; alia omnia cogitanda sunt, & sponfionibus aduersantia: vt laudasse, damnassee, sponpondisse, negasse sit.

Iam quid indignius viro Christiano, Religioso, (cuius vniuersa professio habitusque simplicitatem candoremque loquitur) quam continuis contexta oratio mendacis? parui hæc animi sunt, sibi que virtuti que suæ diffidentis. generosa mens antè vitam ponit, quam illam mendacio commaculet. nescit magni animus mentiri, pusilli & mu-



liebris pectoris mendacia sunt.

Et meticulosos ferè hos, immites ac cru-  
deles reperies, vbi rerum potiti fuerint. neq;  
in vltos magis insurgunt ac sæuiunt, quàm  
quos paribus fallacijs ad maiora conniti vi-  
dent, conscij fallaciarum animique sui, veri-  
ti ne paribus aliorum dolis circumuenian-  
tur & corruant, quibus ipsi iam antè non v-  
num in fraudulenta præcipitia impulerunt.

Scinditur hinc vniuersim mutua chari-  
tas: qua vna Religio omnis stare consuevit.  
nam vbi fiducia, candor, veritas exulât, mu-  
tuam etiam charitatem exulare necessum  
est. Hinc dura illa Sapientis Eccli. 28. impre-  
catio: *Susurro & bilinguis maledictus: multos e-  
nim turbat pacem habentes.*

Nascuntur demum partium studia, &  
dum politico magis spiritu, quàm Religio-  
nis amore feruntur, solerti singuli prudentia  
illis adherent & abblandiuntur, quos cona-  
tibus suis vtilis fore arbitrantur: reliquos  
negligunt ac contemnunt. è quorum negle-  
ctu ac contemptu parem in alijs neglectum,  
ac contemptum sequi proclive ac quasi ne-  
cessum est: vt iam in partes toti descendant,

in mutuas animorum alienationes, mutuo-  
rum consiliorum ac conatuum subuersio-  
nes, in sociarum amicarumque sibi partium  
promotiones, alienarum depressiones. de-  
nique tanquam in aduersaria ac inimica a-  
cie pro se quisque pugnat, ferturque in a-  
lios tanquam in iuratos conatuum suorum  
hostes; ex insidiis tamen plurimum, quod  
proprium atque adnatum huic spiritui est:  
quæ si non successerint, ad aperta etiam ar-  
ma odiaque decurritur. nec iam ultra Re-  
ligio, sed inimica stant in vna domo, ac sub  
eiusdem Religionis signis agmina, eo no-  
centiora, quo magis domestica. nam ab  
extraneis non magno fors se quis negotio  
conatuque tueatur, à domestico hoste dif-  
ficile, ac propè impossibile est, cum mu-  
tuus conuictus, mutua colloquia, nihil pro-  
pè rectum patiantur, mutuaque consilia  
priuati retegant parietes; vt omnia, etiam  
tutissima suspectissima sint, secretissima pe-  
riculis plena, vt vix iam sibi ipsi quis credat.  
oculata arbitrantur omnia, ac in cubiculi  
sui pariete thalamoque aduersarios veren-  
tur oculos. Sanè in vultu, mutuoque prospe-

ctu profutura, aut nocitura legunt, tantum in omnem indagandorum consiliorū partem solertissima hæc valet improbitas: Pro. 18. *Verba nimirum bilinguis quasi simplicia, & ipsa perueniunt vsque ad interiora ventris.*

\* Misera planè Religionis conditio, cum spiritu hoc semel imbuta, ac quasi possessa, veteri pulsa charitate, simplicitate, candore; politicis hisce flatibus, tanquam fluctibus in profundum, ac interitum sui rapitur. quo magis fugienda ac detestanda hæc pestis est, ingentibusque animis in hæc mala insurgendum. nec super sedendum labori, donec stirpitur grande hoc malum euellatur, vt ne vestigia quidem spiritus huius remaneant. quod si euellendi mitior clementiorque desit via, ferro etiam sæuiendum, & partium sectionibus. ingens pietas est secare & vrere, nec noxiæ parti parcere, vt vniuerso periclitanti corpori succurras: noxiæque è contra & crudelis clementia est, perituræ & noxiæ parti parcere, qua reliquum pereat corpus.

// Exurgit demum ex his ambitio: nam vbi semel à politico hoc spiritu genuinus &



& primogenius subactus ac depressus spiritus est, ac tanquam in languido quodam sopore conscriptus iacet; nil reliquum est, quàm vt singuli ad prima quæque magis quæque illustria in Religione munia contendant: ad quæ vt aliquando pertingant, captanda eorum gratia est, quorum fauor opera quæque utilis ad propositum sibi finem esse queat. quæ res ad indignissima quæque tales impellit, dum se variorum moribus ingenii quæque & à Religione alienis accommodare coguntur, plurima quæque; seruilis planè ingenij munia obire, voluntatibus quæque etiam aliorum non raro parum religiosis morem gerere, ne nimirum alienos aduersarios quæque patiantur, quorum opera studio quæque in votorum suorum desideriorum quæque consecutionibus egere se arbitrantur.

Inconstans omnis politicus est, nulli certe personæ aut rei inherens. si commoda ferant, ad contraria prioribus vita propellitur, damnabit probata, iterum quæque laudata damnabit. id quæque in æterno quodam metu. Isa. 58. *Possedit enim timor hypocritas.* cum iisdem artibus circumueniri metuat, quibus

alios in fraudē impulit. Accedit perpetuis timor ne fors in apertū doli erumpant, quos in tanta mutuo conuiuentium sibi ingeniorum varietate & solertia, diu tegere impossibile est. Et iusto sanè Dei iudicio, suis ferè politici capiuntur artibus, retibus implagantur suis, politicis suis, tanquam veneno, ense, fune suo. neque diu tales in alta pace esse possunt. Iob 20. *Gaudium enim hypocrita ad instar puncti.* nec potest ibi solidum esse gaudium, vbi perpetuis ventis fluctibusque perpetuæ coguntur tempestates.

Similes politici sunt purpurissa & stibio formam mentientium. eumentia enim verborum beneuolentia humanitatem amicitiamque mentiuntur, quibus crudelitatem & infidos tegunt animos: vt meritò quis dicat sepulcra dealbata, monumenta marmore recta. retege, intus latent sordes, quæ pedore suo vicina remotaq; compleant. Hinc gratis illa Sapientis Eccl. 2. interminatio: *Væ duplici corde, & labiis scelestis.* Scelesti sanè politicorum labia sunt, quæ sub melle & saccharo venena tegunt, sub molli spongia nouaculam premunt, sub roseo ore & labris vi-

rus iaculantur, sub lilio & viola toxica recō-  
dunt. à quorum ore cadunt barbara illa ver-  
ba, Si violanda fides, regnandi caussā vio-  
landa est. Et sanè nihil tam sanctum, quod  
mens politicis imbuta opinionibus nō vio-  
let, si proposito sibi fini aduersari putauerit.  
suus enim cuiq; politico honor, emolumē-  
tum suum, pro summo bono est: minúsque  
veretur offensam magni Dei, quàm propo-  
sitæ sibi rei frustrationem. vt iure detestetur  
hos Sapiens Pro. 8. *Arrogantem & superbum &  
os bilingue detestor.* quæ ergo poterit esse spes  
hypocrite? Iob 27. *Nunquid Deus audiet clamo-  
rem eius, cum venerit super eum angustia? aut pote-  
rit in Omnipotente delectari, & inuocare Deum o-  
mni tempore?* Fortiter Sapiens Sap. 1. *Spiritus  
sanctus disciplina effugiet fictum.* neque habita-  
re in eo pectore sapientia potest, à quo sa-  
pientiæ mater veritas exulat; neque Reli-  
gionis in eo spiritus, à quo Religionis abest  
candor, veri amoris symbolum. & verum il-  
lud Eccli. 3. *Cor ingrediens duas vias, non habe-  
bit successus.* Grauißima in omnem politicum  
comminatio Prophetæ Ierem. 17. est: *Male-  
dictus homo qui confidit in homine, & ponit*



*carnem brachium suum, & à Domino recedit cor eius. Erit enim quasi mirica in deserto, & non videbit cùm venerit bonum: sed habitabit in siccitate in deserto, in terra salsuginis, & inhabitabili. Benedictus vir qui confidit in Domino, & erit Dominus fiducia eius. Et erit quasi lignum quod transplantatur super aquas, quod ad humorem mittit radices suas: & non timebit cùm venerit aestus. Et erit folium eius viride, & in tempore siccitatis non erit sollicitum, nec aliquando desinet facere fructum. Prauum est cor hominum & inscrutabile: quis cognoscer illud? ego Dominus scrutans cor, & probans renes: qui do unicuique iuxta viam suam, & iuxta fructum adinventionum suarum. Qui ponit carnem brachium suum, nisi qui prudentiæ solertiæque suæ fidens, remedia à diuina fiducia non mutuatur, sed à rebus prouidè callidèque à se excogitatis: quibus innixus blandòque linguæ ac oculorum lusu, reliquos in suam sententiam subdola inescatione pertrahendos arbitratur? cùm ipse ferè iisdem artibus cadat, à diuina manu temperatis: neque enim permittet Deus altis illum radices agere. Iob 8. Spes namque hypocrita peribit. Iob. 15. & cogitatio illius sterilis:*

Sap.

Sap. 4. & si in ramis in tempore germinauerint, infirmiter posita à vento commouebuntur, & à nimietate ventorum eradicabuntur. confringentur enim rami inconsummati, & fructus illorum inutiles, & acerbi ad manducandum, & ad nihilū apti.

*Remedia.*

**N**ihil in humanis sperare, nihil vererè hinc probamus & laudamus passim quæ vel placent vel displicent iis, quorum aut potentiam veremur, aut beneficia speramus.

Nullius gratiam ambire, ne placendi studio à vero rectoque deflectamus.

Deum, & vocationis suæ bonum, animarumque salutem in omnibus dictis factisque præ oculis habere: reliqua contemnere. hæc qui fecerit, stabit interritus, nec ceruices linguamue gratiæ flectet: nec à vero bonoque minis aut purpura terrebitur, aut præmio trahetur. Cogitet, maiorem se esse Christi sanguine, hereditate, præmio, quàm vt tam illustrem animam assimilata Deo, aliorum complacentiæ mancipet. à Deo solo mercedem speret æternitate commensurandam.

talem se esse qualis illo iudice censetur, nec  
 alium. nihilque ad demeriti meritq; men-  
 suram humanam censuram addere.

\* Iuuerit in primis harum rerum studiosos  
 // ab omni nobilium consuetudine arcere.  
 // quod horum ferè familiaritate crescat ma-  
 // lum: & ad ea loca muniãq; destinare, in qui-  
 // bus talium materia negata est. nec parcen-  
 // // dum si quando in hoc vitio deprehensi fue-  
 // rint. omnisque omnino talium familiaritas  
 // vitanda est. & ab ipsa adè Religionem tan-  
 // // quam pestes resecandi, quotquot huic vitio  
 // obnoxij sunt. si Superiores fuerint, remouẽ-  
 // di in solidum ab omni munere erunt, & aliis  
 // minùs noxijs occupandi.

Proderit recordatio monentis & inter-  
 minantis Sapientis Eccle. i. omnem duplici  
 corde: Ne fueris hypocrita in conspectu hominum,  
 & non scandalizeris in labijs tuis. attende in illis,  
 ne forte cadas, & adducas anime tue inhonoratio-  
 nem, & reuelet Deus absconsa tua, & in medio sy-  
 nagogæ elidat te: quoniam cor tuum plenum est dolo  
 & fallacia. Et imprecatio magni Regis Psal.  
 ii. Disperdat Dominus vniuersa labia dolosa, &  
 linguam magniloquam. addit minas Psalm. 51.



Dilexisti omnia verba precipitationis, lingua dolosa. propterea Deus destruet te in finem, euellet te, & emigrabit te de tabernaculo tuo: & radicem tuam de terra viuentium. Monétque omnes Apostolus 1. Pet. 3. Qui vult vitam diligere, & dies videre bonos, coërceat linguam suam à malo, & labia eius ne loquantur dolum.

Admonendos vult Gregorius Magnus in Pasto. par. 3. c. 12. Vt quàm grauis sit, quem cum culpa sustinent, duplicitatis laborem agnoscant. dñ enim deprehendi metuunt, semper improbas defensiones querunt, semper pauidis suspicionibus agitantur. Nihil autem est ad defendendum, puritate tutius, nihil ad dicendum veritate facilius. nam dum falsitatem suam tueri conatur, duro cor labore fatigatur. hinc namque scriptum est, Labor labiorum suorum operiet eos. hinc per Ieremiam dicitur, Docuerunt linguam suam loqui mendacium, vt iniquè agerent, laborauerunt. audiant quod scriptum est, Qui ambulat simpliciter ambulat confidenter. fiducia enim magnæ securitatis, est simplicitas actionis. audiant quod Scriptura testatur, Cum simplicibus sermocinatio eius. Deo enim sermocinari, est per illustrationem suæ præsentie humanis mentibus arcana reuelare. Cum simplicibus igitur  
ser-

*sermocinari dicitur: quia de supernis mysteriis illorum mentes radio sue visitationis illuminat, quos nulla ymbræ duplicitatis obscurat.*

## C A P V T XXIX.

### *Aulici mores.*

**D**Ulce Religionis venenum. Influxu hi ciuilitatis & vrbauitatis prætextu. vt inurbani inciuilesque iam habeantur, ac rusticis moribus, qui aulica illa aspergine non sunt tincti, Religionis nimirum toxico, quo quidquid est genuini ac primigenij Religionis spiritus, suffocatur. Hinc illæ aulicæ compellationes, salutationes, scriptiões, relegate in vniuersum, ac quasi in exilium pulsa religioſa maiorum simplicitate, candore, veritate: in quorum locum succedunt simulationes, fraudes, politica agendi ratio, & è meris contexta oratio mendaciis, ad gratiam verba composita, putidissq; narrationibus confertæ narrationes. præſentes laudamus, mordemus absentes; venientibus magna beneuolentiæ ostentatione occurrimus, amplexamur, stringimus, ad genua

nua decrescimus, intus æmulationibus, in-  
uidencia, odio natamur. rogati non tantum,  
sed vltro spondemus; nos nostraque omnia  
aliorum obsequiis deuouemus, ac tantum  
non in seruos & mancipia sacramus, cum a-  
nimus liuore stipatus, alia omnia cogitet;  
hostilitatemque magis dolosque damnatq;  
quàm obsequia meditetur, aut vt quàm mi-  
tissimè, nihil eorum quæ dicit cogitet: offi-  
ciosis nimirum hisce mendaciis aures alio-  
rum locupletamus. quæ res, cum hominem  
dedeçant, cui vultum erectum, verba mē-  
tem exprimentia natura dedit; tum minùs  
Christianum decent, qui Christi nomine  
insignitus, etiam verba illius morésque no-  
minis professione imitandos sibi proposuit,  
longissimè ab aulica oratione dissentientes;  
minimèque in Religiosum cadere illa de-  
bent, qui habitu reliquòq; vitæ genere can-  
dorem ac veri studium profitetur.

Hosce mores siue Superior, siue inferior  
induat, grande malum est; nisi quòd in Su-  
periore grauius: faciliùs enim ad alios dela-  
bitur, & trahitur in exemplum. Inde diffi-  
dencia nascitur; nā quis fidat hisce moribus  
im-



imbuto, cuius omnia propè verba aliud volunt, quàm oratione promittunt? quis illi conscientiam vulneraque detegat? quis decurrat vt ad patrem, quem verba resque aulicum loquuntur, non patrem? quis volens lubensque obsequetur imperanti, cuius imperia non à Religionis amore, sed à despotica aulicaque ratione nata videt, ac in eiusdem finem tendere?

Si inferior his moribus tenetur, caret omni apud Superiorem fide, nec quidquam tutò illi credet.

Si vterque mutuis fraudibus adulationibusque plena sunt omnia. nec iam vltra Religiosa domus, sed mendaciorum officina exurgit; omnisque omnino Religionis spiritus aulica hac spongia vniuersim deletur; nec quicquam iam illius, præter habitum reperies rebus inanem: ac demum, pulsus virtutibus, aulica succedunt vitia; ambitio, adulatio, doli, detractiones, aliorum contemptus, odia, commodorum & dignitatû procuratio, otij amor, laborum fuga, vltimumque malorû caro & sanguis: neque illû diu castiras tutabitur, quem aulici possederunt

runt mores, castimonie hostes, omnisque libidinis administri.

Et ubi semel religiosus spiritus non elanguit, sed aulicis hisce moribus pulsus, ac tanquam flumine extinctus est; quid nisi caro, & quæ illi coniuncta timenda sunt? nec potest in illo pectore diutius religiosæ puritatis instituti que sui amor residere, quod aulici occuparunt mores, castis piisque Religionum moribus è diametro <sup>rel</sup> pugnantes. Quos Greg. past. p. 3. c. 36. rectè sepulcra dealbata speciosa exterius, sed mortuorum ossibus plena interiùs Veritas vocat. quia vitiorum mala intus cõtegunt, humanis verò oculis quorundam demonstratione operum de solo foris iustitiæ colore blandiuntur. admonendi sunt vt considerent, quia dum prauos se in occultis exhibent, sed tamen exempla de se publicè in bonis operibus præbent, ostendunt sequenda quæ fugiunt, clamant amanda quæ oderunt; viuunt potestremò aliis sibi moriuntur.

Tota deinde conceptæ probitatis opinio perit. neque hi mores latere diu possunt: in oculos incurrunt omnium iudicijs feriendi. Et quis iam externorum talibus se familiarē, liberos, conscientiamque suam credat?

dat? quis Principum, nobilium, aulicorúm-  
que virorum, se suáque committet illis, cum  
e suis moribus metientur hos Religiosos? è  
sua fide illos? vt omnis omnino speratus a-  
nimarum fructus depereat, cum similes sibi  
arbitrentur animo, quos oratione moribús-  
que similes perspexerint.

*Remedia.*

**I**Nter prima, aulæ aulicorúmque fuga est.  
neque enim fieri potest, quin ex assidua  
illorum frequentatione non plurimum et-  
iam aulici adhæreat pulueris: nam & non  
cogitantibus aliquid aspergitur, & nolenti-  
bus quædam ex continuo vsu adrepunt. tã-  
tum familiaritas potest. Idem accidit in ve-  
nenis. tange, & damna expecta. in vitiis om-  
nibus idem reperies. ne vita; & obrepent  
quasi dormienti, magis etiam si frequenta-  
ueris, aut lateri illorum diu latus adiunxeris.

Si natura aliquem trahat ad aulam, impe-  
rio arcendus erit, pœnitentijs etiam, & seue-  
riore disciplina, si contrauenerit. ac ni emē-  
datio accefferit, ad remotissima ab aulis lo-  
ca destinandus, omnéq; illi litterarum cum  
auli-



aulicis commercium interdendum erit.

Si Superior fuerit, nec post frequentata monita destiterit, functione sua exuendus erit, & ad ea loca ablegandus, in quibus nulla nec ipsi, nec ipsius exemplo aliis aulica damna timeri possunt.

Exemplis terrendicorum, quibus aulae aulicorumque consuetudo morésque omni propè sæculo exitio fuerunt, latamq; ruinæ causam dederunt; ut vix quinquagesimus quisque eum in Religionem retulerit, spiritum, quem in aulam attulerat, domoq; extulerat: quod in omni Religiosorum hominum genere reperies.

Exemplis etiam magnorum orbe toto virorum, qui aulam omnem, ut certam Religionis pestem, totis conatibus animisque auersati sunt. quod si illos necessitas ad aulicorum frequentationem aliquando coëgit, subdixerunt se tamen, & aulicis hisce fluctibus eripuērunt ratem, non ignari in e mentita hac malacia, tempestatum. Nec mirum: sciebant enim ubi primum pedum alterum proximum esse. ut mirum sit, tot magnorum

exem-

exemplis edoctos, venari tamen Religiosos aulas, aulicorumque imitari mores. Prudenter, quicumque hac prurigine titillatur, dum aulam cogitat, præcipitia indiuiduo illi nexu coniuncta meditatur; dū mores prouocant, damna prospicit; dum externæ inuitant venerationes, animos intuetur liuore & odio graues, & in sociorum ruinam paratos. Principum allicit fauor? scit dictum verè, Si benefeceris, leuior plumā est gratia: verbo si deliqueris, plumbeas iras gerunt, vt semel excidisse, æternum sit; & plurimum sanguine, aut ingenti dedecore error laundus est.

Denique quicumque Religiosus aulicis hisce moribus tangitur, pulsaturque in sequelam, secum familiæ suæ non postremos viros recenset, qui se aulicorum consuetudini moribusque dederunt; videátque an vigesimus quisque integra salute, nominisque æstimatione pedem retulerit: memórque illius, Quia me vestigia terrent, perhorrescat ad aulæ nomen, fugiátque illius mores, vt ensem iugulo inhærentem, vt præcipitia lapsa bunda pedi, vt venena propinata labris, vt  
in-

infelici propè omnium exitu signatos.

Proderitque magnorum ruinas recreati-  
onum tempore frequenter recensere, qui  
ab aulicis moribus, ad calamitatum extre-  
ma deuenerunt, & inglorij vitam finie-  
runt, vocatione plurimum deserta, in ex-  
emplum miserando exitu posteritati dati.

## CAPVT XXX

*Clancularia agendi ratio.*

**Q**Uæ ubi innotuit, vt eiusmodi res diu  
latere non possunt, ingentem in Supe-  
riore ingenerant diffidentiam, suspiciones-  
que præbent in omni genere varias, adeò vt  
nec in apertis quidem, & quæ nulla fraude  
teguntur, fidem adhibeat. Hinc animorum  
insequuntur alienationes, cum etiam sub-  
ditus obseruat Superiorem hac diffidentia  
laborare.

Iam qui assuescunt talibus, non procul  
à ruina sunt: crescit enim hoc studium ce-  
landi res omnes Superiorem, & à leuibus i-  
nitiis, & ab vnius generis rebus itur ad ma-  
gna, & omnia: atque hinc machinationes  
clanculariæ, subdolaq; consilia sua tegan-  
di



di ac explicandi rationes; & vt Superiorum oculos fugimus, ita paulatim etiam sociorum, à quorum conspectu nos nostrâq; subducimus. quæ res plurimum infelici exitu finiuntur.

Neque ferè quidquam aut Superioribus, aut socijs magis ingratum euenire solet, quàm callide hæ circumuentiones, ac simulata agendi rationes, fraudibusq; tanquam nebula intectæ, cùm alia omnia, quàm agimus, simulamus.

Nec quisquam facilè cum eo coalescit, quem deprehendit occultis molitionibus inhærere; vt non iam Superioribus tantum, sed omnibus omnino incipiat talis esse grauis, fugiantque huius familiariorem consuetudinem: cùm ferè tales quo magis consilia sua tegant, eo in aliorum vitam morésque diligentiores scrutatores, grauiorésque censores sint. omnibus proinde ingrati, sibi etiam cum perpetua hac tegendi sollicitudine graues, periculisq; innumeris expositi, quid expectent, nisi inter hæc discrimina infaustum exitum?

Neque vlli maioribus aut fraudibus, aut  
peri-

periculis obnoxij sunt, quàm qui consilia  
resq; suas tãto studio ac molimine Superio-  
res celât. Nec erit hoc difficile in omni rerũ  
genere ostendere, maximè vbi variæ tenta-  
tiones animum pulsauerint, & non leuia à  
talibus vulnera aut expectentur, aut data  
acceptaque fuerint; nec Superiori tanquam  
parenti & medico morbũ retegimus. Quid  
enim hîc timeri aliud potest, quàm è proxi-  
mo interitus? Et tales serè fidentiùs cum  
externis, quàm cum Superioribus agunt; //  
consilia sua aperiunt illis, celant Superio- //  
res; ac proinde magis iuncti sæcularibus, //  
plus etiam referunt sæcularis quàm religiosi //  
spiritus.

Accedit, studium hoc vnum esse diabo-  
li, qui in id vires, quas habet, exerit, vt ce-  
lentur nocitura, morbus tegatur, vulnera  
non explicentur, discrimina, & quidquid  
meritò timeri malorũ potest, alto prematur  
silentio. illud nimirum illi sequi edì commo-  
dissimum tempus est, cùm quasi alto som-  
no consopitis custodibus, nudata iacent  
castra, propugnatoribus viduata: quod fit,  
cùm Superiores fiducia pleni, periculorum,

subditorum sibi, ignari, malis indormiunt.

Et sanè Superiorum etiam vigilantiam fallere per facile est humani generis hosti, quando inferiorem ad noxiam taciturnitatem, priuatâque consilia induxerit. quæ res in vnius capitis discrimine non consistit: quærunt enim ferè tales, & inueniunt eos, qui paribus tenentur malis; crescitque exinde è communicato noxio consilio morbi  
 // malignitas, ac in manifestam tandem erumpit pestem: sequunturq; toti nonnunquam  
 // Ordini erubescenda. Ita à non magnis initijs  
 // ad maxima damna decurritur, & ad machinationes in instituti euersionem natas descenditur.

Signum verò celandi hoc studium, in glorij & vilis animi est, cùm per fraudes quærimus quod per virtutem qua caremus negatum est. sequitur familiare vitium, virtutibus suis diffidentium, mendacium, viro indignum; quo magis Religioso: ingens deinde inconstantia, iuxta illud Apostoli: Iac. I. *Vir duplex animo inconstans est in omnibus viis suis.* qualem necesse est esse omnē illum qui per occultas machinationes res suas stabili-

re



re cogitat, serpentum more, qui se prius in latebras condunt, quàm cogitatum virus explicent. Fugiet hæc vir Religiosus, metuens illud Sapientis Eccli. 5. *Deuoratio pessima super bilinguem.* vt meritò talis destituatur à Domino, & in peccati pœnam, in interitum relinquatur. cumque infelici euentu callida consilia sua claudi viderit, mœroribus obrutus contabescat, miserrimamque per æumnas vitam trahat. Et certè quicumque hoc vitio tenetur, eum necesse est, aut pertinacissimi ingenij esse, aut de virtute sua præfidentis, aut de aliorum prudentia integritateque diffidentis, aut insigni fastu & arrogantia, aut aliquid machinari improbandum, quod latere vult alios, & in quo testem erubescat. quare & in perpetuo versatur metu, continuaque pulsatur sollicitudine, ne consilia prodantur, ne profiliant in apertum fraudes, ne retegantur doli. Sanè non nisi à Diabolo occultatio hæc consiliorum venit. tenebrarum ille & anfractuum auctor est, vt in fraudem incautos ignarosque malorum trahat: Dei consilia in luce versantur, noctem oderunt,

dici amica, inimica tenebrarum sunt. amabit hæc quicumque Deum amat; certus ab illo nihil posse in fraudem & interitum nasci: fugiet illa quicumque salutem amat, certus à Diabolo nil posse in salutem proficisci, nihil sperari.

*Remedia.*

**S**eria in omnem partem excubatione in Superiore opus est, ut si quid deprehenderit clanculariæ molitionis, ad radices excindat, quin adeò cum semine illas ipsas euellat. si quæ etiam secreta frequentiaque colloquia, & ab aliis semota, aut intempestiuis horis & locis habita; reseret ut noxia, mutueque animorum coniunctioni aduersantia; eliminetque è domo sua quidquid clandestinas conuentiones sapit, quidquid à publico candore abducit.

Frequens cogitatio incommodorum, quæ ex hoc vitio nascuntur, maximè cum exempla nobis proponimus illorum, quibus hæc agendi ratio infeliciter successit.

Ex nostro dein iudicio si metiamur aliorum, facilis victoria erit, cum ob oculos

po-

posuerimus aliquem hoc malo tactum, dā-  
nabimus indubiè, fugiemusque illā consue-  
tudinē perpetuas veriti fraudes. idē proin-  
de nobis euenturum si cogitamus, facilè ab  
hisce semitis pedem retrahemus. magis, et-  
iam iuuabit infelices horum exitus cogita-  
re, damnaque ingentia ex hoc malo nata.

Iam si considerauerimus, quantis discrimi-  
nibus hæc res obnoxia sit, cum proprijs  
consilijs fidentes, vias decurrimus minus  
tritas, & Religioni aduersas, obediencię ini-  
micas; non magno negotio malum hoc vi-  
tabimus. Neque enim in humanis quidquā  
ad fugam, vitationem & horrorem certius  
est, pericul<sup>orum</sup> & incommodorum com-  
memoratione. Quid enim grauius Religio-  
so, quàm semper in metu esse, ne consilia,  
quæ recta desiderat, innotescant alijs, aut  
Superiori? quod vbi euenerit, ingens diffi-  
dencia in omnibus enascitur, quę nulla pōst  
arte, aut candore eximi potest. Semel enim  
concepta huius rei opinio, propè perpetua  
est: vt ferè necesse sit loci mutationem co-  
gitare, vnicumque adeò propè remedium  
hoc est, quod à Superiorum, locorum so-



fociorumque mutatione sumendum est.

Fortibus deinde pœnitentijs insistendum erit Superiori, vt & delinquentes iuuentur, & reliqui à similibus terreantur.

Cogitandum deinde sæpe, quid sperari ex hac re possit, quid timeri. minimarum rerum spes, ingentium timor est. tutiora certioraq; prudens eliger.

### C A P V T XXXI.

*Simulata amicitia. Occulta odia.*

**S**apientis verba sunt: Prouer. 29. *Homo qui Sblandis fictisq; sermonibus loquitur amico suo, rete expandit gressibus eius.* Indignum homine, ac multò etiam magis Religioso vitium hoc est, & aulicis moribus adnatum, nec aliud, quàm proditorium nomen meretur. execrandum omnibus, ac in vltimas terras ablegandum. neque enim parcit vlli, ac ne parenti quidem, quem hæc humanæ associationis fœderisq; pestis occupauit. indignissimus Christiano nomine, dignissimus quem omnes præsentissimis venenis nocentiorum detestentur ac fugiant. nam quis huius fidei se suauē credat? & optatior hostis est,

est, qui aperta bella mouet, à cuius ferro tutare te potes. arma namque armis contineas, & ensen ense reprimas. à domestici hostis insidijs quis nos defensabit? maximè dum sub amico vultu hostilem regit animū, fella vino miscens, & electilibus quibusque cibis venena temperans. Cuius tanta prudentia est, vt in explicata benignaque fronte, ore ridente, blandè ludentibus oculis, inimicam mentem videat? Etiam sapientissimus capietur his lachrymis, nec effugiet insidias mentientis amici. & vita hæc longè omnium miserrima est, cum nescias cui fidas. plena hinc omnia suspicionibus. nusquam exporrectus animus, & regia gradiens via. timoribus natant pectora perpetua anxietate grauida, nam aut inimicum præferunt ora verbaque, & iusta timoris causa est: aut loquuntur amicum, & terrent te hostiles animi, amico velamine tecti, ita dum nusquā fides, in æterno versamur metu: pendula semper dubiaque mente, vnde mœrores & melancholia quædam enascitur. Fraudibus deinde replentur omnia, mutuisque cadimus insidijs. euanescit vniuersum Re-

ligionis spiritus, candidus & simplex, & in aperto ad lucem habitans: succedunt doli, aulici mores, incerta consilia, nebulæ ubique & densæ noctes, & nouacula spongiâ tecta. Et sanè verissimum illud Sapientis est, Prou. 27. *Meliora sunt vulnera diligentis, quàm fraudulenta oscula odientis.* illa in salutem, hæc in mortem eunt.

Si inferior morbo hoc laborat, præcipitia sibi, damna Religioni parat: neque enim talis egritudinem suam explicabit Superiori, aut agram reteget mentem ruinæ proximam. vnde fiet, vt imperaturus sit illi Superior, in interitum illius, & in Religionis totius dedecus itura. quòd si in latentium sub benigno vultu odiorum cognitionem Superior venerit; ingens animorum nascitur alienatio, auersaturque hunc vt familiæ pestem, vt Religionis portentum, vt domesticæ pacis turbatorem, alienæ virtutis osorè.

Si Superiorem malum hoc occupaue- rit, misera inferiorum conditio est. non tu- tò illi quidquam, aut tanquàm patri commit- ti potest. & quis sua creder hosti? suspecta deinde illius verba, consilia, imperia, dicta- que



que facta que sunt omnia. consequiturque  
ut ne quidem cum verum dicat, sinceroque  
patrioque suos prosequatur affectu, fidem  
inueniat; cum semper vereantur, ne verbo-  
rum blanditiis odia, & hostiles integantur  
animi.

Plurima deinde mala ex hac simulata &  
ementita amicitia profiliunt: mutuorum  
hinc dictorum factorumque nascuntur ob-  
seruatores, grauesque censores, occulti nomi-  
nis boni famaeque detractores, secretorum  
violatores, domesticae quietis turbatores, o-  
diorum seminatores, infidarum mentium  
auctores, oblocutionum & in Superiores  
conspirationum propugnatores, ducesque  
ad illa, alienae virtutis improbi aemulatores,  
ingritudinis principes & ductores. Inde  
fit, ut omniū à se animos alienent, odia pro-  
uocent; nec minùs hos quam certam Reli-  
gionis pestem & venena auersentur; fugiant  
ut mutuae charitatis hostes iuratos, ut amici-  
tiae proditores, ut violatae coniunctionis in-  
centores, inuidentię impulsores, ut Religio-  
si roboris fallaces substructores & euerfo-  
res, omniumque propè malorum causam.

Grauiterin hos insurgit Sapiens Prou. 3.  
 Ne moliaris amico tuo malum, cū ille in te habeat  
 fiduciam: quia abominatio Domini est omnis illu-  
 sor, & cum simplicibus sermocinatio eius. Fortiter  
 in hoc vitium quod Israëllem occupauerat,  
 insurgit Ieremias c. 9. Vnusquisque se à proximo  
 suo custodiat, & in omni fratre suo non habebit fi-  
 duciam: quia omnis frater supplantans supplantabi-  
 bit, & omnis amicus fraudulenter incedet, & vir  
 fratrem suum deridebit, & veritatem non loquen-  
 tur. docuerunt enim linguam suam loqui menda-  
 cium, vt iniquè agerent, laborauerunt. habitatio e-  
 ius in medio doli. sagitta vulnerans lingua eorum,  
 dolum locuta est in ore suo: pacem cum amico suo  
 loquitur, & occultè ponit ei insidias, nunquid super  
 illis non visitabo, dicit Dominus, aut in gente hu-  
 iusmodi non vlciſcetur anima mea?

*Remedia.*

**A** Seuera in tales punitione petenda  
 sunt. Nihil hīc parcendum. functioni-  
 bus omnibus excludendi, vilissimis occu-  
 pandi; seriò monendi, proposita delicti hu-  
 ius fœditate. ablegandi ad probationis do-  
 mum, vt nouum à Tironibus spiritum hau-  
 riant,

riant. A familiaritate illorum reliqui deterrendi, iuniores maximè, quorum molliores animi facilè hac contagione capiuntur: dàdàque opera ne quis illis familiaritùs adhæreat. irrepunt suauiter, nec antè venena sua iaculantur, quàm alterius obstrictam sibi mentem teneant. initiis proinde resistendum, & præscindenda omnis consuetudo est.

Qui verò malum hoc ab alio patitur, si decurrat cum magno Iob ad Dominum, sequaturque in omnibus consilium illius, errare non poterit. habet enim magnum ex se doctorem. Iob 12. *Qui deridetur ab amico suo sicut ego, inuocabit Deum, & exaudiet eum: deridetur enim iusti simplicitas.*

Iuuabit priuatis monitis prouiores in hoc malum seriò seuerèq; monere; minis etiam adhibitis, grauibufque in transgressores pœnitentiis, quò & emendentur prauaricatores, & reliqui terreantur.

Quòd si eruperit malum, & in reliquorum domesticorum cognitionem venerit, arcendi ab aliorum familiaritate erunt, excludendi que à reliquorum consuetudi-



ne. palamque grauius in hoc vitium insurgendum, damnis propositis.

## C A P V T XXXII.

### *Secretorum violatio.*

**I**Nimica hæc omni bonæ gubernationi est, ad quam necessaria est tenacissima secretorum observatio: cuius violatione res ferè maximæ, regnaque perierunt integra: ut meritò quis dixerit, euertendis imperiis rebusque natum malum. Ita hostilium consiliorum cognitio inter prima feliciter imperandi documenta meritò ponitur. hinc etiam secretorum violatio inter maximè imperiis noxia, & inter læsæ maiestatis crimina adnumeratur.

Neque potest diu feliciter gubernatio consistere, nec fortunato terminari exitu, quæ tacenda prodit: planè ut nihil sit tam inimicum bonæ gubernationi, tam pestilens, quam silèda vulgare; cum vna sepe agenda-  
rum rerum prosperitas à silendorum tenacitate dependeat. Vulgasti: periit benè gerendi rei occasio; & elapsa non rarò manibus præ-

præda est, verbo vno aut altero intempesti-  
uè prolato: imperiaque non postrema iacēt,  
ad cineres in ludibrium magnorum impro-  
uida secretorum violatione deducta.

Neque vlllo modo ad gubernacula ad-  
mouendus, qui femineo hoc vitio laborat.  
Viri est frænos linguę iniicere, laxare mulie-  
ris. & antè vitam ponere, quàm concredita  
retegere, viri est imperio nati: effutire com-  
missa, muliebris ingenij est, & ad colum &  
acum nati. Nam quid ab eo speres, cui nihil  
tutò credi potest? qui consilia in fronte &  
manibus ferat? parère fors poterit, imperare  
non poterit. Verum nimis illud Sapiētis est:  
*Prouer. 25. Sicut vrbs patens, & absque murorum  
ambitu, ita vir qui non potest in loquendo cohibere  
spiritum suum.*

Nulla deinde sincera reddendæ cōscien-  
tiæ ratio sperari potest: à qua tamen vna, ma-  
gna pars bonæ gubernationis pender, vt si-  
ne qua prudens tutaq; gubernatio non diu  
consistere possit.

Nemo deinde cuiquam tutò quidquam  
credet, nemo vulnera, pericula, morbos,  
malaque sua aperiet. nam quis arcana cre-  
dat,

dat, animique vulgandos morbos? quis quæ  
sæpe pudor vel cogitare erubescat, vt quo-  
rum vel memoria sine rubore non transeat,  
euulgatori committat? vt iam in omnium  
oculis versetur, quod proprios etiam ocu-  
los pertimescebat. & imprudens meritò ha-  
beatur, qui abdita mentis pectorisque illi  
credat, de cuius silentio merita suboriri du-  
bitatio potest.

Sed neque solida vlla amicitia stabit, nul-  
lus amor vitio hoc imperante: cum omnem  
mutuæ benevolentiaë fiduciam tollat, cui a-  
mor omnis innititur.

Occasio deinde non vltima, secreti viola-  
tio est, politicè agendi, aliudq; verbis, aliud  
inclusum pectore tenendi: cum violationis  
huius metus aliorum verba cogat flectere:  
nam quæ sinceritas sperari potest, vbi perpe-  
tuus refectionis adstat timor?

Grauis etiam hinc turbarum causa, cum  
sæpe ob uoua aliqua enata, aut minùs ante  
prouisa, minùsque nota, cogantur Superio-  
res sententiam mutare. quod, vbi res prodi-  
ta, aut non sine vitio quodam inconstantiaë,  
aut cum aliorum ingenti turbatione neces-  
sum



sum est fieri: aut sanè necessitas quèdam Superiori imponitur in minùs tuta prolabendi, ne aut externos aut suos offendant, aut animorum in se alienationes prouocet.

Accedit, tales vsu quodam & quæuis effutiendi consuetudine, externis etiam intima quæque domus aperire. hic penitenti sibi mulierculæ, ille familiari sibi viro; quæ domos denique peruagantur & oppida: quin & defectus animorumque variæ propensiones, delicta vitiaque, si quæ sunt, seu vero, seu falso non rarò adscripta, Superiorum decreta, monita, & quidquid demum priuatis æternùm claudendum parietibus erat, ostiatim ac plateatim decurrit. tantum potest praua consuetudo; vt quæ vel sanguine firmanda forent, spargamus ac propalemus primi; actanquam semen Chanaan, & deteriores etiam filij. dedecorantes matrem, prospectandam ridendamque præbemus aliis. quæ res eo grauior est, quo minima etiam Religionis, maxima apud externos habentur: eò magis, quòd in immensum res illæ crescant, nec per vnius ora, sine insigni aliquo augmento transeant;

Sequuntur deinde ex hoc capite detractiones plurimæ, nulla postea pœnitentia aut lacrymis elucendæ; adhærentque adeò constanter firmiterque, vt nullis virtutibus eruere conceptam semel de se opinionem queant, qui passi sunt hæc linguæ mala. Nimirum vt videamur fidere externis, vt amari se sentiant, vt in mutuam illos fiduciam affectumque impellamus, vt sentiant se hæc narratarum rerum prærogatiua donari, effundimus etiam in virgines & matronas beneficas domestica propè omnia, mores omnium. ea interim fiducia sumus, vt celanda hæc arbitremur. fallimur, nulla est, quæ non vnam pluresque amicas habeat, in cuius sinum muliebri more profundat omnia, vel hoc etiam solo nomine, vt sentiant alie, quo apud confessarium loco sint, quibus domestica omnia tanquam domesticis credantur. Sanè quisquis prudenter vitam instituit, certò sibi persuadeat, nihil adeò grande & perenni silentio premendum, etiam in ipsa confessione, cuiusq; committi mulieri, quod non aliquando vulgandum sit. vt ille prudens sit, qui nihil illis credit, ne in secretiore qui-

quidem sanctissimæ confessionis tribunali, quacunque præcautione sponsonibusque firmatum, quod non certò sibi persuadeat, tanquam tympanis actubis decantandum aliquando in foro & compitis. Illa proinde dicet vir prudens, ad quorum propalationem non erubescat: neque enim talis facile labetur in pœnitenda, aut se noménq; suum animúmque; periculis exponet grauioris mali, aut committet quæ vel leui quadam indignatione, vel innata naturæ inconstantia, vel alterius solertia, vel noua veteriue amicitia & familiaritate pellecta mulier profundet: quæ nec mala quidem sua delictaq; diu premere didicit, maximè si ab alia paribus fiducia narrationibus prouocetur.

*Remedia.*

**G**Rauis punitio illorum, qui in hoc muliebri vitium cadunt: qualis est, remotio ab omni munere, nulla consiliorum agendarumq; rerum communicatio, ablegatio etiam ad alia loca minùs cognitioni còmoda, ac proinde minùs etiam secretorum violationi obnoxia.



Seria pœnitentiæ, etiam publicæ, quando res in aliorum cognitionem venit, publicæque reprehensiones acres.

Frequentia & seria monita, quotiescunque vel in minimo peccatum est: ita ut nunquam in hoc vitio parcat, aut dissimulatione delictum prætereatur. Sciat se obseruari qui hoc malo laborat, & nunc amore, nunc pœnis, nunc proposita rei indignitate terreatur.

Consultum fuerit, si alij horum consuetudinem fugiant, sentiuntque hoc qui huic se vitio dederunt. pudor & verecundia magnum incitamentum victoriæ est. Sciant hoc malum latere non posse. prodit se ipsum, & propalatione sui improbitatem aut imprudentiam ostendit. Monemur hinc à Sapiente Prou. 12. *Qui ambulat fraudulenter, reuelat arcana: qui autem fidelis est, celat amici commissum.* ut arcanorum reuelatio, à fraudulenta & infida plurimum mente proficiscatur: fidelis enim commissa concreditæque sibi alto premit silentio: qua enim fide ab amico rem accepit, eadē seruat. credit ille, & in huius finem reposuit? non fallit si amat, si committentis

tis affectui respondeat, si prodit, amicus nō est. fallit. infidus est. nihil illi proinde credendum, nam vt inimicus non sit, ingenti laborat imprudentia, perruso similis vasi, quis sapiens vina sua huic committat? quis consilia proditori? proditor omnis commissorum violator.

## CAPVT XXXIII.

*Susurro. Proditor.*

*Infidus animus. Alieni explorator, & delator.*

**V**icinum Superioribus vitium, & ferè à placendi studio natum. deterius est, quando à nocendi libidine nascitur. primum ab amico aut patrono gratificandi desiderio prouenit. cum enim vident aliquid inter amicum & alium æmulationum, aut mutuarum suspicionum intercedere, idque è muneris siue iam parti, siue sperati quadam corruualitate; miscent se hi medios, amicitiam simulant, gratiam venantur. inde vbi se in illam sinuauerint, partis maximè oppositæ delatione, gratisque quibusdam detractionum relationib. perfacilè ab animo verborum his aculeis exulcerato extorquent

quent ea quæ non iucundum sepe audire est  
 priori illi amico aut patrono; maximè si cõ-  
 filia propositosque menti fines subdola hac  
 beneuolentiæ ostetatione intellexerint, aut  
 si quid in aliũ dictum scriptumue acerbius.  
 quarum rerum omnium explorator ille &  
 dux & auctor fuit, fallaci quadam maledi-  
 centia, simulatæque calumnatione alterum  
 in paria prouocans; maximè si patroni illius  
 sui in hunc criminationes falsò licet recen-  
 sitas, & à se excogitatas retulerit. quo tan-  
 quam stimulo in indignationem primùm  
 illum impellit, inde etiam in conuitia, simu-  
 lata semper inimici in altero, amici verò in  
 hoc persona.

Et ferè vsu venit, vt deteriora referant,  
 plurimæque de suo misceant, ad prioris illius  
 pectus potentiùs exacerbandum. validam  
 odiorũ causam subministrâtes, conceptasq;  
 prius animis scintillas, in ingentes ignes no-  
 xiiis his infidissimi oris flabris excitantes.

Sic non tam placendi vni, quàm nocen-  
 di alteri studio hæc reia tendantur, detestã-  
 di etiam magis sunt, vt quos solum odium  
 ad has fraudes impulerit, quod non tam hu-  
 ma-



manæ mentis, quàm diabolicæ crudelitatis vitium est; maximè cùm in innocẽtem, nullaque illius hostilitate prouocati, effera nocendi libidine, in aliena damna rapimur, idque beneuolentiæ quodam mantello tecti, tâquam saporato pulmento toxica miscentes. ad quod præiectissima scelera nemo Religiosus venit, nisi omnem antè Religionis spiritum exuerit, vindicisque Dei timorem excusserit, factus sibi ipsi improbitatis dux & magister.

Sequuntur ex his initijs mala innumera. ac inter prima lethale Religionibus omnibus detractionis vitium, non fortuito, aut linguæ quadam incontinentia, aut à prauo habitu natum, aut aliorum narrationibus prouocatum; sed ab insigni maleuolentia & præcogitatione, ac præmeditata improbitate profectû. quæ res veniam nullam meretur, nec sat graui pœna puniri potest: soluit enim omne humanæ coniunctionis commercium, omne mutuæ charitatis vinculum, omnem fraterni affectus necessitudinem, omnẽ Religiosæ domus tranquillitatem, omnẽ spiritualis amoris nexum, omne fiduciæ robur.

Sac-

Succeduntque illorum loco, nullo ingenio, aut arte reparanda damna: in verbis factisque pulsâ securitate trepidatio: in omni etiam familiari colloctione, candore fugato, fraudum anxia sollicitudo; ac tanquam inter inimicas acies versanti, attonitus quidam timor: quaqua parte insidiis septo, hostilis quidam metus. nulla hîc læta dies, nullum gaudium explicatum: ponderantur tanquam in trutina verba singula, & in omni oratione retia & compedes circumspectamus. iam & incessus ipse & inambulationes nescio quid metuendum cõtineant, dumque omnis fiducia fidēsque exulat, taciti contabescunt animi, ac quasi in saxa ac rupes congelascunt.

Misera omnino vita, & non hostium acerrimis vouenda: vt extrema praeligenda pauperies, vincula sint & carceres inter lætum hilarēmq; panem & aquâ, quàm inter orbis delicias ac diademata ad omnem cõgressum verbaque mens attonita, dubia, insidijs beneuolentiam mentientium circumsepta, perpetuisque suspicionum aestibus, tãquam decumanis fluctibus iactata; vt infelicis-

cissima in continuis tempestatum harum  
circumuolutionibus omniq; acerbior mor-  
te censerī vita debeat. Tales sunt quorum  
meminit Ecclesiasticus ca. 12. In labiis suis in-  
dulcat inimicus, & in corde suo insidiatur vt sub-  
uertat te in foueam. In oculis suis lacrymatur ini-  
micus: & si inuenerit tempus, non satiabitur san-  
guine: & si incurrerint mala, inuenies eum illis  
priorem. In oculis suis lacrymatur inimicus, &  
quasi adiuuans suffodit plantas tuas. Caput suum  
mouebit, & plaudet manu. De inimico amici-  
tiam simulante hæc verba. cuius cū distil-  
lent labia fauum, mellaque fundant, lacry-  
maeque amorem testentur, hostilitatem fa-  
cta loquuntur. de quo illud verè Prou. 25.  
Dens putridus, & pes lassus, qui sperat super infidelē  
in die angustiae, & amittit pallium in die frigoris.  
Sicut enim aramentū eruginat nequitia illius: &  
si humiliatus vadat curuus, adijce animum tuum,  
& custodi te ab illo. Non statuas illum penes te, nec  
sedeat ad dexteram tuam: ne fortè conuersus in lo-  
cū tuum, inquirat cathedram tuam. talis etenim  
(Eccli. 6.) est amicus secundū tempus suum, &  
non permanebit in die tribulationis: est amicus qui  
conuertitur ad inimicitia. & est amicus, qui odium  
& s



*Et rixam & conuitia denudabit: est amicus socius mensæ, & non permanebit in die necessitatis. Excitabit etiam tribulationes, nec parceret animæ morerenti, nec iacentis sanguini. impinguetur namque aduersis, & ridebit in interitu aliorum, omni bellua crudelior. Prou. 16. Lactat amicum suum, & ducit eum per viam non bonam, viam insidiarum & mortis. & dum amicum simulat, hostilia in incauto exequitur. bis sceleratus, simulatione & fine. Prou. 6. Et sicut noxius est qui mittit sagittas & lanceas in mortem: ita vir qui fraudulentè nocet amico suo: & cùm fuerit deprehensus, dicit, Ludēs feci. nimirū ludit in amico sanguine. hoc solo iudicio suo infelix, quòd cogitata ad opus animo suo exitum deducere non potuerit, nec finem tamen improbitati, nisi in suo aut alieno sanguine statuet. Hic exitus infidæ mētis perit, aut perimit: & miserando exitu amici, aut infelici suo, infidū animū signat, Deo hominibusque iuxta inuisus. de quo illud Prophetę Isaia 29. dici potest: *Va qui profundi estis corde, vt à Domino abscondatis cōsiliū: quorum sunt in tenebris opera, & dicunt, Quis videt nos, & quis nouit nos? peruersa est hac vestra cogita-**

gitatio. quasi si lutum cōtra figulum cogitet, & di-  
 cat opus factori suo, Non fecisti me; & figmentum  
 dicat fictori suo, Non intelligis. Profundi cordis  
 omnis infidus est, alieni obseruator & sub-  
 structor. ac licet fraudulenta consilia sua ap-  
 pud homines tegat, Deum habet cordium  
 scrutatorem, qui educet è tenebris insidias  
 in proximorum perniciem structas. quem si  
 cogitarent inspectorem & vindicem, non  
 descenderent ad noxias has fraudes, tan-  
 quam si machinationum harum nullum a-  
 liquando habituri essent discussorem, nul-  
 lum iudicem. audiant Sapientem cap. 1. Be-  
 nignus est enim spiritus sapientiæ, & non liberabit  
 maledicum à labiis suis: quoniam renum illius te-  
 stis est Deus, & cordis illius scrutator est verus, &  
 linguæ eius auditor. quoniam spiritus Domini re-  
 pleuit orbem terrarum: propter hoc qui loquitur  
 iniqua, non potest latere, nec prateriet illum corri-  
 piens iudicium. In cogitationibus enim impij inter-  
 rogatio erit. sermonum autem illius auditio ad De-  
 um peniet, ad correptionem iniquitatum illius. Cu-  
 stodite ergo vos à murmuratione, quæ nihil prodest, //  
 & à detractione parcite linguæ. quoniam sermo //  
 obscurus in vacuum non ibit. os autem quod men-

tur, occidit animam.

*Remedia.*

**A** Vitiij huius sceditate & gravitate pendenda: quam à communi mortalium omnium sententia mutuare possumus. qui licet proditores non raro bono suo venentur & probent, & pretio etiam parent, proditores tamen execrantur: quorum infame omni retrò ætate apud omnes nationes, omnique sæculorum memoria nomen est. quoque vnaquæq; generosior gens est, hoc proditoris nomen maiore in horrore habet. venalia nimirum alieni honoris, gloriæ & commodorum mancipia, indigna quæ hominis nomine censeantur, quo magis ab omni Religione eliminanda. Monemur sic à Sapiente Eccli. 37. *Noli consiliari cum eo qui tibi insidiatur, & à zelatibus te absconde cōsiliū.* & Pr. 20. *Ei qui reuelat mysteria, & abulat fraudulenter, & dilatat labia sua, ne commiscearis.*

Fouendus contrà fidus animus, qui nec proposita morte alieni proditor fiet. talem quicumque nactus fuerit, inter verticis sui gemmas primam statuatur, colaturque ut cælo datum, obseruet ut oculi pupillam, bene-



faciat ut animæ suæ, intimaq; sibi familiari-  
tate iungat. rarissimus enim horum usus, ac  
inter millia vnus aliquando, aut alter. quo  
studiosius quærendi, fouendi, tutandi sunt.  
ut videant qui contrario virtuti huic tenen-  
tur vitio, quanta sit fidi pectoris prærogati-  
ua. omnibus hoc opibus regnisque præstat:  
parari enim hæc iudustria laboreque pos-  
sunt; animus fidus, secreti tenax, nulla mer-  
cede aut tormentis vincendus, à solo celo  
sperari debet. amicus fuit in prosperis? ma-  
gis etiam erit in aduersis. stetit inter secūda?  
non cader inter aduersantia: quin fortius  
firmabit gradum, & ostendet se non purpu-  
ræ aut fortunæ, sed amico natum, eum quo  
per aduersantia lætior ibit, quàm sine illo in  
gloria. Serpens nimirum, sitis, ardor, arenæ,  
dulcia amori sunt. propone diademata: cō-  
temnet, si prodendus amicus est. opes &  
honores: ridebit, si alieni explorator dela-  
torq; esse iubeatur. sponde plena manu vo-  
luptates: nulla illi maior voluptas est, quàm  
pro fidei firmitate ac tuitione vitam proj-  
cere. deinceps functionibus omnibus, exue-  
muneribus, ad extrema terrarum populo-

rumque relega, indue compedibus: gaudebit, si pro fide, & negata proditione patiat, & dulce ducet pro tam bona causa pati: imò si destituatur ab amico, & hostem patiat, ex amico; stabit tamen in gradu, nec semel datam fallit fidem; & hostilitatem hanc errori tribuet, commiserabiturque amico tanquam è febribus phrenetico & mente capto: morboque inimicum hunc ex amico animum, tribuet, non homini. ac nec iniuriis quidem damnisque; prouocatus, aliud quam commiserationem reponet, qualem solemus mania laborantibus. Beatus qui hunc nactus fuerit: non enim quidquam in hac vita voueri aut concedi potest optatius aut maius, quam si nactus aliquem fueris, in cuius sinum tutò reponas quidquid animo habes malè, quidquid benè, securus de fide, certusque de custodia. Benè Sapiens Eccli. 6. *Amicus fidelis, protectio fortis: qui autem inuenit illum, inuenit thesaurum. Amico fideli nulla est comparatio: & non est digna ponderatio auri & argenti contra bonitatem fidei illius. amicus fidelis medicamentum vite & immortalitatis. qui metuit Dominum, inueniet illum.*

## CAP V T XXXIV.

*Ingratus animus, beneficiorum immemor.*

**D**Eo hominibusque inuisum malum: quod cum in omni hominum genere detestandum sit, tum multò maximè in Religioso, & mitior longè aperta hostilitas est. Nam quid magis cū ratione pugnat, quàm cui benefeceris, pati inimicum? & omni hoste acerbior, ingratus est. nam inimicum æmulum suum auersari nihil nouum; odio etiam prosequi, cū mutua sepe damna data & accepta, sat ampla odiorum causa intercurrent, nemo miretur. at post beneficia accepta dataque in beneficium largitorem insurgere, & pro beneficiis odia detractio- nesque reponere, belluæ verius, quàm hominis est.

Ingratitudinem verò vitia plurimùm reliqua sequi, experientia nos docet. neque enim illa intra solius nudæque ingrati- tudinis limites se continet: profilit fere ad odia, fama que ac bonæ æstimationis diminutio- nem, dictorum factorumque sugillationes.



Semel enim verecundia exuta, ne ingratitudinis ab alijs damnemur, decurrimus ad acceptorum beneficiorum extenuationem. inde etiam damnamus donatorem, merita nostra extollimus, dona deprimimus. quòd si magnitudine sua celari dona & beneficia non possunt, aliò donatoris mentem torquemus, & suis illum commodis, non nostris dona contulisse contendimus: vt cum rem non possumus, mentem damnemus. ita sagaci ingratitudine inuolamus in amicos. Inde iam in apertas dilabimur detractiones ac hostilitates: ac primò apud vnum alterum uè, tandem que pudore exuto palàm in omnium oculis.

Fœdum in Religione vitium. & ferè reperies pari hos ingratitudine ab alijs percuti, quàm in Superiores benefactores suos se uierunt: plerumque etiam inuicioribus opprimi. ac melancholia quadam exedi & extingui. nam cum benefactores à se auerterint, nec quisquam se illis sua que credat, fidat nemo, imò quisque consuetudinem familiaritatemque fugiat; fit vt contabescant malis, sibi alijsque graues.

Qui

Qui si Superiores sint, non facilè suorum animos possidebunt: neque quisquam taliduce ad pericula decurret, nemo ultro labores suscipiet, nemo gaudēs sudorem fundet, quem scit ingratitude munerandum. nulli ad ardua mens stabit, aut ad generosa manum porriget, quam didicit non vacuā tantū remittendam, & nullo dignandam prēmio, sed insigni aliqua ingrati animi testatione feriendam. hinc pro laudibus, & benevolentiae signis, sicciora inferior pumice, satyroque quodam dente pronunciataverba referet, aut indignantem etiam orationem, factaque, clara & illustra licet, deprimentem. quibus modis etiam probissimorum, & ad labores promptissimorum animos exasperant. Ingrato enim benefacere durum, sudoremque ingratitude siccanti ac detergenti profundere graue est. inuitos proinde ac reluctantes suos ad ardua quaque reperiunt.

Si inferiores hoc malo tenentur, omnium à se Superiorum animos auertunt, alienissimosque experiuntur, ac diffidentia plenos, nec quidquam laude aut gloria dignum

magnumque committentes: nullorum etiam consiliorum participes faciunt, nullaque familiaritate dignantur: nulla præmiorum munerumque prærogatiua condecorant, nã quis ingrato aut se, aut sua credat, aut beneficijs obstringat, quem nulla munificentiã vincit, nulla liberalitas molliat? obduruit nimirum frons illius, & durior ferro beneficia repellit, & in auctorem pro munere conuitia retorquet.

Nulla deinde apud ingratum secreti firmitas. abditissima quæque propalabit. nihilque tam sanctum, à quo veneratione tactus abstineat. gaudebit etiam concreditorum sibi refectione, & inuidia duce, ad recondita quæque protendet manum, felicemque se aestimabit, si quid muneratoris sui erubescendum vulgauerit. hostem credas in inuidiæ scelere lætabundum, ac tanquam parta ex inimico victoria triumphantem. vt, si delectus detur, hostem longè præ ingrato diligas. nam vt ille acerbissimus sit, sanguinisque tui sitientissimus, beneficijs tamen vinces. nec vlla re magis crudeles inimicasque mentes, damnisque & odio effe-  
ratas,



ratas, quam beneficijs mitigabis & molles. pergit illa exasperata furere? perge benefacere. repellit ab hostili manu munera? duplica, & vinces, sedabisque tandem sanguineam hanc sitim, frangesque inimicos animos furore licet ebrios, deducesque ad placidam quietem, inde in admirationem, in factorum suorum detestationem, tandemque in laudem & amorem, & cum nolit beneficijs vinci, paria conatur reponere. quique generosa mente inimicitias fouit, odiaque sparsit; eadem mentis generositate victus, beneficia tanquam missilia iaculabitur.

Ingrato verò quanto plus benefeceris, tãto magis exasperaueris, beneficia enim illi materies odiorum sunt, non secus ac ligna oleumque flammaram materia. Nec domandi hoc peccatus remedium vllum. subtrahere beneficia, liuore & mœroribus quidquid interni in illo roboris est, emedullabis; cõfer, insurget in benefactorem, tanquam si arma furenti præbeas; nega, in se sæuiet, nulli, ac ne sibi quidem amicus.

Contrà verò animo grato, ac beneficiorum memore nihil cuiquam iucundius gra-

tiusque euenire potest. Pulchrum sanè, & caelo dignum certamen, animi grati cum munifici largitoris beneficentia: cùm nec gratitudine hic se vinci patitur, nec beneficiis ille. gaudet benefacere generosus animus, & beneficium existimat, dona posse conferre grato. & prouocat quasi nolentes in beneficia gratus. cui etiam renuenti plena manu generosior omnis munera largitur. Ingenti deinde fiducia in talem fertur quisquis animo erecto est, ambitque vltro amicitias, & felicem se consuetudine illius arbitratur. nec quidquã tam magnum est, quod non in gratiam illius lubens profundat, vitam etiam positurus, si qua grauior necessitas postulauerit. Nec minor in animo grato magnitudo est; se suaq; sanguinemq; lætus profundet in benefactoris sui causa, nec fortunam huius, sed animum sequetur, ac in aduersis, iuxta ac secundis fidem tenebit. Ingruunt tempestates? vltro se illis pro benefactore inuoluet. petitur huius pectus? latus opponet suum. audit detrahentes? laudes opponet. delicta videt? excusabit, si potest, aut certè mitigabit verbis. si lenimè rei grauitas

uitas non patitur, ingenti animi sensu miserabitur benefactoris sui, & ad preces apud Deum, lacrymasque decurret; gratâque interim memoriâ in quacunque fortuna benefactorem suum prosequetur: & vbi se occasio dederit, virtutes enarrabit, delicta humanæ fragilitati tribuet.

*Remedia.*

**F**Vge ingratos animos, consuetudinem deuota, contubernio repelle, nihil crede, ne te obstrictum teneant.

Nihil quod laudem mereatur committe, vilioribus destina, magnorum familiaritibus subtrahe, à publicis functionibus exclude.

Frequentatis sæpe per annum spiritualibus exercitiis, piorum librorum assiduis lectionibus, fortibus Præfectorum spiritus monitis, adiuuandus erit.

Proderit etiam si in aletudinis tempore pronam in se paternamque senserit Superioris mentem. quæ res si ingratum illius animum non flectat, à solo Deo remedia poscenda & speranda sunt. cuius sunt



non aliena abs hac re apud Lucam verba:  
Luc. 6. Diligite inimicos vestros. benefacite, &  
mutuum date. & eritis filij Altissimi: quia ipse be-  
nignus est super ingratos & malos.

Vitij etiam huius magnitudine terreri  
quisque meritò debeat. describit eam pau-  
cis sed fortibus verbis D. Bernardus Ser. 51.  
in Cant. Ingratitudo ventus est vrens, siccans sibi  
fontem pietatis, rorem misericordiae, fluenta gratiae.  
& de ingrato Sapiens cap. 16. Ingrati spes tan-  
quam hibernalis glacies tabescet, & disperiet tan-  
quam aqua superuacua. & monet Augustinus,  
de verbis Apost. Sermon. 16. Grati sumus ex eo  
quod habemus, vt addatur quod non habemus, &  
non perdamus quod habemus. Solet enim Deus  
eadem ingratissimis animis inferre, quæ seruo  
nequam suffodienti talentum domini sui:  
Mat. 25. Tollite ab eo talentum, & date ei qui ha-  
bet decem talenta. omni enim habenti dabitur, &  
abundabit: ei autem qui non habet, & quod vide-  
tur habere, auferetur ab eo. & inutilem seruum ej-  
cite in tenebras exteriores: illic erit fletus, & stridor  
dentium.

## CAPVT XXXV.

*Nimia ad externa diffusio.*

**S**ive illa à quadam naturæ inquietudine, & necdum in plenum domito sæculariū affectu proueniat, siue ex tædio ariditatis interioris, dum in externis mens solatia quærit, quibus interiùs caret; non leue vtrobiq̃ue malum est. Euenire enim solet, vt, dum se totū animus in externa profundit, adhærescat etiam non cogitanti non parum sæcularis & mundani pūlueris, quibus obtenebratur spiritualis oculus, ne ea deprehendat, quæ & ipsi & Religioni noxia sunt, quæque illum paulatim à genuino & primæuo vocationis spiritu abducunt. ita à tam paruis initiis mens tota obtegitur: minimarum nimirum arenarum congestio crescit in montem, fertilisq̃ue etiam agros infæcunditate & sterilitate sua contegit. Bonau. de 6. alis. c. 7. Cū enim propter temporis breuitatē. & diei malitiam vix necessariis sufficiamus disponendis, si superuacuis & alienis volumus occupari negotiis, negligimus vtiliora & meliora: cū distractus animus ad plura, sit minor ad

singula provide peragenda. Inde fit aliquoties, cum Pralati & Ecclesiastici nimis se exterioribus occupationibus implicant, edificiorum, agrorum & vinearum & similium, quibus fructuosius carerent, ut non solum meliora interim negligant, sed etiam conscientiam sapius inquinant, & ex usu exteriorum tenebrescat mentis oculus ad cōtemplationem spiritualium & interiorum, & tepescat ad desiderium supernorum. Sicut enim humores noxi affluunt, ubi fuerit in corpore lesio, nisi cautè removeantur, ne fiat ibi tumor vel vlcus: ita & negotia crescunt ad extinctionem spiritus, qui se ijs acquieuerit occupari. Super omnia verò debet semetipsum rector circumspicere, ne alijs providens, seipsum negligat, neque alios saluans, seipsum in periculum demergat. Matt. 16. quid enim prodest homini, si vniuersum mundum lucretur, anima verò sua detrimentum patiatur?

Desipiunt etiam in dies magis magisque interna, dum delectamur externis, nec potest animus his obsessus, cælestia sine pugna admittere. Multis deinde, licet magna cautela & circumspeditione utatur, necessum est se homo implicet, quæ aut minùs vocationi consona, aut ab illa etiam aliena: labiturque ali-



aliquando in pœnitenda, corporique vni-  
uerso nocitura.

Et incredibile est, ad quanta damna è le-  
uibus initiis decurratur. Guttæ nimirum &  
stillicidia tenui licet filo defudata excauant  
rupes. à tam molli raroque lapsu vincuntur  
multorum sæculorum opera, & quæ decu-  
manos vicerunt fregeruntque fluctus, gur-  
ratim depluente lymphæ sedibus pelluntur.  
Idem vsu venire videmus in Religioso. ste-  
terat quaquæ parte irruentibus tentationi-  
bus, dum se domesticis conrineret parieti-  
bus, & superior etiam omnibus inferorum  
conatibus stabat interritus; vt primùm ve-  
teres egressus limites, plusculum se in sæcu-  
lum diffudit, cœpit labascere, & dissimilis  
iam esse sui. Nec mirum. cum enim Religio-  
nis clauderetur terminis, perpetua quadam  
interni spiritus pascebatur alimonia, tan-  
quam cœlesti manna, firmabaturque dome-  
stico orationis propugnaculo aduersus pro-  
cursantes hostiles acies; at postquam desti-  
tutus his præidiis, nudum exposuit latus i-  
nimico ferro, quid nisi vulnera expectet cœ-  
demque?

Nec

Nec pessima quæque primo ingruunt prolapsu. pedetētim ad præcipitia ducimur, eo ferè passu, quo ad externa diffundimur. à minimis scilicet initiis, ad latissima damna descenditur. Et trahimur primò agendi quadam cupiditate: & videri Religiosus amat, quisquis sæcularibus se rebus immiscet, aut sanè è leui quadam fastidientis animi nausea, ac spiritualium lassitudine, profundit se ad externa, tãquam nausæ aut inuoluerudini suę remedium aut solatium quęsiturus. Interrumpendus nimirum spiritualium ille cursus erat, ne aut contentione frangeretur animus, aut eiusdem spiritualis cibi fastidio teneretur. infelici commutatione à cælestibus ad sæcularia decurritur, quasi in medicinam ac solatium. Ex quo fit, vt quo mens profundius perituris illis immergitur, hoc potentiùs eripiatur æternis: pari ferè passu, vt quantum illis accessit, tantum his decedat.

Neque diu tales Deo coniunctos videas, cùm disiungantur per externa. patiunturq; difficultates maximas, vt ad statuta orationum tempora se recipiant, & vt conatum

rum adhibeant, effunditur statim omnis  
in iis collectus fructus, quasi si demessam  
messē dispergas in ventos. inde arescunt  
animi, spolianturque ac nudantur opibus  
internis omnibus, ut nec suæ, nec propagā-  
dæ proximorum salutis aut Dei gloriæ ido-  
nei sint. contingitque illis, quod validis flu-  
ctibus ac tempestatibus iactatis, ut stoma-  
chi patiantur fastidia, nauscentque super o-  
mni spiritali cibo, viribus destituti. transeunt  
deinde ad carnem & corporis commoda,  
illisque vicina. cumque narrationibus im-  
pleantur ingentium passim detractionum,  
facile in easdem domi forisque effunduntur.  
assurgunt exinde animi. & quo pluribus  
miscentur, maioremque externarum rerum  
cognitionem consequuntur, plus etiam fa-  
ctus induunt. hinc domesticæ exurgunt æ-  
mulationes, pariaque in imitationem stu-  
dia. quæ res ad parum sæpe affinia religiosæ  
modestiae ac moderationis consilia impel-  
lit. Nec res tegi diu potest. decurritur ad ex-  
ternos, & æmulationum semina latè spar-  
guntur, damnanturque in Religiosis sæcu-  
lares mores, partiumque studia, plurimūm-  
que



que de sanctitatis ac maturitatis opinione decedit: è quo sperata multorum salus vniuersa propè collabascit. Bene Antiochus hom. 102. Laquei & pedicae sunt aspirantibus ad salutem secularium congressus, ac prolixa eorum confabulationes mentem prorsus auocāt à Dei glorificatione & spiritali latitia. & magnus Gregorius lib. 3. Dial. c. 15. Valdè difficile est, vt lingua secularium mentem non inquinat quam tangit: quia dum plerumque eis ad quaedam loquenda condescendimus, paulisper affueti hanc ipsam locutionem, qua nobis indigna est, etiam delectabiliter tenemus: vt ex ea iam redire non libeat, ad quam veluti ex condescensione deducti venimus inuiti, sicq; fit, vt ab odiosis ad noxia, à leuioribus ad grauiora verba veniamus: & os nostrum ab omnipotēte Domino tanto iam minus exaudiatur in prece, quanto amplius inquinamur stulta locutione.

Quòd si quę necessitas ex obedientia nata cogat ad illa, meminerit vocationis, Dei quę sui, & properantis æternitatis: ad illum quę quoties per interualla licebit, eo ardentius euolabit, quo minus temporis conceditur, assuescat quę in medijs etiam externarum rerum occupationibus cælum inambula-

bulare, frequentib; usq; imo ductis pectore  
 suspiriis communem omnium parentē pul-  
 sare, in illum densas immittere preces, tan-  
 quam telorum fyluam; calentia iaculari vo-  
 ta, tanquam nubibus cōtorta fulmina; per-  
 ennes profundere lacrymas, tanquam euri-  
 pi fortunata maria, beata negotiorum & la-  
 crymarum reciprocatione. Felices occupa-  
 tiones, tam beatis permistæ animorum con-  
 dimentis: sicut enim fiet, ut nec cariem sen-  
 tiant, nec putredinem metuant, nec viam ad  
 ruinam domino sternant. At Superiorem  
 prudenter in hac re Gregorius in Past. p. 3. c.  
 7. monet: *Sit rector internorum curam in exte-  
 riorum occupatione non minuens, externorum pro-  
 uidentiam in internorum occupatione non relin-  
 quens: ne aut exterioribus deditus ab intimis cor-  
 ruat, aut solis interioribus occupatus, quæ foris de-  
 bet proximis non impendat.*

*Remedia.*

**O** Rationis studium, considerationis in  
 Superiore hora seriò impensa: exami-  
 na conscientie non perfunctoriè adhibita:  
 adspirationum ad Deum frequens vsus, etiã  
 in mediis sæcularium rerum tractationibus.

Fre-

Frequens etiam piorum librorum lectio, actionumque sæcularium per spiritualia exercitia interruptio.

Superfluarum rerum resectio, maximeque speciosarum, & quæ plus habent externi decoris, quàm animarum fructus.

Colloquiorum & visitationum rarior usus, quæ si quando per alios non minori fructu peragi posse sperare licet, in alios potius transferantur, quò liberiùs ipse interno homini suo vacet.

Sæcularium occupationum fuga, quæ eo difficilior erit, quo mens semel tota illis immersa, altè in religiosa toga sæcularem imbibit succum. Quare nisi talis validè se ipsum reprimat, propensionem domet, affectum potenter comprimat, non facilè victoriam sperabit.

Amandatio ad alias habitationes & munia, in quibus minus periculum est externæ effusionis, spēsque maior spiritualis collectionis, solitudo maior, occupationes rariores, populus infrequentior, minor cognitio.

Iterata per annum spiritualium exercitio-



tiorum recollectiones plurimum hic iuuantur: in quibus si metuenda damna periculæque, exemplæque non postremorum in Religione virorum, infelici exitu signata seriò & non cursim examinentur, ingentia sperari emolumenta possunt. Frequens etiam cogitatio verborum horum, Ad quid venisti? quid sæculum moribus factisque repetis sæculi desertor? multum per omnem partem proderit; minæque intentantis Dei Luc. 9. *Nemo mittens manum suam ad aratrum, & respiciens retro, aptus est regnò Dei.* & illud Mat. 6. *Nemo potest duobus dominis seruire. aut enim vnum odio habebit, & alterum diligit: aut vnum sustinebit, & alterum contemnet.*

Proderit etiam nullam rem aggredi, sine præuia secum recollectione, seriumque dictorum factorumque re peracta examen instituere, sic ubi erratū, aut à religiosa modestia, à primorum parentum maturitate, ab instituti regula decessum. proderitque in primis, si diebus singulis quadrans vnus sub noctem seponatur, quo diei illius cum externis peracta recolamus. nullamque vniuersim omnino rem in scio Superiore susci-

cipiamus, ac nec vltro nos negotiis immergamus. Quod si frequentes externorum accedant interpellationes, affuescat eas Religiosus piis interspergere colloquiis; vt si pergant molesti esse, aliquid semper referant boni: aut tædio piarum rerum affecti interpellare desinant.

Excitatio in se diuini amoris, diuinarumque rerum, multum in hoc genere valet. neque enim talis facile se patietur ab illis deduci, ad externa duci. nā qui ad hæc se trahi permittit, amorem in hæc suum testatur. nō raperetur si non amaret. rapitur amoris indicium est. exuat hunc amorem, diuinum induat, & vicerit: memineritque verborum D. Gregorij. 4. Moral. ca. 30. *Qui ad appetenda æternitatis atria accenditur, dignum profectò est, vt ab hoc temporalitatis amore lasseretur, vt tanto frigescat à studio sæculi, quanto surgit ardentior in amorem Dei. quem scilicet si perfecte arripit, mundum etiam plenè derelinquit. & eo funditus temporalibus moritur, quo ad supernam vitam altius afflatu æternitatis animatur. & eodè capite: Qui in auctoris sui amore roborantur, quo magis in concupita Dei fortitudine conualescunt,*

eo à propria virtute deficiunt : & quo robustius æterna appetunt, eo à temporalibus salubri defectio-  
ne lassantur.

## CAPVT XXXVI.

*Castitatis neglectus.*

**C**Vin aut fiducia nostri, aut aduersario-  
rum contemptu, aut periculorum ne-  
glectu in præcipitia ruimus improuidi, dam-  
nâque non reparanda accipimus. hîc ocu-  
lorum liberiore iactatione ludimus; ibi au-  
rium curiosiore aucupatione vellicamur; a-  
libi lasciuiori inuoluimur lectioni: succedit  
familiaritas sexus alterius, diuturniora col-  
loquia, captata solitudo, prolixiores repeti-  
tæ & frequentatę confessiones, spiritales in-  
structiones familiares, munerum mutue  
acceptationes, secretorum vtrò citròque  
consiliorum communicationes, ingens per-  
amica silentia commissorum fiducia, offi-  
ciosæ & sæculum redolentes salutationes,  
scriptiones comitate & beneuolentia ple-  
næ; nec qualis inter patrem filiâque vene-  
ratio, sed qualis inter sponsas sponsosq; ho-  
norum præuentio.

Inde



Inde iam profiliunt nocituræ libertates, mutuus aspectus, exporrectæ frontes, hilaritudines, verbarisum prouocantia, gestus leuior, minusq; religiosa corporis compositio, membrorum iactatio, narrationes similitudinésque è matrimonio petitæ, quibus paulatim & pudor ponatur, ac tota demum verecundia exuatur: succedunt faciliores manuum contactus, & qui antea ad vestes ac vestigiâ propè pedum erubescibat, nunc constanti vultu & oculos intuetur lasciui- entes, & labia oraque legit ridentia, & prouocantes amicat genas, nec exhorrescit ad nudatum pectus magni lupanaris anteam- bulum, omnisque omnino libidinis prouo- catorium. Cypr. de sing. cleric. *De caminis nimirum scintilla profiliunt, de ferro rubigo nu- tritur, morbos aspidēs sibilant: & mulier fundit concupiscentiæ pestilentiam: in risum aliquando dissoluitur, nunc blanditias exhibet, & quod est venenosius super cuncta, psallere delectatur aut cantare, cuius cantu tolerabilius est audire basilif- cum sibilantem.*

Augmenta sumunt hæc per intervalla; neque quisquam repentè fit pessimus: quin  
imò

imò sub pietatis pallio, sub spiritualis instructionis prætextu latent & teguntur hæc nocitura, & in mortem pedetentim abitura, ac quodam quasi perenni stillicidio excavantur & exteruntur religiosa pectora firmissimæ quondam rupes, & tot antè dæmonum machinationibus, tot inferarum legionum valido procursu superiores, femineo cadunt oculo; tam molli, vt ita dicam, elemento chalybe fabricata corda, ferro cincta. ita virorum primi & maximi, & stellæ solesque futuri cælo, muliebri corruunt manu, Samsones Dalile, Dauides Bersabee, Salomones plurium blanditia.

Ac supina omnino opus negligentia ac spiritaliū neglectu ac tepore in eo qui post annos in Religione decursos in carnē labitur, cū enim experientia doceamur nouitios à sæculo recentes, vix ex altissimo vitiorum oceano ereptos, madentes adhuc & criminum fluctibus non semel insepultos, ægreque caput attollentes, aut è media etiamnum prauarum affectionum fornace calentes & ambustos, necdū degustata virtutum pulchritudine, orationum robore,

mortificationum firmitate, in magna animi puritate primos Religionis annos decurrere; rara oculorum auriumq; custodia, celeriq; quarumcumque occasionum fuga, ingentiq; omnium quæ ad voluptatem quoquo modo ducunt horrore ac detestatione; mirum planè videri debet post variorum annorum in Religione educationem, labi viros religiosos, meditationum orationumque præfidiis exultos, post variarum virtutum documenta, post exercitam & ad arma spiritalia paratam mentem, post continentia callum, post corpus pœnitentijs disceptum, post tot hostiles acies, tot inferorum agmina superata, protritam & calcatam non semel carnem, nobilissimos deniq; à mûdo triumphos actos; mirum planè & prodigio simile labi in muliercula Religiosum, hunc lasciuia oculo captum, illum feminea voce delusum, alium leui contactu tanquam cõpede constriktum, quin & petulantioris penicilli conspectu tanquam à Babylonijs ignibus arsisse non neminem; plurimos etiam tanquam niuem sole medio, muliebribus colliquatos radijs, aut ad domesticas illarum

flam-

flam  
dull  
do i  
bitu  
V  
præ  
ab v  
psus  
man  
Sacr  
tatio  
libro  
anim  
glec  
sui, re  
liebr  
ti cap  
tione  
corpe  
ad in  
prola  
mens  
nam f  
leui li  
robur



flammas, tanquam à potente fulgure emedullatos, multosq; à solo perulco & ludibundo in femina calamo iacuisse prostratos, arbitreris Herculeæ claua aut cæstib; prostratos.

Verùm si altiùs principia legamus, & præcipitij causas propiùs intueamur, non ab ultimo illo immanis ac miserandi prolapsus momento, sed à semitis longa ad illum manu ducentibus initia sumenda erunt; à Sacramentorum nimirum, orationis, meditationis, exameni conscientie, spiritualium librorum, pœnitentiarum, manifestationis animi morborum, sobrietatis ac modestie neglectu ac contemptu, à præfidente fiducia sui, regularum violatione, frequentatis muliebribus colloquiis, sociorum fuga, secreti captatione, otij amoris, laboris declinatione, cibi potusque commodorumque corporis prosecutione, alijsque his similibus ad infames femineos scopulos paulatim prolapsos reperiemus. Non vna hora, die, mense cecidit veteranus: anni viam ad ruinam strauerunt, & tanquam blattæ & tineæ leui licet corrosione, vniuersum paulatim robur emedullarunt. A tam paruis initiis ad

malorum extrema inuictus ille, dum Religionis amor regularumque observatio staret, veterani animus prolapsus est: stillicidia hæc nimirum incauto annorum prolapsu sana exederunt, tam suavis elementi guttata mollities tanquam leui spongia, aut amico osculo, quidquid erat saxei roboris, extriuit, ita à scintilla vrbes iam nullæ, & à modico veneno Herculeæ iacent vires ignibus pabulum.

Vitabit hæc modica quisquis salutem amat, quisquis præcipitia, quisquis exempla cogitat.

*Remedia.*

**A** Superioribus partim, partim ab inferioribus petenda sunt, proderit, si Superior in omnem occasionem intentum oculum teneat, nusquam operam suam in hac materia deesse patiat, nusquam etiam in minimis in hoc genere parcat. parcere hîc odisse ac perdisse est. excubet seridè ne qua parte regularum observatio infringatur, ne in tepe scat in orationis ac mortificationis studio spiritus, ne primus languescat

ardor. initijs ante omnia occurrat, nec medicamenta differat in validiorem morbum, ne curationem in ferrum & ignem reijcere cogatur: occasiones omnes ad viuum rescindat, etiam ense non damnanda, si ad dānanda quoquo modo ducant, reuellat: queratur eger, laudabit periculis ereptus, neque prudens sublatas aggritudinum causas dolebit. peritissimus ille medicorum est, qui præprouida cura anteuertit mala. nec iustā querimonix causam habet, quem ad exactam regularum ac constitutionum obseruationem, vigilans Superioris sollicitudo cogit. arguat in Superiore inferior diffidentiam & inanium suspicionum seriem: consultius est illum Superioris diffidentia circumuallatum stare, quàm minima illius fiducia non reparanda præcipitia pati.

Qui roborauerit ac obduruerit animum diuinarum meditationū ac orationum studio, qui conscientix suæ latebras bis per diē diligens non perfunctorius scrutator excusferit, qui quidquid quacunque via irrepserit malorum celeri pœnitentia deleuerit, qui spiritualium librorum lectione nullo



non die pectus firmauerit, qui frequentibus per diem aspirationibus mentem ab humanis abduxerit, ad diuina sustulerit, qui se suæque omnia, animorū in omnem partē affectiones, irruentiumq; tentationū fluctus ac procellas Superiori non minùs cādide quā integrè, vt medico, vt patri, vt matri reserauerit, non facilè ad erubescenda labetur.

Anocituris deinde magna cura animus auocandus, à quacunque feminea familiaritate, à muliebri uisitatione, à colloquijs quocunque prætextu prolixioribus, ab eorūdem personarū confessionibus frequentioribus, à munerum vltro citroque erogationibus, à mutuis scriptionibus, à molliori cura, & patrocinijs subsidijq; tenuioribus procurandis, à lasciuiantium calamorū lectionibus, à liberiorum penicillorū circumspeditione, ab auida blandiorum verborum captatione, à diuturniore alterius sexus præsentia & sermocinatione, à curiosiore rerum verborumq; non castorum inuestigatione. Neque enim quacunque demum ex causa Religioso immorandum talibus, neque alijs vestigia parum castis semitis imprimenda;

da; celeri potius hæc volatu quam gressu transcurrēda, & vt per ardentes prunas, per inimica agmina, per aduersariū ferrum, per interimentia venena præpropere cursu saltuque transilienda sunt; etiam in medijs abditissimarum confessionum disquisitionibus, ne aut ignorata discantur, aut explicata amburant, aut à penitiorè agnitione altius imprimantur animo, quam vt valido post conatu excuti possint. Credi enim non potest, quam immania pectori incendia è minima scintilla suboriantur, quantaque vniuersam mentem è tenuissimis initijs flamma depascat; vt semel curiosiores oculos coniecisse, semel aures præbuisse, vix multorum postmodum annorum lacrymis elui possit: quin imò non rarò non nisi cum vita, lucta è tantilla re nata deponitur.

## CAPVT XXXVII.

*Nimia fiducia sui in rebus agendis, feminarumque consuetudine.*

**C**Vm etiam sæculi prudentes moneant, prouidi esse, aliorum potius in causa

fua consiliis, quàm propriis niti. ferè enim labimur in nostris, & affectu trahimur potius quàm ratione: neque magis obuium ac familiare est, quàm probare quæ placent: euenitque in his, quod nebula tectis, quibus verarum rerum prospectus omnis intercluditur; quod per rubrum vitrum obiecta intuentibus, qui res omnes rubro colore tinctas arbitrantur, nec errorem hunc, nisi amouerint vitrum, deponunt. Vitrum hoc priuatus affectus cuiusque est, qui rem omnem colore suo tingit, nec patitur veritatem detegi.

Quantis verò periculis fiducia hæc nimia expolita sit, facilè videbit, qui innumeras errorum in rebus humanis causas cogitaue- rit, maximè in rebus arduis, & quæ rempu- blicam, quæ Principes viros, quæ Religio- nis vniuersæ nomen bonum tangunt, in quibus semel errasse, ferè perpetuum est. Ita nulla arte reuocari error ille potest, qui vni- uersam rempublicam traxit in ruinam. Gra- uis error, & ab ambitione natus, & pluri- mum lapsui vicinus.

Audire, in deliberationem vocare, nun- quam



quam non à magnis & prudentibus probatum, è quibus qui deliberationem instituit, optima feligat ac tutissima. Scio primum illum locum in prudentia tenere, qui in petore suo senatum ac consilia, fugiendaque sequendaque reperit: proximum illi, qui ex aliorum consiliis sanissima deligit. at quanti priores sunt? vix è millibus vnum aut alterum inuenias; & vt talem nactus fueris, sensum tamen aliorum explorasse, obesse non potest, prodesse potest. vt prudenter Sapiens Prou. II. *Vbi non est gubernator, populus corruet: salus autem vbi multa consilia.*

Nec diffiteor in subitis audacissima aliquando, tutissima consilia esse; sed perraro ad hac extrema compellimur, & tutiora sequimur, dum res locusque permittunt. qui peritos audit, & rationum illorum momenta serius indagator excutit; nam vt nihil aliud, hoc sanè qui alios in deliberationem admouet, consequitur, vt tot propugnatores ferè habeat, quot consiliarios; si negligat, tot oppugnatores referat.

Neque quisquam propè est, qui non aliquid aliquando suggerat rei bonæ; vt non

rarò etiam in infimis non pœnitenda re-  
perias. Accedit alta quædam quietudo  
mentis, cùm mens deliberationis conscia,  
nihil temere, aut propriæ libidinis impulsu  
aggressam se nouit; cùm contrà in vario me-  
tu sint omnia, solusque, si quid aduersi inex-  
pectatum aduenerit, damna, variorumq; iu-  
dicia ferre cogatur, protectore destitutus.

Neque facilè quisquam antè neglectus,  
re ad extrema, aut vltimam desperationem  
deducta, manum admouebit, ne in tam du-  
bio exitu honoris nihil, dedecoris referat  
plurimum. quin imò reperias non paucos,  
qui quòd in consilio capiendo neglecti vi-  
deantur, non improbent modò, sed & variis  
substructionibus subdolisque machinatio-  
nibus probatissima etiam euertere conen-  
tur, & miscere damnanda, qui sententiam  
rogati, probassent. Non quòd omnes velim  
in cõsiliũ adhiberi, sed peritissimos quos-  
que ac primos, quibus vel longa experien-  
tia, vel muneris ratio, vel ingenij iudicijque  
bonitas lucem ad varia præfert.

Nulla verò in re magis elucet hoc ma-  
lum, vulneraque non medicanda infligit,  
dam-

damnaque non reparanda dare consuevit nimia hæc fiducia sui, quàm ubi de castitate agitur: & ferè cecidisse reperies, quos nimia fiducia sui longiùs à littore prouexit, & maria hæc multorum mortibus infamia tentare suasisit. Fiducia hæc inter hos scopulos & breuia nauiganti naufragio proxima est. enauigauit qui timuit, quiq̃ue non suo solius consilio fluctibus hisce domesticam commisit ratem.

Præcipitia demum hîc sunt. Caueat quisquis salutem amat. vno leui flatu aut prolapsus in hoc lubrico vestigij lapsu, salus continetur. Ne fide quisquis salutem amas. præcipitio fiducia hæc omnis proxima est.

Et sanè in labili admodum figit pedem, quicumque hunc campum impavidus calcet. Syrtes & breuia cogita, scopulos & decumanos fluctus, cùm à tirone Oceani inexpertum nauigantur. tot omnium ætatum naucleri peritissimi in hoc profundo naufragium fecerunt, & in extrema senectute, post enauigata maria, torrentem non rarò repererunt, in quo perirent. tot veterani milites, post innumeros triumphos, & ho-



stium cædes, post campos cadaueribus fati-  
gatos, sudem inuenerunt, quo caderent: tot  
prudencia & eruditione clari, cano iam ca-  
pite ludibrium facti sunt, & mundo fabu-  
la. & sperabit nescio quis ingenti plenus fi-  
ducia sui, medios inter femineos fluctus, ta-  
bula salutem? inermis inter armatas has mu-  
lierum acies illasum corpus? effugia deni-  
que ac tuta receptacula adolescens inter il-  
lius sexus insidias laqueosque compedesque  
medius? ingens error est, post tantorum  
naufragia, cædes & vulnera, meliora sibi fa-  
tua fiducia spondere.

Et sanè quisquis non timuit, aut iam lap-  
sus est, & prostrata iacet victima infami mu-  
liebri manu iugulanda; aut lapsui proximus  
est. vt meritò stolidum illum dixerim, qui  
post orbe totò magnorum strages, inermis  
victoriam sperat, & audet iratos hos pro-  
uocare fluctus palmarum scaphæ confusus,  
quos tot armatæ rates nequidquam integra  
carina tentarunt.

Et verò monent prudentes, à solo timo-  
re & fuga salutem in hac lucta sperari posse:  
nec quemquam in hac pugna periisse, qui  
non

non plurimum à nimia fiducia sui, viam sibi  
ad ruinam struxerit. Venena cogita, nullus  
illa, valida quamuis manu, prudens conti-  
git. nemo serpentem, frigoribus licet tor-  
pentem, impunè deliniuit. Hercules, & Sā-  
fon, & quidquid firmum, roborisq̃ ple-  
num, hīc cadit. superant venena robur: at  
nocentior omni veneno mulier est: ludus  
basiliscus est, & nulla iam hyana est, si cum  
illius oculis & voce conferatur. Timebit  
proinde hæc toxica, quisquis iudicē Deum  
timet, & inferni pœnas; quisquis salutem a-  
mat, & reposita cælo præmia: nec erubescet  
audire timidus, vt securè infidum hoc ena-  
tet mare, tãtorum submerſionibus infame,  
vt tutò venena hæc effugiat, tot magnorum  
luctuoso exitu nobilitata; vt integro de-  
mum corpore, femineo se huic gladio eri-  
piat, tot primorum orbe toto sanguine &  
cædibus ebrio.

Prudenter Cyprianus monet, & fidentes  
instruit De singul. Cleric. *Aduersaria est confi-  
dentia qua periculis vitam suam pro certo com-  
mendat, & lubrica spes est qua inter fomenta pec-  
cati saluari se sperat. incerta victoria est inter ho-*

Stilia arma pugnare, & impossibilis liberatio est  
 flammis circumdari, & non ardere. & alius: Expe-  
 dit multo, bene timere, quàm malè fidere, & utilius  
 est vt infirmum se homo cognoscat vt fortis existat,  
 quàm fortis videri velit, infirmus vt emergat. eiuf-  
 dem illa sunt: Nemo de suo corde presumat quan-  
 do profert sermonem, nemo de suis viribus confidat  
 quando suffert tentationem. quia vt bona pruden-  
 ter loquamur, à Deo est, non nostra sapientia; & vt  
 mala fortiter perferamus, ab illo est, non nostra pa-  
 tientia. & Sapiens Prou. 3. Habe fiduciam in Do-  
 mino ex toto corde tuo, & ne innitaris prudentia  
 tua. & Apostolus 2. Cor. 1. Non sumus fidentes  
 in nobis, sed in Deo.

Remedia.

**A**B exemplis tutissima sunt. felix ille  
 qui alieno periculo doctus, neminem  
 suo docet. Percurramus humanarum propè  
 rerum omnia. Imperatores, dum nimia fi-  
 ducia roboris sui, hoste contempto, ardua  
 petunt, vniuersam gloriam infami exitu ma-  
 cularunt. Peritissimus quisque nautarum,  
 dum nimium elemento suo fìsus, altiùs pro-  
 uehitur, naufragium passus est. Et non sum-  
 mi natatores, pugiles, torrentibus sorben-  
 tur,



tur, & imbelli ac rustico ferro cadunt? Eadem in omni hominū genere reperies: quo magis timore armandum pectus, metu cingenda latera; tutum te hīc comites præstabunt, & inter pericula prouidum & securum.

Cogita deinde, quanti in carnem delapsi; & disces ab hac fiducia in præcipitia hęc turbatos, dum robori virtutiq̃ suæ fidunt: &, dum non firmant illecebris aures, non frenant oculos, linguam, manus, nec tanquam compede stringunt domesticas has feras, in medio felici cursu, ludibrium facti sunt orbi, & in exemplum iam aliorum positi. Audet Religiosus quocunque prætextu diutiùs colloqui? familiariùs, liberioreq̃ deinde aspectu & cachinno, metuq̃ ac verecundia exuta? etiam in contactum ibit, inde ad extrema malorum.

Vtile fuerit, nihil in eo genere aggredi inconsulto Præfecto spiritus, & aliorum potiùs, quàm suæ sententiæ niti, actuta quæque vereri. Prudens Imperator in alta pace bella cogitat, adeoq̃ & bella parat, ne imparatum hæc improvidumq̃ opprimant.

Pa-

Paret etiam spiritalis athleta in pace bellamuniat pectus lorica timoris Domini : armer caput caelesti, non sua fiducia plenus: & quo minus se bellorum ostentat, hoc praesentior sibi magis etiam timeat, & à magna malacia magnas tempestates expectet. hoc propinquior periculo, quo mollius hoc elementum ludit. Ne fide huic tranquillitati. maiora sub hoc ridente vultu damna latet, voragine & scopuli teguntur hac serenitate. Nihil proinde inter omnia remedia praesentius, quam nulli fidere, vereri omnes; etiam in sorore faminam cogitare, & in fratre virum. Deum denique omnibus praesentem, praemiatorem & indicem, etiam cogitationum reconditissimarum.

Monemur vniuersim à Sapiente Prou. 3. *Habe fiduciam in Domino ex toto corde tuo, & ne innitaris prudentiae tuae, in omnibus viis cogita illum, & ipse diriget gressus tuos, ne sis sapiens apud temetipsum.*

# C A P V T XXXVIII.

*Feminarum familiaritas quocunque prae-textu, confessionum, instructionum spiritualium, boni temporalis, egritudinum.]*

Et

**E**T sanè magis periculum adit, qui dolo circumuenitur, quàm quem hostis aperto aggreditur Marte, & palàm. in fraude nulla ferè virtus, aut robur iuuat, cùm incauti in insidias labamur, & antè cadamus, quàm periculum senserimus. Et familiaritates tales minùs sunt suspectæ, minùsque timentur, cùm sub ratione boni mala tegant. Ita cadunt primi parentes, & Amasa, & Abner dolo Ioabi ferro, & hominum pars magna.

Et quis inter tripudia, & latitiæ signa ferarum vereatur, & caput Ioannis in disco, & inter oscula Iudæ Magistrum prodi? sub tā pio nimirum velamine nocitura, & perimentia latent venena. Iam in omni Religione, omniumque hominum genere, quàm grauib. multorum lapsibus strata ad ruinam via est!

Familia in hoc malo est, exultationes prætexere, Res leuis est; quid periculi è tantilla re? Sed & scintilla res leuis est, & tamen quam latam non vno sæculo dedit flammam? flamma, non scintilla, mulier omnis est, adeoque ignis est, quo orbis non semel

con-



cōflagrauit. Et venenū modicum, non venenum est? quā multi virā modico illius haustu finiuerūt? nullum muliere venenum potentius est: frons, oculi, genæ, labra, vox, risus, manus, vestes toxico plenæ sunt. & non magna pars hominum cadit hoc veneno? Vidit ille, audiuit, leuiter & fortuito retigit alter, & captus est. Quare monet Sapiens Eccli. 9. *Virginem ne conspicias, ne fortè scandalizeris in decore illius. auerte faciem à muliere compta, & ne circumspicias speciem alienam.* propter speciem mulieris multi perierunt: & ex hoc concupiscentia quasi ignis exardescit. ita à paruis, ab vno nimirum oculorum iactu, ad magna dilabimur.

Et non leuia sæpe sunt bellorum iactia, quibus totus propè non semel exarsit orbis? Grauiora in omni muliere reperies, & instinorum, tanquam ciuiliū bellorum causas maximas. plenæ historiæ sunt. Nulla deinde res leuis dicenda, quæ ducit ad interitum, & qua primi maximi que, omni historia teste, ex omni hominum genere ceciderunt. hinc illud Cypriani: *Quantos leones domuit vna muliebris infirmitas delicata! quæ cū sit*

*vilis & misera, de magnis prædam capit.*

Non sentio, & roboris sat videor tot annis collegisse, quibus nullo nocumento inter illas versor. Non minimus morbus, & sine sensu irrepens, initio neglectus, interitum parauit etiam valētissimis, & annorum numero per aspera & dura firmatis non minima vulnera, & sine sensu accepta, ad sectionem & vstionem & mortem ducunt? Noli ante actę probitati fidere. peritissimi ferē gladiatores ignauo cadunt ferro. primi natatores post tranata flumina & maria torrentibus obruuntur. Prudenter Hieronym. ad Nepotian. *Nec in præterita castitate confidas. Nec Samsone fortior, nec Davide sanctior, nec Salomone potes esse sapientior. Memento semper, quod paradisi colonum de possessione sua mulier eiecerit.* Et vt te concedam vacare periculo, altera fors pars non vacat. & tot exemplis docti sumus non vacasse. Benē quidam mulierem virumque sali comparat & aquæ. sal ex aqua est. iniice aquæ, redit ad amicum sibi elementum. Oleo alius molli mulierem comparat, ignibus virum: adde oleum ignibus, an extingues flammam? Tertullianus omnem

mnem virum mulieri, omnem mulierem viro gladium ait esse. Et vt vtrunque desit periculum, scandalo non vacat hæc familiaritas, & exemplo præimus iunioribus ad libertatem, inde ad interitum.

Soror est, neptis, sanguine iuncta. At quoties in talibus lufit error? quàm multi perierunt propinqua hac flamma? quoties natarunt campi consanguineo ferro? non minus periculi à consanguinea muliere. Lot magnus vir in filiabus cadit: Amnon in Thamar sorore: Ruben, &c.

Verùm prudens & proba matrona, aut virgo est, annis prouecta, instituti nostri amans. Eo magis metue: nam hæc natura sua trahunt in fiduciam, dumque minùs timentur, occultius illabuntur. Dum filet mare, ac quasi ignauo sopitum iacet somno, tunc peritissimus quisque maximè inuigilat. mentitur hæc serenitas, ac de propinquo minatur. Periculosior omni Oceano mulier est: dum blanditur, sæuit, dum ridet, venena iaculatur. Ne fide iacenti huic elemento; sub hac consanguinea nube imber, grando, fulmina latent perimentia. Si instituti nostri



amans, & benefactrix: magis etiam honori illius & famæ & salutis consulendum est, ne hac familiaritate periclitetur.

Nulli timor & fuga noxia, omnibus propè familiaritas & fiducia exitio fuit in hoc agone. Et sanè alterum è præcipitio pendentem pedem habet, quicumque sub hac specie boni fidetiùs ac familiariùs versatur. Illabitur hoc venenum incogitanti, & virus infundit incautis: eo nocentiùs, quo cautius: miraturque ruinam, vulnera, mortem, qui nec præcipitia, nec ferrum, nec venena senserat. Ille prudenter rem instituit, vitamque moresque ad aliorum exempla componit, qui quæ facta olim, euenire posse arbitratur sibi, aliorum periculo edoctus.

Et verò nulli ætati tutò has necessitudines credi posse, tot in cano vertice pudibundi nos lapsus docent: vt ausim dicere, plures me vidisse post quadragesimum adeò & post quinquagesimum annum, quàm ante illum infami & miserando exitu prolapsos; dum annis credunt, nec damna metuunt ætatis prærogatiua suffulta. Neque nouum, post sexagesimum castimonie annum in utroque sexu

sexu erubescenda vidisse; ut tunc inciperent ardere, cum corde fibrisque gelaris capulo proximi alterius vitæ prænuntiis premerentur.

Misera conditio, post tot annorum integritatem, ad æternum descendenda venire. Tantum potest familiaritas, & amica muliebris veneni consuetudo: ut etiam glaciei flammæ iniiciat, & arentia exhaustis medullis ossa inuerecundo impleat igne. Cauebit quisquis priorum sæculorum exempla metuit, quisquis posteritati exemplum in se statuere non vult. nulla ad peccandum ætas grandior. Quid? quod non pauci in illa ætate peccatum amarint, cum peccandi emortua materies esset: ignes spirarunt, cum nullis fornacibus accendi viderentur posse. Vitabit proinde familiaritatem omnem, quisquis alterius vitæ memor, æternitate proposita, Deum sibi statuet inspectorem, accusatorem, iudicem, præmiaque & flammæ nullo auro finiendas.

Scrupulositas prætenditur Superiorum. ita vigilantiam ipsorum in inuidiam vocamus. Nemo nimis timuit in re salutis. Cautius

tiū  
fusp  
xima  
les e  
nelli  
etian  
arde  
C  
lis in  
stren  
nesci  
nimi  
nior,  
mod  
In  
sceles  
amat  
metu  
rius p  
C  
pleni  
re etia  
liebri  
sed pu  
demu

tius ambulat, rariusque cadit, cui etiam tuta  
suspecta sunt. Præsumptio omnis ruine pro-  
xima est; & prudentiæ comes timor est. Ta-  
les excusatores similes iis videntur, qui phre-  
nesi laborant, morbum non sentiunt, sanos  
etiam se esse arbitrantur, cum ingenti intus  
ardeant flamma, & ferè morti proximi sint.

Corporalis demum aliqua necessitas, qua-  
lis in inueterudine euenire solet, à non po-  
stremis quarundam regionum Religiosis &  
nescio qua veteri consuetudine adducitur.  
nimirum in auxilium ferendum sexus ille pro-  
nior, ægrisque fouendis curandisque accom-  
modatior, ac natura quasi in solatiū factus.

Ingeniosa omnis improbitas est. causas  
sceleribus inuenit, & dum periculum suum  
amat, damna minuit, necessitatem auget,  
metum seponit; eo malo vicinior, quo secu-  
rius propiusque inter flammam ambulat.

Certè si qua res alia, hæc periculorum  
plenissima est. virum Deo sacratum, sanctio-  
re etiam castimonie voto obstrictum, mu-  
liebribus non tantum deliniri colloquijs,  
sed pudore posito, manibus cõponi, foueri,  
demulceri? & prudens credet virile ignem,  
fe-



femineo hoc oleo iniecto non exurgere in  
flammas? credet veneno tangi. & innoxium  
illæsumque abire? aut virum morbo sexum  
omnem deposuisse, ac in feminam degene-  
rasse? credet mulierculam non æstuarè hoc  
contactu, aut hanc etiam virum factam? aut  
vtrumque in marmora & chalybem abi-  
uisse, vt sine sensu ludant oculi & manus, &  
in mediis flammis congelascant membra  
saxa de carne nata?

Et vt pericula taceam, vbi pudor casti-  
moniæ comes? nam quis nesciat multa in e-  
gritudine intercurrere, quæ propiores libe-  
rioresq; manus & oculos poscunt; & salutis  
castitate integris oculis, manu, pectore, ire  
quemquã in alienos contactus & aspectus  
tories poni componiq; non iam lectum &  
stragulam vestem, sed membra & corpus, &  
lapidem semper esse, sensusque expertem?

At senior aliqua matrona est, ætate mor-  
ribusq; matura. quasi nõ liberiùs in sene-  
ne vteri metu peccetur: & dum timore pul-  
so, minùs metuitur, celeriùs non labamur?  
& fors senior illa iuenculam sibi sociam  
adiunget, vt quæ vno igne non potuit, duobus

bus in viro exurgat flāma. Vna videlicet nō  
 satis erat ægro, & senior à valentiore iuuan-  
 da, vt mutua vicissitudine mutuos labores  
 leuarēt, & somno oppressa seniore, aut qua-  
 cunque ex causa absente, vicarias & auxi-  
 liares iuuenula, viridi adhuc robore & eta-  
 te, manus ægrotanti viro præberet, ac in ex-  
 tremis etiam necessitatibus, mater esse inci-  
 peret, quæ virum ignorabat; & materna ac  
 sponsæ libertate, ægrienti manus admoue-  
 ret, nec viriles tamen æstus sentiret, nec se-  
 xuum discrimina disceret, nec è virgine sua  
 egrederetur, aut pudorem exueret. Nollem  
 hæc miracula temerario ausu sperare; maxi-  
 mē cū aliud omni historia sæculorum o-  
 mnium doceamur. etiam in fuga pericula,  
 quo magis in liberiore aspectu & contractu?  
 aut eminus ignes exurgunt in flammās, de  
 propinquo in glaciem? & in vasta eremo,  
 Hieronymus & Nazianzenus, & tot olim  
 magnorum millia per tot maria, & imma-  
 nia terrarum spatia, absentes, in longa ma-  
 cie, vigiliis, pœnitentiis exeso & emarcido  
 corpore, hostiles hosce alterius sexus ignes  
 senserunt. sed & è prima iuuenta, post qua-

draginta annorum conscripta libidinis funera, in extremum senium, post tot intervalla, improbi ignes exsurrexerunt, idque valentius saepe quam in ipsa adolescentia; & de propinquo glaciem promittent? non veniunt hæc a cælestium amore, non ab anima diuinis ignibus calente. ab humani generis hoste veniunt: qui subdolis his insidiis quos aperto Marte non potuit, in cautos, nimiaque fiducia sui laborantes trahit in interitum sempiternum.

*Remedia:*

**A**B exemplis petenda sunt, Sanctorumque monitis. Inter tot mulieres suas, solo aspectu alienæ cadit David, & addit homicidium; ita non solet in vno crimine libido stare. Salomon addit voluptati idolatriam. Samson post tot fraudum exempla, sola ruina docetur. Ioannes & Paulus post quadragesimum & sexagesimum anni annum miraculis clari in virgine cadunt, alter etiam eadem addit. & plenæ sunt omnes historiae.

Fuga in his, & occasionum omnium vitatio,



tatio, certissima & tutissima victoria est.

Parcitas in loquendo, ac maturitas, ac ad seueritatem magis, quàm ad suauitatem cōposita conuersatio, laudata semper à viris prudentibus fuit; & inutilium, ac non necessariorum colloquiorum resectio. priuatorumq; munerum acceptationes aut donationes, magna & prudenti circumspectione instituendę sunt: trahunt enim hæc sola memoria sui, & affectus mutua hæc donaria afflant, aliùs nō raro, quàm vt modica cura & laboribus eruantur, imprimēda.

Suspectissima omnia habere quęcunque hunc sexum tangunt, & minima etiam pro maximis arbitrari, leuissima pro periculo proximis, tutissimum genus est.

Nulli fidere, nulli te tuāq; credere; nihil committere, ad cuius euulgationē erubescas: nihil dicere, ne quidem inter confessionum secreta, quod non dictum velis, & aliquo etiam ornatu & mendacio vestiri.

Hostem si in omni muliere cogitaueris, si venena, si flammās; non facilè te huic sexui credes: tange, & tanquam pice & toxico contaminaberis: intuere, tantum non

peristi. nam siue vultum, oculos, vocem, or-  
natum, compositionem totam cogitaueris,  
insidias & dolos & compedes & retia repe-  
ries incautis improuidisque tensa, quibus  
simplices animæ, & tantum columbæ in  
fraudem inducantur, vt antè se captas vi-  
deant, quàm pericula cogitauerint, & serò  
priorem libertatem circumspectent parieti-  
bus clausæ. Tantum metue, & hostilia om-  
nia cogita, & fraudibus periculisq; superior  
eris.

In Superiore maiore etiam opus est cir-  
cumspectione, quo huius exemplum abit  
ad plures, cum licere sibi arbitrentur infe-  
riores quidquid in illo viderint.

In morbis maior etiam cautio adhiben-  
da, quo sub necessitatis prætextu ad nocitu-  
ra descendimus. amputanda, ac tãquam no-  
uacula ac falce omnis in his præscindenda  
muliebris familiaritas, consuetudo, visita-  
tio, colloquia. Plus enim in his periculi, quo  
minus timoris est. ille non facillè labitur, qui  
etiam in plano, aliorum infortunio doctus,  
scit se posse labi. temerarius ille est, & ruinæ  
proximus, qui inter pendula præcipitia tan-  
quam

quam in humili decurrit. vir proinde viro decumbenti inuigilet, auxiliatricesque manus, famulamque dexteram admoueat mulier nulla, ac ne soror quidem propius corpori ancilletur. quin & verecundia in Religioso matrem subueretur, & vulgandi in illa pudoris sui testem veretur.

Et sanè indignum Religioso & viro est, molliissimis muliercularum manibus foueri. verùm mortis metus ad quæ non cogit? at consultius longè mori, quàm his flammis ardere. & non deteriore morte cadit qui femineis ignibus decineratur, quàm qui estuantibus febribus animam cōditori suo reddit?

Si inferior fuerit, fortiter resistendum, muliebriaque hæc noxia subsidia validè neganda. dolet? mitius est dolere quàm muliebribus flammis exuri. mœrore obruitur? clementius hoc integitur, quàm ignibus insepelitur. constanter proinde arceat hunc sexum, nec ullis se precibus vinci flectiq; permittat Superior, rationem de concredita sibi anima Deo redditurus. & non melius est modicum hîc ingemiscere, quàm in æternis ignibus, nequidquam medicam diuinā ma-



num in clamare, olim mitem, olim etiã patris ac matris, nunc post muliebria hausta venena, solius in vindictam iudicis, & seueri, flectique æternum nescij iudicis? Pius sanè per omnia ille Superior, amantiſſimusque suorum est, qui momentanea hæc feminea solatia æternum nocitura negat. durus ille est, qui peritura hæc solatia æternum peremptura admittit.

## CAPVT XXXIX.

*Frequentes & proluxa feminarum confessiones.*

**I**ngentium non in Religione tantum, sed in omnibus qui excipiendis confessionibus occupantur, malorum origo. è qua propè quidquid excogitari potest vitiorum nascitur, maximè cum eadem frequentius audiuntur, plurimumque in ijs temporis impenditur. crescit enim è consuetudine familiaritas, è familiaritate libertas; & qui prius ad mulieris vocem erubescibat, nunc pudore seposito, etiam intueri & arridere non reformidat, & ad liberiora etiam verba, risum iocosque prouocare. sequitur di-

cto-

etorum factorumque narrationes prolixiores, & ferè sæcularibus permixtæ: actandem è tam crebra frequentia, domestica quasi quædam licentia; nec iam tantum patris, sed & fratris, & perfamiliares amici personam induit. inde merus, omnis pudicitia custos, exulat: & dum pulso timore, malique suspitione deterfa, tanquam cum filia pater, aut veriùs tanquam cum eiusdem sexus amico versatur, ferè incautus antè cecidit, quàm muliebria hæc præcipitia prospexit; antèque infeminea retia, & insidias prolapsus est, quàm pericula prouideret.

Scio sub prætextu spiritualis necessitatis colloquia primò ferè trahi, & non rarò etiam affectu pio: sed qui improvidos, zeloque minùs prudenti ducat in ruinam. & plerumque pulchra hæc velamina improbæ rei prætexuntur: nebulae hæ sunt, quæ diuinum solem mentium oculis excludunt, præripiuntque meliores diuinæ lucis radios, quibus & amoris & timoris diuini verio. lux animis prælucebat; qua subducta, tãquã per incertum noctis medias inter tenebras mens cõuoluitur, ignara iã sui, periculorūque suorū

Nam vt quis credat tam crebra proluxa-  
que in illo sexu colloquia de Deo, de que sa-  
lute sola esse, integraque hæc castimoniam &  
modestiam fama stare, stolidum potius, quàm  
vanum est. magis etiam si credat, in tanta fre-  
quentia primam verecundiam, cautelam,  
providentiam, metumque consistere. nam  
quæ primis congressibus modicis & rariori-  
bus hæbat mens dubia, pendula de even-  
tu, nec sibi satis fidens, adeoque & rita om-  
nia timens, ea assiduitate & consuetudine,  
damna nec videt, nec veretur. familiaria e-  
nim sibi, ac quasi domestica pericula cum  
fecerit, ne sentit quidem: arbitreris occaluisse  
ad hæc venena, quæ quo minus timentur,  
eo nocentiores aculeos figunt, nulla post-  
modum arte medicandos, nulla refrigerandos.

Accedunt aliorum in similes familiarita-  
tes æmulæ propensiones, cum singuli sibi li-  
cere arbitrantur, quod vni permittitur. hinc  
frequentissima nascuntur colloquia; & cõ-  
fessionum sedes, narrationum & fabularum  
fiunt sedilia: vt tales videas ab his sedibus  
redire plenos nouarum rerum, dictorumq;  
factorumque aliorum; illas etiam domum



referre domesticas propè res omnes. ita mutuis narrationibus, quasi mutuę beneuolentię tesseris mutua necessitudo firmatur, in intimę cuiusdam fiducię testationem. narrantur deinde vtrimque audita domi; illę quę à Confessariis acceperunt, profundunt in sociarum sinum: Confessarij in sociorum. & ne desit quod dicant, eidem singuli insistent semitę: nec pericula plurimis aut omnibus iam cõmunia timēt, nisi post lapsum.

Plurimorum deinde tam externorum, quàm domesticorum suboriuntur offensiones, qui tam crebra ac diuturna earundem muliercularum intuentur colloquia, & deteriora cogitant: & res ipsa grauem non bonarum cogitationum materiam suggerit.

Iam cùm non omnibus eadem familiaritatum officia præstentur, exurgunt reliquarum æmulationes, obloquia, suspiciones prauę: quę ex suo ingenio cùm alias metiatur, perfacilè vident, ex his lignis & ignibus non nisi metuenda incendia nasci. cùmque non ignorent necessitudinum harum pericula, quę ipsę fortè non semel passę, eadem in alijs carpunt: & vt naturā in omnem de-

terimarum rerum suspicionem pronæ sunt, factæ ex seipsis magistra; pessima quæque & ominantur & narrant, non sine grauis Confessarij talis dedecore. quod etiã in vniuersum corpus redundat, & vnius iam delictum abir in omnes; cùm vniuersim Ordini, quorundam delicta tribuuntur. neque quisquæ sibi persuadet, Ordinis non esse, quæ aut annuentibus Superioribus, aut non emendatibus eueniunt.

Grauiissimum verò est, si ipsi Superiores hoc malo laborent. quorum facta documenta, ac propè præcepta reliquis sunt, ac quasi ad imitandum imperia. nec iam delictum putant inferiores, quod Superiore duce faciunt, nec pericula metuunt illo præeunte.

Et ferè quidquid vnquam in Religione malorum, quidquid lapsuum natum est, ex hac crebra diuturnaque, confessionis, aut spiritualis documenti prætextu, cum iisdem mulierculis colloctione ortum est. Vt maxima eorum pars, qui deserta vocatione sacculum petierunt, ac in scelera antè, aut non multo post prolapsi sunt, ex his initiis ad extrema illa malorum deuenerint, paucique adeo

adeò non tantùm ad carnem & sanguinem, sed ad reliqua vitia & scelera deuenerunt, qui non ex hac frequentia ad præcipitia hæc descenderint. nam & munera hinc originem ducunt, & variarum detractionum ingens vltro citroque materia enascitur. euulgantur domestica omnia, nec quidquam tam reconditum sanctumque, quod mulierculæ non committatur, & inter hæc, pœnitenda non rarò, ac nulla in posteritatem arte eluenda: sequuntur feminarum visitationes, & sociorum in ijs fuga & vitatio: sæculares deinde mores, nimiaque in delationibus credulitas, & his non inferiora plurima. quæ omnia ex hac frequentata confessionum prolixitate noxia fœcunditate pullulant, infelicitis feminis infelicia germina, in Religionis interitum nata.

Et sanè indignum viro docto, religioso, & ad maiora nato, paucis mulierculis tantum temporis vitæque impendere, tot horas malè locare; ne aut destituamur illis, aut plures conciliemus, ipsi antè illaqueandi, & sub pulcro hoc spiritualis auxilij velamine, muliebribus retibus implagandi. maxime



cum alliciendi placendique hoc studium, si-  
ne domesticorum offensione non transeat:  
cum mutuae hinc nascantur æmulationes,  
metus, mutuæque ad se has illasque pellicien-  
di conatus. quas res non infrequenter con-  
temptus Confessariorum sequitur. neque e-  
nim fieri potest, quin inter hos conatus, pro-  
lixasque sermocinationes, aliquid minùs  
prudens, minùs religiosum, minùsque gene-  
rosum ac virile elabatur, viciatim postmo-  
dum non sine rubore effundendum.

*Remedia.*

**A** Superiorum vigilantia, & solerti in-  
dustria petenda sunt: qui si in omnem  
partem excubauerint, non magno negotio  
mala hæc discutient, maximè si seria accessse-  
rint monita, atque in delinquentes pœni-  
tentia.

Si post secundam tertiâque monitio-  
nem emendatio non successerit, tentanda e-  
rit loci mutatio. quòd si nec mutatione mo-  
res mutauerit, ab omni faminarum confes-  
sione arcendus erit.

Proderit etiam tales variis occupari, & a-  
liis

lijs potiùs, quàm excipiendis cōfessionibus distineri; aut sanè tot negotijs muneribùsque obrui, vt vel tempus desit prolixioribus hisce colloquijs.

Per Præfectum etiam spiritus tales iuuandi erunt, ac per frequentes spiritales annuas recollectiones.

Consultum etiam erit aliquoties hos in anno aliorum negotiorum prætextu ad alia loca destinare, vt aliorum moribus paulatim affuescant pœnitentes, & desuescant illius, à quibus etiam, captata occasione, pericula docenda erunt, damnâque, quæ ferè crebras diurnasq; confessiones sequuntur.

Vniuersim etiam iuuabit, si à Superiori familiari aliquando colloquio, aut recreationis tempore exempla narrentur eorum, quæ & plurima & grauiâ sunt, qui è talibus initijs in grauissima quæque, ac demum ad Religionis desertionem delapsi sunt.

Iuuabit etiam cogitatio præsentis Dei, omnia intuentis, & ad iudicium adducentis. finem etiam prolixarum harum confessionum examinare. si spiritalis est, cogitet plus semper periculi his annexum, quàm spei

bonæ, maioraq; vtrinq; damna quàm bona data relataq; esse. si temporalis alicuius commodi, meminerit Deum se habere patrem, qui vigilēs seriosq; regularum obseruatores non destituet in inopiam: cogitetq; plus semper maturitate morum, paucorumque religiosorum verborū pondere, quàm prolixis mollibúsque colloquiis parari.

## CAPVT XL.

*Feminarum visitationes.*

**Q**Vocunque demum prætextu illæ fiat, noxiæ in primis Religioso sunt, ac omnium etiam maximè confessario; cui modis omnibus expedit plurimum verecundiæ pœnitentibus suis ac venerationis inhaerere: vt eum nulla pœnitens mulier sine rubore audeat intueri, aut sine verecundia extra confessionis tempus adire, aut loqui: vt quæ eam rerum, quas in confessione tractauit, memoria, perenni quadam verecundia ac veneratione, à Confessarij familiari congressu terreat. eueniet alioqui, vt familiarioribus colloquiis & pudorem paulatim & ve-

ne-



nerationem exuat: ac vbi quædam in Confessario, quod perfacile in familiari consuetudine fieri consuevit, minùs aut religiosa, aut infra concepam æstimationis spemprehenderit, incipiat contemnere, quem antè venerabatur vt patrem.

Nec rarò euenire solet, vt familiaritas hæc visitationibus parta libertatem confitendi tollat, maximè si quid grauius, aut verecundum intercesserit, cuius memoria præsentiam Confessarij vereantur; aut sanè inuerecundiam quandam ingeneret: vt quæ antè non nisi ingenti rubore in ipsa confessione, nunc etiam in familiari colloquio inuerecundè exprimant, vt meritò moneat Ecclesiastes c. 9. & ab omni familiari congressu, in quo ferè liberius excurrunt oculi, tereat: *Speciem mulieris aliena multi admirati, reprobi facti sunt: colloquium enim illius quasi ignis exardescit.*

Visitationes deinde illæ, quid nisi ingentium malorum materies sint, ego non video, miscentur verò vltro citròque colloquia, ridetur etiam, & liberiores decurrunt oculi, omnisque paulatim pudor detergitur;

tur; gestus solutior, cachinni, ioci, narrationesque subsequuntur minùs religioſe; pedetentim deinde ſocios teſtesque dictorum factorumque fugimus, & ſolitudinem amamus, ambimus etiam. proſiliunt ex hinc colloquia familiariora: nō qualia inter patrem & filiam reuerentem & pudicam, ſed qualia inter maritum & cōiugem, vt nullus iam pudor verbis, ac non multò pòſt nec factis. ſemel verò pudore pulſo, quàm grauiam tuenda ſint nemo non videt: quæ enim primò ad Confessarij, tanquam ſerij ac grauiffimi parentis, vocem expaueſcebat; nunc in illius oculis & vultu, tanquam in mariti, aut fratris, aut ſororis ludit, iaculaturque non rarò, etiam ignara, potentia fulgura, oſſium medullas exedentia, hauritque viciffim non caſtos ignes: & antè vtrimque flammæ exurgunt, quàm ſcintillas ſenſerunt. prudenter Sapiens Eccli. 42. *In medio mulierum noli commorari: de veſtimentis enim procedit tineæ, & à muliere iniquitas viri.* & Baſilius de vera virgin. *Cum femina ſemper eſſe, & feminam non cognoscere: plus eſt quàm mortuos ſuſcitare.*

Neque in vnius viſitatione ſiſtitur. plures

res adeundæ, ne exurgant inter non impares  
æmulationes, ne se defertas querantur; ne  
postpositæ, ad alium Confessarium animum  
adiiciant. Ita cùm plurium visitationibus  
Confessarius distinetur, plurium paulatim  
ardet flammis, plurium percussus vultu, o-  
culis, gestu, voce.

Offensiones ex his nascuntur externorū  
sanè graues, & grauiores offensionibus su-  
spiciones: ingentiaque exurgunt scandala  
oblocutionesque, & deteriores factis narra-  
tiones. nec auctoritati tantum multum de-  
cedit, sed vniuersa tanquam spongia deter-  
gitur, & quidquid antè collectum boni no-  
minis, tanquam flumine deletur: vt nulla iā  
verbis fides, nulla monitis auctoritas, fidu-  
cia nulla sit. omni probitatis, sanctimonix,  
castimonix opinione depulsa.

Domesticorum etiam aut offensiones,  
aut, quod deterius, imitationes subsequun-  
tur. ita proni omnes ad deteriora sumus. &  
delectat sequi, ad cuius cogitationem sine  
exemplo perhorrescebamus. erubesceba-  
mus antè, & timore septi, nec verbo visita-  
tionem aut colloquia sustinebamus: accef-  
sit



fit exemplum, & proni in illa ruimus; laudemque etiam venamur, ad cuius antè nomen rubore suffundebamur. tantum dux potest & exemplum, maximè in iunioribus, quibus necdum per ætatem, rerumque periculorumque; experientiam aduersus has illecebras robur inualuit. Nec quidquam facilius, quàm teneras ceruices, ac quasi de matris etiamnum lacte, flectere in quamcunque partem, rapereque ad hæc mulierum mollia & blanda, non vno magnorum etiam & primorum orbe toto virorum naufragio infamia. vt nihil mirandum, si in illos scopulos imperiti naucleri, & tempestatum fluctuumque inexperti illidunt ratem.

Serpit dein hæc visitationum frequentia ad reliquos, ac tota iam domus effunduntur ad illas, pietatis ferè aut commodi aliquius prætextu: ita ferè electibilibus venena miscentur; nemo illa absinthio aut felle miscuit: quæ gustui in primis amica, roxice ab inimica manu natant. facit idem diabolus, spe spiritualis emolumenti ad hæc muliebres visitationes inhortatur, ad epulas reuera basilisci, ad venena molli sibilo tecta.

ne fide, quisquis Deum amas. altè hic serpens habitat. iaculabitur toxica opportunitate nacta. & vbi incautus fiducia tui extra omnè merù fueris, altiùs venena hauries, quàm vt illa vlla medica manus depellat; seroq; ingemisces, & nihil profuturas lacrymas, irritaque suspiria dabis, cū intima depasta senties, ac nō nisi cū anima nocitura deuomes.

Neque consistere hoc malum in vno potest. prouocata enim vnius alteriusue proritamento reliquæ, ac quædam æmulatione sociarum, eadem concedi sibi à Confessariis suis poscunt, quæ aliis euenire vident. negat aliquis? deserto hoc negatore suo, decurrent ad liberalem illum visitatorem, à quo paria sperent ac consequantur. à quibus iniitiis ingentes animorum nascuntur dissensiones, ac in tacita quædam, ac aperta tandem odia abitur.

*Remedia.*

**I**N solidum omnes omnino visitationes muliebres secare consultum erit, nisi aut certa agritudo, aut grauis aliqua necessitas aliud deposcat.

Propendentes in eiusmodi quàm monitis,  
ma-

magnorumque non in vna Religione lapsibus, miserandisque in omnem posteritatem ituris exemplis, quæ pœnitentiis coërcendi, loco etiam mouendi, audiendisque confessionibus excludendi.

Transgressores in aliorum exemplum & terrorem graui pœna mulctandi, nullique quacunque prærogatiua fulgeat, eruditio- nis, pietatis, ætatis, dignitatis in hoc genere parcendum. neque vlla nimia hîc seueritas esse potest. vt ille clementissimus cenferi debeat, qui fortissimè punit, scuitque in noxium membrum, ne contagione huius vniuersum corpus periclitetur.

In necessariis ægritudinum visitationibus, si perpetuus fidus Religioni socius claudat latus, oculosque in omnem partem intentos habeat, magno in omnibus securitati adiumento erit.

Iam vt frequentior mulierum visitatio, tanquam venenorum attrectatio, noxia est, ita sapius ab iisdem visitari non minori periculo subiacet. Quare non inferior in hac re Superiorum prouidentia, vigilansque cura quàm in priore necessaria erit.



## CAPVT XLI.

*Sociorum fuga & vitatio.*

**V**ia hæc est ad ruinam multorum, magnorumque lapsibus infamis in Religione scopulus, maximè cum de mulieribus agitur: in quarum consuetudine ac familiaritate, qui sociorum vitat præsentiam, hunc ruinæ proximum esse, necessarium est. Multis hoc in omni Religione exemplis, veteribus recentioribusque doceri potest. Iam, si proba, si casta, si timore Domini munita conuersatio nostra est, quid sociorum veremur oculos? Amare potius debemus socios dictorum factorumque, & innocentiae nostræ testandæ, ac vitandorum periculorum, scandalique & suspitionis in aliis auertendæ causâ. Securos enim tutioresque nos reddunt ab improbis callidisque mulierum illecebris, & ab æmulorum, inuidorum, ac odio etiam Religionem persequentium liuoribus & malignitate. Quas enim non possunt, inuidia, aut nominis nostri odio flagrantibus, aut alicuius priuati viri magni, calumnias struere? quibus nō criminatio-

tionibus obruere, si innocentiae testes ab-  
sint? & quomodo innocentia contra im-  
probitatem se tuebitur testibus destituta?  
Optare proinde prudens omnis actionum  
suarum testem debet; & erubescere ac exhorres-  
cere, quoties solum se quocumque locorum, mu-  
liercula, sponte an fortuito deprehenderit.

Iam cum nusquam aduersarius desit que-  
rens quem deuoret, omnemque occasio-  
nem captet; magna illi a socio remora iniici-  
tur. nam ut flammam, & medicata libidine  
tela iaculetur, accendatque non casto pe-  
ctus igne; non erumpit tamen flamma: cum  
sociorum vigilantia, tanquam iniecto flu-  
mine restinguitur hic ardor, & quasi obie-  
cta rupe repercutitur, foras fors erupturus  
nisi repercussionem reperisset.

Quid? quod ipsa non raro forma, & se-  
creti securitas nimis magna incitamenta  
sint ad reconditas multorum saepe annorum  
flammam excitandas. Incredibile enim dictum  
quantum momentum ad scelera secretum  
adferat; ut, si publicationis timorem injicias,  
maxima facinorum pars corruat. neque  
quisquam facile ad vulganda decurrit: se-  
cre-

cretum crimina amant, quæ tamdiu appetuntur, quamdiu celanda sperantur. vt primum vulgationis metus incussus, tanquam iniecta frigida cor gelascit.

Cumque in omni hominum genere plurima. exstent exempla non vltimorum virorum, qui ex in comitata hac fiducia, aut periculis & præcipitio proximi fuerunt, aut nulla prouidentia, ac pœnitundine reparanda damna acceperunt, nemo paulò prudentior illorum exemplis edoctus ad ultro nea hæc discrimina se abiiciet, magis etiam cum cogitauerit, non vnum ardentis mulieris fraude circumuentum non semel, ad Iosephi illius magni necessitatem adactum fuisse: cum etiam mentita corporis inualitudine animi morbum mulier proderet, & alliceret non ignotis huic sexui illicibus prouocamentis, in omnem molitiæ cōpositis, cadentibus calidè crocodilæis lacrymis interitum fuis, traherétque reluctantem, & ad periculum suum admirabundum, ac ad solitudinem suam serò propè trepidantem.

Et plures omnino spectatissimæ probitatis vidimus, quos non vnæ muliebres infidias



fidiae cautiore, & tuta omnia timentes de-  
derunt. quid? quod intentatae non semel  
fraudes ab iis, quarum castimonia nulla vn-  
quam vel tenui suspicionis umbra notata  
fuerat? Quod cautiùs hîc procedendum: nec  
ætati, nec probitati, nec sanguini, ac propin-  
quitati fidendum. Vbicunque solitudo est,  
damna metue, subduc ratem, sequentur tẽ-  
pestates: portumque pete, dum integra navi  
potes; ne dum voles, insurgentibus indigna-  
bundis femineis fluctibus, excludaris litto-  
ribus, & frustra tetram spectes, irretitus ma-  
lis, vndisque immane voluentibus delassa-  
tus, & ab inenatabili hoc profundo absor-  
ptus, sera ô nimium pœnitundine. Prudens  
nauclerus subducit nauem tempestati; fatu-  
us immittit, & in medio cursu, fluctibus lu-  
dibrium factus, sorbetur nequidquam opẽ  
sociosque circumspectans. retulit nimirum  
audaciae præmium, exemplum posteritati  
factus, temerarij ausus. nec est periti medici  
curationem ad extrema reiicere, dubio plu-  
rimum euentu, certo periculo: præcauere  
cùm potest morbum, medicæque antè cur-  
rere manu prudentis est. non est generosi  
mili-

militis, per ludum risumque, in vltronea se  
discrimina conijcere nulla spe gloriæ, dubio  
infelicis successus metu. & quis prudens ex-  
plicabit vires, vitam, sanguinem, emolumen-  
ta si subtrahas, solaque damna miniteris? cā-  
pum virtus desiderat, non indignum ampli-  
tudine sua. vltrò non accersit pericula sapiēs  
præmio frustrandus. si se obtulerint, si incur-  
rerint; fortiter excipiet, doctus antè animam  
ponere quàm cedere. Imitabitur Religiosus.  
non committet animæ suæ ratem infidis  
muliebris oceani fluctibus: nunquam cer-  
tiùs sorbent quàm dum ludunt, dum sere-  
nitatem mentiuntur. auxiliaribus hîc opus  
est copiis. nemo se fluctibus committit so-  
lum vitæ suæ prodigus, socias adiungit ope-  
ras frangendis illis domandisque: euentu-  
roque eminusq; licet minitabundo, occur-  
ret morbo, nec vulnera expectabit in me-  
delam: nec periculis se temerarius obii-  
ciet, præmio nullo, damno in interitum, inglo-  
riamque mortem ruituro.

Præbet sanè sociorum desertor iustam  
Superiori causam ingentis diffidentiae. vt  
nihil iam illi tutò credat, qui post magnorū  
d d in-

incauta præcipitia eadem aggrediatur. fingnumq; omnino est aliquid ipsum moliri, quod secretum postulat, publicari timeat non potest hoc à virtute nasci, quæ nec testem, nec proditorem suum veretur. & serio monemur ab Apostolo Ioan. 3. *Omnis qui male agit odit lucem, vt non arguantur opera eius: qui autem facit veritatem, venit ad lucem, vt manifestentur opera eius, quia in Deo sunt facta.* non erubescit manifestari veritas, amat lucem. Fortiter idem Apostolus: i. Ioan. i. *Quoniam Deus lux est, & tenebra in eo non sunt vlla. Si dixerimus quoniam societatem habemus cum eo, & in tenebris ambulamus; mentimur, & veritatem non facimus: si autem in luce ambulamus, sicut & ipse est in luce, societatem habemus ad inuicem.* Hanc societatem altè imbibimus, cum illâ sociorum præsentia testamur. neq; certè talis aut offendit in tenebris; aut per nocturna præcipitia delabitur incautus, cū diem secum habeat sociū: sol enim cuiq; diesq; socius est.

Et vt periculum ab sit, non consulitur socij integritati: cū non vnus exclusus à socio pericula adiuerit, damnaque tulerit, nec quam innocentiam domo sociatus extul-



lerat, desertus à socio retulerit. vt meritò hîc illud Prophetæ dici possit: Ezech. 33. *Si speculator viderit gladium venientem, & non insouerit buccina, & populus se non custodierit, veneritq; gladius, & rulerit de eis animam: ille quidem in iniquitate sua captus est, sanguinem autem eius de manu speculatoris requiram.* Speculator omnis socius est: à cuius manibus deserti interitum socij animam iure deposcet Dominus. Neque tot exemplis doctus ignorare pestiferum solitariae mulieris gladium poterat. Et vt periculum vtrunque absit, mali tamen suspicio abesse non potest, quæ sola famæ lædendæ sufficit. quam quisquis sapit fugiet, memor plurimos hostium calūniis oppressos, ignauo exitu vitam finiuisse. neque se tantum sociumq; sed Religionem vniuersam in nominis discrimen vocat, cum vnus delictum transeat in omnes. quid? quòd iniusta semel macula, ferè æternet, nec vlla temporis aut eternitatis spōgia deleatur. Plurimū deinde propagandæ proximorū saluti obesse hæc res solet: cum ex captata solitudine, sociorumq; fuga, in plurimorum animis nascatur non castarum co-

gitationum opiniones: hinc fuga, à non castæ consuetudinis timore, vt minùs iam audenter se suaque fidei talium committant.

*Remedia.*

**A**Seria periculorum consideratione petenda erunt: ab exemplis etiam nō postremorum virorum, qui pedetentim his initiis ad malorum extrema deuenerunt. Neque potest desiderata hæc cum mulieribus solitudo, ac sine teste collocutio aut carere periculis, aut ab alio animo, quàm lapsui proximo proficisci: nam qui testem refugit, aliquid necessum habeat, quod ignorari desiderat, quòdque vulgari metuit. qui enim sua omnia non veretur propalari, nec magis oculos humanos timet, quàm omnia videntis Dei; is gaudebit etiam testium multitudine, eo magis extra periculum & calumniā futurus, quo plures habuerit dictorum factorumque suorum inspectores ac cēsores.

Denique sociorum hæc associatio prodesse, non obesse potest; vitatio obesse, non prodesse potest. ac tuta semper in re salutis, dubijs, periculòque plenis præponenda sunt,

sunt. In rebus huius sæculi fortunæ se fors exponere aliquis possit; in animæ & salutis, stolidum est, intuta dubiaque sequi, tutioribus neglectis.

A Superiorum deinde vigili cura remedia petenda sunt, vt nullum incommittatum dimittat; non ætati, non eruditioni, aliisque donis præfidens sine teste quemquam patiat: tutissima deligat; neque aut suos, aut Religionem in æstimationis discrimen adducat. Quod si quem in hoc genere deliquisse deprehendat, det operam vt non impunitus abeat, maximè ne exemplo vnius, reliquis ad audēda paria strata videatur via.

Consultum etiam fuerit amouere tales munere & loco, neque permittere, vt diutiùs in aliqua sede pedem figant, ne dum aliqui diutiùs affiguntur loco, consuetudo & familiaritas enascatur, quā non rarò secreti captatio sequi solet, maximè in iis, quos in hanc rem propensiores experientia docuit: quo magis illis inuigilandum, & ignibus his materia subtrahenda temporis est, ne ad remedia decurramus, cum flamma domū occupauerit, ac possederit vniuersam. Princi-



pijs leui manu malis occurritur. quòd si in-  
ualuerint, nec toto restingui flumine, nec vl-  
la aut arte, aut scientia auerti possunt, vt à  
sola demùm sectione medela sperari & pos-  
sit & debeat.

Amorem in se excitet vocationis salutif-  
que suæ, nec magno molimine femineos  
hos vitabit scopulos, nec allidet ad hæc bre-  
uia salutis suę ratem. solaque integritatis in-  
stituti fama, omnem Religionis amatorem  
ab his cogitationibus auocabit: maximè si  
sibi periculorum vndique circumstantium  
magnitudinem seriò proposuerit. in quibus  
à socio destitui idem est, ac si quis ingenti  
vndique hostili exercitu obsessus, armis ac  
propugnaculis se exuat, nudumque ferro la-  
tus obijciat, cùm socius cuique pro armis  
ac propugnaculis sit. Timeat proinde, dif-  
fidat exarmato robori suo. Eccli. 25. *à mu-  
liere enim initium peccati, & per illam omnes  
morimur. non se suaque credat illi quisquis  
sapit, memor Sapientis Eccli. 9. Ne des mulieri  
partem animæ tuæ, ne ingrediatur in virtutē tuā,  
& confundaris, nulla verò maior certiorque  
occatio in virtutem ingrediendi, ac tanquā  
sub*

sub iugū mittendi, quā cū solitudo amplum illecebrarum campum præbet. cū semotis testibus, liberiùs illices excurrunt oculi, mollia natant labia, frons in dolū exporrigitur, tot compedes, laquei, retia, quot verba, magis etiā si fluāt tanquā à crocodilo lacrymę. Pr. 5. *novissima enim illius amara quasi absynthiū, & acuta quasi gladius biceps, pedes eius descendunt in mortē, & ad inferos gressus illius penetrant.* Careret omni hoc periculo, si non careret focio. & ipsa sæpe solitudo è casta, non castā dedit; nec permisit quę intrauerat innocuā innocentia exire. Cauebit proinde serio quisquis Deum, vocationē, se, sociumque amat, ne vel momēto infociatus mulieri adhereat; cogitet nullū propè lapsū sociato euenisse, omnem infociatis accidisse. Et iā olim monet Hieron. *Si propter officium clericatus, aut vidua visitatur aut virgo, nunquam domum solus intro eas. & Solus cum sola secreto & absq; arbitro vel teste non sed eas. & Augustinus Epist. 109 Vbicunq; ergo simul estis in Ecclesia; & ubicunque feminae sunt, inuicem vestram pudicitiam custodite. Deus autem qui habitat in vobis, etiam isto modo custodiet vos ex vobis.*

## CAPVT XLII.

*Indeliberata agendorum resolutio, & executio.*

**Q**Væ ferè præcipitio proxima est. lapsum  
sanè de propinquo minatur: neque enim  
præuideri res omnis tam subito, aut illarum  
circumstantiæ possunt: quarum neglectu  
labimur frequenter in pœnitenda. Prudens  
omnino seriò res, & quidquid illas circumstat,  
discutit, propinqua scrutatur & remota,  
nec præsentia modò, sed & futura, & quidquid  
è talis similisue rei delectu, tanquam  
principiis semel positis, sequi consuevit,  
aut probabile secuturum est. quæ qui negligit,  
rei nominisq; sui adibit discrimina nõ leuia,  
cogeturque sententias suas ingenti sæpe  
rubore, famæque non vulgari iactura retractare,  
faterique errorem suum: non fuisse nimirum  
hæc aut illa à se præcogitata, negligentem  
discussionem, præproperam executionem, & vetus  
illud imprudentiæ, Non arbitrabar, non putabam.

Grauis hic error in Superiore est, qui & iudicis & medici personam præfert; grauiorque  
ex hoc damna tam vniuersim, quàm  
fin-



singillatim dari solent.

Exempla in omni hominum genere reperies, militiæ Ducibus, Regibus, viris magnis: quorum plerique præcipiti hoc consiliorum delectu, se rempublicamq; vna ruina sepelierunt. Nec desunt exempla in Religionibus domestica, non tantum temporalium rerum damno, sed magnorum virorum etiam præpropere exitu, dum in ferendis sententiis præcipientes. Superiores, innocentes, magnosque, & Religionis gloriæ natos, vno propè momento euerterunt.

Fugiet proinde prudens Superior hos temerarij ausus scopulos, & indeliberata præcipitia. Si accusator aut delator accesserit, perpendet singula, nec intactum quidquam à discussione relinquet: disquiret num quid humani hîc intercurrat affectus; num quis proprius ludat amor; num quæ inerret æmulatio; acceptane, aut data iniuria; verbone, aut facto læsus; num audita tantum, & ab aliis narrata. ingenium etiam vnius cuiusque tacitus secum discutiet; num pronus in credulitatem, in delationem, augendis rebus, etiam supra fidem extollendis assuetus,

pronus ad suspiciones: simul etiam quis ille, cuius nomē defertur, qua ante hoc tempus fama, qua integritate, quibus impræsentiarum moribus, qua fide in rebus verſetur: qua apud domesticos externosque exſtimatione nec erit difficile ſingula ſingulis, conferendo, aliquid aut veri, aut probabilioris rei ſagaci indagazione cognoscere.

Illud in primis vtile, lentè in omni hac re progredi, nec quaſi vno filo rem exequi, ſed temporis aliquid intermedij concedere, ſi quo modo res moram patitur; ac per intervalla ad illam accedere. Matureſcunt ſæpe res mora, & conſeſſum tempus veritatem reteggit: cùm multa frequenter intercurrent, quę deliberantem quaſi ducta manu ad deſtinatum veri ſcopum adducunt.

Habet hoc etiam locum in priuatis. & plurimum callida conſilia ſæpe noxia ſunt, maximè in rebus magnis, in quibus ſerè grauiffima incommoda altiùs habitāt, ac in imo latent, quæ non facilè, niſi mora eruas. tempus depoſcunt, quę conſepulta profundius iacent, vt in ſolem lucemq; educantur.

Quare in omnire, quæ quoquo modo

mo-

moram permittit, à præpropera sententia cauendum est, difficultatesque ac discrimina animo suo proponenda: & quidquid metus, prudentiæ comes, suggerere potest: plusq; semper aliquid timori, quàm nimia spei largiendum. minus enim plerumque metus, quàm confidentiæ peccatū est: facilioremq; timor veniam, quàm præsumptio meretur. ac sæpè quàm timor culpam contraxit, diligentia emendari potest: confidentiæ delicta perquàm rarò emendes.

Bene Sapiens Prou. 26. *Vidisti hominem sapientem sibi videri? magis illo spem habebit insipies.* Olim hæc verba D. Bonaventura de 6. alis, c. 7. *Stultus enim sibi non confidens, querit consilium à sapientibus, ne decipiat: ille autem de re plus quàm debet, præsumit: etiam vbi errat, rectè se plerumq; sentire deceptus putat. Inter omnes autè tentationes, videtur ista periculosior cuique Christiano, scilicet proprio sensui nimis inniti. Cū enim nemo reperiatur ita perspicacis intelligentia, quin possit in aliquibus falli; qui hoc solum & totum reputat iustum quod ipse senserit, astuto aduersario ad varias seductiones sub specie boni, liberum auditū pādit. vnde cautum est semper rectori consilia*



libenter audire, & humiliter querere. Et in hoc triplex utilitas consistit. Primo, si alij idem sentirent, quod & ipse, securior est quod non decipiatur. Secundo, quidquid fecerit cum prudentium consilio, si aliquid inde euenerit contrarij, minus ei poterit imputari, quàm si de suo tantum sensu id fecisset. Tertiò, quod saepe in merito humilitatis talis Deus det ei agnoscere per se, vel alium, quod antè non intellexit. hinc Moyses, cui Deus facie ad faciem loquebatur, consilium Iethro soceri sui gratum habuit & seruauit. Sunt autem duo genera hominum, quorum consilia prudens rector non facile debet recipere, scilicet adulatores & detractores. primi istorum seducunt eum, vt magis de se, quàm expedit presumat, iuxta illud, Isa. 3. Qui beatum te dicunt, ipsi te decipiunt, & viam gressuum tuorum dissipant. Secundi inducunt eum vt peius quàm debet, de alijs suspicando sentiat, & saepe innocentes condemnet, priusquam veritatem rei plenè cognoscat, dicente Scriptura, Aures principum simplices, & ex sua natura alios aestimantes, callida fraude decipiuntur. Et malis quorundam suggestionibus regum studia deprauantur, vt eos, qui credita sibi officia diligenter obseruant, & ita cuncta agunt, vt omni laude sint digni, mendaciorum cuniculis conentur subuer-

tere. Hest. 16. Cùm autem tribus de causis soleat  
requiri consilium, scilicet propter emendationem, vt  
discatur de quo dubitatur: propter auctoritatem, vt  
magis habeat vigoris, quod per tales consultum fue-  
rit: & propter pacem, ne habeant aliqui occasionem  
murmurandi. propter primam causam consulendi  
sunt prudentiores; propter secundam nominatiores;  
propter tertiã, ad quos negotium pertinere videtur.

Quisquis proinde prudenter instituere  
res volet, consilia in re sua aliorum scrutabi-  
tur & sequetur. sic enim fiet

Primò, vt sententiæ suæ contra obrecta-  
tores habeat propugnatores, quos fors ha-  
biturus erat oppugnatores. ferè enim om-  
nes in contemptum neglectum rapiunt; &  
præteritos, spretos fuisse arbitrantur. quare  
probissima licet consilia damnant, probas-  
sent consulti, improbant neglecti. Quina-  
deò, quos aduersarios & sententiæ tuæ ho-  
stes habes, si in cõsiliu adhibueris, flectes,  
& plurimùm quò voles, duces. tantum po-  
test aliorum iudiciis detulisse. negligis? ho-  
stes iuratos cogita. qui si aperto Marte aut  
non audent, aut non possunt; ex insidiis, o-  
ptima etiam ac laudatissima quæque, si alia

negata via est, structis variè calumniis sub-  
uertere conabuntur.

Secundò, ne facilè aliorum à vero cer-  
toque labaris. cum oculatiores ferè plures  
sint, resque è variorum iudiciorum concer-  
tationibus fortiùs discutiantur, certiusque  
cognoscantur. Nec nouum in humanis ma-  
gnisq; viris ab infimis profutura discere.  
/a nolle illis ab aliena manu accipere, impru-  
dentia summæ; solius ingenij sui viribus  
præsidere, arrogantia maximæ est. semper  
verò prudētes, aliena consilia in re sua pro-  
barunt. Quòd si in quibusdam, propria, &  
in pectore cuiusq; nata, alienis fortunatiora  
fuisse deprehendas; non tã ratione illa pru-  
dentiora, quàm euentu feliciora fuisse co-  
gita. ab euentu autem res iudicare, dementi-  
a & plebeij per omnia ingenij est, quod  
fortuitis potiùs casibus, quàm ratione res me-  
titur. Fortunas aliquis suas, seq; ipsum, cum  
posset naui, tabula in mediis furentis Ocea-  
ni fluctibus commisit; ex ingenti hic præci-  
pitio fortunata audaciq; volutatione ter-  
ram tenuit; imperitus natandi rapidissimis  
alius se vorticibus immisit factus pila flucti-  
bus;



bus; ille in vnū aleę iactū vniuersum patri-  
moniū proiecit; inermem se non nemo ar-  
matis quaquā hostibus obiecit; solus alter  
temerario ausu, cum Magno Macedone, in  
armatā hostilē urbem se coniecit; quidam  
mulieri arcana capite luen da credidit. & fe-  
liciter illis res omnes prospereq; succeffe-  
runt. perierunt inter hęc millia, & temera-  
rios conatus infortunato exitu signarunt.  
paucis admodū, felicioribus quā pruden-  
tioribus, supra omne votū res illę cecide-  
runt. non tamen ideo aut imitanda hęc aut  
probanda. neque laudem temeritas mereri  
potest. felici aliquem euentu beare potest,  
prudenti non potest. sed & fortunatus audi-  
re temerarius potest, prudens non potest:  
plus namque talis fortunę quā virtuti aut  
rationi debet, fortunataque illius felicitas  
laudari, sapientia non potest. & quis neget  
eximiam aliquando gloriam fortunę po-  
tius, quā virtutis beneficium fuisse?

Tertiò, vt in quocunque infortunato  
rerum successu promptam excusationem  
habeat. suo nimirum non stetit iudicio,  
secutum aliorum. fecisse quod sapientes in

re sua solent, aliorum sententiam suæ prætulisse. Neque alia facilior venia est, quam cum quis prudentum consilia secutus, euentus felicitate caruit. & magna ferè talis altaque pace fruitur quocunque demum successu res euenerint, cum habeat hūc domesticum testem, Feci quod potui, quod debui, quod assolent prudentes, sapientiæ legibus obsecutus aliorum consiliis mea postposui. aliter res cecidit? humana hæc sunt. nec præcaueri semper damna, nec anteuerti fortuita, consiliis possunt: maximè cum à libera subdolaque voluntate alterius, quam nec flectere, nec scire etiam possumus, non raro res pendeant. Nihil sanè facilius quam prudentissimè cogitata inuertere. ad euerzionē causa vna satis, ad stabilienda plurima necessaria sunt. cumque innumeræ improbitati pateant viæ, virtutis vna est. illa in plano, hæc in arduis sedem fixit, & euertere vni facillimum, quod vix plurimorum industria prudentiæque stabiliri potest. multis nimium prudentia eger, temeritas paucis.

Nihil ergo inconsultò, maximè Superior, aggredietur, lubensque de minimis etiam  
sen-

sententiam aliorum disquiret, gaudebit discere, & gloria, securitatis, tranquillitatisque suæ non vltimam partem ducet, aliena consilia prætulisse suis. ita enim & meritam reprehensionem vitabit, & tot propugnatores quot consiliorum auctores habebit, & tutius certiusq; res aggredietur, & in aduersis solatia opemq; experietur; & si quando infelix, nunquam tamen temerarius audiet.

*Remedia.*

**A** Nimum ad deliberationem adferre ab affectu liberum, vt nihil antè certò tecum statuas; plurima tamen in vtramque partem valitura tacitus tecum cogites. Seriam deinde proponendarum rerum deliberationem, si tempus patitur, instituas, cū moneat Sapiens Eccli. 32. *Omnia cum consilio fac, & post factum non pœnitebit.* Si negata mora est, ac quasi in arena consilia sumenda sunt, nec dilationem res concedit; ea tamen adhibeto, quæ præsens permittit conditio rerum: nec ab impetu aut fortuitis, sed à ratione feraris.

In consilium adhibere propositarum rerum non imperitos, & dandis consiliis assue-



suetos: singula dein discutere, quæ obuia, quæq; metuenda sunt, quæ speranda com-  
moda damnaq; , in omnem denique par-  
tem, propositam rem vertere. Benè Basilius  
Interr. 229. *Communicandum cum iis qui eius-  
dem nobiscum animi sunt, fideiq; atque intelligen-  
tia sue certum documentum dederunt. ut intentio  
nostra, si mala sit, corrigatur, si bona, confirmetur.*

Sanè ut alia omittam, consequitur serius  
deliberator, ut consiliorum suorum habeat  
patronos, parataque hac fruatur tranquil-  
litate, Feci quod licuit; præter opinionem  
res ceciderunt; adhibui, quod in humanis  
solet, consilia prudentum. exitum, qui ferè  
fortuitus est, damnare possunt; præpropere  
ac indeliberata consilia non possunt, ubi  
diligens seriaque consultatio præcessit. Mo-  
net è Sapiente Gregorius, past. p. 3. c. 16. *Sine  
consilio nihil facias, & post factum non poenitebit,  
& palpebra tua præcedant gressus tuos. palpebra  
quippe gressus præcedunt, cum operationem nostrā  
consilia recta præveniunt: qui enim considerando  
præuidet quid facit, gressus tendit, oculos claudit.  
pergendo iter conficit, sed præuidendo sibi metipsum  
non antecedit. atque idcirco citius corrumpitur, quia*  
quò

*quò pedem operis ponere debeat, per palpebram consilij non attendit.*

Huc accedit, quod in præcipiti agenda-  
rum rerum, & non deliberata resolutione,  
licet non infeliciter res ceciderint, eleuent  
tamen plerique si improbare rem non pos-  
sunt, ac fortuitæ rei prosperos successus ad-  
scribunt, non prudentiæ imperantis.

Exempla sibi proponere, quibus hæc a-  
gendi ratio ingentia damna dedit, exitu fe-  
rè infortunato. plenè his sunt omnium Re-  
gū, Principū, Rerū publicarum, omni ætate  
& populo historiæ; quæ è præcipiti ac inde-  
liberato consilio, regnorum meminerunt,  
quorū facilius est nomina quàm cinerè de-  
signare. ita temerario impulsu vno, tota to-  
tis agris conssepulta iacent imperia, ignotis-  
sima posteritati, ni proditor calamus fune-  
sta nomina in exemplum prodidisset.

Remouenda denique ab omni guber-  
natione erunt hæc præpropera & iudicij sui  
ingenia, quæ magis ad obsequendum, ac  
imperata exequenda, quàm ad imperan-  
dum nata sunt.

## CAPVT XLIII.

*Diffidentia.*

**Q**Væ res vbi religiosam domum peruat, nihil magni sperari potest: nam siue Superior diffidat suis, siue Superiori inferiores, damna sola timenda sunt; aut sanè nulla in magnis arduisq; speranda progressio est. iacent proinde domus tales, ac quasi in ignauo sopore pereunt. nec quidquam præclarum spondebunt, quamdiu diffidentia locum suum tenebit: vt frustra excelsa, aut in posteritatem abitura, aut in salutem multorum, ab his animis expectes.

Ingens omnino languor diffidentiam comitatur, ac spiritalis omnium rerum nausæ: nam siue subditus Superiori, siue hic illi diffidat, siue vtrosque diffidentia occupauerit; neglectus propè omnium è timore natus sequitur, ac secretorum plerumque consiliorum captatio: nam cum in apertos non profiliant campos, ex insidiis res aggrediuntur, dolisque, quod è virtutum plano non possunt, consiliorum studiorumque aliorum nascuntur eueriores, dum singuli indignantur,



tur, clam se quædam fieri, & tacita iniri consilia.

Diffidentia hæc, Superioris si obsedit pectus, nulli quidquam credet, quod laudem mereatur. iam cum exequi ipse omnia non possit, aliis diffidat, fit ut angustissimis terminis fructus claudatur.

Decrescit deinde etiam animus inferioribus, nec se ad magna erigunt, aut conatum rebus admouent, cum Superiorem patiantur omnia etiam tutissima metuentem, nec se ad grandia extendentem, aut ad victura porrigentem manum.

Sed cum neque sua credant Superiori, fit ut tenuem Superior illorum cognitionem consequatur, iacetque in his omnis conscientia redditio: ac si qua necessitas eos cogat, superficiem tantum radunt, non descendunt ad pectus, aut ad mala cor rodentia: quo fit ut Superiorem necesse sit in graues errores incurrere, cum committat ignoratione suorum non committenda, muniaque credat, quibus tutò credi non possunt, nec sine discrimine sepe suorum, nominisque boni corporis vniuersi.

Gra-

Graues deinde vtrunque nascuntur animorum dissensiones, mutuae suspiciones, criminationes; clancularia deinde consilia mutuan gloriā, nominis apud domesticos externosque æstimationem, ad honoratiora promotionem, conatusque omnes, subdolis machinationibus euertendi.

Pessimum illud, quod ferè è suspicionibus ad aliorum damnationem decurrant, nam cum sibi quisque diffidentiae testis sit, fraudumque è diffidentia natarum; sit vt eadē de aliis sentiant, suo reliquos pede metientes: è quibus deinde suspicionibus nō tantum ad iudicia ferenda descendunt, sed ad cogitationes suas opere exequendas, omne studium in eo ponentes, vt structis socium insidijs praeueniant; metuentes ne paribus aliorum dolis circumueniantur.

Aperit diffidentia hæc viam ad politicissimum, cum tectis omnia dolis repleantur, socios simulato verborū lenocinio demulcent, candorem simulantes, quo facilius securiusque venena sua spargant. adulationibus plena sunt omnia, dum amicitiam fiduciamque simulant, diffidentia pleni.

Nasci

Nasci hoc malum consuevit

Primò, ex ingenti fastu. quo qui laborat, nullum sibi prudentia, rerum experientia, ingenio, eruditione, probitate parè arbitrat: damnatq; in his reliquos, etiam Superior è. quare cum prudentiæ illius virtutiq; diffidat, fit vt se suaq; illi non credat.

Secundò, ex nudis suspitionibus. cum de mutua in se voluntate affectuq; diffidunt, de mutua secreti fide, cādore, probitate. idq; è causis è sola suspitione desumptis.

Tertiò, è pusillanimitate quadam animi. cum non alijs tantum, sed sibi, virtuti, robori, ingenio, eruditioni, eloquentiæ, memoriæ, promptitudini, dexteritati, probitati, constantiæ diffidunt.

Quartò, è recondito & inlatenti malo. cum noxia quadam verecundiæ, ægritudinem suam Superiori inferior detegere veretur; aut sanè tacito quodam improbo metu, quo impedimentum timet à Superiore iniiciendum, si detecta consilia fuerint:

Quintò, è diffidentia quadam diuina. qui si Domini verbis, Luc. 10. *Qui vos audit, me audit; & qui vos spernit, me spernit*, fidem ad-



adhiberent, perfacile se suaque Superiori crederent. vnde fit, vt ferè tales Deus relinquat in manu consilij sui, destituâtque cælesti sua gratia, ac ductrice manu sua in via spiritali, in qua errasse æternum est.

Quòd si labi tales contigerit, nec consulentem, nec eleuantem, nec propugnantem, adeoque nec miserantem reperient, sequiturque ex his initiis perpetua quædam inquietudo mentis. nulla enim ibi pax, malacia nulla, sed æternæ infelices tempestates ac iactationes sunt, æternusque naufragij metus. Miserrima omnino conditio, quibus nulli, & qui nullis amici. quales omnes illi sunt, qui hoc diffidentiae malo tenentur.

Contingit verò non rarò tales dum domestica diffidentia laborant, ad externa consilia decurrere, etiam ad muliebria: cum ita ferè natura comparatum sit, vt in alicuius sinum nostra diffundamus, diffidimus domesticis, imus ad externos. quæ res quæta secum trahat mala, nemo non videat. quòd si quem fors inter domesticos idem detineat morbus, mutua venena bibuntur,

mu-

mutuo toxico perituri, quo citius pereant.  
nec res hæc tunc in paucis stare solet, plures  
occupat, donec totam familiam lata diffi-  
dientia occupauerit.

*Remedia.*

**S**I Superior vniuersim hac diffidentia in  
omnes laboret, nec aut aliorum exem-  
plis, aut rationibus erigere se potest; consul-  
tius est talem alijs occupari, nec governa-  
tioni admouere: sin in vno altero uero con-  
sistit hoc malum, nec deponere potest, à  
personarum mutationibus remedia pos-  
cenda sunt.

Si laborat hac diffidentia inferior ex in-  
nato quodam naturæ metu, ab omnibus o-  
mnino Superioribus animandus erit aliorum  
exemplis, quibus ea fiducia felicissimè ces-  
sit, & cedit in dies. in qua re plurimum po-  
test Superiorum exterior benignitas, fidu-  
ciæ re ipsa ostentatio, familiaritas, affectus  
verbis etiam adiutus, animatio rebus prof-  
perè gestis, ad maiora etiam prouocatio &  
incitatio, additusque animus laude.

Sinon vltra vnum alterum uero Superio-

e c

rem

rem diffidentia hæc protenditur, postquam varia frustra remedia tentata sunt, ad locorum mutationem decurrendum erit: plurimum tamen in hac re potest discreta Superioris charitas, fiduciæ ostentatio, blanda compellatio, animusque liberalis, & heroico similis: colloquia etiam interdum prolixiora, associatio in rebus arduis, in consiliū etiam nonnunquam magnarum rerum euocatio, si personæ qualitas patitur.

Proderit hinc diuinæ in se fiduciæ prouocatio: qui non patietur fidētem in se in fraudem impelli. nunquam proinde res humanā metiatur prudentia; metiatur diuinā. falli hæc non potest, fallere non vult. stabit spōsionibus suis Deus: Psal. 90. *Super aspidem & basiliscum ambulabis: & conculcabis leonem & draconem.* mentiri non potest Deus. addit: *Quoniam in me sperauit, liberabo eum: protegam eum, quoniam cognouit nomen meum. clamabit ad me, & ego exaudiam eum: cum ipso sum in tribulatione: eripiam eum, & glorificabo eum: longitudine dierum replebo eum: & ostendā illi salutare meum.* & antè: *Cadent à latere tuo mille, & decem millia à dextris tuis: ad te autē non appropinquabit.* Quæ  
spe-



sperari possunt certiora, quæ maiora? audeat sperare homo, non patietur se vinci Deus, & maiora votis dabit; docemur hoc omnium ætatum exemplis. erigat proinde se in spem magnam, & audeat sponse Deo in Superioris sinum se suaq; profundere, posita noxia verecundia. vulnera retegat. retexisse sæpe curasse fuit. ut non tam sequatur, quam comitetur refectionem curatio. Et sanè magnæ hic candor consolationis mater est, tranquillitatis ac securitatis magnæ. facile hoc erit humili, & submissè de se sentienti. gaudet hic deprimi, & beneficium arbitratur posse latere. scit ille à solius Dei iudicio veram magnitudinem tenuitatemque pendere. incerta humana sunt, & innumeris ferè erroribus permista. ille errare non potest, decipi non potest. quare illi soli innititur, certus de eventu: securus de præmio.

## CAPVT XLIV.

*Dissensiones.*

**C**ertissima Religionis, licet optimè constitutæ, pernicies. nam cum mu-

tuo illam amore, tanquam vinculo colligari, tanquam glutino coniungi, tanquam propugnaculo roborari, nemo ignorare possit; fit ut qui illa dissoluit, quidquid in Religione firmum, solidum stabileque erat, euerat: ut nihil iam expectare debeamus, quàm vniuersæ ruinam. ita vno hoc malo mala omnia continentur.

Amore enim minima crescere, maxima dissensionibus decrescere norunt omnes: illo stare etiam per se imbella, ac aduersantium rabiem excutere ut pilas; hac validissima, etiam quæ sæculis steterant, momento propè corruere videmus. nulla sanè tam mollis manus, quæ non ad miraculum & prodigium, amore si constringatur, persistet inuicta, minis, furoribus, tempestatibus superior. Si ceciderit, hostem mole, verius quàm robore oppressa, non cadit inulta, non ingloria, hostili sanguini insepulta: minitantiæ etiam post mortem aduersa ostentat vulnera, inimico cruore tincta, ipsoque adeò emortuo vultu nusquam animos defuisse ostendit.

Nulla contrà tam firma manus, tam ro-

boris plena, armata licet sæculorum ferro,  
 propugnaculis cincta, ingenio adiuta, exer-  
 citatione roborata, quæ non mutuis dissen-  
 sionibus diuulsa collidatur, & ruat nullius  
 alterius impulsu. etiam rupes & saxa si dis-  
 iungas, solis imbribus colliquescent; tam  
 molli elemento tã firma validaq;: adde cal-  
 cem, molle vinculum, sed vinculum tamen;  
 nec fluctibus, nec irato mari cedunt: infren-  
 deat licet, sæuasq; barbarasq; intentet mi-  
 nas; rident efferam hanc rabiem, omnibus-  
 que superiora, augustum extollunt verticē  
 cedere nescia. tantum prodest colligari, in-  
 tuere paleam; quid fragilius? conuolue in  
 fasciculum, nulla Herculeæ dextera commi-  
 nuat. serico quid tenerius? conuolue in fu-  
 nem nauticum, quæ Samsonæa manus con-  
 fringat? vt iam facilior videatur columna-  
 rum elisio, arearum portarum euulsio, tot  
 hominum asini mandibula cædes, totque  
 Herculei labores, quàm tenerimarum, si  
 singula spectes, rerum comminutio. vsque  
 adeò constringi mutuoque innodari iuuat.  
 Sanè vt nihil in Religione nobilius amo-  
 re est, nihil quod in omnium animis ocu-



lisque maiorem admirationem excitet, nihil quod illam validius firmet, nihil quod hostibus magis formidandam, & inuictam reddat, nihil quod ad æmulorum etiam stuporem & cōfessionem magis exornet ac illustret; ita nulla illi perniciosior pestis obuenire potest, quàm quæ tanquam vna falce demerit hæc magna, vna diuulsione nudat hoc ornatum & roborem. euenire hoc mutuis animorum dissensionibus, etiam pueris decantatum. vt nil miremur inclamantem Sapientem Prou. 6. *Septimum detestatur anima mea, qui seminat inter fratres discordias.*

Surgunt denique ex hoc malo mutux æmulationes, inuidentiæ, liuores, oblocutiones, risus, depressiones, contemptus, deractiones: nec quidquam sperari laude aut gloria dignum potest, cum plus solis his dissensionibus decedat depereatq; , quam singulorum labor & industria spōdere audeat: plusque dissidentes hæc linguæ deuenustent, quàm singulorum conatus collustrare possint. neque Religio iam vlla est, quæ solo amoris quodam nexu stare solet; hunc qui sustulit, illā de medio tulit: neque enim

diu

diu stare potest, quod nullo vinculo colligatur, quodque omni parte dissectum iacet, quod armis exutum, nudum ostentat latus inimico ferro, quod viduarum clypeo & protectrice dextera iugulum præbet hosti, nouacula secandum. Habemus hæc confirmata à Domino Matt. 12. *Omne regnum diuisum contra se, desolabitur, & omnis ciuitas, vel domus diuisa contra se non stabit.*

Contingunt hæc Religioni, mutuo amore spoliata, quo vno inuicta stabat hostibus terror, minis omnibus altior, cedere nefcia, ignara commoueri, nulli ceruicem iugo, præterquam Christi edocta flectere, nulli potentia decrescere, inferorum etiam potestatibus timenda; cum per ferrum & sanguinem, perque mille pœnarum genera, ludus illi esset, ire ad Christum suum: rosæ & violæ, ignis & flammæ, per quas purior iam animus euolabat in amati sui sinum. at ubi nudata amore, & per hunc spoliata armis, propugnaculis exuta, propugnantibus destituta, inarmatum præbuit corpus, facta est ludibrium hostibus, puerisque materia risus, feminisque adeò ingens diuesque fabularum

narrationumq; series. stabat amor mutuus, mutuo sociatus nodo? stabat Religio orbi miraculum: periit amor? iacet illa quocunq; plebeio proterenda pede. stat amor? quot hostes, tot admiratores; quot æmulos, tot imitatores; quot amicos, tot laudatores habet: euauit amor? tanquã leui spongia rustica manu delentur hæc magna. stat amor? mutuus fuit sudor, mutuo labore prouocatus: elanguit amor? concrescit sudor mutua ignauia constrictus. & quæ fluebant flumina, vicinaq; rigabant pascua, densa concreta glacie iacent. euenitque quod in amplâ hereditate, cùm dissentientibus animis, decurritur ad forenses rixas, certa perdendę hereditatis breuia: vt, sicut ascititij sanguisugæ quidquid erat in lætissima fortuna sanguinis boni, pestifero sucu hauriunt; ita alieni comedant robur nostrum, animi nimirum opes, mutua antè amicitia felici euentu paratas, mutuis nunc dissensionibus tanquam leuissimam paleam dissipandas; vt qui fuimus terrori, ludibrium nascamur hostibus, & victoriæ illorū ampla materies, horreisq; illorū fœcūda nimiū messis. Nulla iā propè



pè cura salutis proximorū, dum sibi student  
singuli, laborant sibi, commodisq̃ue vacant  
suis, insidiantur alienis, mutuósque evertūt  
conatus, facti mutuo domestici hostes : à  
quibus ne oculatissimus quidem, & in om-  
nem partem annorum experientia præpro-  
uidus se tueatur.

Ab externo non magno se fòrs negotio  
quis defendat, ab eiusdem contubernij, pro-  
pè impossibile est : maximè si foris inimica  
oppugnet acies, qualis ab inferorum rabie, à  
seculi illecebris nunquam deest. semper ho-  
stilia stant foris agmina : domestica si acces-  
serint insidiæ, mutuis animorum dissensio-  
nibus excitatæ, nulla iam spes super. & con-  
cidit etiam valentissimi animus, vbi præter  
externum ferrum, domestica patitur tela : cū  
exsiccare sudores suos sentit inuidentię pan-  
no, ne fœcundo fluxu suo proxima rigent  
prata rore suo destituta ; cū non infortu-  
natè sparsa locuplete manu sua semina in  
plurimarum salutem animarum, exuri videt  
æmulationis flamma ; cū in seriorum la-  
borum procursu ad vitium proscindendo,  
subdolas suorum perfert machinationes :

quibus tanquam domestica falce, latissimi culmi, diuite spica vestiti, in viridi etiam tum spe luxuriantes præscinduntur.

Et quis animus sit ad magna, aut cui tantum robur, qui, dum socios patitur hostes, in externum feratur hostem, & ad generosos ausus protendat dexteram? cum non tantum domestico destitutum se sentit auxilio: sed pati hostes, quos habere debebat propugnatores, & pro auxiliaribus copiis procurantes inimicas acies sustinere. dura hæc res, & quæ mortales superet vires. Quare ut primum se prodit interna hæc animorum colluctatio, tanquam dissectis quaqua nervis, languescit omne robur, & generosior cuiusque mēs tanquā fulmine icta concinere scit, abitque in vagum puluerē ventorū lufum.

Iam ut primum ad externos animorum hæc dissensiones promanauerint, quid sperari potest, quid timeri non debet? nam ut silentio diu prematur, nec erumpant aliquando foras, optari potest, sperari non potest. neque enim diu contineri hæc flammæ possunt, quin depulso cinere prorupāt in apertum: hic verbis, ibi signis & factis, alibi con-

tra-

trariis studiis; quanquam subdola primum circuitione, inde plano quodam odio produntur: quæ res omnem omnino spem fermentis bonæ funditus euertit; cum etiam eant in partes externi, singuli que suos tueantur, facti suorum patroni: magis etiam quando delabimur ad protectrices, & agmina iam mulierum pro suis pugnant, insurguntque pro innata sibi impotentia in æmulos patronorum ductorumque suorum. unde ingentia prorumpunt scandala, nullo torrente, ac ne lacrymarum fluminibus, aut quacunq; posthuma penitudine diluenda.

Exulat deinde omnis pietas, cum & Christus exulet ab illa domo, à qua mutua exulat caritas: neq; enim aut ille dissentientium pater esse potest, aut hi eius filij. Matt. 5. *Beati nimirum pacisci, quoniam illius filij vocabuntur.* nō sunt ergo filij animis dissentientes. at ubi nulli filij, nec pater est. Infelix conditio, ac miseranda familiæ constitutio; quæ cum ignoret Deum patrem, nec hereditatem sperare potest, solis filiis promissam, solis largiendam. sed neque discipuli Domini sunt. cum ipse dicat Ioan. 13. *In hoc cognoscite*



omnes quod discipuli mei estis, si dilectionem habueritis ad inuicem. neque Deum diligunt, cum audeat discipulus quem diligebat Dominus: 1. Ioan. 4. Si quis dixerit, Quoniam diligo Deum, & fratrem suum odit, mendax est. neque (1. Cor. 14.) enim est dissensionis Deus, sed pacis. & 1. Ioan. 4. Mandatum habemus à Deo, ut qui diligit Deum, diligit & fratrem suum. additque illud testatissimum amoris diuini signum: Si diligimus inuicem, Deus in nobis manet, & caritas eius in nobis perfecta est. Ut enim mutuae animorum dissensiones densam inter Deum & nos iniiciunt nubem, imò & noctem, quæ lucis illius prospectum omnem adimit: ita mutuus amor pulsis tenebris, discussaq; dissensionum nebula, prospectandum nobis Deum tradit: eo certius, quo potentiore mutuo ardemus igne, mutuaq; castiore ardemus flamma, diuinorum radiis excitata.

Fortiter Gregorius in Past. part. 3. cap. 24. in dissensionum auctores insurgit: Audiant iurgiorum disseminatores, Beati pacifici quoniam filij Dei vocabuntur. atque è diuerso colligant, quia si filij Dei vocantur, qui pacem faciunt, proculdubio Satanae sunt filij, qui pacem confundunt: quia nihil

pre-

pretiosius est Deo virtute dilectionis, nihil est desiderabilius diabolo extinctione caritatis. Quisquis ergo seminando iurgia dilectionem proximorum perimit, hosti Dei familiaris seruit. & ibid. c. 23. alibi: Quod si zelum amarum habetis inter vos, & contentiones sunt in corde vestro: nolite gloriari, & mendaces esse aduersus veritatem. non est ista sapientia descendens de sursum, sed terrena, animalis, diabolica: quæ autem de sursum est sapientia, primum pudica est, deinde pacifica. pudica videlicet, quia caste intelligit; pacifica autem, quia per relationem se minimè à proximorum societate disiungit.

## Remedia.

**V**alidè secare, quicquid huic animorum coniunctioni cōtrarium est: nulli & nusquam parcere. sola pietas hîc est sequi ferro & ignibus. initiis tamen maximè insistendum, serîo in omnem partem inuigilando, secâdo graui admonitione; minis ac pœnitentiis etiam terrendi auctores: spiritualibus exercitiis domandi, priuatis publicisque pœnis. interdictione etiam consuetudinum ac familiaritatum aliorû, fortibus per hebdomadam exhortationibus, vt totis viribus

insurgatur in hoc malū. nec quidquā in hoc genere tam leue, quod non graue habeatur.

Iuuabit in primis seria sollicitudo Præfetti spiritus, qui acrioribus monitis, remediisque etiam seuerioribus sæuiat in auctores: nunc terrendo, nunc blandè etiam monendo, nihil eorum omittat, quæ ad excindendam hanc pestem valeant.

Quod si pergat tamen, serpatque hoc malum, ad remedium vltimū, dimissionem veniendum erit. neq; vlli in hoc genere parcendū. Magno sanè beneficio Religionem affecerit, quicumque à reliquo corpore dissensionum auctores secuerit. sæuit, qui parcit; beneficiū, qui secat, præstat, bis clemens.

Qui verò in se has animorum alienationes sentit, pericula secum consideret, damna, infelicésque auctorum talium exitus. quare si quid offensæ intercurrerit, nunquā noctem nocti superinducat, memor Apostoli Ephes. 4. *Sol non occidat super iracundiam vestram.* Expressit hoc versu Orientius:

*Pelle odium, contemne minas, deponere rigorem,*

*Offensam teneant tempora nulla tuam:*

*Vt te sol blanda seruantem vincula pacis*



*Deferat abscedens, inueniat rediens.*

& Matt. 5. *Si offers munus tuum ad altare: & ibi recordatus fueris, quod frater tuus habet aliquid aduersum te: relinque ibi munus tuum ante altare, & vade prius reconciliari fratri tuo, & tunc veniens offeres munus tuum.* Complexus id vno versu Prudentius:

*Nil placitum sine pace Deo, non munus ad aram.*

Beneuolentiæ proinde studiis præueniat omnes: familiariusque cum iis agat quos alieniores expertus fuerit. digniores illis partes concedat, bene de absentibus loquatur, ac laudet etiam: peculiarésque pro iis ad Deum preces fundat; penitentia etiam quoties deliquerit, vltro sibi aliqua irrogata.

Neque interim cogitandum est, omnes semper, quocunque etiam studio conatúque adhibito, futuros iudicij nostri. imò stolidum est, omnium iudicia ad nostrum transferre velle: stolidissimúmque dissentire voluntate, quia iudicio dissentimus. neque enim sperandum est, posse omnes in humanis ad eandem iudicij normam traduci. fatuusq; illorú error est, qui cū aliquem viderint iudicio, & voluntate differre arbitrentur;

tur; cū amicissimi mutuis frequenter iudiciis, in maxima voluntatis coniunctione, dissideant.

Iuuerit verò plurimū potentem in se diuinum amorem excitare. quo tanquam ingenti supposito igne, & ardentē in proximos amoris flammæ exurgant: omnesque dissensionum nubes, valido diuinorum vento pellantur.

## CAP. V. T. XLV.

*Detractiones.*

**N**ascitur hoc malum ex inuidia & odio, dum felicioribus aliorum successibus inuidemus, nec assequi possumus; atque hinc odia, & animorum alienationes.

Ex æmulatione: dum pares esse volumus, aut etiam superiores. hinc mille cogitantur modi, paria aut etiam maiora consequendi; ac si probi probatique haberi non possunt, minus probatis, improbique subsidia petuntur; & quod virtus non potuit, vitium reperit. scelera nimirum fertilia sunt, & secundam hisce cogitationibus viam sternunt;

ac quod non potuit pietas, improbi mores inuenerunt & dederunt, vt, si aditus omnes clausi sint probitati, tota improbitati pateat ostia: donec tandem decurratur ad illud notum, Sociorum detractio. vt his demum gradibus semitam insternant sibi ad commoditates & nomen magnum.

Ex habitu malo prauoque, cum maledicendi consuetudine altè hoc malum imbibimus: tunc enim etiam non cogitantibus elabitur nociturum telum, eliciturum sanguinem. grande malum, cum quasi per iocum in consanguineo ludimus iugulo, & ridentes barbara ferocitate in propinquo pectore læuimus. Efferum, & infra belluas id semper fuit, mutuo inter mensas ferculaque madere sanguine, & vulneribus coronata circumducere pocula, magis etiam sanguine potari. At ego nescio an immanius crudeliusque sit, inter ludicras narrationes cachinnis sæpe & salibus conditas, sociorum famam spargere, quæ vitâ ipsâ honoratissimo cuique carior esse debeat. illa semel ponitur, semel morte vna finitur: fama cui semel calcatur, mille mortibus cadit, & ad singulos



gulos auditores noua cæde funestatur.

Ex iudicij solertiæque obtentu, dum ex dictorum factorumque alienorum solerti indagatione, iudicij famam venamur. hinc dicta sæpe factaque, quæ nec dicta, nec facta, nec cogitata vnquam; dubia pro certis, falsa pro veris, coniectanea pro compertis narrantur, singulique tales sunt, quales sibi prona fingit solertia: quæ dum vera non inuenit, falsa comminiscitur, contenta læsisse, certa incertaque pro eodem habentur, si cecidit, qui patitur, quacunque ex causa, parua victoria est; & triumphus materies est, socium præuenisse; eo ferè maior, quo innocentior cecidit: nam nocentem prostrauisse, nõ magnum, & vix in tali inuidiæ locus est. magnum sit oportet & illustre, quod in æmulationem prouocet; è qua postmodum tanquã è fecunda matrice ingens detractionum soboles nascitur, nulli magno parcitura.

Ex zeli, & communis boni aut priuati alicuius prætextu, iustitiæque, ac maioris etiam gloriæ Dei, sub boni nimirum specie, in fratrum sæuimus iugulo: nec crimen arbitramur, cui præfigitur nomen honesti,

reue-

reuera proprij honoris & gloriæ aut com-  
modi causa. tantum potest amor proprius;  
scelera in virtutem vertit, & illius stola cri-  
mina vestit, palla tegit, sanguinemque fu-  
disse, percepisse est: nam cum crudele ha-  
beat in socium sæuire, prætexitur imma-  
nitati virtus; ita tyrannidi iustitiæ præfigitur  
nomen, & persecutor gladius inuenit in  
Christiano sanguine quod damnarer, con-  
temptum legum & deorum. Neq; vnquam  
crudelissimo cuique ferocitati suæ causa de-  
fuit, nullusque in sanguinem propter ipsam  
iuit: nemo in famæ alterius detractionem  
propter ipsam; semper aliquid quod impro-  
bitati suæ obtendat, inuidia proprij a-  
moris soboles inuenit.

Mala, quæ hinc nascuntur, ingentia in o-  
mni Religione sunt.

Primò, pacem turbant propriam: neque  
enim potest in vera pace esse, qui internam  
circumfert turbarum & inquietudinum  
causam.

Secundò, alienam etiam pacem conuel-  
lunt, cum causam præbeant aliis turba-  
rum internarum, suspicionum, alienatio-  
num,

num, ac in varia consilia & studia impellât: nâ ubi se quis sociorum inuidiis peti videt, exuit socialem animum, induit inimicum; & prætexitur hostilitati virtutis nomē, propugnatio nominis sui, è qua in alienam decurritur oppugnationem, tanquam propriæ tuitioni necessariam. Ex his initiis quantæ exurgant commotiones, nemo non videt.

Tertiò, charitatem, mutuamque animorum coniunctionem scindunt: quæ consistit in benè de se mutuo consentientium concordia, ut idem sapiamus, idem sentiamus omnes.

Quartò, vniuersum Religionis robur eneruant, quod in mutua animorum coniunctione consistit.

Quintò, minuitur deinde Dei & Religionis gloria: cum enim proximis detrahatur, redduntur minùs idonei Dei gloriæ aut Religionis propagandæ. nam quis se suaque illi credat, cui quidquid erat æstimationis bonæ (qua ferè sola mortalium plerique trahuntur in sequelam) vocatur in discrimen, omnisque profeminandæ virtutis (quæ fama plurimum continetur) spes linguarum

ista-



rum nouaculâ præscinditur?

*¶* Sextò, vulnere etiam multitudine mali grauitas dignoscitur. quoties enim ad nos semel iaculata detractio mittitur, toties pro delicti grauitate, aut vulnus retulit, aut cecidit proximus. ita omnium auribus aut cadit, aut vulnus accipit, cui detrahitur. Fortiter & verè in hac re Sapiens Eccli. 18. *Flagelli plaga liuorem facit, plaga autem lingue comminuet ossa. multi ceciderunt in ore gladij, sed non sic quasi qui interierunt per linguam suam. Beatus qui tectus est à lingua nequam, qui in iracundiam illius non transiit, & qui non attraxit iugum illius, & in vinculis eius non est ligatus. iugum enim illius iugum ferreum est, & vinculum illius vinculum areum est. mors illius mors nequissima, & vtilis potius infernus quam illa.*

Septimò, ex restitutionis dein difficultate delicti huius magnitudo crescit. semel enim opinio vagata, serpit ad plurimos, obambulat prouincias, ac non rarò Religionē vniuersam, vt notissimus iam sit omnibus, cuius nec plerique capillum norunt. Laudas quem antè vituperasti? nihil agis: prima enim validius inhærent, & iam abierunt ad plu-

plures; maximè cùm nocitura fœcundius  
serpant, profutura seriùs proueniant. Quòd  
si contingat hunc deligi in Superiorem, quã-  
ta gubernationem illius turbant prẽiudicia?  
quàm diffidentes reperit subditorum ani-  
mos, ac tuta etiam omnia metuentes? quid?  
quòd non rarò infamia hæc eat ad externos,  
cum pari inter eos facilitate, qua inter do-  
mesticos parietes, euulgentur.

Octauò, auget magnitudinem mali, quòd  
in absentes & ignotos sèuiant hæ lingue; nec  
tutioni locus, cùm qui patitur non rarò vul-  
nera sua ignoret: aut si sciat, nesciat aucto-  
rem, ita incauti & ignari obruuntur.

Nonò, crescit criminis huius grauitas,  
cùm non in vno, aut paucis capitibus confi-  
stat, sed ad vniuersum transeat corpus: hinc  
vnius infamiã tanquam flammã, vniuersum  
corpus amburitur. ita crudeles in omnes  
sunt, quicunque in vnum sèuiunt. nam cùm  
ea sit in Religione coniunctio, vt vnã ve-  
riùs animam in pluribus corporibus, quàm  
plures dixeris; sit vt vulnera in omnes e-  
ant, ac per vnius latus contrudicentur o-  
mnes.

Augetur improbitas, cum sub commiserationis cuiusdam velamento nocitura venena sparguntur. unde illud Bernardi Ser. 24. in Cant. Detractores autem quodam similitate verecundie fūco, conceptam malitiam, quam retinere non possunt, adumbrare conantur. videas à detractore alta præmitti suspiria, sicq; cum quadam gravitate & tarditate, voce mæsta, dimissis supercilijs, & voce plangenti egredi maledictionem, & quidem tanto persuasibiliorem, quanto creditur ab his qui audiunt corde non inuido, sed magis condolenti affectu quàm malitiosè proferri. Doleo, inquit, vehementer pro eo quòd diligo eum satis, & nunquam potui de hac re corrigere eum. & aliàs mihi quidem bene compertum fuerat de eo istud: sed per me nunquam innotuisset. at quoniam per alterum patefacta res est, negare non potui, reuera ita est.

#### Remedia.

**A** Frequenti examine conscientiae pendenda.

A serijs, ante omnem congressum & confabulationem, propositis, tanquam in præcautionem animo conceptis.

**A**



A certis statisque post omnem linguæ  
lapsum vltioneis pœnitentiis.

A Superiorum vigili cura, grauibus et-  
iam in delinquentes irrogatis pœnitentiis.  
Neque diffiteri possumus, ignauâ Superio-  
rum coniuuentiâ ea incrementa hoc malû  
sumere, vt tandem à desperatione remedia  
sumenda sint, duriora nimirum & acriora,  
etiam refectione à reliquo corpore, ne vni-  
uersum contagione hac periclitetur. Ita de-  
latores falsos flagellis ac fustibus cædi, & in  
exilium pelli Vespasianus imperauit; viuos  
etiam exuri Augustus mandauit; neruis cæ-  
di Mauritius Imperator, capitali pœna affici  
M. Antoninus Pius mandauit. Et sanè nun-  
quam in hoc delicto parcendum. omnis  
hîc pietas à sæuitiâ nomen sumit. ille pius,  
qui vt vniuersim prospiceret, sæuiit in vnũ,  
aut paucos huic vitio obnoxios, in exem-  
plum aliorum, in medelam omnium.

Iuuabit etiam ex mente Sapientis Prou.  
24. obnoxios huic vitio fugere, congressum  
vitare. *Cum detractoribus non commiscearis, quo-  
niam repente consurget perditio eorum.* quin et-  
iam tales cum regio Propheta Psal. 100. per-  
sequi

sequi. Detrahentē secretò proximo suo hunc perse-  
quebar. vultu quē displicentiam ostendere:  
vt enim (Prou. 25.) *ventus aquilo dissipat plu-  
uiam, ita facies tristis linguam detrahentem.* & v-  
niuersim dicere cum nō vno hīc possumus.  
Tolle auditores, non erunt detractores. vt  
pari vtroque sententia feriat D. Bern. in ser.  
*Detractor & lubēs auditor vterque diabolum por-  
tat in lingua. si pauper es, vilem & abiectum re-  
putat; si diues, ambitiosum, auarum, cupidum; si  
affabilis, dissolutum; si predicator vel doctor, hono-  
ris & humani fauoris quæsitore; si tacens, inuti-  
lem; si ieiunans, hypocritam; si comedens, voratore.*

Cū verò detractiōnes frequenter nas-  
cantur, ex aduentantium hospitem liberio-  
re sermōcinatione, curiosiore indagatiōe,  
mutuāque in aliorum vitia moresque scru-  
tatione; omni conatu insudandum erit Su-  
periori, vt non patiatur tales impunitos ab-  
ire. nec in hospitibus ipsis à seria maturaque  
monitione absteat. In domiciliorum et-  
iam mutationibus, cauendum sedulò ne  
quacūq; è causā in aliorum mores curio-  
sius inquiramus; ne & narrantibus detra-  
ctionum causā præbeamus, & nos ipsi  
ff va-

variis postmodum circa tales suspicionibus ac diffidentijs iactemur.

Cauendum etiam, ne quas quisque patitur difficultates, etiam cōsiliij & auxiliij prætextu, in aliorum promiscuè sinum profundat, cum ferè graues his rebus detractioes misceantur. quare siquæ nos necessitas premat, Superior consulendus erit, aut domesticus Cōfessarius, aut si quis vir grauis prudensque in ea familia sit, de cuius integritate, fide, secretique custodia nulla ratio dubitandi sit. in qua tamen ab omni detractio- num genere abstinendum erit, maximè si Superior inuoluatur.

## C A P V T XLVI.

*Delationes è suspicionibus natae.*

**S**ive illæ verbo, siue scriptis litteris fiant, noxiæ in primis sunt. ac nescio an res vlla perniciosior, dum è suo iudicio singuli metiuntur alios, & consequentias è mente sua nectunt è quibusdam aut visis, aut auditis, quas pro testatis verisque venditant. immanis, planeque effera in Religione consue-



suetudo. audita plerumque ab alijs, nulla penitioris cognitionis examinatione præmissa, nulla narrantis ac deferentis fide, & credimus ipsi, & spargimus. nec auditis contenti, aliud ex alio inferimus: & quæ intulimus, tanquam dicta factaq; referimus. quæ si propius certiusque disquisuerimus, nec dicta, nec facta, ac ne cogitata quidem reperiemus. & faciles plerique ad has res sunt, parique qua credulitate sunt, facilitate ad scribendum sunt. indigna planè res religioso calamo, & quæ plus habet barbaræ feritatis, & gentilitiæ ac politicæ improbitatis, quàm religiosæ simplicitatis, aut zeli.

Neque ego video, quam in religiosa mente hæc res excusationem admittat. nimirum, Putabam, & verebar, ne Religio in hoc viro, dicto, facto, detrimentum pateretur. volui occurrere damnis venientibus. Excusationes ab odio, & impijs æmulationibus, vel ab insigni stolidaque impudentia natæ. Sanè in rebus potissimum grauib, & quæ famam nominisque existimationem tangunt, non nisi certa testataque dicenda esse, Christiana caritas monet. nam quis

ff 2

vel

vel Sanctorum innoxius habebitur, si è suspicionibus ad delationes procurrendum erit: & quisnam delatorum horum est, qui sibi hoc euenire gaudeat: imò quis non ad similes delationes suspicionibus natas perhorrescat: quis non inclamet, dignissimos hosce narratores. scriptoresque omni pœna esse? & quam veniam merebimur, qui quod in alijs damnamus, concedendum nobis arbitramur? & qua conscientia audeat Religiosus non antè certissima & compertissima sibi, vulgare: aut focij sui, ac non rarò Superioris famam noménque in dubium vocare: imitantur hi religiosam vocem, hyænæ sunt, & omni adeo Bonaso venenosiores, qui fecundissimos sociorum agros, & horreo Dominico natos, fœda oris calamiq̃ue egerie sua, in steriles vertunt arenas, cineremq̃ue vento dispellendum.

Et hi non rarò sub sanctimonix quadam specie, boniq̃ communis, in falsissimas delabuntur narrationes & suspensiones. & impingunt alijs crimina, errores, mores, quos nulla sæpe ætas, nulla postera virtus eluet. eoq̃ue magis nocent, quo speciem aliquam  
san-

sanctimoniam, ac religiosam modestiam præferunt. Hæc enim ea sunt, quæ fidem verbis scriptisque faciunt. pulchra nimirum velamina, quibus nocentissima teguntur venena, nunquam virus positura. dire Religionis pestes: quibus maximi quique viri, omni ætate, etiam in probatissimis Religionibus perierunt: cum fidem apud alios narrationibus scriptionibusque suis à suspitione promanantibus perperissent, maximè si apud Superiores.

Et sanè nullis hæ accusationes è tam dubijs incertisque initijs prognatæ, elui lacrymis aut pœnitentijs possunt. faciliorque in omni propè scelere venia, quàm in his delationibus esse debeat. fragilitate namque quadam humana reliqua propè perpetrantur; scriptiones narrationesque hæ, non nisi aut ex aperto; aut è tecto profiliunt odio, æmulaque virtutis aut dignitatis alterius improbitate. nostra omnia probatissima vellemus; aliorum, nisi è mente sint nostra, damnamus. si quid factum inconsultis nobis, improbum est, aut sanè minùs probum, probissimum licet re ipsa fuerit: si quid nobis



auctoribus, stolidissimū quamuis, ac minùs probum, prudentissimum ac probissimum continuò erit. Vt ad probitatē sapientiamq; satis sit, venire è mente nostra; ad fatuitatē & improbitatem, venire è mente aliena.

Quæ res eo grauior est, quòd incertis ferè auctoribus, ignoratis saltem, vulnera hæc dentur: nec tueri se quisquam possit. nam si auctor innotesceret, sæpe, imò plurimū, ad calumniam detegendam, solius auctoris cognitio satis foret. qui priuato non rarò emolumento, aut è re quapiam subtracta, aut negata, è seriis aliorum monitionibus, è suspicionibus neglectæ aut præteritæ dignitatis, è priuatorum commodorum frustrationibus ducuntur, indeque ad narrationes, & scriptiones profiliunt. Non vocasti in consilium, ne secutus sententiam es, alium prætulisti, inopinanti illi hæc, aut præter spem euenerunt, alia omnia sibi spoponderat, pollicebatur magna, excidit speratis, hinc illæ animorum tempestates & fluctus, quæ in illarum rerum auctorem tota deuomunt naufragia.

Infelix maximè Superiorum conditio.

Con-

Concedis quidquid hoc hominum genus postulat? grauis plerumque sequitur offensio multorum, & in omnem prudentiam peccasti. & nullo propè beneficio hos vinces, nisi omnia concesseris. omnia concedere nec tutum, nec Religio permittit. negas? fulminatibì, & iaculata calamo rupes metuenda sunt.

Infortunata etiam inferiorum ratio, si quando in Superiorem facilem ad suspiciones, aut delationes è suspicionibus natas, inciderint: qui nec narratores, nec scriptores hosce comprimit; nec antequam ad fidem & monita profiliat, accuratiùs rem disquir; aut facilis ipse ad suspiciones, inferiorum dicta & facta in deteriore semper partem interpretatur. è qua re præter perpetuam mentis anxietatem, ingens diffidentia nascitur. è quo illud etiam prouenit, vt cum fidem apud Superiorem inferior non inueniat, animos ad magna properantes deponat, laborem fugiat, ignauumque otium sectetur, alienaque à Superiore mente, etiam in obedientia tepescat, amore omni ac reuerentia pulsa. vnde magna oblocutionu

porrigitur materia, indignationum, æmulationum, contemptus, odiorumq; tandem, ac immanium vbique detractionum, nulla habitatio ratione conscientiae aut Dei. insidias nimirum, fraudibus, credulitate nimia, opinionibus falsis, ementitis commentis structas, paribus artib. propulsare conatur.

E qua re omnium succedit turbatio, miscentur infima summis, ac quasi in domestico ferro ac veneno, intuta infidaque sunt omnia; metu, terroribus ac solitudine plena. nulla quies animis, nulla fides ulli, trepidatio ac doli omnium mentes occuparunt; & ille iam solertissimus, prudentissimus ac felicissimus habetur, qui quacunque demum arte socium prostrauit. veris an falsis, iuxta habetur. satis est vicisse, hostem strauisse. quod vbi euenit, non tam iam Religio, quam gentilitia quædam Principis aula est: in qua ille primus maximusque, qui per calcatos plurimos deuenit ad summa, ipse fors non multo post calcandus; ea ferè in his dolis vicissitudo rerum est. non perennant hæ machinationes. & plerumque socij talium in mutuam insurgunt per-



niciem. neque enim diu in malo stare societ-  
tas solet: & quos coniunxit, disiungit im-  
probitas, eadem vtriusque causa.

Est autem hoc vitium eo deterius quo la-  
tius patet, vt audeat Hieronymus in Epist.  
ad Celantiam: *Pauci admodum sunt, qui huic  
vitio renuntient: raroq; inuenies qui ita vitam suā  
irreprehensibilem exhibere velint, vt non libenter  
reprehendant alienam. tantaq; huius mali libido  
mentes hominum inuasit, vt etiam qui procul ab  
alijs vitijs recesserunt, in istud tamen quasi in ex-  
tremum diaboli laqueum incidunt. Tu verò hoc  
malum ita effuge, vt non modò ipse non detrahas,  
sed nec alij quidem detrahenti aliquando credas.*

*Remedia.*

**A** Superiore maximè pendent; qui si  
difficilis ad fidem præstandam dela-  
tionibus fuerit, non magna delatores hi  
damna dabunt; minora etiam, si seriò narra-  
tas res examinauerit, & vbi falsa deprehen-  
derit, non patiat impunitos abire aucto-  
res, cuius rei si exempla aliqua illustra de-  
derit, nemo facile è suspicionibus ad accu-  
sationes deuolabit; at vbi viderit, non tan-  
tum

tum impunitos, sed & premio quasi decoratos delatores hos abire, facilesq; illis aures animumq; præberi, fidemq; adhiberi, ac optimos quosq; falsis his delationibus circumuentos iacere inglorios; ad ea mentem calamumq; applicant, ad quæ serio, maturo, seueròq; Superiore nunquam descendissent.

Quod si Superior ipse malo hoc laboret, naturaque feratur in suspiciones nulla ratione firmatas, fidat nemini, ac ne familiarissimo quidem, ipsaque iam illi probitas prospecta sit, iam etque ambiatque hos scriptores narratoresque; nihil reliquum est, quam ut tales aliis quam Superioris functionibus distineantur. quod si in supremo capite resideat hoc malum, ad preces ac Deum confugiendum erit, qui solus huic malo remedium adhibere potest.

Proderit in primis, si in omni delatione, tacitus apud se Superior consideret, eadem grauioræque è paribus initijs ac suspicionibus de se dici posse. se proinde si delati loco statuerit, cogitaueritque quid in simili causa concedi sibi veller, non magno negotio remedium malo reperiet.

## CAPVT XLVII.

*Credulitas nimia in delationibus.*

**I**Ngens, maximè in Superiore, malum, cū facilis in delationes, credulus in narrata, descendit in executiones falsis sepe delationibus innitentes. præproperum vitiū, quo non pauci magnorum circumuenti, exercitus, respublicas, regna & imperia in vnam secum ruinam traxerunt, omnibus ipsi, ac vita demum exuti. Cadunt hoc malo primi exercituum ductores, primi in toga, primi in muneribus, & à purpura primi: cū faciles in criminationes Principes, antè perimunt, bonis fortunisque exuunt, exilio dānant, quā ex vero rem intellexerint; luuntque pòst præpropera consilia ex credulitate nata, sera & non reuocanda, nec remedianda pœnitudine.

Eadem in omni hominum genere reperies. quod non in vno aliquādo resedit Religioso, viro magno. grande malum, & Religioni in primis noxium: hoc enim vno primi non rarò virtute, ingenio, eruditione, rerumque agendarum dexteritate, ingloriam



riam vitam ducunt, & à quibus sperari poterant maxima, iacent neglecti, & ignavos transigunt annos, quos rara felicitate, & Religionis bono decurrere poterant. & secuta non rarò mors in primis ingeniis, dum neglectum hunc è falsa denúciatione natum, credulitate forum, superare non potuerunt, indignitate victi; maximè dum innocentia tegerentur, animusque sibi constaret recti bonique conscius: nec purgandi locum relictum viderent, Superioris animo delatione præoccupato & obfesso.

Comes deinde credulitati temeritas est, prorumpitque quicumque illa tenetur, in temerarios plurimum ausus, ac nulli magis quam ipsi penitendos; ut nihil aberrauerim si præcipitio non tantum proximam, sed è præcipitio pendulam credulitatem dixerò, minimo motu in præceptis agendam.

Malum supra quam credi potest, ut omni reipub. sic Religioni noxium. neque magis quidquam sperari iam potest, postquam animum credula hæc facilitas occupaverit. nam ut in omni propè contubernio non desunt, qui Superiorum venantur aures, in-

gerunt placentia; si propensos in delationes sentiant, proni iam ipsi ad hæc mala, totis viribus ruunt in gratas Superioribus delationes, & materiam credulitati suggerunt fecundi flammæ harum incentores, ab omni meritò Religione eliminandi, nam quæ tuta innocentia erit, cum delatoribus Superiorum credulitate vltro ostia aperiantur, prouocenturque illorum facilitate in malefidas plurimum narrationes? aut quis cuique animus ad magna, si & hæc patere calumniæ viderit? continebit se quisque deteriorum metu, nec vires in apertum diffundet, stringet potius, quas plurimorum bono laxare poterat, habenas; & inter ignauas cogitationes vitam transiget, multorum alioqui salutis impendendam.

Cum deinde credulus omnis facilis sit in suspiciones, maximè sinistras, & timoribus plenas, suspecta que habeat omnia, & in minimis maxima perhorrescat; fit, vt inquietam vitam transigat, nulli fidus, nulli fidat: atque hinc perpetuis agiratus animorum fluctibus, continuis tempestatibus iactatur: nulloque certo stabili que littore constitutus, in om-

nem partem pulsatur, ignarus cui stationi adhærescat, cui credat. quam rem longissimè ab omni Religionis tranquillitate, portuque illius abesse nemo non videat.

Neque tamen nimia in alios esse confidentia consultum est; sed neque diffidentia nimia. non obfirmet animum ad omnem delationem, non aperiat ad omnem; ut nec omnia, nec nihil credat: medius inter Charybdes Scyllasque has tutus enauigabit; tētabit utrimque breuia prudentiæ suæ bolide, vitabitque prouida circumspectione sua, quidquid quaqua parte naufragio timendum. nam & nulli fidem adhibere, solisque oculis suis credere, pertinacis ingenij est, sibi que potius quam publico nati; omnia credere, ingentis plena periculi res est, & imperio imprimis noxia. ut meritò dicat Sapiens Eccli. 19. *Qui credit citò, leuis est corde, & minorabitur. & , Audisti verbum aduersus proximum tuum? commoriatur in te, fidens quoniam non te dirumpet. à facie verbi parturit fatuus, tanquam gemitus partus infantis.*



*Remedia.*

**M**oram dare, certumque sibi tempus præscribere, vtilissimum erit; ferè enim calida in his delationibus consilia pœnitenda sunt.

Nunquam ad sententiam, quacunque etiam in re descendere parte inaudita.

Reo potissimam semper aurem præbere, plûsque huic, quàm accusatori indulgere.

Suspectum omnem delatorem habere, ne qua auersionis, æmulationis, inuidentiæ, aut odiorum causa intercedat. Cōditio dein illius perpendenda, vita, mores, ingenium: num consuetudine, aut natura facilis ad delationem, pronûsque ad suspiciones, & res supra fidem augendas. examinandi etiam sigillatim si qui verbis factisue interfuerint, ponderandaque singula. circumstantiæ etiam accuratè dispiciendæ, & quidquid fidē facere ac derogare potest. considerandum etiam, audieritne delator, an aliorum ore referat, aliorum oculis, an suis: considerabit proinde prudens gubernator singula, audiet omnes, repellet neminem, credet paucis, ac non nisi longo vsu probatissimis:

*dis.*

discutiet narratâ, personam intuebitur deferentis & delati; num quæ odia & æmulationes intercurrant, num quæ animorum commotiones, aut nocendi studium; quibus rationibus delatæ res firmentur, quibus testibus, qua ex causa dicta factaq; qua mente. vitam etiam intuebitur vtriusque præteritam, moresque præsentis; plusque semper reo tribuet, quam accusatori, in rationum maximè personarumque paritate, aut non magna imparitate. Deo seriis precibus, tacitisque, etiam in rebus secretis, aliorum orationibus res commendanda.

In omni delatione cogitare, posse subesse falsum, posse falli delatorem, posse affectu in transuersum duci, posse aliud intercessisse, quod aut delictum minuat, aut vniuersum tollat; aliaque huius generis.

Prudenter monet Hieronymus in Epist. ad Celantiam: *Nec obtrektoribus auctoritatem de consensu tribuas, ne eorum vitium nutrias annuendo. Noli, inquit Scriptura, consentaneus esse cum derogantibus aduersus proximum tuum, & non accipies super illum peccatum. & alibi: Sepi aures tuas spinis, & noli audire linguam nequam.*

nihil

nihil enim tam inquietat animum. nihil est quod ita mobilem mentem ac leuem faciat, quàm facile totum credere, & obtrectatorum verba temerario mentis assensu sequi. Hinc enim crebra dissensiones, hinc odia iniusta nascuntur. hoc est quod saepe de amicissimis etiam inimicos facit, dum concordēs quidem, sed credulas animas maleloqua lingua dissociat.

## CAPVT XLVIII.

*Nimia commendationes & depressiones.*

**S**Vspectum dicendi genus, & quod fidem verbis adimit, eleuatque omnia propè rationum pondera & momēta. nimis enim propensam in alterutram partem voluntatem ostendit. quare suspicionem non tam rationis, quàm affectus ingenerat; facitque vt etiam rationibus, alioqui solidis, non parum derogetur. priuata namque aliqua talem necessitudine, cæco quodam amoris affectu, aut speratis emolumentis, & dignitatum ac commodorum suorum accessionibus, duci auditores arbitrantur.

Inde grandia nascuntur præiudicia, a-

mo-



moris aut odij, & neutri fides adhibetur, utrique abrogatur, cum in illo rationem ab amore, in hoc ab odio vinci arbitrentur. temperabit proinde dictionem, & plus illi modestie, quam caloris intersperget quisquis apud viros rerum intelligentes fidem sperat. in populo plebeque infima, plus sæpe potest calor, & verborum, tanquam fluctuum congeries & conuolutiones. cum impetu ferè potius, quam maturo rerum verborumque pondere ducatur; modestiam, compositosque ad maturitatem mores pro tarditate, & ingenita naturæ lentitate numerat: æqualitatem verò ac dictionis quandam malaciam in ignauo pectore, & ingloria mente ponit; ventis gaudet, & pleno gravidatis Austro velis; ut qui impetu, ac quasi vorticibus magis feratur, quam ratione.

Hoc interim certum, non esse religiosi candoris, res verbis augere, & illarum tenuitatem Augusto ornatu vestire, aut infra meritam laudem ponere; aut debito spoliata cultu, naufragas, ac tanquam fluctibus excussas in mediis arenis destituere.

Sed nec Christianæ simplicitatis est, mendada-

dacio amorem odiaque iuuare, & infra supraque; verum restollere, aut deprimere. Neque de bona conscientia veniunt hæc placenta verba, & ad gratiam mendacio vestita: nascunturque; ex his maiora damna, quam quisquam prima fronte arbitretur. Sæpe enim Superiores in functionibus dispartendis fidem commendationibus adhibent: & dum sequuntur cæcos hosce laudatores & ductores, non rarò in præcipitia scopulosque; plurimos impellunt. si verò nimis depressionibus aures montemque admouerint, in pœnitenda labuntur, dum idoneos in primis, & ad magna natos, muneribus exuunt, aut non admouent, vano hoc meru, ex improbo commento nato, repellente. Ita fit, vt indignissimus quisque ad clauum sedeat, in Syrtes & breuia nauem daturus; arceanturque à gubernaculis, quorum industria tutò per decumanos etiam fluctus, fauientibus Austris nauigari poterat.

Quòd si Superior hoc malo teneatur, perit omnis illi apud suos fides. nam & dum verissima narrat, in neutram partem librato affectu, semper aliquid aut profusæ, ac supra

pra verum prodigæ laudis, aut infra verum  
auaræ ac æmulæ tenacitatis subesse suspicā-  
tur: neque fides iam tantum illi in augmen-  
to aut decremento adempta, sed in omni  
omnino re; cum tam facile illi esse arbitren-  
tur, vniuersam rem, quàm illius partem mē-  
dacio aut tollere, aut eleuare. Imitatur ver-  
bis paternum affectum? pulchris verbis a-  
lternum animum regi suspicantur. promittit  
solicitudinem diuino orationis fluxu, & v-  
bera quædam ostentat matris? inopiam his  
regi rerum, & mentiri vbera vterumq; ma-  
truin putant. fidem addicit, & in fiduciam  
suos locuplete sponsione pellicit? opes ex-  
teriùs ostentari, egestatem intus habitare o-  
minantur. sinceritatem & candorem ora-  
tione spondet? plus etiam verentur, quo  
plus spondet. Neque quisquam huic se sua-  
que credit; verebitur secreti fidem: cum  
ferè tales pronos ad quæuis effutienda re-  
periamus. quàm enim faciles ad augmen-  
ta ac decremента rerum sunt, tam pluri-  
mum faciles in omnium narrationem re-  
peries. continebit enim difficile rem ipsam,  
qui intra veri terminos continere illas ne-  
scit.



scit. inde iam illa nascuntur inferiorum de  
Superiore dicta, Antiquum obtinet, ne  
crede. crescit illius aut decrescit oratio ab  
affectu, res alia est. facit more suo, & pro in-  
ueterata consuetudine pulchra veste defor-  
mem statuam induit, aut vili palla pul-  
chram tegit. alius dixisset, crederemus: nam  
verba rebus aptari, tãquam strictam vestem  
corpori, à qua nullus huic decor, sed robo-  
ris ac venustatis expressio est, arbitraremur.  
at in huius ore & ornamenta & res figulan-  
tur; & quæ nusquam sunt, esse incipiunt.  
Omnis deinde veneratio in Superiorem  
perit: nam cuius semel orationi fides detra-  
cta est, etiam venerationi cultus omnis ad-  
emptus est.

Multum deinde illi, quicunque hoc vi-  
tio laborat, apud externos de fide, de sancti-  
tatis opinione, adeoque etiam de sperato a-  
ni morum fructu decedit: nam ubi semel  
hec de illo opinio inualuit, quod ferè eue-  
nire solet; omnia propè illius dicta, aut su-  
pra aut infra verum esse, non immeritò su-  
spicantur. laudat? crescere credunt rem di-  
ctione. vituperat? detrahi fidem laudemque  
re-

rebus, verbis arbitrantur. exempla adfert in terrorem, in diuini nominis amorem impellentia? plurimum hîc addititij subesse coloris putant; nec tam rem ostendi, quàm ornatum, remque ipsam cultu regi. omnia denique eiusdem generis dicta illius esse, etiam dum testatissima, & ab omni fuco alienissima narrat, sibi persuadent, è consueto nimirum illius more omnia metientes. Et dum prodesse aut obesse student pro vario suo affectu alijs; apud cordatos carent sæpe effectu sperato: cùm nullam in laude fidem, nullam in vituperatione inueniant, & contrariam non rarò aliorum animis opinionem ingenerant; vt quos laudant, vituperatione dignos; quos vituperant, laude dignissimos alij arbitrentur.

*Remedia.*

**E** Crebris ferè serijsque Superiorum monitis petenda sunt. vt quos viderint hac ægritudine teneri, quoties labentes repererint, toties seriò moneant.

Iuuerit, illis etiam aliquem è magis serijs maturisque Patribus designare, quem

non

non illibentes audiūt: qui si quid in hoc genere monitione dignum obseruauerit, non parcat. proderitque publicis nonnunquam monitis ab his terrere.

Sin ipsi Superiores. obnoxij malo huic sunt: videndum an aliquem habeant, quem pro priuata necessitudine non grauātē audiant, cuique ad religiosē monendum non desit animus; si modo sperari prudenter emendatio possit.

Ipsa denique consideratio labantis apud omnes fidei, & Superiores & reliquos meritō terrere ab hac consuetudine deberet; eo magis quod semel imbibita hac ratio, ubi inter domesticos conualuerit, abeat etiā ad externos: vt qui his moribus domi fuerit, iisdem extra domum futurus sit, etiam in concionibus ad populum, in priuatis colloquijs, in ipsoque adeo sancto confessionum audiendarum munere. quod ubi fit, omnis necesse speratus spiritualis fructus collabascit. semel enim extincta protritāque fide, spei nihil reliquum esse potest.

Proderitque priuatim hac de re examen instituere, ac interum narrationibus, fami-



miliarique colloquio attentum in omnem partem animum habere, verbis que suis presentem, ac quasi monitorem sui. certis etiam sibi poenitentiis in omnem manifestum lapsum propositis.

## C A P V T XLIX.

### *Apprehensiones, suspiciones.*

**P**ericulis hinc omnia plena sunt, & maiorum etiam infelici & praeperero exitu comprobata. Hinc enim moerores cor exedentes, ipsaque adeo ossa emedullantes, sequuntur animorum alienationes, ac in ultimam saepe desperationem vergentia mala: spiritualis dein quaedam succedit nausea, & ab omni omnino munere auersiones, laborum fuga, piarumque exercitiorum neglectus; ac quasi quidam languentis animi contemptus, inquietudo insuper quaedam mentis: & iam omnis illi locus, socij, munia molesta sunt, ac leuissima quaeque grauissima, mollia dura, suauia acerba videntur: monita deinde, blandaeque Superiorum aut aliorum compellationes, dolo

& fallacijs plenæ. si benignè omnia pollicearis, rideri se arbitrantur; si maturius egeris, indignantur; si fortius, exurgunt in iras, ac vix nisi cum vita deponunt hoc malum, vbi semel inualuit, ac radices egit.

Accedit, tales in perpetua quadam mentis inquietudine vivere, in perenni nocte dieque animorum iactatione, vt nulla illis quies menti, nulla animo pax sit, sed æterna quædam lucta, & ærugo pectoris, cordis contortiones, ac intima quasi mentis euisceratio; dum continuis doloribus, tanquã immanissimis furentis Oceani fluctibus in omnem partem iactantur, omni interiori malacia ac tranquillitate pulsa, ac quasi in exilium missa. Pro. 25. *Sicut enim tineæ vestimento, & vermis ligno, ita tristitia viri nocet cordi.*

Neque soli impotenti hac inquietudine aguntur, sed & alios in naufragij sui partem secum trahunt, malorum maximè & Oceani illius in expertes, qui fluctuum illius rabiem nunquam tulerunt: vt non mirum sit, in suspicionum aliquem scopulum illidi; illos maximè quos aliqua animorum scabies tenet; cùm minimo affricu exaspe-

ratur malum, & vulnere locum præbet. Periculis planè res plenissima, quando mutuū exacuunt morbum, nam & in murmurationum, & latissimum detractionum campum excurrūt: dānant omnia; nec ingenio quifquam illorum facit satis, dum nulli fidunt, diffidunt omnibus, tuta etiā omnia timentes; cū fraudibus dolisq; plena arbitretur omnia; nullius amicitiam veram, nullius fidem securam, nullius sponfiones certas sibi persuadeant. hostium illis loco omnes, & in omnium frontibus inimica legunt arma: in omnium verbis hostilia reperiunt agmina, in omnium oculis structas vident insidias: fœcia & amica illis consilia pro aduersantibus & perimentibus; auxiliares copiae pro oppugnantibus habentur. nusquam deniq; illis fides, nec in optimo, probissimo, sanctissimo. adeò remedium propè omne, malum hoc superat; cū medicam nullius admittat manum, aspernetur omnium, ac tanquam hostilem fugiat.

Si Superior suspicionibus hisce teneatur, vniuersam domesticam gubernationē euertet, inuisus grauisque suis. neque apud

ta-

taler  
plur  
nec  
faru  
noce  
qua  
mille  
ciat,  
diffic  
uolu  
tende  
nero.  
sape  
in ign  
tur qu  
nomen  
que f  
labor  
micis  
inimi  
inde f  
nem  
spe e  
conte  
hinc



talem subditorum virtus probitasque annis plurimis testata, nec probata innocentia, nec ratio locum habent: sed ex altè imprefarum suspicionū vmbriis, omnis inferior fit nocens, omnis reus, cumque perpetuò tanquam fluctibus mentis iactetur anxietate, mille se suosque cogitationibus rebusque cruciat, & vt ingeniosa suspicio est, in vna mille difficultates inuenit, quibus & se suosque inuoluat. Sed neque ad magna conatum extendet, & impedimento etiā erit alijs, ne generoso ausu ad magna tendant: causamque sæpe dabit ad præclara & illustria natis, vt in ignauo otio decurrant annos, excludanturque ab ijs muneribus, in quibus ingenti nominis diuini propagatione, proximorumque salute occupari poterant. Si inferior his laborat, omnia Superioris consilia etiam amicissima & à paterna manu profecta, vt inimica & hostilia auersabitur. Nascuntur inde subdolæ vtrinq;, in mutuam euersionem molitiones, cum perire cupimus, aut spe excidere, aut sanè ad maiora non contendere quos aduersarios arbitramur. hinc mutuarum offensionum validæ exur-

gunt caussæ, nulla arte & industria ponendæ. ciumpuntque hæc facilè ad externos, magno familiæ damno, & conceptæ opinionis bonæ graui iactura. Ingens malum, quod aut è pusillanimitate profectum, aut è tacito fastu, aut alienæ virtutis inuidentiâ, aut ex indignatione, è negato aut frustrato munere, concepta, maximè si aliorum consiliis studioque impedimentum iniectum; aut sanè, falsis licet nixa principiis, suspiciotalis, nata fuerit.

Tollitur denique domui libertas omnis, cum nemo tutò audeat illis præsentibus sermonem miscere, veritus ne quid sinistra opinionis nascatur, ne malignior interpretatio. fugiunt proinde talium consuetudinè, apud quos vident, non dicta factaque dicta factaque esse. è qua re ingens familiam turbatio occupat, quæ solo auctore semoto conquiescit.

*Remedia.*

**Q**Vòd si quis suspicionibus his agatur, & in aliorum moribus vitaque tanquam in Oceani fluctibus iactetur; cogitet quam

quàm falsis aliàs suspicionibus, quàm ingeniosis, & ad fidem faciendam aptè excogitatis, certoque sibi persuasis, in errorem inductus fuerit: quàm fortiter saepe tanquam ab oculatis testibus narrata dies detexerit, & victrix simplex veritas subdolam improbitatem prostrauerit. eadem in præsentiariū aliisq̃ue suspicionibus euenire posse arbitretur. iam si quales in se reliquos insurgentibus ex quacunque causa suspicionibus esse oprauerit, talem se præbuerit aliis; non magno negotio, suspensiones reponet. cogitet quid incurstantibus illis statui in se veller, quantam fidem adhiberi, quæ consilia iniri, quid decerni. eademque ipse in alijs statuatur. prudens regula est, quæ ab animo suo in paribus constituto, aliquid in aliis decernit.

Si è nulla certa causa natæ noxiæ hæc apprehensiones sunt; magis à medico quàm aliunde remedia poscenda, aut speranda sūt, & à locorum muniumque varia mutatione, forte enim hac quasi iactatione leuabitur æger, incidetque in Superiorem naturæ suæ conuenientem.

Si mala hæc quis patiat̃ur ab alijs, quod



frequenter euenire solet, ex dissentientium iudiciorum varietate, vel ex sinistra aliorum de nobis opinionum formatione, ex muneris priuatione, ex neglectu, aut nominis de tractione, falso plurimum irrogata; armandum pectus his similibusq; cogitationibus malum lenientibus erit: Chryl. super Matt. *Omnis homo ex se aestimat alterum. fornicarius neminem putat castum, castus de fornicario non facile suspicatur: superbus neminem putat humilem, humilis neminem putat esse superbum.*

Libera hominum ingenia & iudicia sunt, & ferè tot in his discrimina, quot capita, quid te torques in non emendanda varietate, & quæ non est in manu tua? quæ flecti imperio & voluntate possunt, tua sunt: in alieno speranda potius, quàm cogenda emendatio est: coactio in proprio valet, suasio in alieno. neque prudens sperare debet aut potest, aliorum omnium iudiciorum cū suo consensum; maximè cū pars maxima nudis plerumq; opinionibus à suspitione natis moueatur, à quibus ob innatam iudiciorum tenacitatem, nō facile plerosque dimoueas. feret ergo prudens quæ emendare aut

aut mutare non potest, nec mœrore se macerabit in ijs, quorum euentus ab alieno imperio & voluntate pendet.

Cogita, si calumniator est, errore duci. quid faceres aberranti? non in viam reduceres? facies hoc in iudiciorum errore: reduc aberrantē factis è virtute natis, vt videat aliū te esse, quàm errore ductus arbitrabatur. & te ipsum intueri: vide quoties hoc æstu abreptus fueris, quam fœcundis ingeniosisque in aliorum factis suspicionibus in errorem inductus. nec miraberis alios paribus iactari, tuo malo aliis mederi disce.

Cogita talem morbo laborare, & misereberis potiùs, quàm indignaberis. quis indignatur febricitanti, & maledicenti ac cōspuenti? abstergit potiùs hæc spura benevolentiae etiam aliquando ostentatione, quasi ex iniuria beneficia acceperit, mulcetque eo magis ægrum, quo ille furit magis. febris, adeoq; phrenesis calumniatorem occupauit; comparere, & morbo calumniam tribue. Vis vinci? ad ima calumniam demitte, & tanquam ignauo mœrore prostratus te calumniator videat. Sed grauis calumnia

est, non melius innocentem, quàm nocentem pati?

Vis calumniam vincere? contemne. maior omni contumelia qui contempsit est: nec vlla re alia nobiliorem de calumniatore triumphum duces, quàm cum te viderit generoso calcatu transeuntem hæc vt folia vento rapta, vt stillicidia vanè sparsa, vt grâdinem tecto illisam, nec grauior vlla vindicta est, quàm cum se calumniator viderit solo contemptu superatum. Vis etiam triumphum illustriorem? beneficiis calumniatorem obstringe: nulla re magis etiam barbarum pectus franges. Monuit hoc olim Sapiens Prou. 25. *Si esurierit inimicus tuus, ciba illum: sifitierit, da ei aquam bibere. prunas enim congregabis super caput eius, & Dominus reddet tibi.* & Apostolus, 1. Pet. 3. *Non reddentes malum pro malo, nec maledictum pro maledicto, sed contrà benedicentes, quia in hoc vocati estis.*

Percurre quotquot orbe toto fuerunt magni, & intuerè num quem à calumnia reperies immunem: neminem inuenies tanta innocentia, vitæque sanctitate, quem nò hac grandine, tanquam faxco imbre videas

com-



complutum. & ferè quo quisque maior, eo pluribus fuit iactatus. Quanta regna iacent, è nudis suspicionibus calcata? quanti Reges ductoresque exercituum hostibus inuicti, ad hos suspicionum scopulos illisi, naufragium fecerunt? Magna etiam necessum est esse, quæ æmulationem & odia prouocant. humi iacentibus nemo inuidet, ad alta confurgimus, & cum non possimus paria, deiecta & prostrata cupimus. Non egrediamur Religionem. quanta primi omnium Ordinum parentes tulerint, nemo ignorare potest; ut audeam dicere, Da mihi virum in Religione magnum, dabo tibi calumniis non semel tantum-non oppressum.

Cogita euenire hæc tibi à Domino ad expiationem culparum; & hilari oculo atque animo suscipies, agēsque ingentes Deo gratias, pro tam suaui pœnarum in inferno aut Purgatorio debitarum, in calumnias commutatione.

Cogita à Deo hæc immitti aut permitti, ut variarum calumniarum iactatione durioribus assuescas: ut difficultatum harum consuetudine, ac quasi familiaritate discas mi-

nima dedignari, ad magna assurgere. ita leovulpeculam, aut ouem contemnit: at si elephas contrà steterit, excutit generosas iubas, tanquam lætitiæ imbris de cælo perplutas: gaudet enim magnis magnus animus componi, vilia dedignatur. facit hoc mens omnis in commodis & aduersitatibus roborata, & quæ assiduitate ac frequentatione callum obduxit. Et sanè neglexisse, ac quasi ignauum trāsisse videtur Deus, quem non dignatus est durioribus ad maiora parare. de cuius virtute magna sibi promittit, illum audet componere magnis. ita militiæ duces ad difficillima quæque promptissimum quemq; vocant, ignauos in medium coniiciunt agmen, aut sarcinis destinant.

Permittit hæc Dominus, vt in animi submissione nos contineat. ne muneribus, ne felicioribus rerum successibus, populi fauoribus, ne cælestibus gratuitis donis, eruditione, prudentia, eloquentia extollamur.

Docemur hîc decurrere ad Deum, illi soli fidere, in eo spem omnem reponere, humana contemnere, vt incerta, intuta, infida, fraudibusq; etiam in fratribus obnoxia; cū

ab

ab vno vtero sæpe insurgunt calumniæ, etiam ab amicissimis. quare nemo paulò prudentior ad ea descendat, quorum propalatio noxia auctori esse possit. ille securus degit, qui nihil pœnitendum committit, quiq̃ue ea etiam coniūctissimo credit, ad quorum euulgationem non erubescit.

Plerumq; etiam Dominus, quos gubernationi destinauit, antè per aspera & aduersa roborat. nã quid faciet tempestatū inexper- tus fluctibus insurgentibus? quæ consilia aut remedia dabit malis properatibus? eueniet illi quod militiam inexperto, pugnã aggredi- enti, trepidabit ad omnem hostiū occur- sum, & antè corruet, quã cōsilia explicabit.

Et ferè durissima, durioribus non assue- torum, imperia sunt: qui cū non didice- rint pati, nec compati sciūt. ille suauius plu- rimū imperat, qui in se aduersantium ra- biem expertus, periculo suo aliena didicit metiri, magnorumq; etiamnum vulnerum cicatrices circumfert: quiq̃ue non alieno tantū exemplo, sed & suo didicit quid possint calumniæ. ille enim experientia di- dicit, quæ occurrantibus his malis remedia



admouenda sunt, inexpertus miscebit omnia; experiri in vnoquoque remedia volet, quid possint, aliorum nimirum edocendus malo. ille securus manum admouet, qui longa experientia vim mali didicit, & mitioribus primùm inualetudinem tentare, nec ad duriora, nisi in extremis, & quæ reliqua omnia aspernantur, descendere.

Cogita demum præmia cælo promissa, si fori animo calumniam tuleris. nulla re alia magis mitescit labor, adeoque dulcescit, ut & ipsa iam verbera mollescant, si præmia adiunxeris: quæ qui cogitat, hilari vultu calumnias & aduersantia quæque amplexabitur, ut semina fructuum cælo reponendorum, ut messem Dominico horreo inferendam, ut diuinæ in nos beneuolentiæ signa. memores illius, Quos pariauit cælestis Pater Filio, laboribus, calumniis, verbere, sanguine; hos etiam, quantum humana celestibus componi possunt, pariabit & præmiis. nec certior in hac vita diuinæ in nos beneficentiæ testatio est, quàm si variorum in hac vita iudiciis, linguis, calamis iactari nos permittat.

Iuuabit,

Iuuabit, se suspicionesque suas, pulsa simulatione, candidè Superiori, & domestico Confessario aperire. nihil deinde in hac vita ab humana manu ambire, nihil sperare. non timuit qui non sperauit: nec abreptus suspicionibus est qui non timuit. semper enim mistus suspicioni metus est, dux illi & perpetuus comes: humanas verò laudes negligere. cum deterrimi ferè ampla harum materia sint. sanè nec optimus, nec prudentissimus ad magna tollitur: vltima ferè in humano delectu prudentia est, fauor & propensio quædam animi primum locum tenent. beatus qui hæc risit, & humanis omnibus maior sola cælestia sperauit, sola amauit: cōtempnit reliqua, vt indigna cælis Deoque, cui natus, & cui vni omnis viri prudentis, viri boni labor desudat, felixque fecundusque sudor profunditur,

## CAPVT L.

*Pusillanimitas.*

**V**arijs è causis hæc nascitur: naturæ tamè plerumque vitium est, omnia me-

tuentis, omnia viribus maiora arbitramtis. hinc in ignauo quodam timore consenescit animus, nec ad magna aut ardua, extendit manum, semper pavidus; generosa & excelsa nec auribus quidem admittit vilissimis se pascēs. siquid in aliorum gratiam agat, contentus rem proposuisse est: vt si excitet, & ad grandia prouocet ac inflammet, viroque ac posteritate digna meditetur; frustra speres. vt verò difficultates perfringat, obices repellat, arma armis pulset, ferroque ferrum excutiat, sudorem fundat, sanguinem gloriæ in posteros semen spargat; nequidquam expectes. amat infima cum desperet magna, deligitque sordescere in illis, ne in his laborum miles vias patiatur. hinc etiam viribus suis non rarò inferiora, ne attingit quidem, & oblata ac vltro obtrusa magna negligit, desperans de consecutione, omniaque tuta timens, ad sola ignobilia, timorique suo inferiora, aut vt summum paria dexteram extendit.

Prouenit sæpe pusillanimitas hæc ex innato quodam fastu & arrogantia. dum enim aut nomen venamur, quod non conse-

qui-



quimur, aut dignitatibus inhiamus negatis, aut anhelatum alium cernimus, aut speratis frustramur opibus, aut à cogitato munere repulsam patimur, aut denique à quo laudem expectabamus, dedecus referimus; labimur animo, succiduntque tanquam lassato genua, & aut ab indignatione non consecuti voti, ab ignominia relata, à concepta acerbitate, à reportata verecundia, ab ipsa denique desperatione, similibusque à superbia natis, totis animis corruimus; vertunturque desiderata in timorem, in ærorem, suspensiones varias, temeraria iudicia, animorum alienationes, in quoddam mentis frigus, vt tanquam glacie constrictus, aut quodam pigro torpore perfusus, totus ignauescat animus.

Exoritur sæpe eadem è melancholia quædam altiùs impressa & fota, quàm vt leuibus remedijs discuti possit; dum quædam præter spem obuenientia, aut opinionibus nostris aduersantia, aut cum iudicio nostro pugnantia profundius demittimus: & nudis sæpe mœrores illi opinionibus innituntur, quæ maximarum intus turbarum caus-

causſam præſent. videmus tempeſtates & pluſquam decumanos fluctus pectori obuerſantes, & cauſſa nulla, totque procellarum fluctuumque cælo propè minitatum, ſola è ſuſpicionibus opinio nata cauſſam dedit, nec eximendi illam ſpes vlla, nili qui patitur iactationum ſuarum cauſſam prodar, & ferè ſeriùs ſe retegir, malaque quibus opprimitur & ſorbetur. antè nimirum oportuit, & principijs occurrendum fuerat. fruſtra medicina extremis ſeruat, cùm inualluit ægritudo, & intima depaſſa eſt.

Nec rarò hæc à concepta quadam animi indignatione originem ducit. benefecit aliquis amico, quantaq; potuit in eum beneficia contulit, vt natæ poſſit in immenſo quodam beneficiorum Oceano; & poſt tot benefacta ex amico inimicum patitur. Alius pectoris ſui intima alterius commiſit fidei, vt nihil celauerit, nihil clauſerit, recluderit omnia, & tanquam cū mente ſua prolocutus omnia reſerarit clauſtra; & poſt patitur infidum, & ſanctè commiſſorum violatorè. Tertius eduxit, ac quaſi manibus ægenibus ſuis alumnatus eſt aliquem, parens illi

illi & mater, nec non nisi multorum invidia protrusit ad magna; consequitur deinde hunc Superiorem & simul hostem. Dura omnino conditio, & quæ satis sit ad valentem & robore plenum deturbandum & enervandum.

Sunt harum rerum innumera passim exempla, & subita sæpe morte, aut lenta ac miseranda tabe confirmata: è quibus initijs in vnoquoque hominum genere, cecidisse vidimus primos in omni fortuna viros, meliori exitu dignissimos: quos concepta mentis ægritudo, dum ad repellenda procurstantia, aut calcanda aduersa non satis fuit animi, præpropere casu, infelici fine, vitam robore adhuc & annis plenam intempesta morte præcidere fecit, totasque familias inexpectato lapsu funestauit.

Expectari ab his magna poterant, & ingeniorum prudentiæque raræ dotes summa spõdebant: gratia & eloquentia, totiusque corporis habitus, ac in agendo solertia dexteritasque indefesso studio coniuncta, nihil non promittebat. accessit animi quidam mœror, è quacunque causa vera an  
fal-



falsa natus, & tanquam vna falce vniuersam spem secuit: aut tanquam venenaria pruina, aut inimicum frugibus gelu, diuitem messem fecundo solo ridentem penitus decoxit, solaque expectatione sua locupletem dominum frustratus est. Et ille non vna in aduersis victoria illustris animo fractus corruit, tantaque spes ad summa surgentes, momento protriuuit, fabulaque iam factus orbi est, qui miraculum fuerat. & cadit ille non raro totius Religionis damno, totius familiaris interitu, secumque trahit vna nimirum ruina domum totam. crederes Philistæa agmina roboraque vna columnarum concussione corruisse, cæcoque Samfone pusillanimitate. è mœrore quopiam nata, tantam cælo surgentem mole vno impulsu decinerate.

Innumera propè rerum harum causas sunt: Superiorum imprudentia, seuerior correctio, credulitas à falsa delatione nata, diffidentia, amicus infidus, dolosa circumuentio, obtrectiones, suspensiones altius depressæ, inopinata infeliciū euentuum successio, inexpectata secundorum in aduersa commutatio, è digniore gradu deiectio, ini-

mi-

mici ad maiora euectio, maximè si illius potestati submittatur; innocentia calumniis petita, fides criminationibus habita, defensionis locus negatus, inauditi damnatio, ingratus animus, beneficiorum immemor, qui pro benefactis hostilia reponat; cum remunerare debuit, & grata beneficia prosequi memoria, inimicum ostendit pectus: secreti criminis insperata relectio, innumeraque propè, pro cuiusque ingenio alia atque alia: quæ cum in animum non omnino prævalidum inciderint, aut in pectus aduersantibus inassuetum, aut secundo lætòque perpetuò prosperioris fortunæ successu elatum & assuetum; facilè ad mœrores & pusillanimitatem mœroribus comitem propellunt, inde in malorum vltimum desperationem.

Languet in talibus primò animus, tepètque, vt arbitrari possis alto quodam sopore depressam mentem iacere, putes lethargo oppressam; fastidit deinde omnia, ac spiritali quadam nausea delassatus, dormienti, somnòque è diuturna vigilia prægrauato similis, in supina quadam ignauia procumbit; abhorret à lætioribus, delectatur tristiti-

stibus, amœna refugit, sectatur horrida, cōgressum aliorum auersatur, amat solitudinem, labores refugit, captat otia mœoribus amica: mille suspicionibus diem noctēque fatigat, nulli magis quàm sibi grauis. si quid benefeceris, fraudem veretur: si serias admonitiones adhibueris, hostem arbitrat. læta narras? rideri se putat. tristitia? ab inimico pectore profecta credit; vt à solo propè Deo remedia speranda sint.

Si Superiorem pusillanimitas hæc tenet, miserationibus vbique digna res est. ferè enim talis concreditum sibi munus vniuersum negliget, & è timore fastidio plenus, nauseabundoque in omnibus similis, ingenti in res omnes fertur displicentia. nihil ferium magnumque aggreditur, nullamque rem posteritate laudēque dignam, nihil denique quod animos generosos præferat, cum omnia viribus suis maiora arbitretur. quare nec ad ardua aut victura dexteram audet extendere. similis illi quem Sapiens mittit ad formicam.

Ac licet dignissimus munere sit quod obbit, nec quidquam illi necessarium rerum

ad



ad magna desit; minùs tamen idoneum metus facit, & conceptus semel animo timor, & diffidentia sui, vt vix quidquã à tali sperari possit: tanquam si quis viribus diffidens, abiectis armis, inermem se nudumque imbelli aduersario obiiciat. facit hoc omnis pusillanimus, præsidii licet maximis suffultus, omnibus vltro se exuit, spoliaturque.

Quin & nescio quid diffidentiae in Deũ pauido semper pectore circumferat: quis hoc malo tenetur. neque enim fieri potest, vt qui spem suam in illum coniecit, tot vndiq; timoribus circumsepriatur; cùm dubitare nec prudenter nec christianè, de illius potentia, ac in nos omnes affectu post tot diuites sponsones, totque testatissima amoris signa, tot pro vberibus vulnera, prodigumque pro lacte sanguinem, quisquam possit. Iam cùm post tot tantaque perster in vano Superior metu, perpetuoque timore pulsetur, plurimum necesse de diuinarum sponsonum fide, deque fiducia in numeris Deo nominibus debita, remiserit. aut sanè occulto aliquo quicumque hoc malo possidetur, fastu rapitur. cum enim res viribus  
tam

tantum suis metiatur, videatque has impares rebus magnis; de felici executione desperat, spemque omnem abiicit, torporique indormiens, in ignavo imperio consenescit, vitamque in inglorio otio transigit, omnium domi forisque libertatum, dissolutionum, morumque à Religione alienissimorum causa. qui si tot diuinis spōsionibus oneratus, tot maximorum omnium exemplo prouocatus, Domini potentiae innixus ad imposita sibi dexteram protenderet; non magno negotio, fortunatissimo successu concedita sibi perageret. nunc prostrata miserè iacent omnia. nullus, pulsa in solidum vigilantia; discipline vigor, nulla regularum observatio, nusquam æmula piarum exercitationum se ostendit cupiditas, frigent omnia, calor nullus, pulsoque pio interiorum aestu, congelascit animus, & in Superioris tepore ignauescunt domestici, in illius metu timoribus pulsanur, & ad solum magni nomen cum duce suo perhorrescunt; quasi quem fulmine percusseris, aut immani rupe oppresseris, arbitreris in Superiore suo mente destitutos: ita inter ignaua animæ il-

lius

lius  
tam  
rum  
biqu  
linq  
uidi  
pidi  
mor  
nasc  
in pe  
labin  
choa

SV  
Sre  
anim  
cente  
nimis  
que v  
tiron  
moru  
imper  
ducto  
cutit;  
solum

lius deliquia, fastidio metuque plenam vitam trahunt, lentoque infamique concharum more vestigio terram signant, pigra vique post se signa ignauissimi pectoris relinquentes, ad omnem magnitudinem pauidi, ad omnem illustrium molitionem trepidi; è quibus ignauissima Religioso vitamoresque vomitum Domini prouocantia nascuntur. ac tandem è religiosa disciplina, in perpetuum spiritualium neglectum prolabimur, infelici plurimum exitu bene inchoata, æternum deueniunt taturi.

*Remedia.*

**S**uperiorum industria plurimum in hac re iuuabit. credi enim vix potest, quātos animos suggerere valeant, quā validè iacentem mentem erigere, dum magnis ipsi animis audaciæ viam sternunt, lætōque hilarique vultu suos ad magna prouocant. etiam tirones & bellorum inexpertes, inassueti armorum, veterana perferunt arma, ferrum, impetum, duce præeunte. audax nimirum ductoris animus, metum trepidantibus excutit; & experiri cominus iuuat, cuius vel solum nomen latè terrorem incunebat.

Pro-



Proderit deinde, si in Superiori patrē sen-  
ferint, matris viscera, si sollicitam vigilem-  
que in suorum necessitatibus, in aegritudine  
potissimum curam: si liberalem manum,  
si vltro suos in fiduciam prouocantem, si  
expandentem pectus, si remotam à politi-  
ca & aulica rationem, si plura rebus prae-  
stantem, quàm verbis spondentem.

Occupandi tales ac varijs distinendi, ac  
à minoribus paulatim ad maiora audenda  
propellendi, laudandi, factaq; eorum me-  
diocria in maius extollenda, consiliis vltro  
admouendi, magnanimis adiungendi, vt  
horum consortio audere incipiant, timere  
desinant.

Spiritualibus exercitationibus, piorumq;  
librorum lectionibus iuuandi, locorum e-  
tiam ac munium mutationibus, maximè si  
in familiam aliquam munusque propen-  
deant, è quo meritò dāna timeri nō possint.

Gregorius Magnus modum ingenia hec  
pertractandi praescribit Past. p. 3. cap. 9. Pu-  
sillanimes amplius ad iter bene agendi reducimus,  
si quaedam bona illorum ex latere requiramus, vt  
dum in eis alta reprehendēdo corripiamus, alia am-  
plo-

plectendo laudemus : quatenus eorum teneritudinem laus audita nutriat, quam culpa increpata castigat. plerumque autem utilius apud illos proficimus, si & eorum gesta memoramus; & si qua ab eis inordinate gesta sunt, non iam tanquam perpetrata corripimus, sed quasi adhuc ne perpetrari debeant, prohibemus. ut & illa quæ approbamus illatus fauor augeat, & contra ea quæ reprehendimus, magis ad pusillanimes exhortatio verecunda conualescat.

Ingens in hoc malo certumque remedium à diuinæ bonitatis ac potentiae consideratione, ac à validis illius promissis, & testata omnibus retrò sæculis in sperantes, in se munificentia, adeoque à prodiga illius infidentes manu, peti potest. audeat proinde sperare homo, maiora largietur Deus. nescit enim ab homine vinci Deus, omni humana confidentia & spe maior. prouocabit ergo se quisquis malo hoc tenetur, diuinæ bonitatis ac potentiae immensitate, profusaque in supplices fidentesque sibi largitate.

In Superiore verò fortiter iuuabit, si certò sibi persuaferit, munus sibi à Domino impositum, errare autem, aut fallere, aut

h h

falli

falli non posse in delectu suo Deum, nec in  
 interitum sed in salutem imponere, tātum-  
 que semper virium concessurum, quantum  
 oneris imponit; nec munificam antè dexte-  
 ram contrahere, quàm benignitatis ac po-  
 tentiæ suæ diffidentia laborare viderit ho-  
 minem. quod vbi senserit, auxilia retrahit;  
 quibus indignam diffidentem mentem, &  
 de diuina potentia, aut promissorum certi-  
 tudine dubitantem, tanquam aut non pos-  
 sit Deus, aut datam fidem fallat, arbitrat.   
 cū vtrumque alienissimum à bonitatis ac  
 potentiæ infinitate sit, quo sit vt iustam il-  
 lius iram, auxiliorūque destitutionem  
 meritò prouocet. medebitur huic malo pu-  
 sillanimus, si in magnam se spem potentiæ  
 ac diuinarum sponsonum erexerit, tam  
 certus de consecutione, quàm fortis de fi-  
 ducia fuerit.

Dicet fors ex hoc numero Superior ali-  
 quis, cū se vndique senserit innumeris  
 propè difficultatibus circumfessum, ac tan-  
 tū non insepultum, Quis tantis vno tem-  
 pore occurrentibus, cū noua veteribus  
 fecundo malorum germine innascentur,

suf-



sufficiat: mille modis temporalium sollicitudine discrucior, mensque spiritualibus intenta in diuersum & ad orationum alienissima, rapitur. additur comparandarum facultatum sollicitudini, amittendarum maior etiam metus. sed & domesticæ non raro angustia implexam mentem tenent, semper dubiam, semper incertam, pendulam, & ad non pauca minus religiosa impellunt. potes suada necessitas, fortis orator inopia est, nec minor egestatis metus. Accedunt priuatæ difficultates: multorum à recto bonoque, veterique instituto, moribusque, & à primæuo maiorum spiritu deflexio. hic iudicem ignemque ferrumque etiam in extremis & perimentibus perhorrescit: ille medicam omnem Superioris manum auersatur: iste nō tantum medicam, sed & clementissimi patris dexteram indignabundus repellit, non vinum, non oleum à Samaritano propinatum admittens. alius nec matris quidem vbera solo lacte manantia suscipit. sunt qui mansuetudine iuxta ac seueritate indurescant. exasperantur nimirum in his à quacunque manu vulnera morbi que.

Quid agat Superior tot vno tempore  
malis obsessus, cum in triginta inferioribus  
triginta diuersorum morborum genera nu-  
meret? quis vnus tot mutuo aduersantibus  
medebitur, aut in tam pugnantes se formas  
vertat? hic hilaritatem, ibi mœrorem, alibi  
maturitatem, seueritatem, & exinde amœ-  
nitatem ac lepores præ se ferat? mollia du-  
ris, lata tristibus, calida frigidis, amara sua-  
uibus, mella nimirum felle, quis docta ma-  
lis mederi manu misceat? aut adeo inuicem  
aduersantium quis vnus vno non raro die  
horæque conditiones induat? quis verò nõ  
indignetur tot sæpe laboribus, vigiliis, mo-  
nitis, studiis, precibus, lacrymis, optatos spe-  
ratosque non respondere euentus? è semen-  
te bona tot zizaniorum acervos, tot è cul-  
tissima vite labruscas, tot è fecundo ger-  
minis boni trunco, spuria vitulamina non a-  
ctura radices, nec in posteritatem itura, sed  
& infortunato ferè exitu fusos labores clau-  
di? & ingratisima spongia detergi? nullòq;  
spiritualium emolumento annos annis  
tanquam infelicitatis matris, infortunatam so-  
bolem succedere? & cum in orbem recur-  
rant

rant labores, frustrari semper optatis? toties eadem inculcari, mollibus, acribus, lenibus, fortibus nec meliore euentu, quàm si Æthiopas laues? Adde, post hæc omnia, promesse horreo Dominico inferenda, pro laude, & gratiarum actione, pro gratulatione, & mutui amoris ac beneuolentiæ redhibitione, oblocutionum ac detractionum plena plaustra, animùmque ingratum, odiòque, dolo ac maleuolentia plenum, inuidiàque natantem.

Gravia hæc sunt, si se viresque suas Superior intueatur. vt non immeritò desperet de euentu, & post nequidquam tentata remedia, deponat ægri sui curam, committatque fortuitis naturæque morbum, nec vltra manum extendat in curationem: seque etiam adeò, si alia omnis elabendi via desit, in alta recondat cremo, vt sibi Deoq; viuat.

Verùm si oculos coniecerit in Deum, pudebit illum cogitationum harum. conferat proinde sudores, lacrymas, Christi sui sanguinem cum suo. videat quàm prodigè illa Christus fuderit, quoties calcata ingrato humano pede, quot millibus frustra fluxe-



rint, quoties totis regnis irrita crucis vuln-  
ra steterint.

Seipsum deinde Superior intueatur, ad-  
lescentię, ac fors maturioris etiam ætatis cri-  
mina, teporem, ignauam negligētiā, pro-  
stratamque ac supinam socordiam; quoties  
pulsantem monentemque Dominum ne-  
glexerit; quā male innumeris in se nullo  
suo merito collatis beneficiis responderit;  
quoties illius immemor sanguinis per varia  
vitiū genera volutatus, nequidquā mi-  
nitante, increpante, inuitanteque ad melio-  
ra Deo, promissis etiam nouis vetera dona  
sua onerante, surdas aures præbuerit; & eru-  
bescet ad ingrati animi sui, cælo terrisque te-  
stata documenta. & non mirabitur suorum  
ad monita sua ignauum neglectum, qui du-  
ra toties ceruice Dei monita excusserit.

Cogitet etiam nihil sibi de labore deperi-  
re. sequantur, impugnētūe monita inferio-  
res; manet Superiori cælo merces reposita  
magna nimis, tantoque; manet maior, quanto  
difficilioribus colluctatur. neque enim ab  
euentu, sed à voluntatis & amoris magnitu-  
dine merita donaque metiri sua solet Deus.

De-

Denique magnam se in spem erigat bonitatis diuinæ, certus pro fidei ac spei magnitudine cogitationes cessuras. gaudet humana fiducia Deus, & complacet etiam sibi in illa, delectaturque prouocari in dona, & munificentia suæ nubes magnæ fidei impulsu concuti, quò illas resoluat in imbres, & lata liberalitatis suæ maria.

## CAPVT LI.

*Impatientia in aduersis.*

**S**ive è laboris tædio, ex innata ignauia & storpore, siue è mali magnitudine, aut è desperatione profectus ac felicioris exitus, aut victoriæ consequendæ, siue è fiducia in diuites Dei sponfiones languore; aut virium denique suarum, aut cælestis auxiliij diffidentia nascatur; non vltimum malorum est. Hinc enim indignationes exurgunt, odiaque siue in eos quos scimus, siue quos auctores arbitramur, & sæpe innocentiam impetimus, & ea in innoxia capita struimus, quorum meritò æternum pœniteat. qui error nulla plerumque industria corrigi potest.

test, cūm damna ea data sint, in quibus fera omnis emendationum cogitatio est, quæque nulla pœnitundine ac lacrymis elui, nullo pretio reparari possunt.

Iam si damni illati auctor innotuit, grauius etiam insurgimus. nec iure an iniuria acceperimus, examinamus; satis in vindictâ, & fouenda odia est accepisse. ita ferè omni ratione viduata impatientia est. atque hinc temerarij profiliunt ausus. pericula damnaque nulla sunt, si vindictæ locus cōceditur. etiam per latus proprium, quisquis hoc malo tenetur, gaudebit alterius peti posse: & suaue illi ferrum est, si eodem cadat hostis; molle telum, si vtriusque configat pectus.

Quid? quod furori proxima omnis impatientia sit, & belluarum veriùs more quàm humano fertur in præceps, vt præcipitia & surgentia cælo saxa planities illi sint, si hostē in valle viderit; maria, torrentes, si in litore aduersarius steterit. ita non suo ducitur, sed alieno rapitur impetu: neque talis in aduersarium it, sed ventorum more cæco proruit impetu.

Accedit impatientia non rarò comitem esse



esse pusillanimitatem. cùm enim aut mali magnitudine vincitur qui patitur, aut ignoratus damni illator, aut vindicta maior, aut nullus vindictę modus; labimur ferè in merorem & languorẽ, in vitę tedium, in mortis cupiditatẽ. mori enim delectat, cùm viuere pigeat: hinc morbi intima quęque & robustissima depascentes. sed neque ferro parcimus, bis impij. aut sanè contabescit homo, & nullum iam corpus, sed corporis sui vmbra quędam est.

Perpetuis deinde cor pulsatur anxietatibus, hæretque ad omniã pauidus animus, & ad turissima quęque contremiscit. nec sibi satis fidit: carissimos quosque & antè amicissimos inter hostes numerat: vt nusquã turta sit illi fides, nulli se credat, cùm in omniũ oculis fraudes legat, in omnium ore venena, in omnium manibus ferrum, in omnium fronte hostem.

Perit ex hinc illi omnis meriti corona, omnis præmij brauium, omnis triumphij gloria. æterna an peritura proponas, iuxta habet. mercedem sponde; mercedis omnis contemptor est, æternatura propone gaudia;

dia; somnium illi gaudia sunt, & omnes celestium diuites sponſiones: cū nihil videat præter malum suum, nihilque cogitet præter vindictæ modum. quin adeò, propone Deum; credes maioris illum facere grauitatem qua premitur mali, quàm aut illius offensam, minas, pœnas; aut præmia & gloriam. Imò cū è re nulla aliâ maior honor quàm ex aduersantibus paretur; quod illi in salutem cœlitus concessum erat, vertit in interitum, medicamenta in venenum. misera omnino conditio, cū quæ in vitam diuite Dei manu porrecta erant, in mortem commutantur.

Omnis etiam se talis prudentia spoliât, prouidentia nudat. neque enim statui prudenter prouideque aliquid potest, quàm diu impatientia occupauit mentem; nō anteueri mala, non præsentia executi, non futura præcaueri possunt. quare in mille se talis conijcit discrimina, quorum fuga & euitatio compositam præsentemque sibi animum iactationibus vacuum deponcit.

Re-

*Remedia.*

**P**Roderit in primis frequēter secum meditari, magna illum sperare aut promittere non posse, quem aduersa non erudierunt. lecto, puluinariis, mollibusque assuetus, mollia dabit, nec manum ad magna extendet. ardua virtus poscit, & extritum per aduersa pectus. vis viro & calo digna? duris, inamoenis, difficilibus assuesce. callum nimirū antè per aduersantia obducatur, quisquis æternam salutem cogitat. adeoque quisquis pacatam vitam desiderat, durioribus antè mentem exerceat, ne fortuitis turbetur, ne incurrentibus obteratur, ne cedat malis, sed contrà audentior eat, ut nimirum animos ab aduersis mutuatur, audeatque vltro provocare fortunam, ab amica illa, aut inimica manu veniat. nam quid refert ad gloriam & laudem, hostis oppugnet apertus an tacitus? qui inimicitiam factis verbis; an qui amicitiam verbo, hostilitatem rebus profiteretur? utrimque vulnera sunt, fluit ab utroque ferro sanguis. nisi quod grauiora ex insidijs, & amica manu cadant; quia inopinata, & inermi ferè pectore accepta. eo laudis & me-



riti materies maior. Nam illa, Non putabā,  
non exspectabam ab hac manu, post tot a-  
micas dexterās inimica exurgere arma, ho-  
stilia tela ab amica pharetra; ab ignauo pe-  
ctore & ore veniunt. & quid refert à qua  
manu veniant mala? animum antè para, &  
cogita ab omni posse euenire quod ab ho-  
ste venit, posset tibi accidere quod Amasæ  
Ioabi ferro. & quot iam inde à Iudæ osculo  
in Domini iugulum surrexerunt?

Quid si Superior sit qui infert, quid si in-  
ferior? à patre in filium, à filio in patrem? &  
quoties à primordio creature in creatorem  
insurgunt? quoties tu in Dominum, Iudi-  
cem, Regem, Patrem? in Conditorem, Re-  
demptorem, in Deum: te ipsum proinde in-  
tuere, post tot beneficia creantis, cōseruan-  
tis, redimentis, sanguinem fundentis, amā-  
tis, adoptantis, cælorum hereditatem spon-  
dentis Dei: post omnibus retrò sæculis pœ-  
nas minitantis, & aeternum inter perennā-  
tes flammās minitantis Dei. post cælorum  
excidia, ignium sæuitiam, dæmonum carni-  
ficinam nullo æuo ponendam, nullo miti-  
gandam. & insurgis tamen, & ferrum audes  
strin-

stringere, & iterum flagra, columnam, spinas, crucem, clauos, vulnera intentare. facit hoc quisquis calcata Dei voluntate, imperio spreto, letali se scelere inuoluit: & toties facit quoties se illo inuoluit.

Quid si Superior sit qui patiatur, à quacunque manu; cogitet illud Bonauenturae de 6. alis. c. 5. *Per has aduersitates Prælatus à puluere peccatorum purgatur, quem contraxit ex humana infirmitatis surreptione.* Iac. 3. *In multis enim offendimus omnes; & in pluribus negotijs, plures negligentia sæpe fiunt, à quibus necessum habent hic purgari Prælati, ne illic durius puniantur; iuxta illud: 2. Re. 7. Si iniquè aliquid gesserit, corripiam eum in virga virorum, & in plagis filiorum hominum: per has etiam dum deprimitur, à tumore superbiæ custoditur: quæ potentibus periculosius insidiatur, dum & sublimitas officij, & libertatis licentia, & boni operis placentia, facile mentem eius extollerent; nisi aduersitatis iugum collum presumptionis eius humiliaret, & sic à superbiæ voragine defensaret.* custos enim salutis & profectus boni rectoris est humiliatio aduersitatis, sine qua eum successus prosperitatis citò eleuasset in ventum presumptionis. Vnde David secundum cor Dei electus,

quando premebatur aduersis, deuotissimus fuit & humilis; quando autem extollebatur prosperis, incidit in culpam elationis, ipso attestante, cum dicit, Psal. 112. Bonum mihi quia humiliasti me, ut discam iustificationes tuas.

Si inferior est qui impugnatur, cogitet Primò, per hæc viam sterna ad magna. Secundò, parari animum in aliorum subsidium & incoerentium solamen, iacentium ac prostratorum erectionem. Tertiò, magni meriti materiam subministrari. Quartò, magnam animo tranquillitatem ac malaciam parari, dum per has iactationes roboratur, & assuescit duris, & vsu ac consuetudine quædã paullatim familiaritas cum aduersantibus intercedit. Quintò, crescere his tacitè spiritum ac roborari, iuxta illud Mat. 4. Sic est regnum Dei, quemadmodum si homo iaciat sementem in terrã, & dormiat, & exurgat nocte & die, & semen germinet, & crescat dum nescit ille.

Iuuerit verò plurimum, Christi, Diuæ Virginis, Sãctorum cælo ascriptorum mores vitæq; sæpiùs repetita. hæc enim animos firmabit, & aduersantibus maiores dabit, sperata etiam promissaque cælo præmia.

qua-



quare cū aut aduersi aliquid intercurrerint, aut impatientiæ motus insurrexerint, Christi tui fusum pro te sanguinem, verbera, vulnera crucemq; cogita; & non magno negotio sæuientes animorum fluctus compesces: maximè cū ab orbe toto delectam sibi gentem tot beneficiorum prærogatiuis, iam inde ab exordio cumulatam, crudelissima pati videris. quin adeò, post tot beneficia in te manu collocata, vt opprimi ac inspeliri beneficijs potueris, non cessas diurnis diuinorum mandatorum transgressionibus, vindicem in te Dei dexteram prouocare; & parcit ille tamen, & perfert scelera, nec iudicem statim manum extendit. miseretur potiùs, & meliora exspectat parcere facilis, ac maioribus etiam post seriam pœnitudinem bonis exornat.

Consultum fuerit sæpiùs illud memoria repetere. Paral. 15. *Confortamini, & nō dissoluātur manus vestræ: erit enim merces operi vestro. Quæ manus, Bonauen. de 6. alis, c. 5. teste, instantia sunt in agendo, & patientia in sufferendo quod grauat. quæ si non dissoluantur per desidiam seu intolerantiam, merces æterna ei cumulabitur.*

† Re-

† Referendum hoc caput ad librum secundum post  
caput 2. folio 190.

*Curiosior inuestigatio imperfectionum Superiorum.*

**Q**Veres magnam animi inquietudinem  
ingenerat, ingentium turbarum caus-  
sa; cum curiosior hæc inuestigatio, tanquã  
validis aduersantibusq; ventis, mentis ma-  
laciã ac tranquillitatem euertat, perpetu-  
isq; quibusdam flatibus fluctibusque se-  
renitatem turbet, ac è sede sua depellat, ne-  
que enim stare in illa mente tranquillitas  
potest, quæ perennibus iactatur motibus,  
curiosioreq; inuestigatione continua ia-  
ctatione concutitur. vt taceam contemptũ  
paullatim Superiorum nasci. Neque enim  
fieri potest, quin aliqua nonnunquam mi-  
nus per omnia laudanda, quædam fors etiã  
damnãda solers disquisitio, ingeniosa sem-  
per in malum, repertura sit. neque enim a-  
deò numeris omnibus quemquam absolu-  
tum reperias, quin aliquid emendandum  
deprehendas. vt nulla fuerit ætas, quæ non  
in maximis etiam viris aliquid semper pu-

traverit ignoscendum, tanquā in medio die  
pertenuem subterlabentem soli vaporem  
qui nec illius repercutiat radios, nec lumen  
obnubilet. Nam illam omnium perfectio-  
num accuratorem quæ nullam veniam  
mereatur, nulloq; nāto aut pulvere asper-  
sa sit, vouere possumus, sperare prudenter  
homines non possumus, & alterius illa, non  
huius vitæ exempla sunt.

Iam ita ferè natura comparatum est, vt  
cū è curiosiore indagatione, in intima Su-  
periorum adyta assidui scrutatores deuene-  
rimus; plus possint ad contemptum mo-  
dica vitia, quàm magnæ ad venerationem  
virtutes: cū ferè deterrima quæq; fortiùs  
oculos repercutiant, altiusque in animum  
dimittantur.

Ac primò, aliquid antè conceptæ vene-  
rationis deponimus, inde augustissimæ pri-  
us laudata, tenuiter ac quasi per capillum  
tangimus: ad aliorum exinde laudes silencio  
mentem prodimus, damnamus denique, &  
in apertas prorumpimus detractiones. ita  
non contenti sumus improbanda vidisse,  
spargimus, adeoq; sub lingua calamisque  
cres-



crescunt vitia, & in elephantem culices abeunt, in gigantes exurgunt pygmei. Vnde fit vt omnis Superiorum auctoritas corruat, & pro veneratione contemptus sequatur, pro obsequendi studio, quod plurimum opinionibus innititur, obedientiæ neglectus suboriat. cumque nihil tam potentes obedientiæ stimulos addat, quam altè imbibita animo Superiorum veneratio; hanc autem nihil adeo minuat, atque curiosior auditissimarum imperfectionum perscrutatio; fit vt hac vna obedientiæ nerui penitus secentur, utque sua iam cuique voluntas pro maiorum imperio sit. quod vbi fit, quidquid in Religione summum erat, & obedientiæ viuentis, in mutuum robur contra procursantes inimicas acies stringebatur ac firmabatur, dilabatur, & magnum illud Religionis propugnaculum, tanquam disruptis aggeribus, diffluit. Sed neque domesticis hæc parietibus continentur, cum nihil pronius elabatur, quam si quid imperfectionis in Superiore notatum fuerit: & gloriamur etiam interdum, tanquam soleites vitiorum quæ alios latuerant, repertoires. præmiū-  
que

que noxiæ huius indagationis, euulgatio  
vitiatorum est: quæ vniuersæ familiæ quan-  
tum damnorum adferat, nemo paullo pru-  
dentior non videt. cum æstimationis famæ-  
que in Superiore diminutio, omnia simul  
metuenda secum trahat. Nam vbi quæ late-  
bant, aut magnarum virtutum ymbra vitia  
tegebantur. produntur, & in omnium ore  
calamoque incrementa sumunt; nequid-  
quam magna speraueris, cum opinionibus  
ferè humana peragantur: quam qui iustule-  
rit, proditor factus secretorum, omnem be-  
ne feliciterque agendæ rei occasionem a-  
demerit; cum fidem, auctoritatem, venera-  
tionem, prosperioris imperij fulcimenta, tã-  
quã vna falce demetat, spemq; in his omne  
non in herba tantum, sed in radice præscindat.

Huc accedit quædam in Superioribus a-  
nimorum deiectio ac pusillanimitas. cum e-  
nim minutissima abditissimaque sua solis-  
que parietibus nota obseruari studiosius vi-  
dent, ac in ingentes montes tenuissimas at-  
tollunt verrucas, virtutes tegi, aut æmula simu-  
latione transiri, ingentiaque naturæ ac Dei  
dona emulationibus liuoribusque in-  
sepeliri,

sepeliri, minima vitia in immensum supra  
verum tolli, perque omnium linguas char-  
tasque spargi, infelicibusque augmentis in-  
densa nemora, noxiorum zizaniorum mo-  
re, raros frutices succrescere; cadunt ani-  
mis, concreditaque sibi domestica externa-  
que negligunt, ac in ignauam quandam, ex  
alacri accensaque degenerant vitæ ratione  
sibi iam ipsis dissimiles: vt prior ille ignis pe-  
toribus clausus, magnarumque cogitatio-  
num succentor concreseat in densam gla-  
ciem, in Noricum quoddam frigus: & prior  
illa animorum alacritas, fortes ausus, men-  
tis erectio, generosi pectoris flammæ, in ig-  
nobiles delabantur cineres, in languidum  
teporem, in vmbas, in fumum, & pro dig-  
nissimis posteritate cogitationibus, ingens  
animi meror & melancholia succedat, illu-  
strium inimica moliminum, qua quidquid  
generosioris erat mentis emedullatur, ac  
tanquam succisis ad vitium neruis delum-  
batur.

Grauiæ hæc sunt, & ad vltima vltimæ de-  
sperationis recta via impellentia. è tam te-  
nuibus initij tam magna, tam Religionibus  
noxia



noxia, tam nulla postmodum arte emendanda. nihil hîc nouum. nam & vulpeculæ paruulæ demolîuntur vineam Dei Sabaoth, & validissimarum fundamenta vrbium nō semel à muribus euersa legimus, etiā à formicis. & tineæ quanta robora exedunt? æruginē sanē ferrum exeditur quod ignibus stabat illæsum. ita à minimis maxima corrumpunt. à molli stillicidio ingentes fatiscunt rupes, à tam lenta mollitudine Oceani propugnacula & claustra. quis credat, ni res ipsæ loquantur? quare nisi curiosiores hi minutissimorum in Superiore scrutatores, in robustissimum inciderint, & Hercule aut Samsonē natum pectus, quod aduersantibus indurescat, roboretur, ac seipso fiat maius, quodque in non postrema felicitate ponat, tales nactum se fuisse, acuendis viribus cōtes; quod deniq; ita mores vitamq; omnē composuerit, tanquam in solis inimicorum oculis, ac inter hostilia arma viueret; omnis omnino magnarum rerum spes funditus euanesceret. Tales verò quanti sunt? nescio an centesimus quisque cōtemnat scorpiacas has caudas, viperarum ex insidijs detes;

res; aut arborum instar aquilonibus hisce  
firmetur; aut prævalidarum rupium more i-  
rata hæc contemnat maria, & procurstantes  
fluctus, cogatque interritus iras minasque  
suas bibere. rara è nimium in humanis pec-  
tora, chalybe aut adamante nata! cum  
plerumque omnes æmulis his observationi-  
bus, prostratis prolapsisque in solidum viri-  
bus, corruant, ac animam etiam mœroribus  
tanquam torcularibus expressam, per igna-  
ua vestigia ponant. adeo nec robore pleni,  
viridi etiamnum iuuenta, aut ætate & pru-  
dentia firmati, his optimorum quorumcun-  
que blattis ac tinea diu resistere possunt, aut  
stare incolumes; ac inambusti, integraque  
fama & pectore per calcatas hæc venena-  
rias curiositates vitam tolerare. eo magis quo-  
curiosi hi disquisitores plerumque de corde  
& cerebro suo mutuuntur quod Superiori  
adnectant. premuntur occultis vitiis iisdem  
teneri Superiorem quia vellēt, arbitrantur:  
innatant abditis animorum imperfectioni-  
bus? iisdem innatare fluctibus quia vellent,  
putant Superiorem. infelices natatores so-  
cios sibi quia vouent, inuenisse credunt: at  
in

in nullos magis quàm in Superiores feruntur; excusatione nimirum digni, si suis vitijs Superiores inuoluerint. Et cum non raro quæ præferuidè valideque facta vellemus, euenisse credamus; fit vt vitia nostra in Superiorum frontibus legamus. non quòd inspulta illi sint vestibulo, sed quòd è nemo-  
re nostro decerpta, in alienum agrum zizaniorum talium inassuetum, noxia hæc semina transferamus: quod si quæ externa in Superiore licet tenuissima vitiorum quorundam domestica nobis signa vidisse in animum induxerimus; à decem passuum millibus damnanda euocamus, & è nostro illos ingenio moribúque metimur. quid? quod frequenter in sinistram omnino partem & alienissimam ab auctoris mente verba resque flectamus. ita in alieno ore, manu, sanguine, vita, fama ludimus, & quidquid vel capillo vitia nostra refert, in testatissimam alienorum vitiorum seriem transcribimus. Grauis omnino res, molestiarumque ac periculorum plenissima, quæ ingentes deponcat animos, ac humanis propè maiores, ac non nisi præualida Dei manu sustinuitos.

Re-



*Remedia.*

**N**on hominem in Superiore vitij obnoxium, sed Dei cuius vices gerit personam intueri. hanc in illo venerari, & hanc solam. Qua in re imitandi sæculi mores, neque enim in regio legato priuata vitia quidquam de veneratione adimunt: cum in hoc non Petrum aut Paulum domesticis vitij inuolutum, sed Regem intueamur, cuius vicarias vices cum obeat, regio illum cultu & obsequijs dignamur.

Hominem illum cogitare, errare posse. neque dignitates vitia minuunt aut tollunt, augent magis & ostentant quæ antè latebant, nam quæ priuata vita tegebat tanquæ abdita aut altè recondita terris, ea publica omnium oculis prospectanda proponit. quin imò ipsa munia amplâ vitiorum materia suppetunt: & quæ in semine suo mortuis similia torpebant, aut ignauo quodam sopore elisa iacebant; accedente dignitate exurgunt in herbam, in frutices, in arbores, in plenam patulamque vitam.

Ad omne Superioris vitium, sua propiè  
in-

intueri. grauiora diligens seriufque difquifitor reperiet domi fuæ: quæ fors fi compofuerit cum illius, feftucas in illo, trabes in fe reperiet.

Statuat apud animum fuum vnufquifque in Superiore, quod ab alijs in re fua veller. ignofci vitijs fuis defiderat? eadem vtatur regula in Superiore: maximè cum maior dignitas ac potestas maiorem malorum materiam suggerat. ferè enim plus potuiffe, plus feciffe fuit.

Nifi apertiffima in Superiore viderit, nunquam firmet iudicium, ac illa ipfa in benigniorem femper partem interpretetur. cum plurima in humanis occurrant prima fronte damnanda: quæ fi penitiùs depofito in alterutram partem affectu introfpiciantur, probanda non raro erunt, aut fanè clementiore longè cenfura notanda; fi non crudè dicta factaque, fed auctoris mentem intueamur. quod fi res excufationem non admittat, ad humanam naturam pronam ad vitia decurrendum, & è noftra ad varios lapfus facilitate, aliquid indulgendum alijs: digniffimi futuri cui reliqui ignofcat, fi nos erro-

ribus ignoscamus aliorum.

In testatis Superiorum vitis, ad Deum per frequentatas calidasque preces decurrendum, vltioneis etiam sibi irrogatis penis illi placendo, vt pulsus vitiorum errorumque tenebris, veris solidisque mentem illius virtutibus ornet illustretque, totumque hominem zizanijs in plenum radicibus euulsis, melioribus caloque ac munere quod tueretur dignis instruat.

Cogitet deinde quanta Superior in illo perferat, quanta molli spongia eluat, quanta prudenti simulatione transeat, quanta leui manu tangat, quanta mitiget & eleuet; cum hominibus imperare se sciat non angelis. maiore etiam facilitate in Superiore vtatur: cum æquius sit filium parentum ignoscere erroribus, quam parentes filiorum indulgere vitijs.

**F I N I S.**



Errata sic corrige.

~~p. 10. v. 7. obiectum lege abiectum. p. 75. v. pen. qua  
lege quæ. p. 84. v. 1. ordinatur l. ordinatum. p. 117. v.  
7. malis l. mali. p. 147. v. 5. à fine Sgargitur l. spargi-  
tur. p. 194. v. 11. via l. viæ. p. eadem v. 3. à fine infe-  
rior l. inferiori. p. 278. v. 6. Celentiam l. Celantiam.  
p. 195. v. 4. à fine reluctantur l. reluctanti. p. 392. in  
titulo deest &. p. 396. v. 1. audiat l. audeat. p. 490. v.  
4. à fine noxiam l. noxium. p. 508. v. 3. lege solius. p.  
533. v. 15. periculum l. periculorum. p. 557. v. 3. à fine  
rerè pro fere. p. 572. v. 4. refectio l. refectio. p. 638. v.  
9. ille l. illa. p. 648. v. 8. deffidentia l. diffidentia. p.  
656. v. 13. amplo l. ampla. p. 712. v. 1. probent l. præ-  
bent. ibid. v. 6. à fine fides l. fidei.~~

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.


hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.

hinc ignocantur a totis.








Biblioteka Jagiellońska



stdr0028498





Asci: Lat.  
No 41.